



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



100 A 14.

.....
Indian Institute, Oxford.

—•—
THE MALAN LIBRARY

PRESENTED

BY THE REV. S. C. MALAN, D.D.,

VICAR OF BROADWINDSOR,

January, 1885.



C. PLINII CAECILII
SECUNDI
EPISTOLARUM
LIBRI DECEM
ET
PANEGYRICUS.

AD
OPTIMORUM LIBRORUM FIDEM
ACCURATE EDITI.

EDITIO STEREOTYPA.

LIPSIAE
SUNTIBUS ET TYPIS CAR. TAUCHNITII.
1829.




INSTITUTIONAL

SECTION 1

1911

1911



1911

1911

1911

1911

1911

1911

1911

1911

V I T A

C. PLINII CAECILII SECVNDI

AVCTORE
CHRISTOPHORO CELLARIO.

Caius Plinius Caecilius Secundus municipio Como, ad Larium lacum in Transpadana sito, ortus fuit. Patria enim municipium erat IV, 13, 3., circa Larium lacum, quem ideo *suum* appellat II, 8, 1. et VI, 24, 2., iuxta quem villas amoenissimas possidebat IX, 7., qui situs *Comum* abunde designat, quod *delicias suas* I, 3, 1. vocat, ut nihil de inscriptionibus infra producendis referam, in agro et oppido Comensi repertis. Veronenses quidem ipse *suos* dixit VI, 34, 1., verum adoptionis lege, quia avunculus Plinius, adoptione pater, Veronensis fuit, ut post Onuphrii probationes vel unus lapis, in ripa Benaci inventus, et ab Reinesio Inscript. XI, 11. expressus, satis clare his verbis ostendit:

C. PLINII --- VERONENSIS

--- HISTORIARVM H. L. ---

Annum, quo natus fuit, non obscure indicavit, quum Vesuvio ardente duodevicesimum aë habuisse tradit VI, 20, 6., qui Titi Caesaris primus fuit, Dione Cassio memorante. Si addis novem annos Vespasiani, et unum,

ae quod excurrit, scenicorum principum; circiter sexto Neronis natum Plinium, et quum iste interficeretur, fere octennem fuisse apparebit. Pater C. Caecilius Comensis erat, de quo nihil reperimus, nisi quod eius gentis fuit, ex qua Caecilium, poetam tenerum, sodalem suum, et ipsum quoque Novocomensem, Catullus laudat carmine XXXIII. Mater Plinia, C. Plinii Veronensis, qui Naturalem Historiam reliquit, soror, quae amisso marito, in domo fratris mansit VI, 16, 4. et ep. 20., a quo filius adoptatus fuerat, V, 8, 5., qui ideo in nomen *C. Plinii Secundi* successit, quum antea Caecilius esset. Patrem Caecilium mature amisit, educatus cura matris et avunculi, nec non tutoris Verginii Rufi, II, 1, 8. Studiis impense a puero addictus adeo, ut decimo quarto aetatis anno tragoediam Graecam scriberet VII, 4, 2., Livium adolescentulus legeret VI, 20, 5., Ciceronem etiam adultus aemularetur IV, 8, 4., non contentus seculi eloquentia I, 5, 12., in cuius studio praeceptoris Quintiliano usus est II, 14, 9. et Nicete Sacerdote VI, 6, 3., ac in philosophia, praeter alios, Euphrate Stoico, quem in Syria miles audivit I, 10, 2. Nec alienus a poetis fuit VII, 4, 2. ingenium sortitus hilare ac poeticum V, 3, 2., cuius tum alia specimina dedit, in epistolis reliqua VII, 4. et 9. tum maxime Hendecasyllaborum librum IV, 14, 8. Sic indole capacissima omnium literarum, et inexhausto labore, id tandem consequutus fuit, ut omnes eruditi illum amarint I, 13, 6. eumque ac Tacitum pro doctissimis suorum temporum haberent VII, 20, 5. et IX, 23, 3. Recitationes in primis urgebat propter multiplicem usum V, 3, 8., nec ipse solum aliis auditor frequens aderat I, 13, 6. VIII, 12, 1., sed sua quoque poemata recitabat V, 3, 7. IX, 34. etiam actiones seu forenses orationes II, 19. et Panegyricum Traiano dictum III, 8, 4. Orator clarissimus fuit, ut nemo facile illi praeferatur. Nam undevicesimo anno dicere in foro coepit V, 8, 8. et per omnem aetatem causas egit

tam apud Centumviros I, 18, 3. et IX, 23, 1., quorum iudicia *suam arenam* vocat VI, 12, 2. etsi indignas aepe eius ingenio erant II, 14, 1., quam in senatu nobiliores, ut contra Baebium Massam VII, ult. Caecilium Classicum III, 4. et 9. et Marium Priscum II, 11. ac pro Iulio Basso IV, 9. et Rufo Vareno V, 20., quas in summam collegit VI, 29, 8. sq. Honores gessit amplissimos. Fuit enim quaestor Caesaris VII, 16, 2., Tribunus militum III, 11, 5., Tribunus plebis I, 23, 2. et P. 95, 1., Praetor III, 11, 2. et VII, 16, 2., Praefectus aerarii Saturni V, 15, 5, P. 92, 1., Praefectus aerarii militaris (de quo VII, 14. n.), Inscript. Consul III, 13, 1. et ep. 18, 1. et P. 91., Augur IV, 8., Propraetor provinciae Ponticae consulari potestate X, 77. n. et Inscript., Curator alvei Tiberis V, 15, 2. n. et Inscription. Matrimonium bis contraxit: de priore nihil exstat ante viduitatem IX, 13, 4.; alterum cum Calpurnia iniit, Calpurnii Fabati ex filio nepte, IV, 1, 1., quae abortum fecit VIII, 10., nec alio partu maritum beasse legitur: ipsa vero docta et studiis exculta IV, 19, 2. et VI, 7, 1. mariti, quamquam aetate maioris, amantissima IV, 19, 2. et 5. ita ab amita Hispulla instituta, ibidem 1. et 6. Pater enim pridem decesserat V, 12, 2., cuius memoriae porticum avus dedicavit V, 12, 1., ipse vero avus, quum in Bithynia Plinius cum uxore esset, mortem obiit X, 121., postquam senectutem in Transpadana exegerat VII, 16, 3. Frugalis et abstinens Plinius fuit II, 4, 3. et ep. 6, 4., ut voluptates etiam studiis condiret IX, 36, 4. et inter venandum stunderet I, 6. V, 18, 2. IX, 36, 6., nec vero minus diligens pater familiae, qui praedia sua mirifice tum coluit, tum aedificavit, quod de Laurentino ipse narrat II, 17.; de Tuscis V, 6.; de Transpadanis ad Larium IX, 7., quam industriam et aliis praediis suis, V, 6, 45. enumeratis, adhibuisse non dubitandum est. Mitis in servos I, 4, 4., adeo ut nullos *vinctos* haberet III, 19, 7. suisque *domum* *permitteret instar civitatis* esse, ac *peculium*

morte ad familiares transmittere VIII, 16, 2. In nou tam ex legum rigore, quam aequitatis mod sequebatur II, 16. et IV, 10. redemptoribus rem ob sterilitatem faciens VIII, 2. et X, 24, 5. M in primis, quod variis operibus ostendit. Te enim Tifernatibus extruxit pecunia sua IV, aedem Cereris in praediis suis IX, 39. Patriae partem in praeceptores publicos dedit IV, 13 ingenuis pueris alimenta annua constituit I. Etiam bibliothecam patriae publicam dedicavit II, 5. Praeterea in multos privatos admodum libe Curianum Cratillae filium, cui legatum remisit V Voconium Firmum, cui census equestrem sup. 19., in Martialem, quem viatico iuvit III, 21 Artemidorum philosophum, cui urbe exceder quae Domitiani saevitia fuit, pecuniam, qua op a locupletibus negatam, ipse mutuatus, gratuitar III, 14, 2., in Quintiliani praeceptoris filiam dotem auxit VI, 32., in Corelliam, cui agrum pretio vendidit VII, 11. et 14., in Calvinam, cu debita remisit II, 4, 2. His moribus omnium benevolentiam conciliavit, Traiani in primis, apu gratia valuit, qua ad aliorum magis commodat, ad sua ususest. Multa enim multis impetravit, p nis ius civitatis X, 4. et 6.; libertis ius Quiritium 106.; Voconio Romano condiscipulo ius trium rum II, 13, 8. et senatoriam dignitatem X, 3, 2 Surae praeturam X, 7., et aliis alia. Amicitiam cu mo quoque coluit, etiam periculo suo III, 14, 2. sc me cum literatis et studiorum sociis, in quibus T primo loco, et prope unum habuit, quem e v mularetur, quod paullo maior aetate erat, VII quem etiam ingenio, doctrina, honoribus estac tus, isque vicissim tanti Plinium fecit, ut libi emendandos ei crederet VII, 20, 1. Hi duumvi cipatum in literis tenere, ut una nominarentur *de studiis sermo esset* VII, 20, 5., in hos coniect

vetur, si de doctis non nominatis esset ferenda lX, 23, 3. Ceterorum amicitiae epistolis illustratae sunt. Corpore fuit imbecillo et minus robusto, quod *corpusculum* Traianus dixit X, 29, 1., et intentius causam orantem per libertum admonuit, ut lateri consuleret II, 11, 15. Aliquando lippitudine laboravit VII, 21, 1., honestissimis causis, lucubrationibus contracta, quibus et ceterae imbecillitates maiorem forte partem impu-
tandae sunt. De morte nihil certo constat: simile autem vero habetur, per plurimum imperii Traiani tempus, aut paullo ultra, vitam produxisse.

C. PLINII CAECILII
SECUNDI
EPISTOLARVM
LIBER PRIMVS.

I.

Septicio Epistolarum opus, eiusdem hortatu collectum, dedicat.

C. PLINIVS SECUNDVS SEPTICIO SVO S.

Frequenter hortatus es, ut epistolas, si quas paullo accuratius scripsissem, colligerem publicaremque. Collegi, non servato temporis ordine, (neque enim historiam componebam) sed ut quaeque in manus venerat. Superest, ut nec te consilii, nec me poeniteat obsequii. Ita enim fiet, ut eas, quae adhuc neglectae iacent, requiram: et si quas addidero, non supprimam. Vale.

II.

Librum suum emendandum mittit.

C. PLINIVS ARRIANO SVO S.

Quia tardiozem adventum tuum prospicio, librum, quem prioribus epistolis promiseram, exhibeo. Hunc, rogo, ex consuetudine tua et legas et emendes: eo magis, quod nihil ante peraeque eodem ἔργῳ scripsisse videor. Tentavi enim imitari Demosthenem, semper tuum, Calvum, nuper meum, figuris duntax-

zat orationis. Nam vim tantorum virorum pauci, quos aequus amavit, adsequi possunt. Nec materia ipsa huic (vereor, ne improbe dicam) *supplicationi* regnavit: erat enim prope tota in contentione dicendi, quod me longae desidia indormientem excitavit, si modo is sum ego, qui excitari possim. Non tamen omnino Marci nostri *ἀνύθου* fugimus, quoties paullulum itinere decedere non intempestivis amoenitatibus admonebamur: acres enim esse, non tristes, volebamus. Nec est quod putes, me sub hac exceptione veniam postulare. Immo, quae magis intendam limam tuam, confitebor et ipsum me et contubernales ab editione non abhorrere, si modo tu fortasse errori nostro album calculum adieceris. Est enim plane aliquid edendum, atque utinam hoc potissimum, quod paratum est! (audis desidia votum) Edendum autem ex pluribus causis: maxime quod libelli, quos enimus, dicuntur in manibus esse, quamvis iam gratiam novitatis exuerint; nisi tamen auribus nostris bibliopolae blandiuntur. Sed sane blandiantur, dum per hoc mendacium nobis studia nostra commendent. Vale.

III.

Caninium occasione amoenitatum patriae hortatur, ut omitta rei familiaris cura, studiis se literarum a mortalitate vindicet.

C. PLINIUS CANINIO RVEO SVO S.

Quid agit Comum, tuae meaeque deliciae? quid suburbauum amoenissimum? quid illa porticus, verana semper? quid *πλατυστάδιον* opacissimum? quid Euripus viridis et gemmeus? quid subiectus et serviens lacus? quid illa mollis, et tamen solida, gestatio? quid balineum illud, quod plurimus sol implet et circumit? quid triclinia illa popularia? quid illa paucorum? quid cubicula diurna nocturnaue? Possidentne te, et per vices *partiuuntur*? Au, ut solebas, intentione rei familiaris oboundae, crebris excursionibus avocaria?

Si te possident, felix beatusque es: sin minus, unus ex multis. Quia tu (tempus est enim) humiles et sordidas curas aliis mandas; et ipse te in alto isto pinguique secessu studiis adseris. Hoc sit negotium tuum, hoc otium: hic labor, haec quies: in his vigilia, in his etiam somnus reponatur. Effinge aliquid et excude, quod sit perpetuo tuum. Nam reliqua rerum tuarum post te alium atque alium dominum sortientur: hoc nunquam tuum desinet esse, si semel coeperit. Scio, quem animum, quod horter ingenium. Tu modo enitere, ut tibi ipse sis tanti, quanti videberis aliis, si tibi fueris. Vale.

IV.

Laudata rerum copia in villis socrus suae, et servorum diligentia, illam ad sua praedia invitat.

C. PLINIVS POMPEIAE CELERINAE SOCRVI S.

Quantum copiarum in Otriculano, in Narniensi, in Carulano, in Perusino tuo! In Narniensi vero etiam balineum! Ex epistolis meis (nam iam tuis opus non est) una illa brevis et vetus sufficit. Nom, me hercule, tam mea sunt, quae mea sunt, quam quae tua: hoc tamen differunt, quod sollicitius et intentius tui me, quam mei excipiunt. Idem fortasse eveniet tibi, si quando in nostra diverteris. Quod velim facias: primum, ut perinde nostris rebus, ac nos tuis, perfruaris: deinde, ut mei expergiscantur aliquando, qui me secum ac prope negligenter exspectant. Nam mitium dominorum apud servos ipsa consuetudine metus exolescit: novitatibus excitantur, probarique dominis per alios magis quam per ipsos laborant. Vale.

V.

Mores subdolos M. Reguli caussidici ostendit.

C. PLINIVS VOCONIO ROMANO SVO S.

Vidistine quemquam Marco Regulo timidiorum humiliorumque post Domitiani mortem? sub quo

non minora flagitia commiserat, quam sub Nerone, sed tectiora. Coepit vereri, ne sibi nasceretur, nec fallebatur; irascebar. Rustici Aruleni periculum foverat, exsultaverat morte: adeo ut librum recitaret publicaretque, in quo Rusticum insectatur, atque etiam *Stoicorum simiam* appellat. Adiiicit *Vitelliana cicatrice stigmosum*. Agnoscis eloquentiam Reguli. Lacerat Herennium Senecionem, tam intemperanter quidem, ut dixerit ei Metius Carnus, *Quid tibi cum meis mortuis? numquid ego aut Crasso aut Camerino molestus sum?* quos ille sub Nerone accusaverat. Haec me Regulus dolenter tulisse credebat, ideoque etiam, quum recitaret librum, non adhibnerat. Praeterea reminiscebatur, quam capitaliter ipsum me apud centumviros lacesisset. Aderam Arionillae, Timonia uxori, rogatu Aruleni Rustici. Regulus contra. Nitebamur nos in parte causae sententia Metii Modesti, optimi viri: is tunc in exilio erat, a Domitiano relegatus. Ecce tibi Regulus, *Quaero*, inquit, *Secunde, quid de Modesto sentias*. Vides, quod periculum, si respondissem, *bene*: quod flagitium, si, *male*. Non possum dicere aliud tunc mihi, quam deos adfuisse. *Respondebo*, inquam, *quid sentiam, si de hoc centumviri iudicaturi sunt*. Rursus ille, *Quaero, quid de Modesto sentias*. Iterum ego, *Solebant testes in reos, non in damnatos, interrogari*. Tertio ille, *Non iam quid de Modesto, sed quid de pietate Modesti sentias*. *Quaeris*, inquam, *quid sentiam?* *At ego ne interrogare quidem fas puto, de quo pronuntiatum est*. Conticuit: me laus et gratulatio sequuta est; quod nec famam meam aliquo responso, utili fortasse, inhonesto tamen, laeseram; nec me laqueis tam insidiosae interrogationis involveram. Nunc ergo conscientia exterritus apprehendit Caecilium Celerem; mox Fabium Iustum rogat, ut me sibi reconcilient. Nec contentus, pervenit ad Spurinnam. Huic *suppliciter, (ut est, quum timet, abiectissima)* Rogo,

inquit, mane videas Plinium domi: sed plane mane; neque enim potius ferre solitudinem possum; et quoquo modo officias, ne mihi irascatur. Evigilaveram. Nuntius a Spurianna: Vemo ad te. Immo ego ad te. Coimus in portionum Liviae, cum alter ad alterum tenderemus. Exponit Reguli mandata, addit preces suas, ut decebat optimum virum pro dissimillimo, parce. Cui ego: *Dispicias ipse, quid renuntiandum Regulo putes: te decipi a me non oportet. Exspecto Mauricum, (nondum enim ab exilio venerat) ideo nihil alterutram in partem respondere tibi possum, facturus quidquid ille decreverit. Illum enim esse huius consilii ducem, me comitem, decet.* Paucos post dies ipse me Regulus convenit in praetoris officio: illuc me persequutus secretum petit. Ait, *timere se, ne animo meo penitus haereret, quod in centumvirali iudicio aliquando dixisset;* quum responderet mihi et Satrio Rufo: *Satrius Rufus, et cui est cum Cicerone aemulatio, et contentus non est eloquentia seculi nostri.* Respondi, nunc me intelligere maligne dictum, quia ipse confiteretur: ceterum potuisse honorificum existimari. Est enim, inquam, mihi cum Cicerone aemulatio, nec sum contentus eloquentia seculi nostri. Nam stultissimum credo, ad imitandum non optima quaeque proponere. Sed tu, qui huius iudicii meministi, cur illius oblitus es, in quo me interrogasti, quid de Metii Modesti pietate sentirem? Expalluit notabiliter, quamvis palleat semper: et haesitabundus inquit, *Interrogavi, non ut tibi nocerem, sed ut Modesto.* Vide hominis crudelitatem, qui se non dissimulet exsuli nocere voluisse. Subiunxit egregiam causam: *Scriptis, inquit, in epistola quadam, quae apud Domitianum recitata est, Regulus omnium bipedum nequissimus; quod quidem Modestus verissime scripserat.* Hic fere nobis sermonis terminus. Neque enim volui progredi longius, ut mihi omnia libera servarem, dum Mauricus

venit. Nec me praeterit, esse Regulum ~~dux~~ *dux* ~~et~~ *et* ~~perov.~~
 Est enim locuples, factiosus; curatur ~~in~~ *in* ~~rebus~~ *rebus*, timetur
 a pluribus, quod plerumque ~~fortius~~ *fortius* ~~est~~ *est*. Pot-
 est tamen fieri, ut haec ~~concordia~~ *concordia* ~~habuerit~~ *habuerit*. Nam gra-
 tia malorum tam infida est, quam ipsi. Verum, ut
 idem saepius dicam, exspecto Mauricum. Vir est gra-
 vis, prudens, multis experimentis eruditus, et qui
 futura possit ex praeteritis providere. Mihi et tentan-
 di aliquid et quiescendi illo auctore ratio constabit.
 Haec tibi scripsi, quia aequum erat, te pro amore mu-
 tuo non solum omnia mea facta dictaque, verum etiam
 consilia cognoscere. Vale.

VI.

*Tacitum monet, ipsum exemplo suo in silvis posse
 studere et venari percommode.*

PLINIUS CORNELIO TACITO SVO S.

Ridebis, et licet rideas. Ego ille, quem nosti, apros
 tres, et quidem pulcherrimos, cepi. Ipse? inquis.
 Ipse: non tamen ut omnino ab inertia mea et quiete
 discederem. Ad retia sedebar. Erant in proximo,
 non venabulum aut lancea, sed stilus et pugillares. Me-
 ditabar aliquid enotabamque, ut, si manus vacuas, ple-
 nas tamen ceras reportarem. Non est, quod contempnas
 hoc studendi genus. Mirum est, ut animus agitatione
 motuque corporis excitetur. Iam undique silvae et
 solitudo, ipsumque illud silentium, quod venationi
 datur, magna cogitationis incitamenta sunt. Proinde
 quum venabere, licebit, auctore me, ut panarium et
 lagunculam, sic etiam pugillares feras. Experieris
 non Dianam magis montibus, quam Minervam iner-
 are. Vale.

VII.

Negat rogatus Plinio, se posse Gallo contra Baeticos bellum, quod semper defenderit. Dein Octavii confirmat.

C. PLINIUS OCTAVIO RVFO SVQ S.

Vide, in quo me fastigio collocaris, quum mihi idem potestatis idemque regni dederis, quod Homerus Iovi Optimo Maximo.

Τῷ δ' ἕτερον μὲν ἔδωκε πατήρ, ἕταρα δ' ἀνένυσεν.
Nam ego quoque simili nutu ac renuta respondere voto tuo possum. Etenim sicut fas est mihi, praesertim ita exigente, excusare Baeticis contra unum hominem advocationem: ita nec fidei nostrae, nec constantiae, quam diligis, convenit adesse contra provinciam, quam tot officiis, tot laboribus, tot etiam periculis meis aliquando devinxerim. Tenebo ergo hoc temperamentum, ut ex duobus, quorum alterum petis, eligam id potius, in quo non solum studio tuo, verum etiam iudicio satisfaciam. Neque enim tanto opere mihi considerandum est, quid vir optimus in praesentia velis, quam quid semper sis probaturus. Me circa Idus Octobres spero Romae futurum, eademque haec praesentem quoque tua meaque fide Gallo confirmaturum: cui tamen nunc iam licet spondeas de animo meo.

Ἢ, καὶ κυανέῃσιν ἐπ' ὀφρύσι νεῦσε Κρονίων.

Cur enim non usquequaque Homericis versibus agam tecum? quatenus tu me tuis agere non pateris: quorum tanta cupiditate ardeo, ut videar mihi hac sola mercede posse corrumpi, ut vel contra Baeticos adsim. Paene praeterii, quod minime praetereundum fuit, accepisse me caryotas optimas, quae nunc fici et bolitis certandum habent. Vale.

VIII.

Petit emendationem orationis in patria habitae, quum bibliothecam dicasset, et alimenta inge

*nuis decrevisset: de cuius editione sollicitius dis-
quirit.*

C. PLINIUS POMPEIO SATVRNINO SVO S.

Peropportune mihi reddidisti litteras tuas, quibus flagitabas, ut tibi aliquid ex scriptis meis mitterem, quum ego id ipsum destinassem. Addidisti ergo calcaria sponte currenti, pariterque et tibi veniam recusandi laboris, et mihi exigendi verecundiam sustulisti. Nam nec me timide uti decet eo, quod oblatum est: nec te gravari, quod depoposeisti. Non est tamen, quod ab homine desidioso aliquid novi operis exspectes. Petiturus sum enim, ut rursus vaces sermoni, quem apud municipes meos habui, bibliothecam dedicaturus. Memini quidem, te iam quaedam adnotasse, sed generaliter: ideo nunc rogo, ut non tantum universitati eius attendas, verum etiam particulas, quas soles lima, persequaris. Erit enim et post emendationem liberum nobis vel publicare vel continere. Quin immo fortasse hanc ipsam cunctationem nostram in alternam sententiam emendationis ratio deducet, quae aut indignum editione, dum saepius retractat, inveniet: aut dignum, dum id ipsum experitur, efficiet. Quamquam huius cunctationis meae causae non tam in scriptis, quam in ipso materiae genere consistunt. Est enim paulo gloriosius et elatius. Onerabit hoc modestiam nostram, etiamsi stilus ipse fuerit pressus demissusque, propterea quod cogimur cum de munificentia parentum nostrorum, tum de nostra disputare. Anceps hic et lubricus locus est, etiam quum illi necessitas lenocinatur. Et enim si alienae quoque laudes parum aequis auribus accipi solent; quam difficile est obtinere, ne molesta videatur oratio de se aut de suis disserentis? Nam cum ipsi honestati, tum aliquanto magis gloriae eius praedicationique invidemus: atque ea demum recte facta minus detorquemus et carpinus, quae in obscuritate et silentio reponuntur. Qua ex causa saepe ipse mecum, nobiscum tantum, *quidquid illud est, composuisse, an et*

aliis debeamus? Vt nobis, admonet istud, quod ple-
raque, quae sunt agenda rei necessaria, eadem per-
acta nec utilitatem parem nec gratiam retinent. Ac, ne
longius exempla repetamus, quid utilius fuit, quam
munificentiae rationem etiam stilo prosequi? Per hoc
enim adsequebamur, primum ut honestis cogitatio-
nibus immoraremur; deinde ut pulchritudinem illa-
rum longiore tractatu pervideremus; postremo, ut
subitae largitionis comitem poenitentiam caveremus.
Nascebatur ex his exercitatio quaedam contemnendae
pecuniae. Nam quum homines ad custodiam eius na-
tura restrinxerit; nos contra multum ac diu pensitatus
amor liberalitatis communibus avaritiae vinculis exi-
mebat: tantoque laudabilior munificentia nostra fore
videbatur, quod ad illam non impetu quodam, sed con-
silio trahebamur. Accedebat his causis, quod non
ludos aut gladiatores, sed annuos sumtus in alimentis
ingenuorum pollicebamur. Oculorum porro et auri-
um voluptates adeo non egent commendatione, ut non
tam incitari debeant oratione, quam reprimi: ut vero
aliquis libenter educationis taedium laboremque sus-
cipiat, non praemiis modo, verum etiam exquisitis
adhortationibus impetrandum est. Nam si medicis salu-
bres, sed voluptate carentes cibos, blandioribus allo-
quiis prosequuntur; quanto magis decuit publice con-
sulentem, utilissimum munus, sed non perinde popu-
lare, comitate orationis inducere? praesertim quum evi-
tendum haberemus, ut, quod parentibus datur, et orbis
probaretur; honoremque paucorum ceteri patienter et
expectarent et mererentur. Sed ut tunc communibus
magis commodis quam privatae iactantiae studebamus,
quum intentionem adfectumque muneris nostri velle-
mus intelligi; ita nunc in ratione edendi veremur, ne
forte non aliorum utilitatibus, sed propriae laudi ser-
visse videamur. Praeterea meminimus, quanto maio-
re animo honestatis fructus in conscientia, quam in
fama, reponatur. Sequi enim gloria, non appeti, de-

bet; nec, si casu aliquo non sequatur, idcirco quod gloriam non meruit, minus pulchrum est. Il vero, qui benefacta sua verbis adornant, non idcirco praedicare, quia fecerint, sed ut praedicarent, fecisse creduntur. Sic, quod magnificum referente alio fuisset, ipso qui gesserat recensente, vanescit. Homines enim quum rem destruere non possunt, iactationem eius incessunt. Ita si silenda feceris, factum ipsum; si laudanda, quod non sileas ipse, culpatur. Me vero peculiaris quaedam impedit ratio. Etenim hunc ipsum sermonem non apud populum, sed apud decuriones habui; nec in propatulo, sed in curia. Vereor ergo, ut sit satis congruens, quum in dicendo ad sententiam vulgi acclamationemque defugerim; nunc eadem illa editione sectari: quumque plebem ipsam, cui consulebatur, limine curiae parietibusque discreverim, ne quam in speciem ambitionis inciderem; nunc eos etiam, ad quos ex munere nostro nihil pertinet praeter exemplum, velut obvia ostentatione conquirere. Habes cunctationis meae causas: obsequar tamen consilio tuo, cuius mihi auctoritas pro ratione sufficit. Vale.

IX.

Mortatur ad secessum, propter studia, et innocentiam ruris, urbanae vitae nugis praeferendum.

C. PLINIUS MINUTIO FUNDANO SVO S.

Mirum est, quam singulis diebus in urbe ratio aut constet aut constare videatur, pluribus cunctisque non constet. Nam, si quem interroges, *Hodie quid egisti?* respondeat, *Officio togae virilis interfui; sponsalia aut nuptias frequentavi; ille me ad signandum testamentum, ille in advocationem, ille in consilium rogavit.* Haec quo die feceris, necessaria; eadem, si quotidie fecisse te repntes, inania videntur, multo magis quum secesseris. Tunc enim subit recordatio, *Quot dies quam frigidis rebus absumsi?* Quod eve-

PLIN. EP.

B

nit mihi, postquam in Laurentino meo aut lego aliquid, aut scribo, aut etiam corpori vaco, cuius fulturis animus sum. Nihil audio, quod audisse, nihil dico, quod dixisse pudeat: nemo apud me quemquam sinistris sermonibus carpit; neminem ipse reprehendo, nisi unum me, quum parum commode scribo: nulla spe, nullo timore sollicitus, nullis rumoribus inquietor. Mecum tantum et cum libellis loquor. Rectam sinceramque vitam! dulce otium, honestumque, ac paene omni negotio pulchrius! O mare, o litus, verum secretumque *μυστήριον*! quam multa invenitis, quam multa dictatis! Proinde tu quoque strepitum istum inanemque discursum, et multum ineptos labores, ut primum fuerit occasio, relinque, teque studiis vel otio trade. Satius est enim, ut Attilius noster eruditissime simul et facetissime dixit, otiosum esse, quam nihil agere. Vale.

X

Euphratem philosophum laudat, quem ut audiat Atrius, hortatur, doletque non crebrius se per occupationes illum audire posse.

C. PLINIVS ATRIO CLEMENTI SVO S.

Si quando urbs nostra liberalibus studiis floruit, nunc maxime floret. Multa claraque exempla sunt. Suffecerit unum, Euphrates philosophus. Hunc ego in Syria, quum adolescentulus militarem, penitus et domi inspexi, amarique ab eo laboravi, etsi non erat laborandum. Est enim obviu8 et expositus, plenu8que humanitate, quam praecipit. Atque utinam sic ipse, quam spem tunc ille de me concepit, impleverim, ut ille multum virtutibus suis addidit! Aut ego nunc illas magis miror, quia magis intelligo: quamquam ne nunc quidem satis intelligo. Vt enim de pictore, sculptore, fictore, nisi artifex, iudicare; ita, nisi sapiens, non potest perspicere sapientem. Quantum mihi tamen cernere datur, multa in Eu-

phrate sic eminent et elucent, ut mediocriter quoque doctos advertant et adficient. ~~Disputat~~ subtiliter, graviter, ornate: frequenter etiam ~~Platonice~~ illam sublimitatem et latitudinem effugit. Sermo est copiosus et varius: dulcis in primis, et qui repugnantes quoque ducat et impellat. Ad hoc, proceritas corporis, decora facies, ~~demissus~~ capillus, ingens et cana barba: quae licet fortuito et inania putentur, illi tamen plurimum venerationis adquirunt. Nullus horror in cultu, nulla tristitia, multum severitatis: reverearis occursum, non reformides. Vitae sanctitas summa, comitas par. Insectatur vitia, non homines: nec castigat errantes, sed emendat. Sequaris monentem attentus et pendens: et persuadere tibi, etiam quum persuaserit, cupias. Iam vero liberi tres, duo mares, quos diligentissime instituit. Socer Pompeius Iulianus, cum cetera vita, tum vel hoc uno magnus et clarus, quod, ipse provinciae princeps, inter altissimas conditiones, generum, non honoribus principem, sed sapientia, elegit. Quamquam quid ego plura de viro, quo mihi frui non licet? An ut magis angar, quod non licet? Nam distringor officio, ut maximo, sic molestissimo. Sedeo pro tribunali, subnoto libellos, conficio tabulas: scribo plurimas, sed illiteratissimas. Soleo nonnunquam (nam id ipsum quando contingit!) de his occupationibus apud Euphratem queri. Ille me consolatur; adfirmat etiam esse hanc philosophiae, et quidem pulcherrimam partem, agere negotium publicum, cognoscere, indicare, promere et exercere iustitiam; quaeque ipsi doceant, in usu habere. Mihi tamen hoc unum non persuadet, satius esse ista facere, quam cum illo dies totos audiendo discendoque consumere. Quo magis te, cui vacat, hortor, quum in urbem proxime veneris, (venias autem ob hoc maturius,) illi te expoliendum limandumque permittas. Neque enim ego, ut multi, invideo aliis bono, quo ipse careo; sed contra *sensum* *quendam* voluptatemque percipio.

si ea, quae mihi denegantur, amicis video super
se. Vale.

XI.

De infrequentibus epistolarum expostulat.

C. PLINIVS FABIO IVSTO SVO S

Olim nullas mihi epistolas ~~misisti~~. *Nihil est,*
quis, quod scribam. At hoc ipsum scribe, nihil e
quod scribas: vel solum illud, unde incipere pri
solebant, *si vales, bene est; ego valeo.* Hoc mihi
ficit; est enim maximum. Ludere me putas? Serio
to. Fac sciam, quid agas: quod sine solitudine si
ma nescire non possum. Vale.

XII.

*Deflet Corellii voluntariam mortem, qua recto
vitae suae et optimum amicum amiserit.*

C. PLINIVS CALESTRIO TIRONI SVO S

Iacturam gravissimam feci, si iactura dicenda
tanti viri amissio. Decessit Corellius Rufus, et quic
sponte, quod dolorem meum exulcerat: est enim
etuosissimum genus mortis, quae non ex natura,
fatalis videtur. Nam utcumque in illis, qui morbo
niuntur, magnum ex ipsa necessitate solatium est
iis vero, quos arcessita mors aufert, hic insanabilis
lor est, quod creduntur potuisse diu vivere. Co
lium quidem summa ratio, quae sapientibus pro
cessitate est, ad hoc consilium compulit, quamq
plurimas vivendi causas habentem, optimam consc
tiam, optimam famam, maximam auctoritat
praeterea filiam, uxorem, nepotem, sorores, inter
tot pignora, veros amicos. Sed tam longa, tam ini
valetudine conflictabatur, ut haec tanta pretia vive
mortis rationibus vincerentur. Tertio et tricesimo
no (ut ipsum praedicantem audiebam) pedum do
corruptus est. Patrius hic illi: nam plerumque m
quoque per successiones quasdam, ut alia, tradu

Hunc abstinētia, sanctitate, quoad viridis aetas, vicit et fregit; novissime cum senectute ingreſcentem viribus animi ſuſtinebat. Quum, quibus incredibiles cruciatus et indigniſſima tormenta pateretur, (iam enim dolor non pedibus ſolis, ſed prius, inſidebat, ſed omnia membra pervagabatur,) veni ad eum Domitiani temporibus, in ſubterraneo iacentem. Servi e cubiculo reſceſſerunt: habebat enim hoc moris, quoties intraret fidelior amicus. Quin etiam uxor, quamquam omnis ſecreti capaciſſima, digrediebatur. Circumtulit oculos, et, *Cur, inquit, me putas hoc tantos dolores tamdiu ſuſtinere? ut, ſcilicet, iſti latroni vel uno die ſuperſim.* Dediſſes huic animo par corpus, feciſſet quod optabat. Adfuit tamen deus voto, cuius ille compos, ut iam ſecurus liberque moriturus, multa illa vitae, ſed ininora, retinacula abruptit. Increverat valetudo, quam temperantia mitigare tentavit; perſeverantem conſtantia fugit. Iam dies alter, tertius, quartus: abſtinebat cibo. Miſit ad me uxor eius Hiſpulla communem amicum C. Geminium cum triſtiſſimo nuntio, *deſtinasse Corellium mori, nec aut ſuis aut filiae precibus flecti; ſolum ſuperesse me, a quo revocari poſſet ad vitam.* Cucurri: perveneram in proximum, quum mihi ab eadem Hiſpulla Iulius Atticus nuntiat, nihil iam ne me quidem impetraturum: tam obſtinate magis ac magis induruiſſe. Dixerat ſane medico admoventi cibum, *Κέκρικα*, quae vox quantum admirationis in animo meo, tantum deſiderii reliquit. Cogito, quo amico, quo viro caream. Implevit quidem annum ſeptimum et ſexageſimum, quae aetas etiam robuſtiſſimis ſatis longa eſt: ſcio. Evasit perpetuam valetudinem: ſcio. Deceſſit ſuperſtitibus ſuis, floreſcente republica, quae illi omnibus ſuis carior erat: et hoc ſcio. Ego tamen, tanquam et iuvenis, et fortiſſimi, morte doleo: doleo autem (licet me imbecillum putes) meo nomine. Amiſi enim, amiſi vitae meae ſentem, rectorem, magiſtrum. In ſumma, dicam quod

recenti dolore contubernali meo Calvisio dixi: *Vereor, ne negligentia vivam*. Proinde adhibe solatia mihi: non haec, *senex erat*; *infirmus erat* (haec enim novi); sed nova aliqua, *sed magna*, quae audierim nunquam, legerim nunquam. Nam quae audivi, quae legi, sponte succurrunt, *sed tanto dolore superantur*. Vale.

XIII.

Et ingeniorum suis temporibus proventum laudat, et auditorum negligentiam vituperat.

C. PLINIVS SOSIO SENECAE SVS.

Magnum proventum poëtarum annus hic attulit. Toto mense Aprili nullus fere dies, quo non recitaret aliquis. Iuvat me, quod vigent studia, proferunt se ingenia hominum et ostentant: tametsi ad audiendum pigre coitur. Plerique in stationibus sedent, tempusque audiendi fabulis conternunt, ac subinde sibi nuntiare iubent, an iam recitator intraverit, an dixerit praefationem, an ex magna parte evolverit librum: tum demum, ac tunc quoque lente cunctanterque, veniunt: nec tamen permanent, sed ante finem recedunt, alii dissimulanter et furtim, alii simpliciter et libere. At hercule memoria parentum Claudium Caesarem ferunt, quum in palatio spatiaretur, audissetque clamorem, causam requisisse; quumque dictum esset, recitare Nonianum, subitum recitanti inopinatumque venisse. Nunc otiosissimus quisque multo ante rogatus, et identidem admonitus, aut non venit, aut, si venit, queritur se diem, quia non perdidit, perdidisse. Sed tanto magis landandi probandique sunt, quos a scribendi recitandique studio haec auditorum vel desidia vel superbia non retardat. Equidem prope nemini defui. Erant sane plerique amici: neque enim quisquam est fere, qui studia, ut non simul et nos amet. His ex causis longius, quam destinavimus, tempus in urbe consumsi. Possum iam repetere *necessum*, et scribere aliquid, quod non recitem:

ne videar, quorum recitationibus adfui, non auditor fuisse, sed creditor. Nam ut in ceteris rebus, ita in audiendi officio perit gratia, si reposcatur. Vale.

XIV.

Maurico suadet, ut fratris filiam despondeat Aciliano, quem diligentissime commendat.

C. PLINIUS IVNIO MAURICO SVO S.

Petis, ut fratris tui filiae prospiciam maritum: quod merito mihi potissimum iniungis. Scis enim, quantopere summum illum virum suspexerim dilexerimque; quibus ille adolescentiam meam exhortationibus fovērit, quibus etiam laudibus, ut laudandus viderer, effecerit. Nihil est, quod a te mandari mihi aut maius aut gratius, nihil, quod honestius a me suscipi possit, quam ut eligam iuvenem, ex quo nasci nepotes Aruleno Rustico deceat. Qui quidem diu quaerendus fuisset, nisi paratus et quasi provisus esset Minucius Acilianus: qui me ut iuvenis iuvenem (est enim minor pauculis annis) familiarissime diligit, reveretur ut senem. Nam ita a me formari et institui cupit, ut ego a vobis solebam. Patria est ei Brixia, ex illa nostra Italia, quae multum adhuc verecundiae, frugalitatis, atque etiam rusticitatis antiquae retinet ac servat. Pater Minucius Macrinus, equestris ordinis princeps, quia nihil altius voluit: adlectus a divo Vespasiano inter Praetorios, honestam quietem huic nostrae, ambitioni dicam an dignitati? constantissime praetulit. Habet aviam matrem Serranam Proculam, e municipio Patavino. Nosti loci mores. Serrana tamen Patavinis quoque severitatis exemplum est. Contigit et avunculus ei P. Acilius, gravitate, prudentia, fide prope singulari. In summa, nihil erit in domo tota, quod non tibi, tanquam in tua, placeat. Aciliano vero ipsi plurimum vigoris et industriae, quamquam in maxime verecundia. Quae-sturam, Tribunatam, Praeturam honestissime percucrit, ac iam pro se tibi necessitatem ambiendi remissa.

Est illi facies liberalis, multo sanguine, multo rubore suffusa: est ingenua totius corporis pulchritudo, et quidam senatorius decor. Quae ego nequaquam arbitror negligenda: debet enim hoc castitati puellarum quasi praemium dari. Nescio, an adiciam, esse patri eius amplas facultates. Nam quum imaginor vos, quibus quaerimus generum; silendum de facultatibus puto: quum publicos mores atque etiam leges civitatis intueor, quae vel in primis census hominum spectandos arbitratur; ne id quidem praetereundum videtur. Et sane de posteris, et his pluribus, cogitanti, hincque in conditionibus deligendis ponendus est calculus. Tu fortasse me putes indulsisse amori meo, supraque ista, quam res patitur, sustulisse. At ego fide mea spondeo, futurum, ut omnia longe ampliora, quam a me praedicantur, invenias. Diligo quidem adolescentem ardentissime, sicut meretur: sed hoc ipsum amantis est, non onerare eum laudibus. Vale.

XV.

Septicius, qui ad coenam vocatus non venerat, in ius damni dati iocabundus vocat.

C. PLINIVS SEPTICIO CLARO SVO S.

Heus tu, promittis ad coenam, nec venis! Dicitur ius, ad assem impendium reddes, nec id modicum. Paratae erant lactucae singulae, cochleae ternae, ova bina, alica cum mulso et nive, (nam hanc quoque commutabis, immo hanc in primis, quae perit in ferculo) olivae Baeticae, cucurbitae, bulbi, alia mille non minus lauta. Audisses comoedum, vel lectorem, vel lyristen, vel, quae mea liberalitas, omnes. At tu apud nescio quem, ostrea, vulvas, echinos, Gaditanas, maluisti. Dabis poenas, non dico quas. Dure fecisti: invidisti, nescio aut tibi, certe mihi, sed tamen et tibi. Quantum nos lusissemus, risissemus, studuissemus! Potes apparatius coenare apud multos: nusquam hilarius, simplicius, incautius. In summa, experire: et nisi post-

ea te aliis potius excusaveris, mihi semper excusa.
Vale.

XVI.

Saturnini stilum, eiusque libros, ut legantur, commendat.

C. PLINIUS ERVCIO SVO S.

Amabam Pompeium Saturninum, hunc dico nostrum: laudabamque eius ingenium, etiam antequam scirem, quam varium, quam flexibile, quam multiplex esset: nunc vero totum me tenet, habet, possidet. Audiui causas agentem acriter et ardentem, nec minus polite et ornate: sive meditata sive subita proferret. Adsunt aptae crebraeque sententiae, gravis et decora constructio, sonantia verba et antiqua. Omnia haec mire placent, cum impetu quodam et flumine praevehuntur: placent, si retractentur. Senties quod ego, quum orationes eius in manus sumseris; quas facile cuilibet veterum, quorum est aemulus, comparabis. Idem tamen in historia magis satisfaciet vel brevitatem, vel lucem, vel suavitatem, vel splendorem etiam et sublimitatem narrandi. Nam in concionibus eadem, quae in orationibus, vis est: pressior tamen, et circumscriptior, et adductior. Praeterea facit versus, quales Catullus aut Calvus. Quantum illis leporis, dulcedinis, amaritudinis, amoris! Iuserit sane, sed data opera, mollibus lenibusque duriusculos quosdam: et hoc, quasi Catullus aut Calvus. Legit mihi nuper epistolas, quas uxoris esse dicebat. Plautum vel Terentium metro solutum legi credidi; quae sive uxoris sunt, ut adfirmat, sive ipsius, ut negat, pari gloria dignus est, qui aut illa componat, aut uxorem, quam virginem accepit, tam doctam politamque reddiderit. Est ergo mecum per diem totum: eundem ante quam scribam, eundem quam scripsi, eundem etiam quam remitto, non tanquam eundem, lego. Quod te quoque ut facias, et hortor et moneo. Ne quae enim debet operibus eius obesse, quod vivit. An, si inter eos, quos

nunquam vidimus, stornisset, non solum libros eius, verum etiam imagines conquireremus; eiusdem nunc honor praesentis et gratia, quasi satietate, languescet? At hoc pravam malignumque est, non admirari hominem admiratione dignissimum, quia videre, adloqui, audire, complecti, nec laudare tantum, verum etiam amare contingit. Vale.

XVII.

Capitonem commendat, quod mortuo amico statuum posuerit, et clarorum hominum imagines domi habeat.

C. PLINIUS CORNELIO TITIANO SVO S.

Est adhuc curae hominibus fides et officium: sunt qui defunctorum quoque amicos agant. Titinius Capito ab imperatore nostro impetravit, ut sibi liceret statuum L. Syllani in foro ponere. Pulchrum et magna laudis dignum, amicitia principis in hoc nti, quantumque gratia valeas, aliorum honoribus experiri! Est omnino Capitoni in usu claros viros colere. Mirum est, qua religione, quo studio imagines Brutorum, Cassiorum, Catonum, domi, ubi potest, habeat. Idem clarissimi cuiusque vitam egregiis carminibus exornat. Scias ipsum pluribus virtutibus abundare, qui aliena, sic amat. Redditus est L. Syllano debitus honor, cuius immortalitati Capito prospexit pariter et suae. Neque enim magis decorum et insigne est, statuam in foro populi Romani habere, quam ponere. Vale.

XVIII.

Suetonio actionem ex somnii monitu dissuadenti de somniorum etiam contrario eventu respondet saltem stropham aliquam pollicetur.

C. PLINIUS SVETONIO TRANQVILLO SVO S.

Scribis, te perterritum somnio vereri, ne quid adversi in actione patiaris: rogas, ut dilationem petam,

et pauculos dies, certe proximum excusem. Difficile est: sed experiar.

— — καὶ γὰρ τ' ὄνυχ' ἐκ Διὸς ἔστιν.

Refert tamen, eventura soleas, an contraria somniare. Mihi reputanti somnium meum, istud, quod times tu, egregiam actionem portendere videtur. Susceperam causam Iulii Pastoris, quum mihi quiescenti visa est socrus mea advoluta genibus, ne agerem, obsecrare. Et eram acturus adolescentulus adhuc; eram in quadruplici iudicio; eram contra potentissimos civitatis, atque etiam Caesaris amicos: quae singula excutere mentem mihi post tam triste somnium poterant. Egi tamen, λογισάμενος illud,

Εἰς οἰωνὸς ἀριστὸς ὑμῖνασθαι περὶ πάτρης.

Nam mihi patria (et si quid carius patria) fides videbatur. Prospere cessit: atque adeo illa actio mihi aures hominum, illa ianuam famae patefecit. Proinde dispice, an tu quoque sub hoc exemplo somnium istud in bonum veritas: aut si tutius putas illud cautissimi cuiusque praeceptum, *Quod dubitas, ne feceris*; id ipsum rescribe. Ego aliquam stropham inveniam: agamque causam tuam, ut ipsam agere, quum tu voles, possis. Est enim sane alia ratio tua, alia mea fuit. Nam iudicium centumvirale differri nullo modo; istud aegre quidem sed tamen potest. Vale.

XIX.

Firmo, municipi suo, trecenta sestertia offert ad censum equestrem explendum.

C. PLINIVS ROMANO FIRMO SVO S.

Municeps tu meus, et condiscipulus, et ab in-
eunte aetate contubernalis: pater tuus et matri et avun-
culo meo, mihi etiam, quantum aetatis diversitas pas-
sa est, familiaris: magnae et graves causae, cur susci-
pere et augere dignitatem tuam debeam. Esse autem
tibi centum millium census satis indicat, quod apud
nos decurio es. Igatur, ut te non decurione solum, ve-

rum etiam equite Romano perfruamur, offero tibi ad implendas equestres facultates CCC millia nummum. Te memorem huius muneris amicitiae nostrae diuturnitas spondet. Ego ne illud quidem admoneo, quod admonere deberem, nisi te scirem sponte facturum, ut dignitate a me data quam modestissime utare. Nam sollicitius custodiendus est honor, in quo etiam beneficium amici tuendum est. Vale.

XX.

Tacitum consulit, amplum et copiosum dicendi genus, an brevius et circumscriptius magis probet.

C. PLINIVS CORN. TACITO SVO S.

Frequens mihi disputatio est cum quodam docto homine et perito, cui nihil aequè in causis agendis ut brevis placet. Quam ego custodiendam esse confiteor, si causa permittat. Alioqui praevaricatio est, transire dicenda; praevaricatio etiam, cursiva et breviter attingere, quae sint inculcanda, infigenda, repetenda. Nam plerisque longiore tractu vis quaedam et pondus accedit: utque corpori ferrum, sic oratio animo non ictu magis quam mora inprimitur. Hic ille mecum auctoritatibus agit, ac mihi ex Graecis orationes Lysiae ostentat, ex nostris Gracchorum Catonisque, quorum sane plurimae sunt circumcisae et breves: ego Lysiae Demosthenem, Aeschinem, Hyperidem, multosque praeterea; Gracchis et Catoni, Pollionem, Caesarem, Caelium, in primis Marcum Tullium, oppono, cuius oratio optima fertur esse, quae maxima. Et, hercule, ut aliae bonae res, ita bonus liber melior est quisque, quo maior. Vides, ut statuas, signa, picturas, hominum denique multorumque animalium formas, arborum etiam, si modo sint decorae, nihil magis quam amplitudo commendat. Idem orationibus evenit: quin etiam voluminibus ipsis auctoritatem quandam et pulchritudinem adiicit magnitudo. Haec ille multaque alia, quae a me in eandem senten-

tiam solent dici, ut est in disputando incomprehensibilis et lubricus, ita eludit, ut contendat, hos ipsos, quorum orationibus nitar, pauciora dixisse quam ediderint. Ego contra puto. Testes sunt multae multorum orationes, et Ciceronis pro Murena, pro Vareno: in quibus brevis et nuda quasi subscriptio quorundam criminum solis titulis indicatur. Ex his apparet, illum permulta dixisse; quum ederet, omisisse. Idem pro Cluentio ait, *se totam causam veteri instituto solum perorasse*, et pro Cornelio *quatrduo egisse*: ne dubitare possimus, quae per plures dies, ut necesse erat, latius dixerit, postea recisa ac purgata, in unum librum, grandem quidem, unum tamen, coarctasse. At aliud est actio bona, aliud oratio. Scio nonnullis ita videri, sed ego (forsitan fallor) persuasum habeo, posse fieri, ut sit actio bona, quae non sit bona oratio: non posse non bonam actionem esse, quae sit bona oratio. Est enim oratio actionis exemplar, et quasi ἀρχή-τυπον. Ideo in optima quaque mille figuras extemporales invenimus: in his etiam, quas tantum editas scimus, ut in Verrem, *Artificem quem? quemnam? recte admones. Polycletum esse dicebant*. Sequitur ergo, ut actio sit absolutissima, quae maxime orationis similitudinem expresserit, si modo iustum et debitum tempus accipiat: quod si negetur, nulla oratoris, maxima iudicis culpa est. Adsunt huic opinioni meae leges, quae longissima tempora largiuntur, nec brevitatem dicentibus, sed copiam, hoc est, diligentiam, suadent: quam praestare, nisi in angustissimis causis, non potest brevitatis. Adiciam, quod me docuit usus, magister egregius; frequenter egi, frequenter iudicavi, frequenter in consilio fui. Aliud alios movet; ac plerumque parvae res maximas trahunt. Varia sunt hominum iudicia, variae voluntates: inde qui eandem causam simul audierunt, saepe diversum, interdum idem, sed ex diversis animi motibus sentiunt. *Præterea suae quisquis inventioni fret, et quasi fortissimum complectitur, quum ab alio*

dictum est, quod ipse praevidit. Omnibus ergo dandum est aliquid, quod teneant, quod agnoscant. Dixit aliquando mihi Regulus, quum simul adessemus, *Tu omnia, quae sunt in causa, putas exsequenda: ego iugulum statim video, hunc premo.* (Premit sane, quod eligit, sed in eligendo frequenter errat.) Respondi, *posse fieri, ut genu esset, aut tibia, aut talus, ubi ille iugulum putaret. At ego, inquam, qui iugulum perspicere non possum, omnia pertento, omnia experior, πάντα denique λίθον κινῶ.* Utque in agricultura non vineas tantum, verum etiam arbusta, nec arbusta tantum, verum etiam campos curo et exerceo: utique in ipsis campis non far aut siliginem solam, sed ordeum, fabam, ceteraque legumina sero: sic in actione plura quasi semina latius spargo, ut, quae provenerint, colligam. Neque enim minus imperspicua, iacerta, fallaciaque sunt iudicium ingenia, quam tempestatum terrarumque. Nec me praeterit, summum oratorem Periclem sic a comico Eupolide laudari,

— πρὸς δέ γ' αὐτοῦ τῷ τάχει
Πειθὼ τις ἐπεκύθητο τοῖσι χεῖλεσιν.
Οὕτως ἐκίλει, καὶ μόνος τῶν ῥητόρων
Τὸ κέντρον ἐγκατέλιπε τοῖς ἀκροαμένοις.

Verum huic ipsi Pericli nec illa πειθὼ, nec illud ἐκίλει brevitate, vel velocitate, vel utraque (differunt enim) sine facultate summa contigisset. Nam delectare, persuadere, copiam dicendi spatiumque desiderant: relinquere vero aculeum in audientium animis is demum potest, qui non pungit, sed infigit. Adde, quae aequae de eodem Pericle comicus alter,

Ἦσραπτι', ἐβρόντα, ξυρεκύνα τὴν Ἑλλάδα.

Non enim amputata oratio et abscissa, sed lata, et magnifica, et excelsa tonat, fulgurat, omnia denique perturbat ac miscet. Optimus tamen modus est. Quis negat? Sed non minus non servat modum, qui infra rem, quam qui supra; qui adstrictius, quam qui effusius dicit. Itaque audis frequenter, ut illud, immodice et

redundanter, ita hoc, ieiune et infirme. Alius excessisse materiam, alius dicitur non implese. Aequè uterque, sed ille imbecillitate, hic viribus peccat: quod certe etsi non limatioris, maioris tamen ingenii vitium est. Nec vero, quum haec dico, illum Homerium ἀμετροσπῇ probo, sed hunc,

Καὶ ἔτι νυφάδεσσιν ἐοικότα χειμερίοισιν •
non quia non et ille mihi validissime placet,

Παῦρα μὲν, ἀλλὰ μάλα λιγέως •
si tamen detur electio, illam orationem similem nivibus hibernis, id est, crebram, assiduam et largam, postremo divinam et coelestem, volo. At est gratior multis actio brevis. Est; sed inertibus, quorum delicias desidiamque, quasi iudicium, respicere ridiculum est. Nam si hoc in consilio habeas, non solum satius est breviter dicere, sed omnino non dicere. Haec est adhuc sententia mea, quam mutabo, si dissenseris tu; sed plane, cur dissentias, explices rogo. Quamvis enim cedere auctoritati tuae debeam, rectius tamen arbitror, in tanta re, ratione quam auctoritate superari. Proinde, si non errare videor, id ipsum, quam voles brevi epistola, sed tamen scribe; confirmaveris enim iudicium meum: si erravero, longissimam para. Num corrumpe te, qui tibi, si mihi accederes, brevis epistolae necessitatem, si dissentes, longissimae imposui? Vale.

XXI.

Servos consilio Paterni emptos, decentes esse scribit: ut frugi sint, optat.

C. PLINIUS PLINIO PATERNO SVO S.

Vt animi tui iudicio, sic oculorum plurimum tribuo: non quia multum, (ne tibi placeas) sed quia tantum, quantum ego, sapio: quamquam hoc quoque multum est. Omissis iocis, credo decentes esse servos, qui sunt empti mihi ex consilio tuo. Superest, ut frugi sint: quod de venalibus, melius auribus, quam oculis, indicatur. Vale.

XXII.

Aristonis, quem laudat, diuturna valetudine in urbe se detineri scribit.

C. PLINIVS CATILIO SEVERO SVO S

Diu iam in urbe haereo, et quidem attonitus. Perturbat me longa et pertinax valetudo Titi Aristonis quem singulariter et miror et diligo. Nihil est enim illo gravius, sanctius, doctius: ut mihi non unus homo, sed literae ipsae omnesque bonae artes in uno homine summum periculum adire videantur. Quantum rerum quantum exemplorum, quantum antiquitatis tenet! Nihil est, quod discere velis, quod ille docere non possit mihi certe, quoties aliquid abditum quaero, ille thesaurus est. Iam quanta sermonibus eius fides! quanta auctoritas! quam pressa et decora cunctatio! Quid est, quod non statim sciat? Et tamen plerumque haesitat, dubitat, diversitate rationum: quas acri magnoque iudicio ab origine caussisque primis repetit, discernit, expendit. Ad haec quam parcus in victu! quam modicus in cultu! Soleo ipsum cubiculum eius, ipsumque lectum, ut imaginem quandam praeae frugalitatis, adspicere. Ornat haec magnitudo animi, quae nihil ad ostentationem, omnia ad conscientiam refert: recteque facti, non ex populi sermone mercedem, sed ex facto petit. In summam, non facile quemquam ex istis, qui sapientiae studium habitu corporis praeferunt, huic viro comparabis. Non quidem gymnasia sectatur aut porticus, nec disputationibus longis aliorum otium suumque delectat: sed in toga negotiisque versatur: multos advectione, plures consilio invat. Nemini tamen istorum castitate, pietate, iustitia, fortitudine, etiam primo loco cesserit. Mirareris, si interesses, qua patientia hanc ipsam valetudinem toleret, ut dolori resistat, ut sitim differat, ut incredibilem febrium ardorem immotus opertusque transmittat. Nuper me paucosque mecum, quos maxime diligit, ad-

vocavit: rogavitque, ut medicos consuleremus de summa valetudinis, ut, si esset insuperabilis, sponte exiret e vita: sin tantum difficilis et longa, resisteret maneretque. Dandum enim precibus uxoris, dandum filiae lacrymis, dandum etiam nobis amicis, ne spes nostras, si modo non essent iuvenes, voluntaria morte desereret. Id ego arduum in primis, et praecipua laude dignum pnto. Nam impetu quodam et instinctu procurrere ad mortem, commune cum multis: deliberare vero et causas eius expendere, utque snaserit ratio, vitae mortisque consilium suscipere vel ponere, ingentis est animi. Et medici quidem secunda nobis pollicentur: superest, ut promissis deus adnuat, tandemque me hac solitudine exsolvat, qua liberatus, Laurentinum meum, hoc est libellos et pugillares, studiosumque otium repetam. Nunc enim nihil legere, nihil scribere aut adsidenti vacat, aut anxio libet. Habes, quid timeam, quid optem, quid etiam in posterum destinem: tu quid egeris, quid agas, quid velis agere, invicem nobis, sed laetioribus epistolis, scribe. Erit confusio meae non mediocri solatium, si tu nihil quereris. Vale.

XXIII.

*Consulenti, an tribunalum plebis causas agere de-
ceat, respondet, se, quum tribunus esset, absti-
nuisse propter certas, quas adfert, rationes.*

C. PLINIVS POMPEIO FALCONI SVO S.

Consulis, an existimem te in tribunatu causas agere decere. Plurimum refert, quid esse tribunalum putes; inanem umbram, et sine honore nomen, an potestatem sacrosanctam, et quam in ordinem cogi ut a nullo, ita ne a se quidem deceat. Ipse quum tribunus essem, erraverim fortasse, qui me esse aliquid putavi, sed tanquam essem, abstinui causis agendis: primum quod deforme arbitrabar, cui adsurgere, cui loco cedere omnes oporteret, hunc omnibus sedentibus stare;

PLIN. EP.

C

34 C. PLINII LIB. I. EPIST. XXIII. XXIV.

et qui habere posset tacere quemcunque, huic silentium clepsydra indici; et quem interfari nefas esset, hunc etiam convicia audire; et, si multa pateretur, inertem, si ulcisceretur, insolentem videri. Erat hic quoque aestus ante oculos, si forte me appellasset, vel ille cui adessem, vel ille quem contra intercederem, auxilium ferrem, an quiescerem sileremque, et quasi eiurato magistratu privatum ipse me facerem. His rationibus motus, malui me tribunum omnibus exhibere, quam paucis advocatum. Sed tu (iterum dicam) plurimum interest, quid esse tribunatum putes; quam personam tibi imponas, quae sapienti viro ita aptanda est, ut perferatur. Vale.

XXIV.

Hispano Tranquillum commendat in emendo agello.

C. PLINIUS BEBIO HISPANO SVO S.

Tranquillus, contubernalis meus, vult emere agellum, quem venditare amicus tuus dicitur. Rogo cures, quanti aequum est, emat: ita enim delectabit emisse. Nam mala emtio semper ingrata est, eo maxime, quod exprobrare stultitiam domino videtur. In hoc autem agello (si modo adriserit pretium) Tranquilli mei stomachum multa sollicitant, vicinitas urbis, opportunitas viae, mediocritas villae, modus ruris, qui avocet magis quam dstringat. Scholasticis porro dominis, ut hic est, sufficit abunde tantum soli, ut relevere caput, reficere oculos, reptare per limitem, unamque semitam terere, omnesque viticulas suas nosse et numerare arbusculas possint. Haec tibi exposui, quo magis scires, quantum ille esset mihi, quantum ego tibi debiturus, si praedictum istud, quod commendatur his dotibus, tam salubriter emerit, ut poenitentiae locum non relinquat. Vale.

LIBER SECVNDVS.

I.

*Verginii Rufi, V. Cl. funus praedicat, ipsumque
laudibus pro merito ornat.*

C. PLINIVS ROMANO SVO S.

Post aliquot annos insigne, atque etiam memorabile populi Romani oculis spectaculum exhibuit publicum funus Verginii Rufi, maximi et clarissimi civis, perinde felicis. Triginta annis gloriae suae supervixit. Legit scripta de se carmina, legit historias, et posteritati suae interfuit. Perfunctus est tertio consulatu, ut summum fastigium privati hominis impleret, quum principis noluisset. Caesares, quibus suspectus, atque etiam invisus virtutibus fuerat, evasit: reliquit incolumem optimum atque amicissimum, tanquam ad hunc ipsum honorem publici funeris reservatus. Annum tertium et octogesimum excessit in altissima tranquillitate, pari veneratione. Vnus est firma valetudine: nisi quod solebant ei manus tremere, circa dolorem tamen: aditus tantum mortis durior longiorque, sed hic ipse laudabilis. Nam quum vocem praepararet, acturus in consulatu principi gratias, liber, quem forte acceperat grandiore, et seni et stanti ipso pondere elapsus est. Hunc dum consequitur colligitque, per laeve et lubricum pavementum, fallante vestigio, cecidit, coxamque fregit, quae parum apte collocata, reluctante aetate, male coeuit. Huius viri exsequiae magnum or-

namentum principi, magnum seculo, magnum etiam foro et rostris adtulerunt. Laudatus est a consule Cornelio Tacito: nam hic supremus felicitati eius cumulus accessit, laudator eloquentissimus. Et ille quidem plenus annis abiit, plenus honoribus, illis etiam quos recusavit: nobis tamen quaerendus ac desiderandus est, ut exemplar aevi prioris: mihi vero praecipue, qui illum non solum publice, sed etiam privatim, quantum admirabar, tantum diligebam; primum quod utrique eadem regio, municipia finitima, agri etiam possessionesque coniunctae: praeterea quod ille tutor mihi relictus, adfectum parentis exhibuit. Sic candidatum me suffragio ornavit: sic ad omnes honores meos ex secessibus adcurrit, quum iam pridem eiusmodi officiis renuntiasset: sic illo die, quo sacerdotes solent nominare, quos dignissimos sacerdotio iudicant, me semper nominabat. Quin etiam in hac novissima valetudine veritus, ne forte inter quinqueviros crearetur, qui minuendis publicis sumptibus iudicio senatus constituebantur, quum illi tot amici senes consularesque superessent, me huius aetatis, per quem excusaretur, elegit, his quidem verbis, *etiamsi filium haberem, tibi mandarem*. Quibus ex causis necesse est, tanquam immaturam mortem eius in sinu tuo desseam: si tamen fas est aut flere, aut omnino mortem vocare, qua tanti viri mortalitas magis finita quam vita est. Vivit enim, vivetque semper, atque etiam latius in memoria hominum et sermone versabitur, postquam ab oculis recessit. Volui tibi multa alia scribere, sed totus animus in hac una contemplatione defixus est. Verginium cogito, Verginium iam vanis imaginibus, recentibus tamen, audio, adloquor, teneo: cui fortasse cives aliquos virtutibus pares et habemus et habebimus; gloria neminem. Vale.

II.

Accusat Paullinum negligentiae literarum.

C. PLINIVS PAVLLINO SVO S.

Irascor : nec liquet mihi, an debeam ; sed irascor. Scis, quam sit amor iniquus interdum, impotens saepe, *μικαλτος* semper. Haec tamen caussa magna est, nescio an iusta : sed ego tanquam non minus iusta quam magna sit, graviter irascor, quod a te tamdiu literae nullae. Exorare me potes uno modo, si nunc saltem plurimas et longissimas miseris. Haec mihi sola excusatio vera, ceterae falsae videbuntur. Non sum auditurus, *non eram Romae, vel occupatior eram*. Illud enim nec dii sinant, ut, *infirmior*. Ipse ad villam partim studiis, partim desidia fruor : quorum utrumque ex otio nascitur. Vale.

III.

Isaeum rhetorem laudat, et Nepotem, ut illum audiat, adhortatur.

C. PLINIVS NEPOTI SVO S.

Magna Isaeum fama praecesserat : maior inventus est. Summa est facultas, copia, ubertas : dicit semper ex tempore, sed tanquam diu scripserit. Sermo Graecus, immo Atticus : praefationes tersae, graciles, dulces ; graves interdum et erectae. Poscit controversias plures, electionem auditoribus permittit, saepe etiam partes : surgit, amicitur, incipit. Statim omnia ac paene pariter ad manum : sensus reconditi occurrant, verba, sed qualia ? quaesita et exulta. Multa lectio in subis ; multa scriptio elucet. Prooemiatur apte, narrat perte, pugnat acriter, colligit fortiter, ornat excelsae : ostremo docet, delectat, adficit ; quid maxime, dubites. rebra *ροήματα*, syllogismi circumscripti et effecti : id stilo quoque adsequi magnum est. Incredibilis memoria : repetit alius, quae dixit ex tempore, ne veriquidem labitur. Ad tantam *ἔξω* studio et exercitatione pervenit : nam diebus et noctibus nihil aliud agit.

nihil audit, nihil loquitur. Annus sexagesimus excessit, et adhuc scholasticus tantum est: quo genere hominum nihil aut sincerius, aut melius. Nos enim, qui in foro verisque litibus terimur, multum malitiae, quamvis nolumus, addiscimus. Schola et auditorium, ut ficta causa, ita res inermis, innoxia est: nec minus felix, senibus praesertim. Nam quid in senectute felicius, quam quod dulcissimum est in iuventa? Quare ego Isaeum non disertissimum tantum, verum etiam beatissimum indico, quem tu nisi cognoscere concupiscis, saxeus ferrensque es. Proinde si non ob alia, nosque ipsos, at certe ut hunc audias, veni. Nunquamne legisti, Gaditanum quendam Titi Livii nomine gloriae commotum ad visendum eum ab ultimo terrarum orbe venisse, statimque, ut viderat, abiisse? *Ἀφιλόκαλον*, illiteratum, iners, ac paene etiam turpe est, non putare tanti cognitionem, qua nulla est iucundior, nulla pulchrior, nulla denique humanior. Dices, *Habeo hic quos legam, non minus disertos*. Etiam: sed legendi semper occasio est, audiendi non semper. Praeterea multo magis, ut vulgo dicitur, viva vox adficit. Nam licet acriora sint, quae legas, altius tamen in animo sedent, quae pronuntiatio, vultus, habitus, gestus etiam dicentis adfigit. Nisi vero falsum putamus illud Aeschinis: qui, quum legisset Rhodiis orationem Demosthenis, admirantibus cunctis, adieciisse fertur, *Τί δὲ, εἰ αὐτοῦ τοῦ θηροῦ [τὰ αὐτοῦ ῥήματα βοῶντος] ἀκηκόετε*; Et erat Aeschines, si Demostheni credimus, *μεγαλοφωνότατος*. Fatebatur tamen, longe melius eadem illa pronuntiasse ipsum, qui pepererat. Quae omnia huc tendunt, ut audias Isaeum: vel ideo tantum, ut audieris. Vale.

IV.

Mortatur, ne dubitet hereditatem adire: se enim solvisse creditoribus pro patre.

C. PLINIVS CALVINAE S.

Si pluribus pater tuus, vel unigenitis alii, quam

mibi, debuisset, fuisset fortasse dubitandum, an adires hereditatem etiam viro gravem: quum vero ego adductus adfinitatis officio, dimissis omnibus, qui, non dico molestiores, sed diligentiores erant, creditor solus existerim: quumque vivente eo nubenti tibi in dotem centum millia contulerim, praeter eam summam, quam pater tuus quasi de meo dixit (erat enim solvenda de meo) magnum habes facilitatis meae pignus: cuius fiducia debes famam defuncti pudoremque suscipere; ad quod ne te verbis magis quam rebus horter, quidquid mihi pater tuus debuit, acceptum tibi ferri inbeo. Nec est, quod verearis, ne sit mihi ista onerosa donatio. Sunt quidem omnino nobis modicae facultates, dignitas sumtuosa, redditus propter conditionem agellorum, nescio minor an incertior: sed quod cessat ex redditu, frugalitate suppletur: ex qua, velut e fonte, liberalitas nostra decurrit. Quae tamen ita temperanda est, ne nimia profusione inarescat: sed temperanda in aliis; in te vero facile ratio constabit, etiam si modum excesserit. Vale.

V.

Partem orationis, qua patriam defenderat, perpoliendam mittit.

C. PLINIVS LVPERCO SVO S.

Actionem et a te frequenter efflagitam, et a me saepe promissam exhibui tibi, non tamen totam: adhuc enim pars eius perpolitur. Interim quae absoluta mihi videbantur, non fuit alienum iudicio tuo adi. His tu, rogo, intentionem scribentis accommo-
da. Nihil enim adhuc inter manus habui, cui maiora sollicitudinem praestare deberem. Nam in ceteris omnibus existimationi hominum diligentia tantum et nostra; in hac etiam pietas subiicietur. Inde et r crevit, dum ornare patriam et amplificare gaudere, pariterque et defensionem eius servimus et gloriae. *unen haec ipse, quantum ratio exegerit, reseca-*

Quoties enim ad fastidium legentium deliciasque respicio, intelligo nobis commendationem ex ipsa mediocritate libri petendam. Idem tamen, qui a te haud austeritatem exigo, cogor id, quod diversum est, postulare, ut in plerisque frontem remittas. Sunt enim quaedam adolescentinum auribus danda, praesertim materia non refragetur: nam descriptiones locorum quae in hoc libro frequentiores erunt, non historicum tantum, sed prope poetice prosequi fas est. Quod tamen si quis extiterit, qui putet nos lautius fecisse quam orationis severitas exigit: huius (ut ita dixerim) tristitiam reliquae partes actionis exorare debebunt. Adnixi certe sumus, ut, quamlibet diversa genera lectorum, per plures dicendi species teneremus. Ac sic ut veremur, ne quibusdam pars aliqua secundum suam cuiusque naturam non probetur: ita videmus posse confidere, ut universitatem omnibus varietas ipsa commendet. Nam et in ratione conviviorum, quamvis a plerisque cibis singuli temperemus, totam tamen coenam ludare omnes solemus: nec ea, quae stomachus noster recusat, adimunt gratiam illis, a quibus capitur. Atque haec ego sic accipi volo, non tanquam adsequentum me esse credam, sed tanquam adsequi laboraverim: fortasse non frustra, si modo tu curam tuam admoveris, interim istis, mox iis, quae sequuntur. Dices, te non posse satis diligenter id facere, nisi prius totam actionem cognoveris. Fateor: in praesentia tamen et ista tibi familiariora fient, et quaedam ex his talia erunt, ut per partes emendari possint. Etenim si avulsam statuæ caput aut membrum aliquod inspiceres, non tu quidem ex illo posses congruentiam aequalitatemque deprehendere, posses tamen iudicare, an id ipsum satis elegans esset. Nec alia ex causa principia librorum circumferuntur, quam quia existimatur pars aliqua etiam sine ceteris esse perfecta. Longius me provexit dulcedo quaedam tecum loquendi: sed iam finem faciam, ne modum, quem etiam orationi adhiben-

VI.

Exemplo sordidi simul et sumptuosi hominis Avitum monet, ut sordium et luxuriae societatem fugiat.

C. PLINIVS AVITO SVO S.

Longum est altius repetere, nec refert, quemadmodum acciderit, ut homo minime familiaris coenarem apud quendam, ut sibi videbatur, lautum et diligentem; ut mihi, sordidum simul et sumptuosum. Nam sibi et paucis optima quaedam; ceteris, vilia et minuta ponebat. Vinum etiam parvulis lagunculis in tria genera descripserat, non ut potestas eligendi, sed ne ius esset recusandi: et aliud sibi et nobis, aliud minoribus amicis, (nam gradatim amicos habet,) aliud suis nostrisque libertis. Animadvertit, qui mihi proximus recumbebat, et, an probarem, interrogavit. Negavi. Tu ergo, inquit, quam consuetudinem sequeris? Eadem omnibus pono. Ad coenam enim, non ad notam, invito: cunctisque rebus exaequo, quos mensa et toro aequavi. Etiamne libertos? Etiam. Convictores enim tunc, non libertos, puto. Et ille, Magno tibi constat. Minime. Qui fieri potest? Potest: quia scilicet liberti mei non idem, quod ego, bibunt, sed idem ego, quod liberti. Et hercule, si gulae temperes, non est onerosum, quo utaris ipse, communicare cum pluribus. Illa ergo reprimenda, illa quasi in ordinem redigenda est, si sumptibus parcas, quibus aliquanto rectius tua continentia, quam aliena contumelia, consulas. Quorsum haec? Ne tibi optimae indolis iuveni quorundam in mensa luxuria specie frugalitatis imponat. Convenit autem amori in te meo, quoties tale aliquid inciderit, sub exemplo praemonere, quid debeas fugere. Igitur memento, nihil magis esse vitandum, quam istam luxuriae et sordium novam societatem: quae cum sint turpissima discreta ac separata, turpius iunguntur. Vale.

VII.

Narrat, triumphalem statuam Spurinnae ob res bene gestas, etiam filio eius defuncto aliam solatii causa positam esse.

C. PLINIUS MACRINO SVO S.

Heri a senatu Vestricio Spurinnae, Principe auctore, triumphalis statua decreta est: non ita, ut multis, qui nunquam in acie steterunt, nunquam castra viderunt, nunquam denique tubarum sonum, nisi in spectaculis, audierunt: verum ut illis, qui decus istud sudore et sanguine et factis adaequebantur. Nam Spurinna Bructerum regem vi et armis induxit in regnum: ostentatoque bello, ferocissimam gentem (quod est pulcherrimum victoriae genus) terrore perdomuit. Et hoc quidem virtutis praemium; illud solatium doloris accepit, quod filio eius Cottio; quem amisit absens, habitus est honor statuae. Rarum id in iuvene: sed pater hoc quoque merebatur, cuius gravissimo vulnere magno aliquo fomento medendum fuit. Praeterea Cottius ipse tam clarum specimen indolis dederat, ut vita eius brevis et angusta debuerit hac veluti immortalitate proferri. Nam tanta ei sanctitas; gravitas, auctoritas etiam, ut posset senes illos provocare virtute, quibus nunc honore adaequatus est. Quo quidem honore, quantum ego interpretor, non modo defuncti memoriae et dolori patris, verum etiam exemplo prospectum est. Acuent ad bonas artes iuventutem adolescentibus quoque (digni sint modo) tanta praemia constituta: acuent principes viros ad liberos suscipiendos et gaudia ex superstitiis, et ex amissis tam gloriosa solatia. His ex causis statua Cottii publice laetor, nec privatim minus. Amavi consummatissimum iuvenem tam ardentem, quam nunc impatienter requiro. Erit ergo pergratum mihi hanc effigiem eius subinde intueri, subinde respicere, sub hac consistere, praeter hanc commemare. Etenim si defunctorum imagines domi positae dolorem nostrum levant, quanto

magis eas, quibus in celeberrimo loco non modo species et vultus illorum, sed honor etiam et gloria refertur? Vale.

VIII.

Ad Larium lacum rusticari optat.

C. PLINIVS CANINIO SVO S.

Studes? an piscaris? an venaris? an simul omnia? Possunt enim omnia simul fieri ad Larium nostrum. Nam lacus piscem, feras silvae, quibus lacus cingitur, studia altissimus iste secessus, assatim suggerunt. Sed sive omnia simul, sive aliquid facias, non possum dicere, *Invideo*: augor tamen non et mihi licere, quae sic concupisco, ut aegri vinum, balinea, fontes. Nunquamne hos arctissimos laqueos, si solve re negatur, abrumpam? Nunquam, puto. Nam veteribus negotiis nova accrescunt, nec tamen priora peraguntur: tot nexibus, tot quasi catenis maius in dies occupationum agmen extenditur. Vale.

IX.

Brucium candidatum Apollinari commendat.

C. PLINIVS APOLLINARI SVO S.

Anxium me et inquietum habet petitio Sexti Eruci mei. Adficior cura, et quam pro me solitudinem adii, quasi pro me altero patior: et alioquin meus dolor, mea existimatio, mea dignitas in discrimen lucitur. Ego Sexto latum clavum a Caesare nostro, quaesturam impetravi: meo suffragio pervenit ad tribunatus petendi, quem nisi obtinet in senatu, ve-
re, ne decepisse Caesarem videar. Proinde adniten-
s est mihi, ut talem eum iudicent omnes, qualem princeps mihi credidit. Quae causa si studium non incitaret, adiutum tamen enperem iuvenem
issimum, gravissimum, eruditissimum, omni de-
laude dignissimum, et quidem enim tota domo.
pater eius Erncius Clarus, vir sanctus, antiquus,

disertus, atque in agendis causis exercitatus, quæ summa fide, pari constantia, nec verecundia minor defendit. Habet avunculum C. Septicium, quo nihil verius, nihil simplicius, nihil candidius, nihil fidelius novi. Omnes me certatim, et tamen aequaliter amant omnibus nunc ego in uno referre gratias possum. Itaque preno amicos, supplico, ambio domos, stationes que circumeo: quantumque vel auctoritate vel grati valeam, precibus exorior. Te quoque obsecro, ut aliquam oneris mei partem suscipere tanti putes. Reddam vicem, si reposces: reddam et si non reposces. Diligeris, coleris, frequentaris: ostende modo, velle te nec deerunt, qui, quod tu velis, cupiant. Vale.

X.

Ad carminum editionem, saltem ad recitationem adhortatur.

C. PLINIVS OCTAVIO SVO S.

Hominem te patientem, vel potius durum ac pæne crudelem, qui tam insignes libros tamdiu teneas. Quousque et tibi et nobis invidebis: tibi, maxima laude; nobis, voluptate? Sine per ora hominum ferantur, iisdemque, quibus lingua Romana, spatiis pervagentur. Magna etiam longaue expectatio est: quam frustrari adhuc et differre non debes. Evotuerunt quidam tui versus, et invito te claustra tua fregerunt. Hos nisi retrahis in corpus, quandoque, ut erroneus aliquem, cuius dicantur, invenient. Habe ante oculos mortalitatem: a qua adserere te hoc uno monimento potes. Nam cetera, fragilia et caduca, non minus quam ipsi homines, occidunt desinuntque. Dices, ut soles, *Amici mei viderint*. Opto equidem amicos tibi tam fideles, tam eruditos, tam laboriosos, ut tantum curae intentionisque suscipere et possint et velint: sed dispice, ne sit parum providum, sperare ex aliis, quod *ibi ipse non praestes*. Et de editione quidem interim, ut voles: recita saltem, quo magis libeat emittere: ut

que tandem percipias gaudium, quod ego olim pro te non temere praesumo. Imaginor enim, qui concursus, quae admiratio te, qui clamor, quod etiam silentium maneat. Quo ego, quum dico vel recito, non minus quam clamore delector; sit modo silentium acre et intentum et cupidum ulteriora audiendi. Hoc fructu tanto, tam parato, desine studia tua infinita ista cunctatione fraudare: quae quum inodum excedit, verendum est, ne inertiae et desidia, vel etiam timiditatis nomen accipiat. Vale.

XI.

Narrat, se actore et Tacito, Africae proconsulem Marium, repetundarum reum, a senatu damnatum esse.

C. PLINIUS ARRIANO SVO S.

Solet esse gaudio tibi, si quid actum est in senatu dignum ordine illo. Quamvis enim quietis amore secesseris, insidet tamen animo tuo maiestatis publicae cura. Accipe ergo, quod per hos dies actum est, personae claritate famosum, severitate exempli salubre, rei magnitudine aeternum. Marius Priscus, accusantibus Afris, quibus proconsul praefuit, omissa defensione, iudices petiit. Ego et Cornelius Tacitus adesse provincialibus iussi, existimavimus fidei nostrae convenire, notum senatui facere, excessisse Priscum immanitate et saevitia crimina, quibus dari iudices possent: quum ob innocentes condemnandos, interficiendos etiam, pecunias accepisset. Respondit Fronto Catus, deprecatusque est, ne quid ultra repetundarum legem quaereretur, omniaque actionis suae vela vir movendarum lacrymarum peritissimus, quodam velut vento miserationis implevit. Magna contentio, magni utrinque clamores: aliis cognitionem senatus lege conclusam, aliis liberam solutamque dicentibus: quantumque admisisset reus, tantum vindicandum. Novissime consul designatus Iulius Ferox, vir rectus et sanctus,

Mario quidem iudices interim censuit dando: evocandos autem, quibus diceretur innocentium poenas vendidisse. Quae sententia non praevaluit modo, sed omnino post tantas dissensiones fuit sola frequens: adnotatumque experimentis, quod favor et misericordia acres et vehementes primos impetus habent, paullatim, consilio et ratione quasi restincta, confidunt. Unde evenit, ut, quod multi clamore permixto tuentur, nemo tacentibus ceteris dicere velit: patescit enim, quum separaris a turba, contemplatio rerum, quae turba teguntur. Venerunt, qui adesse erant iussi, Vitellius Honoratus, et Flavius Martianus, ex quibus Honoratus trecentis millibus exsilium equitis Romani, septemque amicorum eius ultimam poenam; Martianus unius equitis Romani septingentis millibus plura supplicia arguebatur emisse: erat enim fustibus caesus, damnuatus in metallum, strangulatus in carcere. Sed Honoratum cognitioni senatus mors opportuna subtraxit: Martianus inductus est absente Prisco. Itaque Tuccius Cerealis consularis iure senatorio postulavit, ut Priscus certior fieret: sive quia miserabiliorem, sive quia invidiosiore fore arbitrabatur, si praesens fuisset: sive (quod maxime credo) quia aequissimum erat commune crimen ab utroque defendi: et si dilui non potuisset, in utroque puniri. Dilata res est in proximum senatum, cuius ipse conspectus angustissimus fuit. Princeps praesidebat, erat enim consul: ad hoc Ianuarius mensis cum cetera, tum praecipue senatorum frequentia celeberrimus: praeterea causae amplitudo, auctaque dilatione expectatio et fama, insitumque mortalibus studium magna et inusitata noscendi, omnes undique exciverat. Imaginare, quae sollicitudo nobis, qui metus, quibus super tanta re, in illo coetu, praesente Caesare, dicendum erat. Equidem in senatu non semel egit: quin immo nusquam audiri benignius soleo: tunc me tenent, ut nova omnia novo metu permovebant. Observabatur praeter illa, quae su-

pra dixi, causae difficultas: stabat modo Consularis, modo Septemvir Epulonum, iam neutrum. Erat igitur perquam onerosum, accusare damnatum: quem ut premebat atrocitas criminis, ita quasi peractae damnationis miseratio tuebatur. Vtunque tamen animum cogitationemque collegi: coepi dicere non minore audientium adsensu, quam sollicitudine mea: dixi horis paene quinque. Nam X clepsydria, quas spatiosissimas acceperam, sunt additae quatuor. Adeo illa ipsa, quae dura et adversa dicturo videbantur, secunda dicenti fuerunt! Caesar quidem mihi tantum studium, tantam etiam curam (nimium est enim dicere sollicitudinem) praestitit, ut libertum meum post me stantem saepius admoneret, voci laterique consulerem: quum me vehementius putaret intendi, quam gracilitas mea perpeti posset. Respondit mihi pro Martiano Claudius Marcellinus. Missus deinde senatus, et revocatus in posterum. Neque enim iam inchoari poterat actio, nisi ut noctis interventu scinderetur. Postero die dixit pro Mario Salvius Liberalis, vir subtilis, dispositus, acer, disertus: in illa vero causa omnes artes suas protulit. Respondit Cornelius Tacitus eloquentissime, et, quod eximium orationi eius inest, *σμενῶς*. Dixit pro Mario rursus Fronto Catius insigniter: utque iam locus ille poscebat, plus in precibus temporis, quam in defensione consumsit. Huius actionem vespere inclusit: non tamen sic, ut abrumperet. Itaque in tertium diem probationes exierunt. Iam hoc ipsum pulchrum et antiquum, senatum nocte dimitti, triduo vocari, triduo contineri. Cornutus Tertullus COS. designatus, vir egregius, et pro veritate firmissimus, censuit *septingenta millia, quae acceperat Marius, aerario inferenda: Mario urbe Italiaque interdicendum; Martiano hoc amplius, Africa*. In fine sententiae adiecit, *Quod ego et Tacitus iniuncta advectione diligenter fortiterque functi essemus, arbitrari senatum, ita nos fecisse, ut dignum mando*

tis partibus fuerit. Adsenſerunt conſules deſi omnes etiam conſulares uſque ad Pompeium (gam: ille et *ſeptingenta millia, quae acceperat riuſ, aerario inferenda, et Martianum in quin xium relegandum: Marium repetundarum pe quam iam paſſus eſſet, cenſuit relinquendum.* in utraque ſententia multi, fortasſe etiam plu hac vel ſolutione vel molliore. Nam quidam quoque, qui Cornuto videbantur adſenſi, hun poſt ipſos cenſuerat, ſequebantur. Sed quum diſceſſio, qui ſellis conſulum adſtiterant, in Co ſententiam ire coeperunt. Tum illi, qui ſe Co adnumerari patiebantur, in diuerſum tranſiit Collega cum paucis relictus. Multum poſtea de i ſoribus ſuis, praecipue de Regulo, queſtus eſt, in ſententia, quam ipſe dictauerat, deſeruſſet. Ea qui Regulo tam mobile ingenium, ut plurimu deat, plurimum timeat. Hic finis cognitionis ar ſimae. Superest tamen *λεπτοῦργον* non leue, Ho Firminus, legatus Marii Prisci, qui permixtus ca graviter vehementerque vexatus eſt. Nam et ra bus Martiani, et ſermone, quem ille habuerat in ne Leptitanorum, operam ſuam Priſco ad turpiſſi miniſterium commodasſe, ſtipulatusque de Ma quinquaginta millia denariu probabatur: ipſe terea accepiſſe ſeſtertiu decem millia, foedu quidem titulo, nomine unguentarii, qui titulus hominis comiti ſemper et pumicati non abhori Placuit, cenſente Cornuto, referri de eo proximo tu: tunc enim, caſu incertum, an conſcientia, al rat. Habes res urbanas: invicem ruſticas ſcribe, arbuſculae tuae, quid vineae, quid ſegetes a quid oves delicatiſſimae? In ſumma, niſi aequ gam epiſtolam reddes, non eſt quod poſtea, niſi viſſimam, exſpectes. Vale.

XII.

Eventum caussae Firmini legati, quam superior epistola notaverat, perscribit.

C. PLINIVS ARRIANO SVO S.

Αετοῦργιον illud, quod superesse Marii Prisci caussae proxime scripseram, nescio an satis circumcisum, tamen et adrasum est. Firminus inductus in senatum respondit crimini noto. Sequuntae sunt diversae sententiae consulum designatorum. Cornutus Tertullus censuit ordine movendum: acutius Nerva, in sortitione provinciae rationem eius non habendam. Quae sententia, tanquam mitior, vicit, quum sit alioqui durior tristiorque. Quid enim miserius, quam exsectum et exemptum honoribus senatoriis, labore et molestia non carere? Quid gravius, quam tanta ignominia adfectum, non in solitudine latere, sed in hac altissima specula conspiciendum se monstrandumque praeberere? Praeterea, quid publice minus aut congruens aut decorum? notatum a senatu in senatu sedere? ipsisque illis, a quibus sit notatus, aequari? submotum a proconsulatu, quia se in legatione turpiter gesserat, de proconsulibus iudicare? damnatumque sordium, vel damnare alios vel absolvere? Sed hoc pluribus visum est. Numerantur enim sententiae, non ponderantur: nec aliud in publico consilio potest fieri; in quo nihil est tam inaequale, quam aequalitas ipsa. Nam quum sit impar prudentia, par omnium ius est. Implevi promissum, priorisque epistolae fidem exsolvi, quam ex spatio temporis iam recepissee te colligo. Nam et festinanti et diligenti tabellario dedi: nisi quid impedimenti in via passus est. Tuae nunc partes, ut primum illam, deinde hanc remunereris literis, quales isthinc redire noberrimae possunt. Vale.

XIII.

Voconium Romanum commendat.

C. PLINIUS PRISCO SVO S.

Et tu occasiones obligandi me avidissime amplecteris, et ego nemini libentius debeo. Duabus ergo de causis a te potissimum petere constitui, quod impetratum maxime cupio. Regis exercitum amplissimum; hinc tibi beneficiorum larga materia, longum praeterea tempus, quo amicos tuos exornare potuisti. Convertere ad nostros, nec hos multos. Malles tu quidem multos, sed meae verecundiae sufficit unus aut alter, ac potius unus. Is erit Voconius Romanus. Pater ei in equestri gradu clarus, clarior vitricus, immo pater alius: nam huic quoque nomini pietate successit. Mater e primis citerioris Hispaniae. Scis, quod iudicium provinciae illius, quanta sit gravitas. Flamen proxime fuit. Hunc ego, quum simul studeremus, arcte familiariterque dilexi: ille mens in urbe, ille in secessu contubernalis: cum hoc seria, cum hoc iocos miscui. Quid enim aut ille fidelis amico, aut sodale iucundius? Mira in sermone, mira etiam in ore ipso vultuque suavitas. Ad hoc ingenium excelsum, subtile, dulce, facile, eruditum in causis agendis. Epistolas quidem scribit, ut Musas ipsas Latine loqui credas. Amat a me plurimum, nec tamen vincitur. Equidem iuvenis statim inveni, quantum potui per aetatem, avidissime contuli, et nuper ab optimo principe trium liberorum ei ius impetravi. Quod quamquam parce et cum delectu daret, mihi tamen, tanquam eligeret, indulxit. Haec beneficia mea tueri nullo modo melius, quam ut augeam, possum, praesertim quum ipse illa tam grate interpretetur, ut, dum priora accipit, posteriora mereatur. Habes, qualis, quam probatus carusque sit nobis. Quem rogo, pro ingenio, pro fortuna tua exornes. *In primis ama hominem. Nam licet tribuas ei quantum amplissimum potes, nihil tamen amplius potes*

amicitia tua: cuius esse eum usque in intimam familiaritatem capacem, quo magis soires, breviter tibi studia, mores, omnem denique vitam eius expressi. Extenderem preces, nisi et tu rogaridiu nolles, et ego tota hac epistola fecissem. Rogat enim et quidem efficacissime, qui reddit causas rogandi. Vale.

XIV.

Centumvinales causas ab adolescentulis profanatas queritur.

C. PLINIUS MAXIMO SVO S.

Verum opinaris: dstringor centumviralibus causis, quae me exercent magis, quam delectant. Sunt enim pleraeque parvae et exiles. Raro incidit vel personarum claritate vel negotii magnitudine insignis. Ad hoc, perpauci, cum quibus iuvat dicere: ceteri audent, atque etiam magna ex parte adolescentuli obscuro ad declamandum hinc transeunt, tam irreverenter et temere, ut mihi Attilius noster expresse dixisse videatur, sic in foro pueros a centumviralibus causis inspicari, ut ab Homero in scholis. Nam hic quoque, ut illic, primum coepit esse, quod maximum est. At hercule ante memoriam meam, (ita maiores natu solent dicere) ne nobilissimis quidem adolescentibus locus erat, nisi aliquo consulari producente: tanta veneratione pulcherrimum opus colebatur. Nunc, refractis pudoris et reverentiae claustris, omnia patent omnibus; nec inducuntur, sed irrumpunt. Sequuntur auditores actoribus similes, conducti et redempti: manceps convenitur in media basilica, ubi tam palam sportulae, quam in triclinio dantur. Ex iudicio in iudicium pari mercede transitur. Inde iam non inurbane *Σοφοκλαῖς* vocantur: iisdem Latinum nomen impositum est laudicoeni. Et tamen crescit in dies foeditas utraque lingua notata. Heri duo nomenclatores mei, (habent sane aetatem eorum, qui unper togas sumserint) ternis denariis ad laudandum trahebantur. Tanti constat, ut

disertissimus. Hoc pretio quamlibet numerosa sub-
 sessa implentur: hoc ingens corona colligitur: hoc
 infiniti clamores commoventur, quum *μεσόχορος* de-
 dit signum. Opus est enim signo apud non intelli-
 gentes, ne audientes quidem: nam plerique non au-
 diunt, nec ulli magis laudant. Si quando transibis per
 basilicam, et voles scire, quomodo quisque dicat, nihil
 est, quod tribunal adscendas, nihil, quod praebeas au-
 rem: facilis divinatio. Scito, eum pessime dicere, qui
 laudabitur maxime. Primus hunc audiendi morem in-
 duxit Largius Licinius: hactenus tamen, ut auditores
 corrogaret. Ita certe ex Quintiliano, praeceptore meo,
 audisse memini. Narrabat ille: *Adsectabar Domi-
 tium Afrum, quum apud centumviros diceret gravi-
 ter et lente, (hoc enim illi actionis genus erat) au-
 diit ex proximo immodicum insolitumque clamorem.*
*admiratus reticuit: ubi silentium factum est, repe-
 tit quod abruperat: iterum clamor, iterum reticuit*
et post silentium, coepit idem tertio. Novissime,
quis diceret, quaesivit: responsum est, Licinius.
Tum intermissa caussa, Centumviri, inquit, hoc
artificium periit. Quod alioqui perire incipie-
 bat, quum periisse Afro videretur; nunc vero prope
 funditus extinctum et eversum est. Pudet referre,
 quae, quam fracta pronuntiatione dicantur; quibus,
 quam teneris clamoribus excipiantur. Plausus tantum,
 ac potius sola cymbala, et tympana illis canticis desunt:
 ululatus quidem (neque enim alio vocabulo potest ex-
 primi theatri quoque indecora laudatio) large super-
 sunt. Nos tamen adhuc et utilitas amicorum, et ratio
 aetatis moratur ac retinet. Veremur enim, ne forte
 non has indignitates reliquisse, sed laborem refugisse
 videamur. Sumus tamen solito rariores: quod initium
 est gradatim desinendi. Vale.

XV.

Quomodo veteres et novi coëmti agri placeant, interrogat.

C. PLINIVS VALERIANO SVO S.

Quo modo te veteres Marsi tui? quo modo emtio nova? Placent agri, postquam tui facti sunt? Rarum id quidem! Nihil enim aequè gratum est adeptis, quam concupiscentibus. Me praedia materna parum commode tractant: delectant tamen, ut materna: alioqui longa patientia obcallui. Habent hunc finem assiduæ querelæ, quod queri pudet. Vale.

XVI.

Monenti, ut codicillos Aciliani irritos faciat, non confirmatos testamento, respondet, voluntatem legantis sibi pro lege esse.

C. PLINIVS ANNIANO SVO S.

Tu quidem pro cetera tua diligentia admones me, codicillos Aciliani, qui me ex parte instituit heredem, pro non scriptis habendos, quia non sint confirmati testamento: quod ius ne mihi quidem ignotum est, quum sit iis etiam notum, qui nihil aliud sciunt. Sed ego propriam quandam legem mihi dixi, ut defunctorum voluntates, etiamsi iure deficerent, quasi perfectas tuerer. Constat autem, codicillos istos Aciliani manu scriptos. Licet ergo non sint confirmati testamento, a me tamen, ut confirmati, observabuntur; praesertim quum delatori locus non sit. Nam si verendum esset, ne, quod ego dedissem, populus eriperet, cunctatior fortasse et cautior esse deberem: quum vero liceat heredi donare, quod in hereditate subsedit, nihil est, quod obstat illi meae legi, cui publicae leges non repugnant. Vale.

XVII.

Descriptio villae Laurentinae.

C. PLINIVS GALLO SVO S.

Miraris, cur me Laurentinum, vel, si ita mavis Laurens meum tantopere delectet. Desines mirari quum cognoveris gratiam villae, opportunitatem loci litoris spatium. Decem et septem millibus passuum a urbe secessit: ut peractis, quae agenda fuerint, salve iam et composito die, possis ibi manere. Aditur non una via: nam et Laurentina et Ostiensis eodem ferunt sed Laurentina a quartodecimo lapide, Ostiensis ab undecimo relinquenda est. Vtrunque excipit iter aliquod ex parte arenosum, iunctis paullo gravius et longius, equo breve et molle. Versa hinc atque inde facies. Nam modo occurrentibus silvis via coarctatur, modo latissimis pratis diffunditur et patescit. Multi greges ovium, multa ibi equorum boumque armenta: quae montibus hieme depulsa, herbis et tepore verno nitescent. Villa usibus capax, non sumptuosa tutela. Cuius in prima parte atrium frugi, nec tamen sordidum: deinde porticus in D literae similitudine circumactae: quibus parvula, sed festiva, area includitur. Egregium hae adversum tempestates receptaculum: nam specularibus, ac multo magis imminentibus tectis muniuntur. Est contra medias cavaedium hilare: mox triclinium satis pulchrum, quod in litus excurrit: ac si quando Africo mare impulsus est, fractis iam et novissimis fluctibus leviter adluitur. Undique valvas, aut fenestras non minores valvis habet: atque ita a lateribus et a fronte quasi tris maria prospectat: a tergo cavaedium, porticum, aream: porticum rursus, mox atrium, silvas et longinquos respicit montes. Huius a laeva retractius paullo cubiculum est amplum: deinde aliud minus, quod altera fenestra admittit orientem, occidentem altera retinet. Haec et subiaccens mare longius quidem, sed securius intuetur. Huius cubiculi et

illius obiectu includitur angulus, qui purissimam
 lem continet et accendit. Hoc hibernaculum,
 in gymnasium meorum est. Ibi omnes silent
 ceptis qui nubilum inducunt, et serenum ante,
 sum loci, eripiunt. Adnectitur angulo cubicu-
 psidea curvatum, quod ambitum solis fenestris
 sequitur. Parieti eius in bibliothecae speciem
 insertum est, quod non legendos libros, sed
 los capit. Adhaeret dormitorium membrum,
 interiacente, qui, suspensus et tabulatus, con-
 vaporem salubri temperamento huc illucque
 et ministrat. Reliqua pars lateris huius servo-
 rorumque usibus detinetur, plerisque tam
 , ut accipere hospites possint. Ex alio latere cu-
 est politissimum; deinde vel cubiculum
 , vel modica coenatio, quae plurimo sole,
 mari lucet. Post hanc cubiculum cum
 me, altitudine aestivum, munimentis hiber-
 st enim subductum omnibus ventis. Huic cu-
 liliud, et procoeton, communi pariete inangun-
 de balinei cella frigidaria spatiosa et effusa,
 n contrariis parietibus duo baptisteria, velut
 sinuantur, abunde capacia, si innare in proximo
 Adiacet unctorium, hypocauston, adiacet pro-
 balinei: mox duae cellae, magis elegantes.
 amtuosae. Cohæret calida piscina mirifice, ex
 antes mare adspiciunt. Nec procul sphaeriste-
 nod calidissimo soli, inclinato iam die, occur-
 ac turris erigitur, sub qua diaetae duae; totidem
 . Praeterea coenatio, quae latissimum mare,
 mum littus, amoenissimas villas prospicit. Est
 urris: in hac cubiculum, in quo sol nascitur
 rque: lata post apotheca et horreum. Sub hoc
 im, quod turbati maris non nisi fragorem et
 patitur, eumque iam languidum ac desinentem;
 et *gestationem videt*, qua hortus includitur.
 buxo, aut rore marino, ubi deficit buxus, am-
 in buxus, quæ parte defenditur tectis, abunde

viret; aperto coelo apertoque vento, et, quamquam longinqua, adspersione maris, inarescit. Adiacet gestationi interiore circuitu vinea tenera et umbrosa, nudisque etiam pedibus mollis et cedens. Hortum morus et ficus frequens vestit; quarum arborum illa vel maxime ferax est terra, malignior ceteris. Hac non deteriore, quam maris facie, coenatio remota a mari fruitur. Cingitur diaetis duabus a tergo, quarum fenestris subiacet vestibulum villae, et hortus alius, pinguior et rusticus. Hinc cryptoporticus, prope publici operis, extenditur. Vtrinque fenestrae, a mari plures, ab horto singulae, et alternis pauciores. Hae, quum serenus dies et immotus, omnes; quum hinc vel inde ventus inquietus, qua venti quiescunt, sine iniuria patent. Ante cryptoporticum xystus violis odoratus. Teporem solis infusi repercussu cryptoporticus auget, quae ut tenet solem, sic aquilonem inhibet submovetque: quantumque caloris ante, tantum retro frigoris. Similiter Africum sistit, atque ita diversissimos ventos, alium alio a latere, frangit et finit. Haec iucunditas eius hieme, maior aestate. Nam ante meridiem xystum, post meridiem gestationes hortique proximam partem umbra sua temperat: quae, ut dies crevit decrevitque, modo brevior, modo longior hac vel illac cadit. Ipsa vero cryptoporticum tunc maxime caret sole, quum ardentissimus culminis eius insistit. Ad hoc patentibus fenestris favonios accipit transmittitque: nec unquam aëre pigro et manente ingravescit. In capite xysti deinceps cryptoporticus, horti diaeta est, amores mei; re vera amores: ipse posui. In hac heliocaminus quidem, alia xystum, alia mare, utraque solem, cubiculum autem valvis, cryptoporticum fenestris prospicit. Qua mare contra parietem medium, zotheca perquam eleganter recedit: quae specularibus et velis obductis reductisque modo adiicitur cubiculo, modo aufertur. Lectum et duas cathedras capit: a pedibus *mare, a tergo villae, a capite silvae*: tot facies locorum *totidem fenestris* et distinguit et miscet. Iunctum et

iculum noctis et somni. Non illud voces servulo-
rum, non maris murmur, non tempestatum motus, non
solum lumen, ac ne diem quidem sentit, nisi fene-
strae apertis. Tam alti abditique secreti illa ratio, quod
iacens andron parietem cubiculi hortique distin-
git, atque ita omnem sonum media inanitate consu-
munt. Applicatum est cubiculo hypocaustum perexi-
mum, quod angusta fenestra suppositum calorem, ut
solum exigit, aut effundit aut retinet. Procoeton inde et
iculum porrigitur in solem: quem orientem statim
scriptum ultra meridiem, obliquum quidem, sed ta-
men servat. In hanc ego diaetam quum me recipio, ab-
est mihi etiam a villa mea videor, magnamque eius
scriptam, praecipue Saturnalibus, capio, quum reli-
qua pars tecti, licentia dierum, festisque clamoribus
sonat. Nam nec ipse meorum lusibus, nec illi stu-
meis obstrepunt. Haec utilitas, haec amoenitas de-
ur aqua salienti, sed puteos, ac potius fontes habet:
tamen enim in summo. Et omnino littoris illius mira na-
ta: quocumque loco moveris humum, obvius et para-
humor occurrit, isque sincerus ac ne leviter qui-
a tanta maris vicinitate salus. Suggestunt affatim
et proximae silvae: ceteras copias Ostiensis colonia
ustrat. Frugi quidem homini sufficit etiam vicus,
in una villa discernit: in hoc balinea meritoria tria:
prima commoditas, si forte balineum domi vel subitus
ventus, vel brevior mora calefacere dissuadeat. Li-
ornant varietate gratissima, nunc continuae, nunc in-
nissa tecta villarum, quae praestent multarum urbium
em, sive mari, sive ipso litore utare: quod nonnun-
um longa tranquillitas mollit; saepius frequens et
aravius fluctus indurat. Mare non sane pretiosis pi-
us abundat: soleas tamen et squillas optimas sub-
it. Villa vero nostra etiam mediterraneas copias
estat, lac in primis: nam illuc e pascuis pecora con-
iunt, si quando aquam umbramque sectantur. Lu-
ue de causis cum tibi videor incolere, inhabitare,

diligere secessum? quem tu, nimis urbanus es, concupiscis: atque utinam concupiscas! ut tot tantis dotibus villulae nostrae maxima commendatio ex contubernio accedat. Vale.

XVIII.

*Promittit, se fratris Maurici filiis praeceptorem
cturum esse.*

C. PLINIVS MAVRICO SVO S.

Quid a te iucundius mihi potuit iniungi, quam praeceptorem fratris tui liberis quaerere? Nam be facio tuo in scholam redeo: illam dulcissimam aetate quasi resumo. Sedeo inter iuvenes, ut soleham: at etiam experior, quantum apud illos auctoritatis ex diis habeam. Nam proxime frequenti auditorio is se coram multis ordinis nostri clare loquebantur: traxi, conticuerunt. Quod non referrem, nisi ad illor magis laudem, quam ad meam, pertineret: ac nisi rare te vellem, posse fratris tui filios probe disci. Quod superest, quum omnes, qui profitentur, audis quid de quoque sentiam, scribam: efficiamque, quum tamen epistola consequi potero, ut ipse omnes disce videaris. Debeo enim tibi, debeo memoriae fratris tui hanc fidem, hoc studium, praesertim su tanta re. Nam quid magis interest vestra, quam ut heri (dicerem tui, nisi nunc illos magis amares) di illo patre, te patruo reperiantur? Quam curam me etiam si non mandasses, vindicassem. Nec ignoro accipiendas offensas in eligendo praeceptore: sed optet me non modo offensas, verum etiam simultates fratris tui filiis tam aequo animo subire, quam pariter pro suis. Vale.

XIX.

tanti, ut actionem quandam recitet, productis dubitandi rationibus, rem curatius expendendam proponit.

C. PLINIUS CEREALI SVO S.

Hortaris, ut orationem amicis pluribus recitem. ciam, quia hortaris: quamvis vehementer addubitem. que enim me praeterit, actiones, quae recitantur, im- tam omnem caloremque ac prope nomen suum per- re, ut quas soleant commendare simul et accendere iu- cum consensu, celebritas advocatorum, expectatio ventus, fama non unius actoris, deductumque in partes audientium studium: ad hoc dicentis gestus, incessus, Hecursus etiam, omnibusque motibus animi consenta- aeus vigor corporis. Vnde accidit, ut hi, qui sedentes a- gunt, quamvis illis maxima ex parte supersint eadem illa, quae stantibus, tamen hoc, quod sedent, quasi debiliten- tur et deprimantur. Recitantium vero praecipua pronun- tiationis adiumenta, oculi, manus praepediuntur: quo minus mirum est, si auditorum intentio languescit, nullis extrinsecus aut blandimentis capta aut aculeis excitata. His accedit, quod oratio, de qua loquor, pu- gnax et contentiosa est. Porro ita natura comparatum est, ut ea, quae scripsimus cum labore, cum labore etiam audiri putemus. Et sane quotusquisque tam re- ctus auditor, quem non potius dulcia haec et sonantia, quam austera et pressa, delectent? Est quidem omni- no turpis ista discordia: est tamen: quod plerumque evenit, ut aliud auditores, aliud iudices exigant: quum alioqui praecipue auditor iis adfici debeat, quibus idem si foret iudex, maxime permoveretur. Potest tamen fieri, ut quamquam in his difficultatibus libro isti no- vitas lenocinetur: novitas: apud nostros; apud Graecos enim est quiddam, quamvis ex diverso, non tamen omnino dissimile. Nam, ut illis erat moris, leges, quas ut contrarias prioribus legibus arguebant,

aliarum collatione convincere; ita nobis, inesse retundarum legi, quod postularem, cum hac ipsa lectum aliis colligendum fuit. Quod nequaquam bland auribus imperitorum, tanto maiorem apud doctos habere gratiam debet, quanto minorem apud indoctos. Nos autem, si placuerit recitare, adhibebimus eruditissimum quemque. Sed plane adhuc, an recitandum, examina tecum, omnesque, quos ego vivam, in utraque parte calculos pone, idque elige, in vicerit ratio. A te enim ratio exigetur, nos excus obsequium. Vale.

XX.

Regulum tribus iucundis exemplis, ut testamentum insidiatorem et iniustum heredem, describit.

C. PLINIVS CALVISIO SVO S.

Assem para, et accipe auream fabulam: fabulas mo. Nam me priorum nova admonuit: nec refer qua potissimum incipiam. Verania Pisonis grave iacebat; huius dico Pisonis, quem Galba adoptavit. hanc Regulus venit. Primum impudentiam homini qui venerit ad aegram, cuius marito inimicissimus; invisissimus fuerat. Esto, si venit tantum: at ille et proximus toro sedit: quo die, qua hora nata esset, interrogavit. Vbi audivit, componit vultum, inter oculos, movet labra, agit digitos, computat, nihil, si ut diu miseram expectatione suspendat. *Habes,quit, climactericum tempus, sed evades. Quod utibi magis liqueat, aruspice consulam, quem saepe frequenter expertus.* Nec mora: sacrificium facit, firmat, exta cum siderum significatione congruere. Iam ut in periculo, credula, poscit codicillos: legatum legulo scribit: mox ingravescit: clamat moriens, *O mihi nequam, perfidum, ac plus etiam quam perit iurum!* qui sibi per salutem filii peierasset. Facit Regulus non minus scelerate quam frequenter, quod iram deorum, quos ipse quotidie fallit, in caput inferit.

cis pueri detestatur. Velleius Blaesus, ille locuples consularis, novissima valetudine conflictabatur: cupiebat mutare testamentum. Regulus, qui speraret aliquid ex novis tabulis, quia nuper captare eum coeperat, medicos hortari, rogare, quoquo modo spiritum homini prorogarent. Postquam signatum est testamentum, mutat personam, vertit alloquutionem, iisdemque medicis, *Quousquemiserum cruciatis? quidinvidetis bonam mortem, cui dare vitam non potestis?* Moritur Blaesus: et tanquam omnia audisset, Regulo ne tantulum quidem. Sufficiunt duae fabulae. An scholastica lege tertiam poscis? Est unde fiat. Aurelia, ornata femina, signatura testamentum, sumserat pulcherrimas tunicas. Regulus quum venisset ad signandum, *Rogo*, inquit, *has mihi leges*. Aurelia ludere hominem putabat; ille serio instabat. Nec multa: coëgit mulierem aperire tabulas, ac sibi tunicas, quas erat induta, legare: observavit scribentem, inspexit an scripsisset. Et Aurelia quidem vivit: ille tamen istud tanquam morituram coëgit. Et hic hereditates, hic legata, quasi mereatur, accepit! *Ἀλλὰ τί διατέλονται* in ea civitate, in qua iam pridem non minora praemia, immo maiora, nequitia et improbitas, quam pudor et virtus habent? Adspice Regulum, qui ex paupere et tenui ad tantas opes per flagitia processit, ut ipse mihi dixerit, quum consuleret, quam cito sestertium sexcenties impleturus esset, invenisse sese exta duplicia, quibus portundi, millies et ducenties habiturum. Et habebit, si modo, ut coepit, aliena testamenta, quod est improbissimum genus falsi, ipsis, quorum sunt illa, dictaverit. Vale.

LIBER TERTIVS.

I.

Spurinnae vitam laudat, sibi que simile aliquando otium contingat, precatur.

C. PLINIVS CALVISIO SVO S.

Nescio, an ullum incun dius tempus exegerim, quam quo nuper apud Spurinnam fui; adeo quidem, ut neminem magis in senectute (si modo senescere datum est) aemulari velim: nihil est enim illo vitae genere distinctius. Me autem ut certus siderum cursus, ita vita hominum disposita delectat, senum praesertim. Nam iuvenes adhuc confusa quaedam et quasi turbata non indecent: senibus placida omnia et ordinata conveniunt, quibus industria sera, turpis ambitio est. Hanc regulam Spurinna constantissime servat; quin etiam parva haec, (parva, si non quotidie fiant) ordine quodam et velut orbe circumagit. Mane lectulo continetur: hora secunda calceos poscit: ambulat millia passuum tria. Nec minus animum quam corpus exercet. Si adsunt amici, honestissimi sermones explicantur: si non, liber legitur: interdum etiam praesentibus amicis, si tamen illi non gravantur. Deinde considit, et liber rursus, aut sermo libro potior: mox vehiculum adscendit: adsumit uxorem singularis exempli, vel aliquem amicorum, ut me proxime. Quam pulchrum illud, quam dulce secretum! quantum ibi antiquitatis! quae facta,

quos viros audias, quibus praeceptis imbuere! quamvis ille hoc temperamentum modestiae suae indixerit, ne praecipere videatur. Peractis septem millibus passuum, iterum ambulat mille, iterum residet, vel se cubiculo ac stilo reddit. Scribit enim, et quidem utraque lingua, lyrica doctissime. Mira illis dulcedo, mira suavitas, mira hilaritas: cuius gratiam cumulat sanctitas scribentis. Ubi hora balinei nuntiata est, (est autem hieme nona, aestate octava) in sole, si caret vento, ambulat nudus. Deinde movetur pila vehementer et diu: nam hoc quoque exercitationis genere pugnat cum senectute. Lotus accubat, et paullisper cibum differt: interim audit legentem remissius aliquid et dulcius. Per hoc omne tempus liberum est amicis vel eadem agere, vel alia, si malint. Apponitur coena non minus nitida quam frugi, in argento puro et antiquo. Sunt in usu et Corinthia, quibus delectatur, nec adficitur. Frequenter comoedis coena distinguitur, ut voluptates quoque studiis condiantur. Sumit aliquid de nocte, et aestate. Nemini hoc longum est; tanta comitate convivium trahitur. Inde illi post septimum et septuagesimum annum aurium oculorumque vigor integer; inde agile et vividum corpus, solaque ex senectute prudentia. Hanc ego vitam voto et cogitatione praesumo, ingressurus avidissime, ut primum ratio aetatis receptui canere permiserit. Interim mille laboribus conteror, quorum mihi et solatium et exemplum est idem Spuriinna. Nam ille quoque, quoad honestum fuit, obiit officia, gessit magistratus, provincias rexit: multoque labore hoc otium meruit. Igitur eundem mihi cursum, eundem terminum statuo: idque iam nunc apud te subsigno: ut, si me longius evehi videris, in ius voces ad hanc epistolam meam, et quiescere inbeas, quum inertiae crimen effugeris. Vale.

II.

Arrianum commendat.

C. PLINIUS MAXIMO SVO S.

Quod ipse amicis tuis obtulissem, si mihi eadem materia suppeteret; id nunc iure videor a te meis petiturus. Arrianus Maturius Altinatium est princeps. Quum dico princeps, non de facultatibus loquor, quae illi large supersunt: sed de castitate, iustitia, gravitate, prudentia. Huius ego consilio, in negotiis; iudicio, in studiis utor: nam plurimum fide, plurimum veritate, plurimum intelligentia praestat. Amat me (nihil possum ardentius dicere) ut tu. Caret ambitu: ideo se in equestri gradu tenuit, quum facile posset adscendere altissimum. Mihi tamen ornandus excolendusque est. Itaque magni aestimo, dignitati eius aliquid adstruere, inopinantis, nescientis, immo etiam fortasse nolentis: adstruere autem, quod sit splendidum, nec molestum. Cuius generis, quae prima occasio tibi, conferas in eum, rogo; habebis me, habebis ipsum gratissimum debitorem. Quamvis enim ista non appetat, tam grate tamen excipit, quam si concupiscat. Vale.

III.

Corelliae consulit de filii studiis instituendis, ideam boni magistri in Iulio Genitore praescribens.

C. PLINIUS CORELLIAE HISPULLAE S.

Quum patrem tuum, gravissimum et sanctissimum virum, suspexerim magis an amaverim, dubitem: teque in memoriam eius, et in honorem tuum, unice diligam; cupiam necesse est, atque etiam, quantum in me fuerit, enitar, ut filius tuus avo similis existat: equidem malo, materno: quamquam illi pater-nus etiam clarus spectatusque contigerit: pater quoque et patruus illustri laude conspicui. Quibus omnibus ita demum similis adolescet, si imbutus honestis artibus fuerit, quas plurimum refert a quo potissimum

accipiat. Adhuc illum pueritiae ratio intra contubernium tuum tenuit, praeceptores domi habuit, ubi est vel erroribus modica vel etiam nulla materia. Iam studia eius extra limen proferenda sunt, iam circumspectiendus rhetor Latinus, cuius scholae severitas, pudor, in primis castitas, constet. Adest enim adolescenti nostro, cum ceteris naturae fortunaeque dotibus, eximia corporis pulchritudo: cui in hoc lubrico aetatis non praeceptor modo, sed custos etiam rectorque quaerendus est. Videor ego demonstrare tibi posse Iulium Genitorem. Amatur a me: iudicio tamen meo non obstat caritas hominis, quae ex iudicio nata est. Vir est emendatus et gravis: paullo etiam horridior et durior, ut in hac licentia temporum. Quantum eloquentia valeat, pluribus credere potes; nam dicendi facultas aperta et exposita statim cernitur. Vita hominum altos recessus magnasque latebras habet; cuius pro Genitore me sponsorem accipe. Nihil ex hoc viro filius tuus audiet, nisi profuturum: nihil discet, quod nescisse rectius fuerit. Nec minus saepe ab illo, quam a te meque admonebitur, quibus imaginibus oneretur, quae nomina et quanta sustineat. Proinde, faventibus diis, trade eum praepetori, a quo mores primum, mox eloquentiam discat, quae male sine moribus discitur. Vale.

IV.

Causas exponit, cur advocationem pro Baeticis suscepit: et consulit, an recte fecerit.

C. PLINIVS MACRINO SVO S.

Quamvis et amici, quos praesentes habebam, et sermones hominum factum meum comprobasse videantur, magni tamen aestimo scire, quid sentias tu. Nam cuius integra re consilium exquirere optassem; huius etiam peracta iudicium nosse, mire concupisco. Quum publicum opus mea pecunia inchoaturus in Tuscos excurrissem, accepto, ut praefectus aerarii,
Plin. Ep. E

commeatu; legati provinciae Baeticae, questuri d proconsulatu Caecilii Classici, advocatum me a se natu petierunt. Collegae optimi, meique amantissimi, de communis officii necessitatibus prae loquuti excusare me et eximere tentarunt. Factum est senatus consultum perquam honorificum, ut daret provincialibus patronus, si ab ipso me impetrassent. Legati rursus inducti, iterum me iam praesentem postulaverunt advocatum: implorantes fidem meam, quam essent contra Massam Baebium experti: adlegantes patrocinii foedus. Sequuta est clarissima senatus ad-sensio, quae solet decreta praecurrere. Tum ego, *Desino*, inquam, *Patres Conscripti*, *putare, me iustas excusationis causas adtulisse*. Placuit et modestia sermonis et ratio. Compulsi autem me ad hoc consilium non solum consensus senatus, (quamquam hic maxime) verum etiam alii quidam minores, sed tamen numeri. Veniebat in mentem, priores nostros, etiam singulorum hospitum iniurias accusationibus voluntariis executos: quo deformius arbitrabar publici hospitii iura negligere. Praeterea, quum recorderer, quanta pro iisdem Baeticis priore advocacy etiam pericula subiissem, conservandum veteris officii meritum novo videbatur. Est enim ita comparatum, ut antiquiora beneficia subvertas, nisi illa posterioribus cumules: nam quamlibet saepe obligati, si quid unum neges, hoc solum meminerunt, quod negatum est. Ducebar etiam, quod decesserat Classicus, amotumque erat, quod in eiusmodi causis solet esse tristissimum, periculum senatoris. Videbam ergo, advocacy meae non minorem gratiam, quam si viveret ille, propositam; invidiam nullam. In summa, computabam, si munere hoc iam tertio fungerer, faciliorem mihi excusationem fore, si quis incidisset, quem non deberem accusare. Nam quum est omnium officiorum finis aliquis, tum optime libertati venia obsequio praeparatur. Audiat consilii mei motus et

seres alterutra ex parte iudicium tuum: in quo mihi neque iucunda erit simplicitas dissentientis, quam improbantis auctoritas. Vale.

V.

Plinii maioris libri, vitaeque et studiorum ratio.

C. PLINIUS MACRO SVO S.

Pergratum est mihi, quod tam diligenter libros vinculi mei lectitas, ut habere omnes velis, quaeque, qui sint omnes. Fungar indicis partibus, atque etiam, quo sint ordine scripti, notum tibi faciam. Est enim haec quoque studiosis non iniucunda cognitio. DE IACVLATIONE EQVESTRI VNVS. Hunc, quum praefectus alae militaret, pari ingenio iuraque composuit. DE VITA POMPONII SECUNDI DVO, a quo singulariter amatus, hoc memoriae amici quasi debitum munus exsolvit. BELLORVM GERMANIAE VIGINTI, quibus omnia quae cum Germanis gessimus bella collegit. Inchoavit, quum in Germania militaret, somnio monitus. Adstitit enim quiescenti Drusi Neronis effigies, qui Germaniae latissime victor ibi periit: commendabat memoriam sui, orabatque, ut se ab iniuria oblivionis adseceret. STVDIOSI TRES, in sex volumina propter amplitudinem divisi: quibus oratorem ab incunabulis instituit et perficit. DVBI SERMONIS OCTO: scripsit sub Nerone, novissimis annis, quum omne studiorum genus paullo liberius et erectius periculosum servitus fecisset. A FINE AVFIDI BASSI TRIGINTA VNVS. NATVRAE HISTORIARVM TRIGINTA SEPTEM, opus diffusum, eruditum, nec minus varium quam ipsa natura. Miraris, quod tot volumina, multaque in his tam scrupulosa, homo occupatus absolverit? Magis miraberis, si scieris, illum aliquamliu causas actitasse; decessisse anno sexto et quinquagesimo: medium tempus distentum impeditumque *qua officiis maximis, qua amicitia principum*

egisse. Sed erat acre ingenium, incredibile et summa vigilantia. Lucubrare Vulcanalibus ibat, non auspicandi causa, sed studendi, statim et multa: hieme vero, hora septima, vel quod dissime, octava, saepe sexta. Erat sane somni parat nonnunquam etiam inter studia instantis et detis. Ante lucem ibat ad Vespasianum imperatorem nam ille quoque noctibus utebatur: inde ad suum sibi officium. Reversus domum, quod reliquum erat temporis, studiis reddebat. Post cibum (quem interdum levem et facilem veterum more habebat) aestate, si quid otii, iacebat in sole: liberatur: adnotabat excerpebatque. Nihil enim legi non excerperet. Dicere etiam solebat, nullum librum tam malum, ut non aliqua parte proficeretur. Post solem plerumque frigida lavabatur. Deinde stabat, dormiebatque minimum. Mox, quasi astudebat in coenae tempus. Super hanc liberatur, adnotabatur, et quidem cursim. Meminisse ex amicis, quum lector quaedam perperam nuntiasset, revocasse et repeti coegisse: huic culum meum dixisse, *Intellexeras nempe?* ille adnuisset, *Cur ergo revocabas?* *decem enim versus hac tua interpellatione perdidimus.* erat parsimonia temporis. Surgebat aestate: luce; hieme, intra primam noctis; et tanquam lege cogente. Haec inter medios labores uti fremitum. In secessu solum balinei temporis studiis imbebatur. Quum dico balinei, de interioribus. Nam dum destringitur tergiturque, audiebat aut dictabat. In itinere, quasi solutus ceteris curis uni vacabat. Ad latus notarius cum libro et pugil cuius manus hieme manicis munebantur, ut quidem asperitas ullum studiis tempus eriperet causa Romae quoque sella vehabatur. Repeto, *reptum ab eo, cur ambularem. Poteras, inquit, haec non perdere.* Nam perire omne tempus arbitror.

quod studiis non impertiretur. Hac intentione tot ista volumina peregit, Electorumque commentarios centum sexaginta mihi reliquit, opisthographos quidem et minutissime scriptos: qua ratione multiplicatur hic numerus. Referebat ipse, potuisse se, quum procuraret in Hispania, vendere hos commentarios Largio Licinio quadringentis millibus nummum: et tunc aliquanto pauciores erant. Nonne videtur tibi, recordanti quantum legerit, quantum scripserit, nec in officiis ullis, nec in amicitia principum fuisse? rursus, quum audis, quid studiis laboris impenderit, nec scripsisse satis, nec legisse? Quid est enim, quod non aut illae occupationes impedire, aut haec instantia non possit efficere? Itaque soleo ridere, quum me quidam studiosum vocant, qui, si comparer illi, sum desidiosissimus. Ego autem tantum, quem partim publica, partim amicorum officia distringunt? Quis ex istis, qui tota vita literis adsident, collatus illi, non quasi somno et inertiae deditus erubescat? Extendi epistolam, quamvis hoc solum, quod requirebas, scribere destinassem, quos libros reliquisset. Confido tamen, haec quoque tibi non minus grata, quam ipsos libros, futura: quae te non tantum ad legendos eos, verum etiam ad simile aliquid elaborandum, possunt aemulationis stimulis excitare. Vale.

VI.

Statuam Corinthii aeris in templo patriae positurus, rogat, ut basis ex marmore paretur.

C. PLINIVS SEVERO SVO S.

Ex hereditate, quae mihi obvenit, emi proxime Corinthium signum, modicum quidem, sed festivum et expressum, quantum ego sapio, qui fortasse in omni re, in hac certe perquam exiguum sapio: hoc tamen signum ego quoque intelligo. Est enim nudum, nec aut vitia, si qua sunt, celat, aut laudes parum

ostentat. Effingit senem stantem: ossa, musculi nervi, venae, rugae etiam ut spirantis apparent: rari et cedentes capilli, lata frons, contracta facies, exil collum: pendent lacerti, papillae iacent, recessit venter. A tergo quoque eadem aetas, ut a tergo. At ipsum, quantum verus color indicat, vetus et antiquum Talia denique omnia, ut possint artificum oculos tenere, delectare imperitorum. Quod me, quamquam tirunculum, sollicitavit ad emendum. Emi autem, non ut haberem domi, (neque enim ullum adhuc Corinthium domi habeo) verum ut in patria nostra celeberrimo loco ponerem; ac potissimum in Iovis templo. Videtur enim dignum templo, dignum deo donum. Tergo, ut soles omnia, quae a me tibi iniunguntur, suscipe hanc curam, et iam nunc iube basim fieri, ex qua voles marmore, quae nomen meum honoresque capiat, si hos quoque putabis addendos. Ego signum ipsum, ut primum invenero aliquem, qui non grave tur, mittam tibi: vel ipse, quod mavis, adferam meum. Destino enim (si tamen officii ratio permiserit) excurrere isto. Gaudes, quod me venturum esse polliceor: sed contrahes frontem, quum adiecero, ac paucos dies. Neque enim diutius abesse me sinus eadem haec, quae nondum exire patiuntur. Vale.

VII.

Silium Italicum, quem decessisse nuntiat, meritis laudibus ornat.

C. PLINIVS CANINIO SVO S.

Modo nuntiatum est Silius Italicus in Neapolitanæ suae inedia vitam finisse. Causa mortis, valetudo. Erat illi natus insanabilis clavus, cuius taedio ad mortem irrevocabili constantia decucurrit: usque ad supremum diem beatus et felix, nisi quod minorem et liberis duobus amisit, sed maiorem melioremque, florentem, atque etiam consularem reliquit. Laeserat famam suam sub Nerone; credebatur sponte accu-

sasse: sed in Vitellii amicitia sapienter se et comiter gesserat: ex proconsulatu Asiae gloriam reportaverat; maculam veteris industriae laudabili otio abluerat. Fuit inter principes civitatis sine potentia, sine invidia, Salutabatur, colebatur, multumque in lectulo iacens, cubiculo semper non ex fortuna frequenti. Doctissimis sermonibus dies transigebat, quum a scribendo vacaret, scribebat carmina maiore cura quam ingenio, nonnunquam iudicia hominum recitationibus experiebatur. Novissime, ita suadentibus annis, ab urbe secessit, neque in Campania tenuit: ac ne adventu quidem novi principis inde commotus est. Magna Caesaris laus, sub quo hoc liberum fuit: magna illius, qui hac libertate ausus uti. Erat φιλόναλος usque ad emacitatis reprehensionem. Plures iisdem in locis villas possidebat, adamatisque novis, priores negligebat. Multum ubique librorum, multum statuarum, multum imaginum, quas non habebat modo, verum etiam venerabatur: Virgili ante omnes, cuius natalem religiosius, quam suum, celebrabat; Neapoli maxime, ubi monumentum eius adire, ut templum, solebat. In hac tranquillitate annum quintum et septuagesimum excessit, delicato magis corpore, quam infirmo. Utque novissimus a Nerone factus est consul, ita postremus ex omnibus, quos Nero consules fecerat, decessit. Illud etiam notabile, ultimus ex Neronianis consularibus obiit, quo consule Nero periit. Quod me recorantem, fragilitatis humanae miseratione subit. Quid enim tam circumcissum, tam breve, quam hominis vita longissima? An non videtur tibi Nero modo fuisse, quum interim ex iis, qui sub illo gesserant consulatum, nemo iam superest? Quamquam quid hoc miror? Nuper Lucius Piso, pater Pisonis illius, qui a Valerio Festo per summum facinus in Africa occisus est, dicere solebat, *Neminem se videre in senatu, quem consul ipse sententiam rogavisset. Tam angustis terminis tantae multitudinis*

vivacitas ipsa concluditur: ut mihi non venia solum dignae, verum etiam laude videantur illae regiae lacrymae. Nam ferunt, Xerxem, quum immensum exercitum oculis obisset, illacrymasse, quod tot millibus tam brevis immineret occasus. Sed tanto magis hoc, quidquid est temporis, futilis et eaduci, si non datur factis, (nam horum materia in aliena manu) certe studiis proferamus: et quatenus nobis denegatur diu vivere, relinquamus aliquid, quo nos vixisse testemur. Scio te stimulis non egere; me tamen tui caritas evocat, ut currentem quoque instigem, sicut tu soles me. *Ἀλλήτῃ δ' ἑστίς*, quum invicem se mutuis exhortationibus amici ad amorem immortalitatis exaunant. Vale.

VIII.

Tribunatum Suetonio impetratum, ipso petente, in alium se translaturum, significat.

C. PLINIVS TRANQVILLO SVO S.

Facis pro cetera reverentia, quam mihi praestas, quod tam sollicite petis, ut tribunatum, quem a Neratio Marcello, clarissimo viro, impetravi tibi, in Caesennium Silvanum, propinquum tuum, transferam. Mihi autem sicut iucundissimum, ipsum te tribunum, ita non minus gratum, alium per te videre. Neque enim esse congruens arbitror, quem augere [honoribus] cupias, huic pietatis titulos invidere, qui sunt omnibus honoribus pulchriores. Video etiam, quum sit egregium et mereri beneficia et dare, utramque te laudem simul adsequuturum, si, quod ipse meruisti, aliis tribuas. Praeterea intelligo, mihi quoque gloriae fore, si ex hoc tuo facto non fuerit ignotum, amicos meos non gerere tantum tribuatus posse, verum etiam dare. Quare ego vero honestissimae voluntati tuae pareo. Neque enim adhuc nomen in numeros relatum est: ideoque liberum est nobis Silvanum in *locum tuum* subdere: cui cupio tam gratum esse *munus tuum*, quam tibi meum est. Vale.

IX.

Singulos actus et eventum accusationis Classici enarrat.

C. PLINIUS MINVCIANO SVO S.

Possum iam perscribere tibi, quantum in publica provinciae Baeticae causa laboris exhausserim. Nam fuit multiplex, actaque est saepius cum magna varietate. Unde varietas? unde plures actiones? Caecilius Classicus, homo foedus et aperte malus, proconsulatum in ea non minus violenter quam sordide gesserat, eodem anno, quo in Africa Marius Priscus. Erat autem Priscus ex Baetica, ex Africa Classicus. Inde dictum Baeticorum [ut plerumque dolor etiam venustos facit] non illepidum ferebatur: *Dedi malum et accepi*. Sed Marium una civitas publice, multique privati reum peregorunt; in Classicum tota provincia incubuit. Ille accusationem vel fortuita vel voluntaria morte praevertit. Nam fuit mors eius infamis, ambigua tamen: ut enim credibile videbatur, voluisse exire de vita, quum defendi non posset; ita mirum, pudorem damnationis morte fugisse, quem non puduisset damnanda committere. Nihilominus Baetica etiam in defuncti accusatione perstabat. Provisum hoc legibus, intermissum tamen, et post longam intercapedinem tunc reductum. Addiderunt Baetici, quod simul socios ministrosque Classici detulerunt: nominatimque in eos inquisitionem postulaverunt. Aderam Baeticis, mecumque Luceius Albinus, vir in dicendo copiosus, ornatus: quem ego quum olim mutuo diligerem, ex hac officii societate amare ardentius coepi. Habet quidem gloria, in studiis praesertim, quiddam ἀνοιώητον: nobis tamen nullum certamen, nulla contentio: quum uterque pari iugo non pro se, sed pro causa niteretur. Cuius et magnitudo et utilitas visa est postulare, ut tantum oneris singulis actionibus subiremus. Verēbatur, ne nos dies, ne vox, ne latera deficerent, si tot

crimina, tot reos uno velut fasce complecteremur inde, ne iudicium intentio multis nominibus neque causis non lassaretur modo, verum etiam funderetur: mox, ne gratia singulorum collata permista, pro singulis quoque vires omnium accipere postremo, ne potentissimi, vilissimo quoque quicquid aculari dato, alienis poenis elaberentur. Etenim maxime favor et ambitio domiuatur, quum sub specie severitatis delitescere potest. Erat in c. Sertorianum illud exemplum, qui robustissimum infirmisimum militem iussit caudam equi — nosti. Nam nos quoque tam numerosum agmen ita demum videbamus posse superari, si periculosos carperetur. Placuit in primis ipsum Cl. ostendere nocentem: hic aptissimus ad socios et ministros transitus erat, quia socii ministrique perniciem nisi illo nocente, non poterant. Ex quibus dum Cl. Classico iunximus: Baebium Probum, et F. Hispanum: utrumque gratia, Hispanum etiam dia, validum. Et circa Classicum quidem brevis expeditus labor. Sua manu reliquerat scriptum ex quaque re, quid ex quaque causa accepisset. seriatim etiam epistolas Romam ad amiculum quae iactantes et gloriosas, his quidem verbis: *Io io ad te venio: iam sestertium quadragies r parte vendita Baeticorum.* Circa Hispanum etiam multum sudoris. Horum antequam crimine grederer, necessarium credidi elaborare, ut con ministerium crimen esse: quod nisi effecissem contra ministros probassem. Neque enim ita delabantur, ut negarent, sed ut necessitati veniam perentur: esse enim se provinciales, et ad omne periculum imperium metu cogi. Solet dicere Cl. Restitutus, qui mihi respondit, vir exercitatus et lans, et quamlibet subitis paratus, *nunquam sibi tum caliginis, tantum perturbationis off quam quum ea praerepta et extorta defension*

sermeret, in quibus omnem fiduciam reponebat. Consilii nostri exitus fuit: Bona Classici, quae habuisset ante provinciam, placuit senatui a reliquis asparari; illa filiae, haec spoliatis relinquere. Additum est, ut pecuniae, quas creditoribus solverat, revocarentur. Hispanus et Probus in quinquennium relegati. Adeo grave visum est, quod initio dubitabatur, an omnino crimen esset. Post paucos dies Clavium Fuscum, Classici generum, et Stillonium Priscum, qui tribunus cohortis sub Classico fuerat, accusavimus, dispari eventu. Prisco in biennium Italia interdictum: absolutus est Fuscus. Actione tertia commodissimum putavimus plures congregare, ne, si longius esset extracta cognitio, satietate et taedio quodam iustitia cognoscentium severitasque languesceret: alioqui supererant minores rei, data opera hunc in locum reservati: excepta tamen Classici uxore, quae sicut implicita suspicionibus, ita non satis convinci probationibus visa est. Nam Classici filia, (quae et ipsa inter reos erat) ne suspicionibus quidem haerebat. Itaque quum ad nomen eius in extrema actione venissem (neque enim, ut initio, sic etiam in fine verendum erat, ne per hoc totius accusationis auctoritas minuere-tur) honestissimum credidi, non premere immerentem: idque ipsum dixi et libere et varie. Nam modo legatos interrogabam, *docuissentne me aliquid, quod re probari posse considerent?* modo consilium a senatu petebam, *putaretne debere me, si quam habere in dicendo facultatem, in iugulum innocentis, quasi telum aliquod, intendere?* postremo totum locum hoc fine conclusi, *Dicet aliquis, Iudicas ergo? Ego vero non iudico: memini tamen me advocatum ex iudiciis datum.* Hic numerosissimae causae terminus fuit, quibusdam absolutis, pluribus damnatis, atque etiam relegatis, aliis in tempus, aliis in perpetuum. Eodem senatusconsulto industria, fides, constantia nostra plenissimo testimonio comprobata est: dignum

solumque par pretium tanti laboris. Concipere animo potes; quam simus fatigati, quibus toties agendum, toties altercandum, tam multi testes interrogandi, sublevandi, refutandi. Iam illa quam ardua, quam molesta, tot reorum amicis secreto rogantibus negare, adversantibus palam obsistere? Referam unum aliquod ex iis, quae dixi. Quum mihi quidam e iudicibus ipsis pro reo gratiosissimo reclamarent, *Non minus*, inquam, *hic innocens erit, si ego omnia dixerō*. Coniectabis ex hoc, quantas contentiones, quantas etiam offensas subierimus, dumtaxat ad breve tempus. Nam fides in praesentia eos, quibus resistit, offendit; deinde ab illis ipsis suspicitur laudaturque. Non potui magis te in rem praesentem perducere. Dices, *Non fuit tanti*. Quid enim mihi cum tam longa epistola? Nolito ergo identidem quaerere, quid Romae geratur. Et tamen memento esse non epistolam longam, quae tot dies, tot cognitiones, tot denique reos causasque complexa sit. Quae omnia videor mihi non minus breviter, quam diligenter, persequutus. Temere dixi *diligenter*: succurrit quod praeterieram, et quidem sero: sed, quamquam praepostere, reddetur. Facit hoc Homerus, multique illius exemplo. Est alioqui perdecorum: a me tamen non ideo fiet. Ex testibus quidam, sive iratus, quod evocatus esset invitus, sive subornatus ab aliquo reorum, ut accusationem exarmaret, Norbanum Licinianum, legatum et inquisitorem, reum postulavit, tanquam in causa Castae [uxor haec Classici] praevericaretur. Est legatum, ut reus ante peragatur, tunc de praevericatore quaeratur, quia optime ex accusatione ipsa accusatoris fides aestimatur. Norbano tamen non ordo legis, non legati nomen, non inquisitionis officium praesidio fuit: tanta conflagravit invidia homo alioqui flagitiosus, et Domitiani temporibus usus, ut multi: electusque tunc a provincia ad inquirendum, non tanquam bonus et fidelis, sed tanquam Classici inimicus.

Erat ab illo relegatus. Dari sibi diem ad diluenda crimina postulavit. Neutrum impetravit; coactus est statim respondere: respondit: malum pravumque ingenium hominis facit, ut dubitem, confidenter an constanter, certe paratissime. Obiecta sunt multa, quae magis, quam praevaricatio, nocuerunt. Quin etiam duo consulares, Pomponius Rufus et Libo Frugi, laeserunt eum testimonio, tanquam apud iudicem, sub Domitiano, Salvii Liberalis accusatoribus adfuisset. Damnatus et in insulam relegatus est. Itaque quum Castam accusarem, nihil magis pressi, quam quod accusator eius praevaricationis crimine corruisset. Pressi tamen frustra: accidit enim res contraria et nova, ut, accusatore praevaricationis damnato, rea absolveretur. Quaeris, quid nos, dum haec aguntur? Indicavimus senatui, ex Norbano didicisse nos publicam causam, rursusque debere ex integro discere, si ille praevaricator probaretur. Atque ita, dum ille peragitur reus, sedimus: postea Norbanus omnibus diebus cognitionis interfuit: eandemque usque ad extremum vel constantiam vel audaciam pertulit. Interrogo ipse me, an aliquid omiserim rursus: et rursus paene omisi. Summo die Salvius Liberalis reliquos legatos graviter increpuit, tanquam non omnes, quos maudasset provincia, reos peregissent, atque, ut est vehemens et disertus, in discrimen adduxit. Protexi viros optimos, eosdemque gratissimos: mihi certe debere se praedicant, quod illum turbinem evaserint. Hic erit epistolae finis, re vera finis: litteram non addam; etiamsi adhuc aliquid praeterisse me sensero. Vale.

X.

Quae de Spurinnae filio composuerat, parentibus mittit legenda et emendanda.

C. PLINIVS SPVRINNAE SVO ET COCCIAE S.

Composuisse me quaedam de filio vestro, non di-

xi vobis, quam proxime apud vos fui: primum non ideo scripseram, ut dicerem, sed ut meo et meo dolori satisfacerem; deinde, quia te, Spn quum audisses recitasse me, (ut mihi ipse dixisti recitasset, simul audisse credebam. Praeterea vis sum, ne vos festis diebus confunderem, si in moriam gravissimi luctus reduxissem. Nunc quod paullisper haesitavi, id solum, quod recitavi, tererem exigentibus vobis, an adicerem, quae in volumen cogito reservare. Neque enim adfame meis uno libello carissimam mihi et sanctissimam moriam prosequi satis est: cuius famae latius celeretur, si dispensata et digesta fuerit. Verum sitanti mihi, omnia, quae iam composui, vobis haberem, an adhuc aliqua differrem; simplicius et cunctis mihi visum est, omnia, praecipue quum aditis, intra vos futura, donec placeat emittere. Quod perest, rogo, ut pari simplicitate, si qua existat addenda, commutanda, omittenda, indicetis. difficile est hucusque intendere animum in deo difficile et vobis. Sed tamen ut sculptorem, ut rem, qui filii vestri imaginem faceret, admonere quid exprimere, quid emendare deberet; ita me quoque formate, regite, qui non fragilem et caducam immortalem, ut vos putatis, effigiem conor effigere quae hoc diuturnior erit, quo verior, melior, tutior, fuerit. Vale.

XI.

Gratus animus Artemidori, officium Plinii et praedicantis, una cum aliis virtutibus laudis.

C. PLINIUS IVLIO GENITORI SVI

Est omnino Artemidori nostri tam benigna ratio, ut officia amicorum in maius extollat: inde meum meritum, ut vera, ita supra meritum praedicatione circumfert. Equidem, quum essent philo-
sophi ab urbe submoti, fui apud illum in suburbano:

notabilius hoc periculosiusque esset, fui praetor. Pecuniam etiam, qua tunc illi ampliore opus erat, ut aes alienum exsolveret, contractum ex pulcherrimis causis, muasantibus magnis quibusdam et locupletibus amicis, mutuatus ipse, gratuitam dedi. Atque haec feci, quum, septem amicis meis aut occisis aut relegatis, (occisis, Senecione, Rustico, Helvidio; relegatis, Maurico, Gratilla, Arria, Fannia) tot circa me iactis fulminibus quasi ambustus, mihi quoque impendere idem exitium, certis quibusdam notis augurarer. Non ideo tamen eximiam gloriam meruisse me, ut ille praedicat, credo: sed tantum effugisse flagitium. Nam et C. Musonium, socerum eius, (quantum licitum est per aetatem) cum admiratione dilexi, et Artemidorum ipsum iam tum, quum in Syria tribunus militarem, arcta familiaritate complexus sum: idque primum non nullis indolis dedi specimen, quod virum aut sapientem, aut proximum simillimumque sapienti, intelligere sum visus. Nam ex omnibus, qui nunc se philosophos vocant, vix unum aut alterum invenies tanta sinceritate, tanta veritate. Mitto, qua patientia corporis hiemes iuxta et aestates ferat, ut nullis laboribus cedat, ut nihil in cibo aut potu voluptatibus tribuat, ut oculos animumque contineat. Sunt haec magna, sed in alio: in hoc vero minima, si ceteris virtutibus comparentur, quibus meruit, ut a C. Musonio ex omnibus omnium ordinum adsectatoribus gener adsumeretur. Quae mihi recordanti est quidem iucundum, quod me quum apud alios, tum apud te, tantis laudibus cumulet: vereor tamen, ne modum excedat, quem benignitas eius (illuc enim, unde coepi, revertor) non solet tenere. Nam in hoc uno interdum, vir aliqui prudentissimus, honesto quidem, sed tamen errore versatur, quod pluris amicos suos, quam sunt, arbitrat. Vale.

•

XII.

Invitatus ad coenam, qua conditione iturus sit, spondet.

C. PLINIUS CATILIO SVO S.

Veniam ad coenam: sed iam nunc paciscor, expedita, sit parca: Socraticis tantum sermoni abundet: in his quoque teneat modum. Erunt, of antelucana, in quae incidere impune ne Catoni qui licuit, quem tamen C. Caesar ita reprehendit, ut | det. Scribit enim, eos, quibus obvius fuerat, q caput ebrii retexissent, erubuisse: deinde adiicit, *tares, non ab illis Catonem, sed illos a Catone prehenso.* Potuitne plus auctoritatis tribui Cat quam si ebrius quoque tam venerabilis erat? Nos tamen coenae ut apparatus et impendii, sic tempus modus constet. Neque enim ii sumus, quos vituperare inimici quidem possint, nisi ut simul laudent. V

XIII.

Panegyricum, Traiano dictum, emendandum mihi

C. PLINIUS ROMANO SVO S.

Librum, quo nuper optimo principi consul grati, mihi exigenti tibi: missurus, etsi non exegis. In hoc consideres velim, ut pulchritudinem mater ita difficultatem. In ceteris enim lectorem novitas i intentum habet: in hoc, nota, vulgata dicta s omnia; quo fit, ut quasi otiosus securusque lector tant eloquutioni vacet, in qua satisfacere difficilior, quum sola aestimatur. Atque utinam ordo saltem transitus, et figurae simul spectarentur! Nam inveni praeclare, enuntiare magnifice, interdum etiam b hant solent: disponere apte, figurare varie, nisi erutis, negatum est. Nec vero adfectanda sunt semelata et excelsa. Nam, ut in pictura lumen non res magis quam umbra commendat, ita orationem

submittere, quam adtollere decet. Sed quid ego haec doctissimo viro? quin potius illud: adnota, quae putaveris corrigenda. Ita enim magis credam, cetera tibi placere, si quaedam displicuisse cognovero. Vale.

XIV.

Macedonem, saevum dominum, a servis suis in balneo oppressum narrat.

C. PLINIUS ACILIO SVO S.

Rem atrocem, nec tantum epistola dignam, Largius Macedo, vir praetorius, a servis suis passus est: superbus alioqui dominus et saevus, et qui, servisse patrem suum, parum, immo minimum meminisset. Lavabatur in villa Formiana: repente eum servi circumstant: alius fauces invadit, alius os verberat, alius pectus, et ventrem, atque etiam (foedum dictu) verenda contundit: et quum exanimem putarent, abiciunt in fervens pavementum, ut experirentur, an viveret. Ille, sive quia non sentiebat, sive quia non sentire simulabat, immobilis et extensus fidem peractae mortis implevit. Tum demum, quasi aestu solutus, effertur: excipiunt servi fideliores: concubinae cum ululatu et clamore concurrunt. Ita et vocibus excitatus, et recreatus loci frigore, sublati oculis agitatoque corpore, vivere se (et iam tutum erat) confitetur. Diffugiunt servi: quorum magna pars comprehensa est, ceteri requiruntur: ipse paucis diebus aegre refocillatus, non sine ultionis solatio decessit, ita vivus vindictatus, ut occisi solent. Vides, quot periculis, quot contumeliis, quot ludibriis, simul obnoxii. Nec est, quod quisquam possit esse securus, quia sit remissus et mitis: non enim iudicio domini, sed scelere perimuntur. Verum haec hactenus. Quid praeterea novi? Quid? Nihil, alioqui subiungerem: nam et charta adhuc superest, et dies feriatus patitur plura contexi. Addam, quod opportune de eodem Macedone succurrit. Quum in publico Romae lavaretur, notabilis atque etiam, ut exitus

docuit, ominosa res accidit. Eques Romanus a servius, ut transitum daret, manu leviter admonitus, convertit se, nec servum, a quo erat tactus, sed ipsum Macedonem tam graviter palma percussit, ut paene concideret. Ita balneum illi, quasi per gradus quosdam primum contumeliae locus, deinde exitii fuit. Vale.

XV.

Roganti Proculo, ut versus suos emendaret, respondet, id libenter se suscepturum esse.

C. PLINIVS PROCULO SVO S.

Petis, ut libellos tuos in secessu legam, examinemque, an editione sint digni: adhibes preces: adlegas exemplum: rogas etiam, ut aliquid subsecivi temporis studiis meis subtraham, impertiam tuis: adiacis, M. Tullium mira benignitate poetarum ingenia fovisse. Sed ego nec rogandus sum, nec hortandus. Nam et poetice ipsam religiosissime veneror, et te validissimè diligo. Faciam ergo, quod desideras, tam diligenter quam libenter. Videor autem iam nunc posse rescribere, esse opus pulchrum, nec suppressendum, quantum aestimare licuit ex iis, quae me praesente recitasti: si modo mihi non imposuit recitatio tua. Legi enim suavissime et peritissime. Confido tamen, non sic auribus duci, ut omnes aculei iudicii mei illarum delinimentis refringantur. Hebetentur fortasse et paullulum retundantur; evelli quidem extorquerique non possunt. Igitur non temere iam nunc de universitate pronuntio: de partibus experia legendo. Vale.

XVI.

Alia maiora, alia clariora esse, Arriae factis et exemplo probat.

C. PLINIVS NEPOTI SVO S.

Adnotasse videor, facta dictaque virorum feminarumque illustrium alia clariora esse, alia maiora

Confirmata est opinio mea hesterno Fanniae sermone. Neptis haec Arriae illius, quae marito et solatium mortis et exemplum fuit. Multa referebat aviae suae non minora hoc, sed obscuriora: quae tibi existimo tam mirabilia legenti fore, quam mihi audienti fuerunt. Aegrotabat Caecina Paetus, maritus eius, aegrotabat et filius, uterque mortifere, ut videbatur: filius decessit, eximia pulchritudine, pari verecundia, et parentibus non minus ob alia carus, quam quod filius erat. Huic illa ita funus paravit, ita duxit exsequias, ut ignoraret maritus. Quin immo, quoties cubiculum eius intraret, vivere filium, atque etiam commodiorem esse simulabat. Ac persaepe interroganti, quid ageret puer, respondebat, *Bene quievit, libenter cibum sumsit.* Deinde quum diu cohibitae lacrymae vincerent prorumperentque, egrediebatur. Tum se dolori dabat. Satiata, siccis oculis, composito vultu redibat, tanquam orbitatem foris reliquisset. Praeclarum quidem illud eiusdem, ferrum stringere, perfodere pectus, extrahere pugionem, porrigere marito, addere vocem immortalem ac paene divinam, *PAETE, NON DOLET.* Sed tamen ista facienti dicentique gloria et aeternitas ante oculos erant: quo maius est sine praemio aeternitatis, sine praemio gloriae abdere lacrymas, operire luctum, amissoque filio, matrem adhuc agere. Scribonianus arma in Illyrico contra Claudium moverat: fuerat Paetus in partibus, et occiso Scriboniano, Romam trahebatur. Erat adscensurus navem: Arria milites orabat, ut simul imponeretur. *Nempe enim, inquit, daturi estis consulari viro servulos aliquos, quorum e manu cibum capiat, a quibus vestiatur, a quibus calcietur: omnia vel sola praestabo.* Non impetravit. Conduxit piscatoriam naviculam, ingensque navigium minimo sequuta est. Eadem apud Claudium uxori Scriboniani, quum illa profiteretur indicium, *Ego, inquit, te audiam, cuius in gremio Scribonianus occisus est, et vivis?* Ex quo manife-

stum est, ei consilium pulcherrimae mortis non subitum fuisse. Quin etiam quum Thræsea, gener eius deprecaretur, ne mori pergeret, interque alia dixisset *Tu vis ergo filiam tuam, si mihi pereundum fuerit mori mecum?* respondit, *Si tam diu tantaque concordia vixerit tecum, quam ego cum Paeto, volo Auxerat* hoc responso curam suorum: attentius custodiebatur: sensit, et, *Nihil agitis*, inquit: *potest enim efficere, ut male moriar; ne moriar, non potestis*. Dum haec dicit, exsiluit cathedra, adversoque parieti caput ingenti impetu impexit, et corruit. Refocillata, *Dixeram*, inquit, *vobis, inventuram me quamlibet duram, ad mortem viam; si vos facilenegassetis*. Videnturne haec tibi maiora illo, *Paete non dolet*, ad quod per haec perventum est? quum interim illud quidem ingens fama, haec, nulla circumfert. Unde colligitur, quod initio dixi, alia esse clariora, alia maiora. - Vale.

XVII.

Anxius de salute amici ob silentium eius, monet, ut propediem nuntiet, quid agat.

C. PLINIVS SERVIANO SVO S.

Rectene omnia? quod jampridem epistolae tuae cessant. An omnia recte; sed occupatus es tu? An tu non occupatus; sed occasio scribendi vel rara vel nulla? Exime hunc mihi scrupulum, cui parere non possum. Exime autem vel data opera tabellario misso: ego viaticum, ego etiam praemium dabo: nuntiet mihi modo, quod opto. Ipse valeo: si valere est, suspensum et anxium vivere, expectantem in horas, timentemque pro capite amicissimo, quidquid accidere homini potest. Vale.

XVIII.

*Panegyrici, uberius, quam in senatu dixerat, elaborati, recitationem cum voluptate exceptum de-
narrat.*

C. PLINIVS SEVERO SVO S.

Officium consulatus iniunxit mihi, ut reipublicae nomine principi gratias agerem. Quod ego in senatu quum ad rationem et loci et temporis ex more fecissem; bono civi convenientissimum credidi, eadem illa spatiosius et uberius volumine amplecti: primum, ut imperatori nostro virtutes suae veris laudibus commendarentur: deinde, ut futuri principes non quasi a magistro, sed tamen sub exemplo praemonerentur, qua potissimum via possent ad eandem gloriam niti. Nam praecipere, qualis esse debeat princeps, pulchrum quidem, sed onerosum, ac prope superbum est: laudare vero optimum principem, ac per hoc posteris, velut e specula lumen, quod sequantur, ostendere, idem utilitatis habet, arrogantiae nihil. Cepi autem non mediocrem voluptatem, quod, hunc librum quum amicis recitare voluissem, non per codicillos, non per libellos, sed si commodum esset et si valde vacaret, admoniti (nunquam porro, aut valde raro, vacat Romae, aut commodum est, audire recitantem) foedissimis insuper tempestatibus per biduum convenerunt: quumque modestia mea finem recitationi facere voluisset, ut adicerem tertium diem, exegerunt. Mihi hunc honorem habitum putem, an studiis? Studiis malo, quo prope extincta refoventur. At cui materiae hanc sedulitatem praestiterunt? Nempe quam in senatu quoque, ubi perpeti necesse erat, gravari tamen vel puncto temporis solebamus, eandem nunc et qui recitare, et qui audire triduo velint, inveniuntur: non quia eloquentius, quam prius, sed quia liberius, ideoque etiam libentius scribitur. Accedet ergo hoc quo-

que laudibus principis nostri, quod res antea tam invisita quam falsa, nunc ut vera, ita amabilis facta est. Sed ego cum studium audientium, tum iudicium mire probavi. Animadverti enim severissima quaeque vel maxime satisfacere. Memini quidem, me non multis recitasse, quod omnibus scripsi: nihilominus tamen, tanquam sit eadem omnium futura sententia, hac severitate aurium laetor. Ac sicut olim theatra male musicos canere docuerunt, ita nunc in spem adducor, posse fieri, ut eadem theatra bene canere musicos doceant. Omnes enim, qui placendi causa scribunt, qualia placere viderint, scribent. Ac mihi quidem confido in hoc genere materiae laetioris stili constare rationem, quum ea potius, quae pressius et adstrictius, quam illa, quae hilarius et quasi exsultantius scripsi, possint videri arcessita et inducta: non ideo tamen segnius precor, ut quandoque veniat dies (utinamque iam venerit!) quo austeris istis severisque dulcia haec blandaque vel iusta possessione decedant. Habes acta mea tridui: quibus cognitis volui tantum te voluptatis absentem et studiorum nomine et meo capere, quantum praesens percipere potuisses. Vale.

XIX.

Consulit, an emat praedia suis agris vicina, propositis in utramque partem rationibus.

C. PLINIVS CALVISIO RVFO S.

Adsumo te in consilium rei familiaris, ut soleo. Praedia agris meis vicina, atque etiam inserta, venalia sunt. In his me multa sollicitant; aliqua nec minora deterrent. Sollicitat primum ipsa pulchritudo iungendi: deinde, quod non minus utile quam voluptuosum, posse utraque eadem opera, eodem viatico invisere, sub eodem procuratore, ac paene iisdem actoribus habere, unam villam colere et ornare, alteram tantum *tueri*. Inest huic computationi sumtus supellectilis, sumtus atriensium, topiariorum, fabrorum, atque etiam ve-

atorii instrumenti: quae plurimum refert, unum in ocum conferas, an in diversa dispergas. Contra ve-
reor, ne sit incautum, rem tam magnam iisdem tem-
pestatibus, iisdem casibus subdere. Tutius videtur,
incerta fortunae possessionum varietatibus experiri.
Habet etiam multum incunditatis soli coelique muta-
tio, ipsaque illa peregrinatio intersita. Iam, quod de-
liberationis nostrae caput est, agri sunt fertiles, pingues,
aquosi: constant campis, vineis, silvis, quae ma-
teriam et ex ea redditum sicut modicum, ita statum
praestant. Sed haec felicitas terrae imbecillis cultoribus
fatigatur. Nam possessor prior saepius vendidit pi-
gnora: et dum reliqua colonorum minuit ad tempus,
vires in posterum exhaust, quarum defectione rursus
reliqua creverunt. Sunt ergo instruendi complures
frugi mancipes. Nam nec ipse usquam victos habeo,
nec ibi quisquam. Superest, ut scias, quanti videantur
posse emi; sestertio tricies: non quia non aliquando
quinquagies fuerint, verum et hac penuria colonorum
et communi temporis iniquitate, ut redditus agro-
rum, sic etiam pretium retro abiit. Quaeris, an hoc
ipsum tricies facile colligere possimus? Sum quidem
prope totus in praediis, aliquid tamen foenore; nec
molestum erit mutuari. Accipiam a socru, cuius arca
non secus ac mea utor. Proinde hoc te non moveat,
si cetera non refragantur, quae velim quam diligen-
tissime examines. Nam quum in omnibus rebus, tum
in disponendis facultatibus plurimum tibi et usus et
providentiae superest. Vale.

XX.

*In comitiis modum per tabellas suffragandi resti-
tum narrat, ex quo incommoda futura auguratur.*

C. PLINIVS MAXIMO SVO S.

Meministine, te saepe legisse, quantas contentiones
excitarit lex tabellaria, quantumque ipsi latori vel glo-
riae vel reprehensionis attulerit? At nunc in senatu sine

ulla dissensione hoc quidem, ut optimum, placuit. Omnes comitiorum die tabellas postulaverunt. Excesseramus sane manifestis illis apertisque suffragiis licentiam concionum. Non tempus loquendi, non tacendi modestia, non denique sedendi dignitas custodiebatur. Magni undique dissonique clamores: procurrebant omnes cum suis candidatis: multa agmina in medio; multi-que circuli et indecora confusio: adeo desciveramus a consuetudine parentum, apud quos omnia disposita, moderata, tranquilla, maiestatem loci pudoremque retinebant. Supersunt senes, ex quibus audire soleo hunc ordinem comitiorum. Citato nomine candidati, silentium summum. Dicebat ipse pro se, vitam suam explicabat, testes et laudatores dabat, vel eum, sub quo militaverat, vel eum, cui quaestor fuerat, vel utrumque, si poterat: addebat quosdam ex suffragatoribus: illi graviter et paucis loquebantur. Plus hoc, quam preces, proderat. Nonnunquam candidatus aut natales competitoris, aut annos, aut etiam mores arguebat. Audiebat senatus gravitate censoria. Ita saepe digni, quam gratiosi, praevalebant. Quae nunc immodico favore corrupta, ad tacita suffragia, quasi ad remedium, decurrerunt. Quod interim plane remedium fuit: erat enim novum et subitum. Sed vereor, ne procedente tempore ex ipso remedio vitia nascentur. Est enim periculum, ne tacitis suffragiis impudentia irrepat. Nam quocumque eadem honestatis cura secreto, quae palam? Multi famam, conscientiam pauci verentur. Sed nimis cito de futuris: interim beneficio tabellarum habebimus magistratus, qui maxime fieri debuerunt. Nam ut in recuperatoriis iudiciis, sic nos in his comitiis, quasi repente apprehensi, sinceri iudices fuimus. Haec tibi scripsi, primum ut aliquid novi scriberem, deinde ut nonnunquam de republica loquerer, cuius materiae nobis quanto rarior, quam veteribus, occasio, tanto minus omittenda est. Et hercule quousque illa vulgaria? Eho, quid agis? *Ecquid*

omni de vales? Habeant nostrae quoque litterae aliud non humile, nec sordidum, nec privatis rebus inclusum. Sunt quidem cuncta sub unius arbitrio, qui re utilitate communi solus omnium curas laboresque suscepit: quidam tamen salubri quodam temperamento ad nos quoque velut rivi ex illo benignissimo fonte decurrunt, quos et haurire ipsi, et absentibus micis quasi ministrare epistolis possumus. Vale.

XXI.

Sortem Martialis nuntiat, eiusque ingenium, ab ipso laudatus, laudat.

C. PLINIVS PRISCO SVO S.

Audio Valerium Martialem decessisse, et moleste pro. Erat homo ingeniosus, acutus, acer, et qui plurimum in scribendo et salis haberet et fellis, nec canoris minus. Prosequutus eram viatico secedentem. Dederam hoc amicitiae, dederam etiam versiculis, nos de me composuit. Fuit moris antiqui, eos, qui et singulorum laudes, vel urbium scripserant, aut honoribus aut pecunia ornare: nostris vero temporibus, ut alia speciosa et egregia, ita hoc in primis exorivit. Nam postquam desiimus facere laudanda, laudari quoque ineptum putamus. Quæris, qui sint versiculi, quibus gratiam retulerim? Remitterem te ad ipsum volumen, nisi quosdam tenerem: tu, si placuerint i, ceteros in libro requires. Adloquitur Musam, mandat, et domum meam Esquilis quaerat, adeat reverenter:

Sed, ne tempore non tuo disertam

Pulses ebria ianuam, videto.

Totos dat tetricae dies Minervae,

Dum centum studet auribus virorum,

Hoc quod secula posterique possint

Arpinis quoque comparare chartis.

Seras tutior ibis ad lucernas.

Haec hora est tua, quum furit Lyaeus,

*Quum regnat rosa, quum madent capilli.
Tunc me vel rigidi legant Catones.*

Meritone eum, qui haec de me scripsit, et tunc dimisi amicissime, et nunc, ut amicissimum, defunctum esse doleo? Dedit enim mihi, quantum maxime potuit, daturus amplius, si potuisset. Tamen etsi quid homini potest dari maius, quam gloria, et laus, et aeternitas? At non erunt aeterna, quae scripsit. Non erunt fortasse: ille tamen scripsit tanquam essent futura. Vale.

LIBER QVARTVS.

I.

*Proscero adventum suum significat, eodem itinere
Tiferni templum dedicaturus.*

C. PLINIVS FABATO PROSOCERO SVO S.

Cupis post longum tempus neptem tuam meque una videre. Gratum est utrique nostrum, quod cupis; mutuo me hercule. Nam invicem nos incredibili quodam desiderio vestri tenemur, quod non ultra differemus. Atque adeo iam sarcinulas adligamus, festinaturi, quantum itineris ratio permiserit. Erit una, sed brevis mora: deflectemus in Tuscos, non ut agros remque familiarem oculis subiiciamus, (id enim postponi potest) sed ut fungamur necessario officio. Oppidum est praediis nostris vicinum; nomen Tifernum Tiberinum; quod me paene adhuc puerum patronum cooptavit: tanto maiore studio, quanto minore iudicio. Adventus meos celebrat, profectionibus angitur, honoribus

gaudet. In hoc ego, ut referrem gratiam, (nam vinci in amore turpissimum est) templum pecunia mea extruxi: cuius dedicationem, quam sit paratum, differre longius, irreligiosum est. Erimus ergo ibi dedicationis die, quem epulo celebrare constitui. Subsistemus fortasse et sequenti: sed tanto magis viam ipsam corripiemus. Contingat modo te, filiamque tuam fortes invenire! Nam hilares certum est, si nos incolumes receperitis. Vale.

II.

M. Regulum, morte filii dolorem simulantem, notabiliter perstringit.

C. PLINIVS CLEMENTI SVO S.

Regulus filium amisit: hoc uno malo indignus, quod nescio an malum putet. Erat puer acris ingenii, sed ambigui: qui tamen posset recta sectari, si patrem non referret. Hunc Regulus emancipavit, ut heres matris existeret. Mancipatum (ita vulgo ex moribus hominis loquebantur) foeda et insolita parentibus indulgentiae simulatione captabat. Incredibile est; sed Regulum cogita. Amisum tamen luget insane. Habebat puer mannulos multos, et vinctos et solutos: habebat canes maiores minoresque: habebat lusciniās, psittacos, merulas: omnes Regulus circa rogum trucidavit. Nec dolor erat ille, sed ostentatio doloris. Convenitur ad eum mira celebritate. Cuncti detestantur, oderrunt, et quasi probent, quasi diligant, cursant, frequentant: utque breviter, quod sentio, enuntiem, in Regulo demerendo Regulum imitantur. Tenet se trans Tiberim in hortis, in quibus latissimum solum porticibus immensis, ripam statuis suis occupavit, ut est in summa avaritia sumtuosus, in summa infamia gloriosus. Vexat ergo civitatem insaluberrimo tempore: et quod vexat, solatium putat. Dicit se velle ducere uxorem: hoc quoque, sicut alia, perverse. Audies brevi nuptias *luentis*, nuptias *senis*: quorum alterum, inmatu-

rūm; alterum, serum est. Vnde hoc augurer, quæris? Non quia adfirmat ipse (quo mendacius nihil est), sed quia certum est, Regulum esse facturum, quidquid fieri non oportet. Vale.

III.

Laus Antonini non tam ex honoribus, quos amplissimè gesserat, quam ex ingenio et stilo Graeco.

C. PLINIUS ANTONINO SVO S.

Quod semel atque iterum consul fuisti, similis antiquis, quod proconsul Asiae, qualis ante te, qualis post te vix unus aut alter, (non sinit enim me verecundia tua dicere, nemo) quod sanctitate, quod auctoritate, ætate quoque princeps civitatis; est quidem venerabile et pulchrum; ego tamen te vel magis in remissionibus miror. Nam severitatem istam pari incunditate condire, summaeque gravitati tantum comitatus adiungere, non minus difficile, quam magnum est. Id tu cum incredibili quadam suavitate sermonum, tum vel praecipue stilo adsequeris. Nam et loquenti tibi illa Homerici senis mella profluere, et quae scribis, complere apes floribus, et nectare videntur. Ita certe sum adfectus ipse, quum Graeca epigrammata tua, quum iambos proxime legerem. Quantum ibi humanitatis, venustatis! quam dulcia illa! quam antiqua! quam arguta! quam recta! Callimachum me, vel Herodem, vel si quid his melius, tenere credebam: quorum tamen neuter utrumque aut absolvit aut attigit. Hominemne Romanum tam Graece loqui? Non, medius fidius, ipsas Athenas tam Atticas dixerim. Quid multa? Invideo Graecis, quod illorum lingua scribere inavulisti. Neque enim conjectura eget, quid sermone patrio exprimere possis, quum hoc insiticio et inducto tam praeclara opera perfeceris. Vale.

IV.

Tribunatum semestrem Calvisio Nepoti petit.

C. PLINIVS SOSSIO SVO S.

Calvisium Nepotem validissime diligo, virum industrium, disertum, rectum, quod apud me vel potissimum est. Idem C. Calvisium, contubernalem meum, amicum tuum, arcta propinquitate complectitur. Est enim filius sororis. Hunc ergo rogo semestri tribunatu splendidiorem et sibi et avunculo suo facias. Obligabis me, obligabis Calvisium nostrum, obligabis ipsum, non minus idoneum debitorem, quam nos putas. Multa beneficia in multos contulisti: ausim contendere, nullum te melius, aequè bene vix unum aut alterum collocasse. Vale.

V.

Studium auditorii, quum recitaret orationem, comparat cum Aeschinis auditoribus Rhodiis.

C. PLINIVS SPARSO SVO S.

Aeschinem, aiunt, petentibus Rhodiis legisse orationem suam, deinde Demosthenis, summis utramque clamoribus. Quod tantorum virorum contigisse scriptis non miror, quum orationem meam proxime doctissimi homines hoc studio, hoc adsensu, hoc etiam labore per biduum audierint: quamvis hanc intentionem eorum nulla hinc et inde collatio, nullum quasi certamen accenderet. Nam Rhodii quum ipsis orationum virtutibus, tum etiam comparationis aculeis excitabantur: nostra oratio sine aemulationis gratia probabatur. An merito, scies, quum legeris librum, cuius amplitudo non sinit me longiore epistola praeferui. Oportet enim nos in hac certe, in qua possumus, breves esse: quo sit excusatus, quod librum ipsum, non tamen ultra caussae amplitudinem, extendimus. Vale.

VI.

Laurentinum, propter studiorum secretum, reliquis praediis praefert.

C. PLINIVS NASONI SVO S.

Tusci grandine excussi; in regione Transpadana summa abundantia, sed par vilitas nuntiatur: solum mihi Laurentinum meum in reditu. Nihil quidem ibi possideo praeter tectum et hortum, statimque arenas: solum tamen mihi in reditu. Ibi enim plurimum scribo: nec agrum (quem non habeo) sed ipsum me studiis excolo; ac iam possum tibi, ut aliis in locis horreum plenum, sic ibi scrinium ostendere. Igitur tu quoque, si certa et fructuosa praedia concupiscis, aliquid in hoc littore para. Valé.

VII.

Reguli ingenium et industriam in laudando et ornando filio describit.

C. PLINIVS LEPIDO SVO S.

Saepe tibi dico, inesse vim Regulo. Mirum est, quam efficiat, in quod incubuit. Placuit ei lugere filium: luget, ut nemo. Placuit statuas ei et imagines quam plurimas facere: hoc omnibus officinis agit. Illum coloribus, illum cera, illum aere, illum argento, illum auro, ebore, marmore effingit. Ipse vero et nuper, adhibito ingenti auditorio, librum de vita eius recitavit: de vita pueri recitavit; tamen eundem librum, in exemplaria transcriptum mille, per totam Italiam provinciasque dimisit. Scripsit publice, ut a decurionibus eligeretur vocalissimus aliquis ex ipsis, qui legeret eum populo: factum est. Hanc ille vim (seu quo alio nomine vocanda est intentio, quidquid velis, obtinendi) si al potiora vertisset, quantum boni efficere potuisset? Quanquam minor vis bonis, quam malis, inest, ac sicut *ἡμαθία μὲν θράσος, λογισμὸς δὲ ἄκρον φέρει*, ita *recta ingenia debilitat verecundia, perversa confirmat*

audacia. Exemplo est Regulus. Imbecillum latus, s confusum, haesitans lingua, tardissima inventio, memoria nulla: nihil denique praeter ingenium insaum: et tamen eo impudentia ipsoque illo furore peruenit, ut a plurimis orator habeatur. Itaque Herennius Senecio mirifice Catonis illud de oratore in hunc contrario vertit: *Orator est vir malus, dicendi imeritus*. Non, mehercule, Cato ipse tam bene venum oratorem, quam hic Regulum expressit. Habesne, quo tali epistolae parem gratiam referas? Habes, si rescripseris, num aliquis in municipio vestro ex socialibus meis, num etiam ipse tu nunc luctuosum Reguli librum, ut circulator, in foro legeris, scilicet, ut ait Demosthenes, ἐπ' αὐτὰς τὴν φωνὴν, καὶ γένηθ' ὥς, καὶ ἀπογγίλλῃς. Est enim tam ineptus, ut risum magis possit exprimere, quam gemitum. Credas non de puero criptum, sed a puero. Vale.

VIII.

Gratulationi de auguratu respondet, causas explicans, cur eo honore praecipue laetetur.

C. PLINIVS ARRIANO, SVO S.

Gratularis mihi, quod acceperim auguratum. In e gratularis: primum, quod gravissimi principis indium in minoribus etiam rebus consequi pulchrum est; leinde quod sacerdotium ipsum cum priscum et religiosum, tum hoc quoque sacrum plane et insigne est, quod non adimitur viventi. Nam cetera, quamquam ignitate propemodum paria, ut tribuuntur, sic aufeuntur. In hoc fortunae hactenus licet, ut dari possit. Mihi vero etiam illud gratulatione dignum videtur, quod accessi Iulio Frontino, principi viro: qui me nominationis die per hos continuos annos inter sacerdotes nominabat, tanquam in locum suum cooptaret; quod nunc ventus ita comprobavit, ut non fortuitum videatur. E quidem, ut scribis, ob hoc maxime delectat augurans meus, quod Marcus Tullius augur fuit. Laetaris

enim, quod honoribus eius insistam, quem aemulari in studiis cupio. Sed utinam, ut sacerdotium idem et consulatum, multo etiam iuvenior quam ille, sum consequutus: ita senex saltem ingenium eius aliqua ex parte adsequi possim! Sed nimirum quae sunt in manu hominum, et mihi et multis contigerunt: illud vero ut adipisci arduum, sic etiam sperare nimium est, quod dari nisi a diis non potest. Vale.

IX.

Narrat, Bassum, ex Bithynia repetundarum reum, a se defensum liberatumque esse.

C. PLINIVS VRSO SVO S.

Causam per hos dies dixit Iulius Bassus, homo laboriosus et adversis suis clarus. Accusatus est sub Vespasiano a privatis duobus: ad senatum remissus, diu pendit; tandemque absolutus vindicatusque est. Titum timuit, ut Domitiani amicus; a Domitiano relegatus est. Revocatus a Nerva, sortitusque Bithyniam, rediit reus, accusatus non minus acriter, quam fideliter defensus: varias sententias habuit, plures tamen, quasi mitiores. Egit contra eum Pomponius Rufus, vir paratus et vehemens. Rufo successit Theophanes, unus ex legatis, fax accusationis et origo. Respondi ego: Nam mihi Bassus iniunxerat, ut totius defensionis fundamenta iacerem: dicerem de ornamentis suis, quae illi et ex generis claritate et ex periculis ipsis magna erant; dicerem de conspiratione delatorum, quam in quaestu habebant; dicerem causas, quibus factiosissimum quemque, ut illum ipsum Theophanem, offendisset. Eundem me voluerat occurrere crimini, quo maxime premebatur: in aliis enim, quamvis auditu gravioribus, non absolutionem modo, verum etiam laudem merebatur. Hoc illum alias onerabat, quod homo simplex et incautus quaedam a provincialibus, ut amicis, acciperet. Nam fuerat in provincia eadem quaestor. Haec accusatores furta ac rapinas; ipse munera vocabat: sed

mera quoque accipi vetat. Hic ego quid agerem? iter defensionis ingrederer? Negarem? Verebar, ane furtum videretur, quod confiteri timerem. Irea rem manifestam infitiari, argenti erat criminis diluentis: praesertim quum reus ipse nihil rum advocatis reliquisset. Multis enim, atque et-rincipi, dixerat, sola se munuscula, dumtaxat na-to aut Saturnalibus, accepisse, et plerisque mi-

Veniam ergo peterem? Iugularem reum, quem liquisse concederem, ut servari, nisi venia, non t. Tanquam recte factum tuerer? Non illi pro-m, sed ipse impudens exstitissem. In hac diffi-cé placuit medium quiddam tenere. Videor tenu-

Actionem meam, ut praelia solet, nox diremit-am horis tribus et dimidia; supererat sesquih-

Nam quum e lege accusator sex horas, no-reus accepisset; ita diviserat tempus reus

me, et eum, qui dicturus post erat, ut ego quin-ioris, ille reliquis uteretur. Mihi successus actio-entium finemque suadebat. Temerarium est enim;

idis non esse contentum. Ad hoc verebar, ne moxris vires iterato labore deficerent; quem diffi-

at repetere, quam iungere. Erat etiam periculum;

liqua actio mea et frigus, ut deposita, et taedium,

umta & pateretur. Vt enim faces ignem assidua

ssione custodiunt, dimissum aegerrime reparant;

dicentis calor et audientis intentio continuatione

tur, interapedine et quasi remissione languescit.

lassus multis precibus, paene etiam lacrymis, ob-

bat, implerem meum tempus. Parui, utilitatem-

ius praetuli meae. Bene cessit: inveni ita erectos

os senatus, ita recentes, ut priori actione incitati

t, quam satii viderentur. Successit mihi Lucius

ius tam apte, ut orationes nostrae varietatem dua-

contextum unius habuisse credantur. Respondit

nius Pollio *instante* et graviter: deinde Theo-

s *rursus*. *Fecit enim hoc quoque, ut cetera, in-*

r. *Er.*

pudenter, quod post duos, et consulares et disertos, tempus sibi, et quidem laxius, vindicavit. Dixit in noctem, atque etiam nocte, inlatis lucernis. Postero die egerunt pro Basso Titius Homullus, et Fronto, mirifice: quartum diem probationes occupaverunt. Censuit Baebius Macer, consul designatus, legere repetundarum Bassum teneri: Caepio Hispo, salva dignitate, iudices dandos. Vterque recte. Qui fieri potest, inquis, quum tam diversa censuerint? quia scilicet et Macro, legem intuenti, consentaneum fuit damnare eum, qui contra legem munera acceperat: et Caepio, quum putaret licere senatui, sicut licet, et mitigare leges et intendere, non sine ratione veniam dedit facto, vetito quidem, non tamen inusitato. Praevaluit sententia Caepionis: quin immo consurgenti ei ad censendum, acclamatum est, quod solet residentibus. Ex quo potes aestimare, quanto consensu sit exceptum, quum diceret, quod tam favorable fuit, quum dicturus videretur. Sunt tamen, ut in senatu, ita in civitate, in duas partes hominum iudicia divisa. Nam quibus sententia Caepionis placuit, sententiam Macri, ut duram rigidamque, reprehendunt: quibus Macri, illam alteram dissolutam atque etiam incongruentem vocant. Negant enim congruens esse, retinere in senatu, cui iudices dederis. Fuit et tertia sententia. Valerius Paullinus adsensus Caepioni, hoc amplius censuit, referendum de Theophane, quum legationem renuntiasset. Arguebat enim multa in accusatione fecisse, quae illa ipsa lege, qua Bassum accusaverat, tenerentur. Sed hanc sententiam consules, quamquam maximae parti senatus mire probatur, non sunt persequuti. Paullinus tamen et iustitiae famam et constantiae tulit. Misso senatu Bassus, magna hominum frequentia, magno clamore, magno gaudio exceptus est. Fecerat eum favorabilem renovata discriminum *vetus fama*, notumque periculis nomen, et in procero *corpore moesta* et squalida senectus. Habebis hanc *interim epistolam* ut πρόδρομον: exspectabis oratio-

plenam onustamque: et expectabis diu: neque
m leviter et cursim, ut de re tanta, retractanda est.
le.

X.

*res cum Sabino factus de libertate servi, quamvis
non plene scripta, ex aequitate censet.*

C. PLINIUS SABINO SVO S.

Scribis mihi, Sabinam, quae nos reliquit heredes,
Modestum servum suum nusquam liberum esse iussis-
se: eidem tamen sic adscripsisse legatum, *Modesto,
uem liberum esse iussi*. Quaeris, quid sentiam? Con-
uli cum prudentibus. Convenit inter omnes, nec liber-
tatem deberi, quia non sit data; nec legatum, quia
servo suo dederit. Sed mihi manifestus error videtur
ideoque puto nobis, quasi scripserit Sabina, faciendum,
quod ipsa scripsisse se credidit. Confido, accessurum
te sententiae meae, quum religiosissime soleas custo-
dire defunctorum voluntatem, quam bonis heredibus
intellexisse pro iure est. Neque enim minus apud nos
honestas, quam apud alios necessitas valet. Moretur er-
go in libertate, si uentibus nobis, fruatur legato, quasi
omnia diligentissime caverit. Cavit enim, quae here-
des bene elegit. Vale.

XI.

*Liciniani rhetoricam professionem narrat, tanquam
propter incestum cum Vestali a Domitiano ad
exilium redacti.*

C. PLINIUS MINVTIANO SVO S.

Audistine Valerium Licinianum in Sicilia profite-
ri? Nondum te puto audisse; est enim recens nuntius.
Praetorius hic modo inter eloquentissimos causarum
actores habebatur: nunc eo decidit, ut exsul de senato-
re, rhetor de oratore fieret. Itaque ipse in praefatione
dixit dolenter et graviter: *Quos tibi, Fortuna, ludos
facis? Facis enim ex professoribus senatores, ex
senatoribus professores*. Cui sententiae tantum bilis,
tantum amaritudinis inest, ut mihi videatur ideo pro

fessus, ut hoc diceret. Idem, quum Graeco pallio amictus intrasset, (carent enim togae iure, quibus aqua et igni interdictum est) postquam se composuit, circumspexitque habitum suum: *Latine, inquit, declamaturus sum.* Dices, tristia et miseranda: dignum tamen illum, quia haec ipsa studia incesti scelere maculaverit. Confessus est quidem incestum: sed incertum, utrum quia verum erat, an quia graviora metuebat, si negasset. Fresnebat enim Domitianus, aestuabatque ingenti invidia, destitutus. Nam quum Corneliam, maximam Vestalem, defodere vivam concupisset, ut qui illustrari seculum suum eiusmodi exemplo arbitraretur, pontificis maximi iure, seu potius immanitate tyranni, licentia domini, reliquos pontifices non in Regiam, sed in Albanam villam convocavit. Nec minore scelere, quam quod ulcisci videbatur, absentem inauditamque damnavit incesti, quum ipse fratris filiam incesto non polluisset solum, verum etiam occidisset: nam vidua abortu periit. Missi statim pontifices, qui defodiendam pecandamque curarent. Illa nunc ad Vestam, nunc ad ceteros deos manus tendens, multa, sed hoc frequentissime, clamitabat: *Me Caesar incestam putat; qua sacra faciente, vicit, triumphavit.* Blandiens haec, an irridens; ex fiducia sui, an ex contemptu principis dixerit, dubium est. Dixit, donec ad supplicium, nescio an innocens, certe tanquam innocens, ducta est. Quin etiam, quum in illud subterraneum cubiculum dmitteretur, haesissetque descendenti stola, vertit se ac recollegit; quumque ei carnifex manum daret, aversata est, et resiliit; foedumque contagium, quasi plane a casto puroque corpore, novissima sanctitate reiecit; omnibusque numeris pudoris, πολλὴν πρόνοιαν εἶχεν εὐσχήμως πεσεῖν. Praeterea Celer, eques Romanus, cui Cornelia obiciebatur, quum in comitio virgis caederetur, in hac voce perstiterat: *Quid feci? Nihil feci.* Ardebat ergo Domitianus et crudelitatis et iniquitatis infamia. Arripit Lici-

um, quod in agris suis occultasset Corneliae liber-
 ille ab iis, quibus erat curae, praemonetur, si-
 tium et virgas pati nollet, ad confessionem con-
 ret, quasi ad veniam: fecit. Loquutus est pro ab-
 Herennius Senecio tale quiddam, quale est illud,
 αὐτὸς Πάτροκλος. Ait enim: *Ex advocato nuntius*
us sum. Recessit Licinianus. Gratum hoc Do-
 mo, adeo quidem, ut gaudio proderetur, diceret-
Absolvit nos Licinianus. Adiecit etiam, *non*
verecundiae eius instandum: ipsi vero permisit,
 a posset, ex rebus suis raperet, antequam bona
 icarentur; exsilium molle, velut praemium, de-
 Ex quo tamen postea clementia divi Nervae trans-
 est in Siciliam, ubi nunc proficitur, seque de for-
 praefationibus vindicat. Vides, quam obsequen-
 aream tibi, qui non solum res urbanas, verum et
 peregrinas tam sedulo scribo, ut altius repetam. Et
 putabam te, quia tunc abfuisti, nihil aliud de Li-
 no audisse, quam relegatum ob incestum. Sum-
 enim rerum nuntiat fama, non ordinem. Mereor,
 cissim, quid in oppido tuo, quid in finitimis aga-
 solent enim notabilia quaedam incidere) perscri-
 denique quidquid voles, dummodo non minus
 a epistola nunties. Ego non paginas tantum, sed
 a versus syllabasque numerabo. Vale.

XII.

cellini factum laudat, qui defuncti scribae resi-
duum salarium apud se subsidere noluerit.

C. PLINIVS ARRIANO SVO S.

Imas Egnatium Marcellinum, atque etiam mihi sae-
 ommendas: amabis magis commendabisque, si
 overis recens eius factum. Quum in provinciam
 stor exisset, scribamque, qui sorte obtigerat, ante
 imum salarii tempus amisisset, quod acceperat
 ae daturns, intellexit et statuit subsidere apud se
 portare. Itaque reversus, Caesarem, deinde, Cae-

sare auctore, senatum consuluit, quid fieri de salario vellet. Parva, sed tamen quaestio. Heredes scribae sibi; praefecti aerario populo vindicabant. Acta causa est: dixit heredum advocatus, deinde populi: uterque percommode. Caecilius Strabo aerario censuit inferendum: Baebius Macer heredibus dandum. Obtinuit Strabo. Tu lauda Marcellinum, ut ego statim feci. Quamvis enim abunde sufficiat illi, quod est et a principe et a senatu probatus; gaudebit tamen testimonio tuo. Omnes enim, qui gloria famaue ducuntur, mirum in modum adsensio et laus, a minoribus etiam profecta, delectat. Te vero Marcellinus ita reveretur, ut iudicio tuo plurimum tribuat. Accedit his, quod, si cognoverit factum suum isto usque penetrasse, necesse est, laudis suae spatio, et cursu, et peregrinatione laetetur. Etenim, nescio quo pacto, vel magis homines iuvat gloria lata, quam magna. Vale.

XIII.

Municipes suos hortatur, ut scholam instituant, etiam tertiam sumtus partem pollicitus; rogat Tacitum, ut praefectores circumspiciat.

C. PLINIVS CORNELIO TACITO SVO S.

Salvum te in urbem venisse gaudeo. Venisti autem, si quando alias, nunc maxime mihi desideratus. Ipse pauculis adhuc diebus in Tusculano commorabor, ut opusculum, quod est in manibus, absolvam. Vereor enim, ne, si hanc intentionem iam in finem laxavero, aegre resumam. Interim ne quid festinationi meae pereat, quod sum praesens petiturus, hac quasi praecursoria epistola rogo. Sed prius accipe causas rogandi: [deinde ipsum, quod peto.] Proxime quum in patria mea fui, venit ad me salutandum municipis mei filius praetextatus. Huic ego, *Studes?* inquam. Respondit, *Etiam. Vbi?* *Mediolani. Cur non hic?* Et *pater eius*, (erat enim una, atque etiam ipse adduxerat onerum) *Quia nullos hic praefectores habemus.*

Quare nullos? Nam vehementer intererat vestra, qui patres estis, (et opportune complures patres audiebant) liberos vestros hic potissimum discere, Vbi enim aut iucundius morarentur, quam in patria? aut pudicius continerentur, quam sub oculis parentum? aut minore sumtu, quam domi? Quantum est ergo, collata pecunia, conducere praeceptores? quodque nunc in habitationes, in viatica, in ea quas peregre emuntur, (omnia autem peregre emuntur) impenditis, adicere mercedibus? Atque adeo ego, qui nondum liberos habeo, paratus sum pro republica nostra, quasi pro filia vel parente, tertiam partem eius, quod conferre vobis placebit, dare. Totum etiam pollicerer, nisi timerem, ne hoc munus meum quandoque ambitu corrumpetur, ut accidere multis in locis video, in quibus praeceptores publice conducuntur. Huic vitio uno remedio occurri potest, si parentibus solis ius conducendi relinquatur, iisdemque religio recte iudicandi necessitate collationis addatur. Nam qui fortasse de alieno negligentes, certe de suo diligentes erunt: dabuntque operam, ne a me pecuniam[non] nisi dignus accipiat, si accepturus et ab ipsis erit. Proinde consentite, conspirate, maioremque animum ex meo sumite, qui cupio esse quam plurimum, quod debeam conferre. Nihil honestius praestare liberis vestris, nihil gratius patriae potestis. Edoceantur hic, qui hic nascuntur, statimque ab infantia natale solum amare, frequentare consuescant. Atque utinam tam claros praeceptores inducat, ut a finitimis oppidis studia hinc petantur, utque nunc liberi vestri aliena in loca, ita mox alieni in hunc locum confluant! Haec putavi altius et quasi a fonte repetenda; quo magis scires, quam gratum mihi foret, si susciperes, quod iniungo. Iniungo autem, et pro rei magnitudine rogo, ut ex copia studiosorum, quae ad te ex admiratione ingeui tui convenit, circumspicias praeceptores, quos sollicitare

possimus; sub ea tamen conditione, ne cui fidem meam obstringam. Omnia enim libera parentibus servo. Illi iudicent, illi eligant; ego mihi curam tantum et impendium vindico. Proinde si quis fuerit repertus, qui ingenio suo fidat, eat illuc ea lege, ut hinc nihil aliud certum, quam fiduciam suam ferat. Vale.

XIV.

Hendecasyllabos, quorum lasciviam excusat, iudicio Paterni submittit.

C. PLINIVS PATERNO SVO S.

Tu fortasse orationem, ut soles, et flagitas et expectas: at ego, quasi ex aliqua peregrina delicataque merce, lusus meos tibi prodo. Accipies cum hac epistola hendecasyllabos nostros: quibus nos in vehiculo, in balineo, inter coenam oblectamus otium temporis. His iocamur, ludimus, amamus, dolemus, querimur, irascimur: describimus aliquid modo pressius, modo elatius: atque ipsa varietate tentamus efficere, ut alia aliis, quaedam fortasse omnibus placeant. Ex quibus tamen si nonnulla tibi paullo petulantiora videbuntur, erit eruditionis tuae cogitare, summos illos et gravissimos viros, qui talia scripserunt, non modo lascivia rerum, sed ne verbis quidem nudis abstinuisse. Quae nos refugimus, non quia severiores (unde enim?) sed quia timidiore sumus. Scimus alioqui huius opusculi illam esse verissimam legem, quam Catullus expressit,

Nam castum esse decet pium poetam

Ipsam, versiculos nihil necesse est:

Qui tunc denique habent salem et leporem,

Si sunt molliculi et parum pudici.

Ego quanti faciam iudicium tuum, vel ex hoc potes aestimare, quod malui omnia a te pensitari, quam electa laudari. Et sane quae sunt commodissima, desinunt videri, quum paria esse coeperunt. Praeterea *sapiens* subtilisque lector debet non diversis conferre *diversa*, sed singula expendere, nec deterius alio puta-

re, quod est in suo genere perfectum. Sed quid ego plura? Nam longiore praefatione vel excusare vel commendare ineptias, ineptissimum est. Vnum illud praedicendum videtur, cogitare me has nugas meas ita inscribere, HENDECASYLLABI, qui titulus sola metri lege constringitur. Proinde sive *epigrammata*, sive *idyllia*, sive *eclogas*, sive (ut multi) *poëmatia*, seu quod aliud vocare malueris, licebit voces: ego tantum *hendecasyllabos* praesto. A simplicitate tua peto, ut, quod de libello meo dicturus es aliis, mihi dicas: neque est difficile, quod postulo. Nam si hoc opusculum nostrum aut potissimum esset aut solum, fortasse posset durum videri dicere, *Quaere, quod agas*: molle et humanum est, *Habes, quod agas*. Vale.

XV.

Futuro consuli, ut auguratur; Asinium, tanquam eius quaestorem futurum, commendat.

C. PLINIVS FVNDANO SVO S.

Si quid omnino; hoc certe iudicio facio, quod Asinium Rufum singulariter amo. Est homo eximius et bonorum amantissimus. Cur enim non me quoque inter bonos numerem? Idem Cornelium Tacitum (scis quem virum) arcta familiaritate complexus est. Proinde si utrumque nostrum probas, de Rufo quoque necesse est idem sentias, quum sit ad connectendas amicitias vel tenacissimum vinculum morum similitudo. Sunt ei liberi plures. Nam in hoc quoque functus est optimi civis officio, quod foecunditate uxoris large frui voluit eo seculo, quo plerisque etiam singulos filios orbitatis praemia graves faciunt. quibus ille despectis, avi quoque nomen adsumsit. Est enim avus, et quidem ex Saturio Firmo, quem diliges, ut ego, si, ut ego, propius inspexeris. Haec eo pertinent, ut scias, quam copiosam, quam numerosam domum uno beneficio sis obligaturus: ad quod petendum, voto primum, deinde bono quodam omine ad

ducimur. Optamus enim tibi ominamurque in proximum annum consulatum. Ita nos virtutes tuae, ita iudicia principis angurari volunt. Concurrit autem, ut sit eodem anno quaestor, maximus ex liberis Rufi, Asinius Bassus, iuvenis, (nescio an dicam, quod me pater et sentire et dicere cupit, adolescentis verecundia vetat) ipso patre melior. Difficile est, ut mihi de absente credas, quamquam credere soles omnia, tantum in illo industriae, probitatis, eruditionis, ingenii, studii, memoriae denique esse, quantum expertus invenies. Vellem tam ferax seculum bonis artibus haberemus, ut aliquos Basso praeferre deberes: tum ego te primus hortarer moneremque, circumferres oculos, ac diu pensitares, quem potissimum eligeres. Nunc vero — Sed nihil volo de amico meo arrogantius: hoc solum dico, dignum esse iuvenem, quem more maiorum in filii locum adsumas. Debent autem sapientes viri, ut tu, tales quasi a republica liberos accipere, quales a natura solemus optare. Decorus erit tibi consuli quaestor patre praetorio, propinquis consularibus: quibus, iudicio ipsorum, quamquam adolescentulus adhuc, iam tamen invicem ornamento est. Proinde indulge precibus meis, obsequere consilio, et ante omnia, si festinare videor, ignosce: primum, [quia votis suis amor plerumque praecurrit: deinde,] quod in ea civitate, in qua omnia quasi ab occupantibus aguntur, quae legitimum tempus expectant, non matura, sed sera sunt: deinde, quod rerum, quas adsequi cupias, praesumptio ipsa incunda est. Revereatur iam te Bassus ut consulem: tu dilige eum ut quaestorem: nos denique, utriusque vestrum amantissimi, duplici laetitia perfruamur. Etenim quum sic te, sic Bassum diligamus, ut et illum cuiuscunque, et tuum quemcunque quaestorem in petendis honoribus omni opera, omni labore, gratia simus iuvaturi; perquam incundum nobis erit, si in eundem [iuvenem] studium nostrum, et amicitiae meae et consulatus tui ratio contulerit: si de-

nique precibus meis tu potissimum adiutor accesseris, cuius senatus et suffragio libentissime indulgeat, et testimonio plurimum credat. Vale.

XVI.

Hortatur ad studium, quum sit literis adhuc honor.

C. PLINIVS VALERIO PAVLLINO SVO S.

Gaude meo, gaude tuo, gaude etiam publico nomine. Adhuc honor studiis durat. Proxime, quum dicturus apud centumviros essem, adeundi mihi locus, nisi a tribunali, nisi per ipsos iudices, non fuit: tanta stipatione cetera tenebantur. Ad hoc quidam ornatns adolescens, scissis tunicis, ut in frequentia solet, sola velatus toga perstitit, et quidem horis septem. Nam tamdiu dixi, magno cum labore, sed maiore cum fructu. Studeamus ergo, nec desidiae nostrae praetendamus alienam. Sunt qui audiant, sunt qui legant: nos modo dignum aliquid auribus, dignum chartis elao-remus. Vale.

XVII.

Admonitus a Gallo, Corelliae suam operam contra designatum consulem pollicetur, idque propter Corellii patris in se merita, quas praedicat.

C. PLINIVS GALLO SVO S.

Et admones et rogas, ut suscipiam absentis Corelliae causam contra C. Caecilium, consulem designatum. Quod admones, gratias ago: quod rogas, quoror. Admoneri enim debeo, ut sciam: rogari non debeo, ut faciam, quod mihi non facere turpissimum est. An ego tneri Corellii filiam dubitem? Est quidem mihi cum isto, contra quem me advocas, non plaue familiaris, sed tamen amicitia. Accedit huc dignitas hominis, atque hic ipse, cui destinatus est, honor: cuius nobis hoc maior habenda reverentia est, quod iam illo functi sumus. Naturale est enim, ut ea, quae quis adeptus est ipse, quam amplissima

existimari velit. Sed mihi cogitanti, adfuturum me Corellii filiae, omnia ista frigida et inania videntur. Obversatur oculis ille vir, quo neminem aetas nostra graviolem, sanctiorem, subtiliorem denique tulit: quem ego, quum ex admiratione diligere coepissem, quod evenire contra solet, magis admiratus sum, postquam penitus inspexi. Inspexi enim penitus: nihil a me ille secretum, non ioculare, non serium, non triste, non laetum. Adolescentulus eram, et iam mihi ab illo honor, atque etiam (audebo dicere) reverentia, ut aequali, habebatur. Ille meus in petendis honoribus suffragator et testis; ille in inchoandis deductor et comes; ille in gerendis consiliator et rector; ille denique in omnibus officiis nostris, quamquam et imbecillus et senior, quasi iuvenis et validus conspiciebatur. Quantum ille famae meae domi, quantum in publico, quantum etiam apud principem adstruxit? Nam quum forte de bonis iuvenibus apud Nervam imperatorem sermo incidisset et plerique me laudibus ferrent, paullisper se intra silentium tenuit, quod illi plurimum auctoritatis addebat; deinde gravitate, quam noras, *Necesse est, inquit, parcius laudem Secundum, quia nihil nisi ex consilio meo facit.* Qua voce tribuit mihi, quantum petere voto immodicum erat: nihil me facere non sapientissime, quum omnia ex consilio sapientissimi viri facerem. Quin etiam moriens, filiae suae, (ut ipsa solet praedicare) *Multos quidem amicos, inquit, tibi in longiore vita paravi, praecipuos tamen, Secundum et Cornutum.* Quod dum recordor, intelligo mihi laborandum, ne qua parte videar hanc de me fiduciam providentissimi viri destituisse. Quare ego vero Corelliae adero promississime; nec subire offensas recusabo: quamquam non solum veniam me, verum etiam laudem apud istum ipsum, a quo, ut ais, nova sis fortasse, ut feminae, intenditur, arbitror consequuturum, si haec eadem in actione, latius scilicet *et uberius, quam epistolarum angustiae sinunt, conti-*

gerit nihil vel in excusationem, vel etiam in commendationem meam dicere. Vale.

XVIII.

Antonini epigrammata Graeca laudat, ex quibus Latine se, sed impari successu, convertisse dicit.

C. PLINIVS ANTONINO SVO S.

Quemadmodum magis approbare tibi possum, quantopere mirer epigrammata tua Graeca, quam quod quaedam aemulari Latine et exprimere tentavi? In deterius quidem. Accidit hoc primum imbecillitate ingenii mei, deinde inopia, vel potius, ut Lucretius ait, egestate patrii sermonis. Quod si haec, quae sunt et Latina, et mea, habere tibi aliquid venustatis videbuntur, quantum putas inesse eis gratiae, quae et a te, et Graece, proferuntur? Vale.

XIX.

Vxoris ingenium et mores, socii sorori, quae educaverat, mirifice laudat, et gratias agit.

C. PLINIVS HISPVLLAE SVAE S.

Quum sis pietatis exemplum, fratremque optimum, et amantissimum tui, pari caritate dilexeris, filiamque eius, ut tuam, diligas, nec tantum amicitiae eius, verum etiam patris amissi adfectum repraesentet; non dubito, maximo tibi gaudio fore, quum cognoveris, dignam patre, dignam te, dignam avo evadere. Summum est acumen, summa frugalitas: amat me, quod castitatis indicium est. Accedit his studium literarum, quod ex mei caritate concepit. Meos libellos habet, lectitat, ediscit etiam. Qua illa sollicitudine, quum videor acturus, quanto, quum egi, gaudio adficitur? Disponit, qui nuntient sibi, quem adsensum, quos clamores excitarim, quem eventum indicii tulerim. Eadem, si quando recito, in proximo, discreta velo, sedet, landesque nostras avidissimis auribus excipit. Versus quidem meos cantat formatque

cithara, non artifice aliquo docente, sed amore, qui magister est optimus. His ex causis in spem certissimam adducor, perpetuam nobis maioremque in dies futuram esse concordiam. Non enim aetatem meam, aut corpus, quae paullatim occidunt ac senescunt, sed gloriam diligit. Nec aliud decet tuis manibus eductam, tuis praeceptis institutam: quae nihil in contubernio tuo viderit, nisi sanctum honestumque: quae denique amare me ex tua praedicatione consueverit. Nam quum matrem meam parentis loco venerarere; me quoque a pueritia statim formare, laudare, talemque, qualis nunc uxori meae videor, ominari solebas. Certum ergo tibi gratias agimus: ego, quod illam mihi; illa, quod me sibi dederis, quasi invicem elegeris. Vale.

XX.

De libris Maximi cum laude eorundem iudicat.

C. PLINIUS MAXIMO SVO S.

Quid senserim de singulis libris tuis, notum tibi, ut quemque perlegeram, feci. Accipe nunc, quid de universis generaliter iudicem. Est opus pulchrum, validum, acre, sublime, varium, elegans, purum, figuratum, spatiosum etiam, et cum magna tua laude diffusum. In quo tu ingenii simul dolorisque velis latissime vectus es, et horum utrumque invicem adiumento fuit. Nam dolori sublimitatem et magnificentiam ingenium; ingenio vim et amaritudinem dolor addidit. Vale.

XXI.

Helvidias sorores, a partu extinctas, deflet.

C. PLINIUS VELIO CEREALI SVO S.

Tristam et acerbum casum Helvidiarum sororum! Utraque a partu, utraque filiam enixa decessit. Adficior dolore, nec tamen supra modum doleo. Ita mihi *luctuosum videtur*, quod puellas honestissimas in

flore primo foecunditas abstulit. Angor infantium sorte, quae sunt parentibus statim, et dum nascuntur, orbatæ. Angor optimorum maritorum, angor etiam meo nomine. Nam patrem illarum defunctum quoque perseverantissime diligo, ut actione mea, librisque testatum est, cui nunc unus ex tribus liberis superest, domumque, pluribus adminiculis paullo ante fundatam, desolatus fulcit ac sustinet. Magno tamen fomento dolor meus adquiescet, si hunc saltem fortem et incolumem, paremque illi patri, illi avo fortuna servaverit. Cuius ego pro salute, pro moribus, hoc sum magis anxius, quod unicus factus est. Nosti in amore inollitiem animi mei, nosti metus. Quo minus te mirari oportebit, quod plurimum timeam, de quo plurimum spero. Vale.

XXII.

Iunii Maurici graviter et fortiter dicta.

C. PLINIVS SEMPRONIO RVFO SVO S.

Interfui principis optimi cognitioni, in consilium adsumtus. Gymnicus agon apud Viennenses, ex cuiusdam testamento, celebrabatur. Hunc Trebonius Rufinus, vir egregius nobisque amicus, in duumviratu suo tollendum abolendumque curavit. Negabatur ex auctoritate publica fecisse. Egit ipse, causam non minus feliciter quam diserte. Commendabat actionem, quod tanquam homo Romanus et bonus civis in negotio suo mature et graviter loquebatur. Quum sententiae perrogarentur, dixit Iunius Mauricus (quo viro nihil firmitus, nihil verius) non esse restituendum Viennensibus agona: adiecit, *Vellem etiam Romae tolli posset.* Constanter, inquis, et fortiter. Quidni? Sed hoc Maurico novum non est. Idem apud Nervam imperatorem non minus fortiter. Coenabat Nervæ cum paucis. Veiento proximus, atque etiam in sinu recumbebat. Dixi omnia, quum hominem nominavi. Incidit sermo de Catullo Messalino, qui, luminibus or-

batus, ingenio saevo mala caecitatis addiderat: non verebatur, non erubescibat, non miserebatur: quo saepius a Domitiano non secus ac tela, quae et ipsa caeca et improvida feruntur, in optimum quemque contorquebatur. De eius aequitia sanguinariisque sententiis in commune omnes super coenam loquebantur, cum ipse imperator, *Quid putamus passurum fuisse, si viveret?* et Maurius, *Nobiscum coenaret.* Longius abii, libens tamen. Placuit agona tolli, qui mores Viennensium infecerat, ut noster hic omnium. Nam Viennensium vitia intra ipsos residunt, nostra late vagantur: utque in corporibus, sic in imperio, gravissimus est morbus, qui a capite diffunditur. Vale.

XXIII.

Laudat Pomponium, sapienter otio in senectute usum: sibi que similem aliquando quietem optat.

C. PLINIVS POMPONIO BASSO SVO S.

Magnam cepi voluptatem, quum ex communibus amicis cognovi, te, ut sapientia tua dignum est, et disponere otium et ferre, habitare amoenissime, et nunc terra, nunc mari corpus agitare; multum disputare, multum audire, multum lectitare; quumque plurimum scias, quotidie tamen aliquid addiscere. Ita senescere oportet virum, qui magistratus amplissimos gesserit, exercitus rexerit, totumque se republicae, quamdiu decebat, obtulerit. Nam et prima vitae tempora et media patriae, extrema nobis impertire debemus, ut ipsae leges monent, quae maiorem annis LX otio reddunt. Quando mihi licebit? quando per aetatem honestum erit imitari istud pulcherrimae quietis exemplum? quando secessus mei non desidia nomen, sed tranquillitatis accipiet? Vale.

XXIV.

Fragilitatis humanae admonetur, quum nullos in quadruplici iudicio, quos iuvenis in eodem habuerat, socios vidisset.

C. PLINIVS VALENTI SVO S.

Proxime quum apud centumviros in quadruplici iudicio dixissem, subiit recordatio, egisse me iuvenem aequae in quadruplici. Processit animus, ut solet, longius: coepi reputare, quos in hoc iudicio, quos in illo socios laboris habuissem. Solus eram, qui in utroque dixissem: tantas conversiones aut fragilitas mortalitatis aut fortunae mobilitas facit. Quidam ex iis, qui tunc egerant, decesserunt; exsulant alii; huius aetas et valetudo silentium suasit; hic sponte beatissimo otio fruitur; alius exercitum regit; illum civilibus officiis principis amicitia exemit. Circa nos ipsos quam multa mutata sunt! Studiis processimus. studiis periclitati sumus, rursusque processimus. Profuerunt nobis bonorum amicitiae, et obfuerunt, iterumque prosunt. Si computes annos, exiguum tempus: si vices rerum, aevum putes. Quod potest esse documento, nihil desperare, nulli rei fidere, quum videamus tot varietates tam volubili orbe circummagi. Mihi autem familiare est, omnes cogitationes meas tecum communicare, iisdemque te vel praeceptis vel exemplis monere, quibus ipse me moneo: quae ratio huius epistolae fuit. Vale.

XXV.

Narrat evenisse, quod de tabellaria lege praedixerat: et in scurriliter ludentes invehitur.

C. PLINIVS MESSIO MAXIMO SVO S.

Scripseram tibi, verendum esse, ne ex tacitis suffragiis vitium aliquod existeret: factum est. Proximis comitiis in quibusdam tabellis multa iocularia, atque etiam foeda dictu; in una vero pro candidatorum nominibus, suffragatorum nomina inventa sunt.

PLIN. EP.

H

Excaudit senatus, magnoque clamore ei, qui scripsisset, iratum principem est comprecatus. Ille tamen fefellit, et latuit, fortasse etiam inter indignantes fuit. Quid hunc putamus domi facere, qui in tanta re, tam serio tempore, tam scurriliter ludat? qui denique omnino in senatu dicax et urbanus et bellus est? Tantum licentiae pravis ingeniis adiicit illa fiducia, *Quis enim sciet?* Poposcit tabellas, stilum accepit, demisit caput, neminem veretur, se contemnit. Inde ista ludibria, scena et pulpito digna. Quo te veritas? quae remedia conquiras? Vbique vitia remediis fortiora. Ἀλλὰ ταῦτα τῶν ὑπερῆμας ἄλλῳ μελήσει, cui multum quotidie vigiliarum, multum laboris adiicit haec nostra iners, sed tamen effrenata petulantia. Vale.

XXVI.

Pollicetur, libellos se emendaturum esse, etiam alios additurum.

C. PLINIUS NEPOTI SVO S.

Petis, ut libellos meos, quos studiosissime comparasti, recognoscendos emendandosque curem. Faciam. Quid enim suscipere libentius debeo, te praesertim exigente? Nam cum vir gravissimus, doctissimus, disertissimus, super haec occupatissimus, maximae provinciae praefuturus, tanti putes scripta nostra circumferre tecum; quanto opere mihi providendum est, ne haec pars sarcinarum, tanquam supervacua offendant? Adnitar ergo primum, ut comites istos quam commodissimos habeas; deinde, ut reversus invenias, quos istis addere velis. Neque enim mediocriter me ad nova opera tu lector hortaris. Vale.

XXVII.

Commendat Augurini poemata, occasione eorum, quae in laudem suam scripserat.

C. PLINIUS FALCONI SVO S.

Tertius dies est, quod audiavi recitantem Sentium

Augurinum cum summa mea voluptate, immo etiam admiratione. Poëmatia appellat. Multa tenuiter, multa sublimiter, multa venuste, multa tenere, multa dulciter, multa cum bile. Aliquot annis, puto, nihil generis eiusdem absolutius scriptum, nisi forte me fallit aut amor eius, aut quod me ipsum laudibus evehit. Nam lemma sibi sumsit, quod ego interdum versibus ludo. Atque adeo iudicii mei te iudicem faciam, si mihi ex hoc ipso lemmate secundus versus occurrerit. Nam ceteros teneo, et iam explicui.

*Canto carmina versibus minutis,
His, olim quibus et meus Catullus,
Et Calvus, veteresque. Sed quid ad me?
Vnus Plinius est mihi priores.
Mavult versiculos, foro relicto.
Et quaerit, quod amet, putatque amari,
Ille o Plinius, ille quot Catones!
I nunc, quisquis amat, amare noli.*

Vides, quam acuta omnia, quam apta, quam expressa? Ad hunc gustum totum librum repromitto; quem tibi, ut primum publicaverit, exhibebo. Interim ama iuvenem et temporibus nostris gratulare pro ingenio tali, quod ille moribus adornat. Vivit cum Spurinna, vivit cum Antonino: quorum alteri adfinis, utrique contubernalis est. Possis ex hoc facere coniecturam, quam sit emendatus adolescens, qui a gravissimis senibus sic amatur. Est enim illud verissimum

γινώσκων, ὅτι
Τοιοῦτός ἐστιν ἕκαστος, ὅσπερ ἡδεται ξυνοῶν.

Vale.

XXVIII.

Cornelii Nepotis et T. Cassii imagines pro Herennii bibliotheca fieri postulat.

C. PLINIVS SEVERO SVO S.

Herennius Severus, vir doctissimus, magni aestimat in bibliotheca sua ponere imagines municipum

tuorum, Cornelii Nepotis et Titi Cassii, petitque, ai sunt isthic, ut esse credibile est, exscribendas pingendasque deilegem. Quam curam tibi potissimum iniungo: primum, quia desideris meis amicissime obsequeris: deinde, tibi studiorum summa reverentia, summus amor studiosorum: postremo, quod patriam tuam, omnesque qui nomen eius auxerunt, ut patriam ipsam, veneraris et diligis. Peto autem, ut pictorem quam diligentissimum adsumas. Nam cum est arduum similitudinem effingere ex vero, tum longe difficillima est imitationis imitatio. A qua, rogo, ut artificem, quem elegeris, ne in melius quidem, sinas aberrare. Vale.

XXIX.

Voconium Romanum monet, ut ad iudicandum veniat, ne multam committat.

C. PLINIUS ROMANO SVO S.

Eia tu, quum proxime res agentur, quoquo modo ad iudicandum veni. Nihil est, quod in dextram aurem fiducia mei dormias: non impune cessatur. Ecce, Licinius Nepos, praetor, acer et fortis vir, multam dixit etiam senatori. Egit ille in senatu causam suam: egit autem sic, ut deprecaretur. Remissa est multa: sed timuit, sed rogavit, sed opus venia fuit. Dices, *Non omnes praetores tam severi*. Falleris. Nam vel instituere vel reducere eiusmodi exemplum, non nisi severi: institutum, reductumve exercere, etiam lenissimi possunt. Vale.

XXX.

Miram naturam fontis in Comensi agro narrat, cuius causam et ipse inquit, et inquirendam commendat.

C. PLINIUS LICINIO SVO S.

Attuli tibi ex patria mea pro munusculo quaestionem, altissima ista eruditione dignissimam. Fons ori-

itur in monte, per saxa decurrit, extipitur cœnatiuncula manu facta: ibi paullulum retentus in Larium lacum decidit. Huius mira natura: ter in die, statis auctibus ac diminutionibus, crescit decrescitque. Cernitur id palam, et cum summa voluptate deprehenditur. Iuxta recumbis et vesceris: atque etiam ex ipso fonte (nam est frigidissimus) potas: interim ille certis dimensisque momentis vel subtrahitur vel adsurgit. Annulum, seu quid aliud, ponis in sicco, adluitur sensim, ac novissime operitur: dētegitur rursus paullatimque deseritur: si diutius observes, utrumque iterum ac tertio videas. Spīritusne aliquis occultior os fontis et fauces modo laxat, modo ineludit, prout illatus occurrit, aut decessit expulsus? Quod in ampullis ceterisque generis eiusdem videmus accidere, quibus non hians, nec statim patens exitus. Nam illa quoque, quamquam prona et vergentia, per quasdam obluctantis animae moras crebris quasi singultibus sistunt, quod effundunt. An quae Oceano natura, fontis quoque? quaque ille ratione aut impellitur aut resorbetur, hac modicus hic humor vicibus alternis supprimitur vel egeritur? An ut flumina, quae in mare deferuntur, adversantibus ventis, obvioque aestu retorquentur, ita est aliquid, quod huius fontis excursus [per momenta] repercutiat? An latentibus venis certa mensura, quae dum colligit quod exhauserat, minor rivus est et pigrior; quum collegit, agilior maiorque praefertur? An, nescio quod, libramentum abditum et coecum, quod quum exinanitum est, suscitatur et elicit fontem: quum repletum, moratur et strangulat? Scrutare tu causas, (potes enim) quae tantum miraculum efficiunt. Mihi abunde est, si satis expressi, quod efficitur. Vale.

LIBER QUINTVS.

L

Narrat, quae, heres Gratillae factus, cum filio eius exheredato egerit.

C. PLINIUS SEVERO SVO S.

Legatum mihi obvenit modicum, sed amplissimo gratius. Cur amplissimo gratius? Pomponia Gratilla, exheredato filio Assudio Curiano, heredem reliquit me: dederat coheredes Sertorium Severum, praetorium virum, aliosque equites Romanos splendidos. Curianus filius orabat, ut sibi donarem portionem meam, seque praeiudicio iuvarem: eandem tacita conventionione salvam mihi pollicebatur. Respondebam, non convenire moribus meis aliud palam, aliud agere secreto: praeterea non esse satis honestum dare et locupleti et orbo: in summa, non profuturum ei, si donassem: profuturum, si cessissem: esse autem me paratum cedere, si inique exheredatum mihi liqueret. Ad hoc ille. *Rogo cognoscas.* Cunctatus paullum, *Faciam*, inquam: *neque enim video, cur ipse me minorem putem, quam tibi videor.* Sed iam nunc memento, non defuturam mihi constantiam, si ita fides duxerit, secundum matrem tuam pronuntiandi. *Vt voles*, ait: *voles enim, quod aequissimum.* Adhibui in consilium duos, quos tunc civitas nostra spectatissimos habuit, Corellium et Frontinum. His circumdatus in cubiculo meo sedi. Dixit Curianus, quae pro se pa-

tabat. Respondi paucis ego, (neque enim aderat alius, qui defunctae pudorem tueretur) deinde secessi, et ex consilii sententia, *Videtur*, inquam, *Curiane, mater tua iustas habuisse causas irascendi tibi*. Post hoc ille cum ceteris subscripsit centumvirale iudicium, mecum non subscripsit. Appetebat iudicii dies: coheredes mei componere et transigere cupiebant: non diffidentia causae, sed metu temporum. Verebantur, quod videbant multis accidisse, ne ex centumvirali iudicio capitis rei exirent. Et erant quidam in illis, quibus obici et Gratillae amicitia et Rustici posset. Rogant me, ut cum Curiano loquar. Convenimus in aedem Concordiae. Ibi ego, *Si mater*, inquam, *te ex parte quarta scripsisset heredem, num queri posses? Quid si heredem quidem instituisset ex aere, sed legatis ita exhausisset, ut non amplius apud te, quam quarta, remaneret? Igitur sufficere tibi debet, si, exheredatus a matre, quartam partem ab heredibus eius accipias, quam tamen ego augebo. Scis te non subscripsisse mecum, et iam biennium transisse, omniaque me usucepisse. Sed ut te coheredes mei tractabiliorem experiantur, utque tibi nihil abstulerit reverentia mei; offero pro mea parte tantundem*. Tuli fructum non conscientiae modo, verum etiam famae. Ille ergo Curianus legatum mihi reliquit: et factum meum, nisi forte blandior mihi, antiquum nobili honore signavit. Haec tibi scripsi, quia de omnibus, quae me vel delectant vel angunt, non aliter tecum, quam mecum, loqui soleo: deinde, quod durum existimabam, te amantissimum mei fraudare voluptate, quam ipse capiebam. Neque enim sum tam sapiens, ut nihil mea intersit, an illis, quae honeste fecisse me credo, testificatio quaedam, et quasi praemium accedat. Vale.

II.

- *Gratias agit pro turdorum dono.*

C. PLINIVS FLACCO SVO S.

Accepi pulcherrimos turdos, cum quibus parem calculum ponere, nec ullis copiis ex Laurentino, nec maris tam turbidis tempestatibus possum. Recipies ergo epistolas steriles, et simpliciter ingratas, ac ne illam quidem solertiam Diomedis in permutando munere imitantes. Sed, quae facilitas tua, hoc magis dabis veniam, quod se non mereri fatentur. Vale.

III.

Reprehensus quorundam sermonibus, quod versus lasciviores scribat recitetque, se aliorum exemplo tuetur.

C. PLINIVS ARISTONI SVO S.

Cum plurima officia tua mihi grata et iucunda sunt, tum vel maxime, quod me celandum non putasti, fuisse apud te de versiculis meis multum copiosumque sermonem, eumque diversitate iudiciorum longius processisse: exstitisse etiam quosdam, qui scripta quidem ipsa non improbarent, me tamen amice simpliciterque reprehenderent; quod haec scriberem recitaremque. Quibus ego, ut augeam meam culpam, ita respondeo: Facio nonnunquam versiculos, severos parum, facio comoedias, et audio, et specto minos, et lyricos lego, et Sotadicos intelligo; aliquando praeterea rideo, iocor, ludo; utque omnia innoxiae remissionis genera breviter amplectar, homo sum. Nec vero moleste fero, hanc esse de moribus meis estimationem, ut, qui nesciunt, talia doctissimos, gravissimos, sanctissimos homines scriptitasse, me scribere mirentur. Ab illis autem, quibus notum est, quos quantosque auctores sequar, facile impetrari posso *confido*, ut errare me, sed cum illis, sinant, quorum *non seria modo*, verum etiam lusus exprimere, lauda-

bile est. An ego verear (neminem viventium, nequam in speciem adulationis incidam, nominabo) sed ego verear, ne me non satis deceat, quod decuit M. Tullium, Caium Calvum, Asinium Pollionem, Marcum Messallam, Quintum Hortensium, M. Brutum, L. Sullam, Q. Catulum, Quintum Scaevolam, Ser. Sulpicium, Varronem, Torquatum, (immo Torquatos) C. Memmium, Lentulum, Gaetulicum, Annaeum Senecam, et proxime Verginium Rufum, et, si non sufficiunt exempla privata, divum Iulium, divum Augustum, divum Nervam, T. Caesarem? Neronem enim transeo, quamvis sciam, non corrumpi in deterius, quae aliquando etiam a malis; sed honesta manere, quae saepius a bonis sunt. Inter quos vel praecipue numerandus est P. Virgilius, Corn. Nepos, et prius Ennius, Acciusque. Non quidem hi senatores: sed sanctitas morum non distat ordinibus. Recito tamen: quod illi an fecerint, nescio. Etiam. Sed illi iudicio suo poterant esse contenti: mihi modestior conscientia est, quam ut satis absolutum putem, quod a me probetur. Itaque has recitandi causas sequor: primum, quod ipse, qui recitat, aliquanto acrius scriptis suis, auditorum reverentia, intendit: deinde, quod, de quibus dubitat, quasi ex consilii sententia statuit. Multa etiam a multis admonetur: et, si non admoneatur, quid quisque sentiat, perspicit ex vultu, oculis, nutu, manu, murmure, silentio; quae satis apertis notis iudicantibus ab humanitate discernunt. Atque adeo, si cui forte eorum, qui interfuerunt, curae fuerit eadem illa legere, intelliget me quaedam aut commutasse, aut praeterisse, fortasse etiam ex suo iudicio, quamvis ipse nihil dixerit mihi. Atque ita hoc disputo, quasi populum in auditorium, non in cubiculum amicos advocarim, quos plures habere, multis gloriosum, reprehensioni nemini fuit. Vale.

IV.

Avaritiam Nominati caussidici notat, qui Vicentinos, a quibus grandem pecuniam acceperat, fefellit.

C. PLINIVS VALERIANO SVO S.

Res parva, sed initium non parvae. Vir praetorius Solers a senatu petiit, ut sibi instituere in agris suis mundinas permitteretur: contradixerunt Vicentinorum legati: adfuit Tuscilius Nominatus: dilata causa est. Alio senatu Vicentini sine advocato intraverunt: dixerunt, se deceptos. Lapsine verbo, an quia ita sentiebant? Interrogati a Nepote praetore, quem docuissent, responderunt, quem prius. Interrogati, an tunc gratis adfuisset, responderunt, sex millibus nummum: an rursus aliquid dedissent, dixerunt, mille denarios. Nepos postulavit, ut Nominatus iudicaretur. Hactenus illo die. Sed, quantum auguror, longius res procedet. Nam pleraque tacta tantum et omnino commota, latissime serpunt. Erexī aures tuas: Quam diu nunc oportet quam blande roges, ut reliqua cognoscas! si tamen non ante ob haec ipsa veneris Romam, spectatorque malueris esse, quam lector. Vale.

V.

Fannii obitum luget tum ob alias causas, tum maxime, quod opus de sceleribus Neronis imperfectum reliquerat.

C. PLINIVS MAXIMO SVO S.

Nuntiatum mihi est, C. Fannium decessisse, qui nuntius gravi me dolore confudit. Primum, quod amavi hominem elegantem et disertum: deinde, quod iudicio eius uti solebam. Erat enim natura acutus, usu exercitatus, varietate promptissimus. Angit me super ista, casus ipsius. Decessit veteri testamento: *omisit, quos maxime diligebat: prosequutus est, quibus offensior erat.* Sed hoc utcunque tolerabile: gra-

vius illud, quod pulcherrimum opus imperfectum reliquit. Quamvis enim agendis causis distringeretur, scribebat tamen exitus occisorum aut relegatorum a Nerone: et iam tres libros absolverat, subtiles, et diligentes, et Latinos, atque inter sermonem historiamque medios. Ac tanto magis reliquos perficere cupiebat, quanto frequentius hi lectitabantur. Mihi autem videtur acerba semper et immatura mors eorum, qui immortale aliquid parant. Nam qui voluptatibus dediti quasi in diem vivunt, vivendi causas quotidie finiunt: qui vero posteros cogitant, et memoriam sui operibus extendunt, his nulla mors non repentina est, ut quae semper inchoatum aliquid abrumpat. Caius quidem Fannius, quod accidit, multo ante praesensit. Visus est sibi per nocturnam quietem iacere in lectulo suo compositus in habitum studentis, habere ante se scrinium ita, ut solebat: mox imaginatus est venisse Neronem, in toro resedisse, promississe primum librum, quem de sceleribus eius ediderat, eumque ad extremum revolvisse, idem in secundo ac tertio fecisse, tunc abiisse. Expavit; et sic interpretatus est, tanquam idem sibi futurus esset scribendi finis, qui fuisset illi legendi: et fuit idem. Quod me recordantem miserratio subit, quantum vigiliarum, quantum laboris exhausserit frustra. Occursant animo mea mortalitas, mea scripta. Nec dubito, te quoque eadem cogitatione terreri pro istis, quae inter manus habes. Proinde, dum suppetit vita, enitamur, ut mors quam paucissima, quae abolere possit, inveniat. Vale.

VI.

Apollinari, qui Plinio, in Tuscis aetatem asturo, timuerat, et salubritatem huius villae, et commoditatem exponit.

C. PLINIVS APOLLINARI SVO S.

Amavi curam et solitudinem tuam, quod, quam audisses me aestate Tuscos meos petiturum, ne fac-

rem suasisti, dum putas insalubres. Et sane gravis et pestilens ora Tuscorum, quae per litus extenditur. Sed hi procul a mari recesserunt: quin etiam Apennino, saluberrimo montium, subiacent. Atque adeo, ut omnem pro me metum ponas, accipe temperiem coeli, regionis situm, villae amoenitatem: quae et tibi auditu, et mihi relatu iucunda erunt. Coelum est hieme frigidum et gelidum, myrtos, oleas, quaeque alia assiduo tepore laetantur, aspernatur ac respuit: laurum tamen patitur, atque etiam nitidissimam profert: interdum, sed non saepius quam sub urbe nostra, necat. Aestatis mira clementia. Semper aer spiritu aliquo movetur; frequentius tamen auras, quam ventos habet. Hinc senes multos videas, avos proavosque iam iuvenum; audias fabulas veteres, sermonesque maiorum: quumque veneris illo, putes alio te seculo natum. Regionis forma pulcherrima. Imaginare amphitheatrum aliquod immensum, et quale sola rerum natura possit effingere. Lata et diffusa planities montibus cingitur. montes summa sui parte procera nemora et antiqua habent. Frequens ibi et varia venatio: inde caeduae silvae cum ipso monte descendunt: has inter pingues terrenique colles (neque enim facile unquam saxum, etiam si quaeratur, occurrit) planissimis campis fertilitate non cedunt, opimamque messem serius tantum, sed non minus percoquunt. Sub his per latus omne vineae porriguntur, unamque faciem longe lateque contexunt; quarum a fine imoque quasi ~~per~~ sine arbusta nascuntur. Prata inde, campique. Campi, quos non nisi ingentes boves et fortissima aratra perfringunt. Tantis glebis tenacissimum solum, quum primum prosecatur, adsurgit, ut nono demum sulco perdometur. Prata florida et gemmea, trifolium, aliasque herbas, teneras semper et molles, et quasi novas alunt. Cuncta enim perennibus rivis nutriuntur: sed ubi *aquae plurimum*, palus nulla; quia devexa terra, quidquid liquoris accepit, nec absorbit, effundit in Tibe-

rim. Medios ille agros secât, navium patiens, omnesque fruges devehit in urbem, hieme dumtaxat et vere; aestate submittitur, immensisque fluminis nomen arenti alveo deserit, auctumno resumit. Magnam capies voluptatem, si hunc regionis situm ex monte prospexeris. Neque enim terras tibi, sed formam aliquam; ad eximiam pulchritudinem pictam, videberis cernere. Ea varietate, ea descriptione, quocunque inciderint oculi, reficiuntur. Villa in colle imo sita prospicit quasi ex summo: ita leniter et sensim clivo fallente consurgit, ut, quum ascendere non putes, sentias adscendisse. A tergo Apenninum, sed longius habet. Accipit ab hoc auras quamlibet sereno et placido die, non tamen acres et immodicas, sed spatio ipsolassas et infractas. Magna sui parte meridiem spectat, aestivumque solem ab hora sexta, hibernum aliquanto maturius, quasi invitat in porticum latam, et pro modo longam. Multa in hac membra; atrium etiam ex more veterum. Ante porticum xystus concisus in plurimas species, distinctusque buxo; demissus inde pronusque pulvinus, cui bestiarum effigies invicem adversas buxus inscripsit. Acanthus in plano mollis, et, paene dixerim, liquidus. Ambit huuc ambulatio pressis varioque tonsis viridibus inclusa: ab his gestatio in modum circi, quae buxum multiformem, humilesque et retentas manu arbusculas circumit. Omnia maceria muniuntur: hanc gradata buxus operit et subtrahit. Per hanc inde non minus natura, quam superiora illa arte, visendum: campi deinde porro, multa quae alia prata et arbusta. A capite porticus triclinium excurrit: valvis xystum desinentem, et protinus pratum, multumque ruris, videt fenestris. Hac latus xysti, et quod prosilit villae, hac adiacentis hippodromi nemus eomasque prospectat. Contra mediam fere porticum diaeta paullum recedit; cingit areolam, quae quatuor platanis inumbratur. Inter has marmoreo labro aqua exundat, circumiectasque platanos, et subiecta

platanis leni adspergine fovet. Est in hac diaeta dormitorium cubiculum, quod diem, clamorem sonumque excludit; iunctaque quotidiana amicorum coenatio. Areolam illam porticus alia, eademque omnia, quae porticus, adspicit. Est et aliud cubiculum a proxima platano viride et umbrosum, marmore excultum podio tenuis: nec cedit gratiae marmoris, ramos, insidentesque ramis aves imitata pictura. Cui subest fonticulus. In hoc fonte crater, circa siphunculique plures miscent iucundissimum murmur. In cornu porticus amplissimum cubiculum a triclinio occurrit; aliis fenestris xystum, aliis despicit pratum, sed ante piscinam; quae fenestris servit ac subiacet, strepitu visuque iucunda. Nam ex edito desiliens aqua, suscepta marmore, albescit. Idem cubiculum hieme tepidissimum, quia plurimo sole perfunditur. Cohaeret hypocauston, et, si dies nubilus, immisso vapore, solis vicem supplet. Inde apodyterium balinei laxum et hilare excipit cella frigidaria; in qua baptisterium amplum atque opacum. Si natare latius aut tepidius velis, in area piscina est, in proximo puteus, ex quo possis rursus adstringi, si poeniteat teporis. Frigidariae cellae connectitur media, cui sol benignissime praesto est; caldariae magis: prominet enim. In hac tres descensiones: duae in sole, tertia a sole longius, a luce non longius. Apodyterio superpositum est sphaeristerium, quod plura genera exercitationis, pluresque circulos capit. Nec procul a balineo scalae, quae in cryptoporticum ferunt, prius ad diaetas tres. Harum alia areolae illi, in qua platani quatuor, alia prato, alia vineis imminet, diversasque coeli partes, ut prospectus, habet. In summa cryptoporticu cubiculum, ex ipsa cryptoporticu excisum, quod hippodromum, vineas, montes, intuetur. Iungitur cubiculum obvium soli, maxime hiberno. Hinc oritur diaeta, quae villae hippodromum adnectit. Haec facies, hic visus a fronte. A latere aestiva cryptoporticus in edito posita; quae non

adspicere vineas, sed tangere videtur. In media triclinium saluberrimum adflatum ex Apenninis vallibus recipit: post latissimis fenestris vineas, valvis aequae vineas, sed per cryptoporticum, quasi admittit. A latere triclinii, quod fenestris caret, scalae convivio utilia secretiore ambitu suggerunt. In fine cubiculum; cui non minus incundum prospectum cryptoporticus ipsa, quam vineae praebent. Subest cryptoporticus, subterraneae similis; aestate incluso frigore riget, contentaque aëre suo, nec desiderat auras nec admittit. Post utramque cryptoporticum, unde triclinium desinit, incipit porticus; ante medium diem, hiberna; inclinatio die, aestiva. Hac advenitur diaetae duae, quarum in altera cubacula quatuor, altera tria, ut circumit sol, aut sole utuntur, aut umbra. Hanc dispositionem amoenitatemque tectorum longe praecedat hippodromus. Medius patescit, statimque intrantium oculis totus offertur, platanis circuitur. Illae hedera vestuntur, utque summae suis, ita imae alienis frondibus virent. Hedera truncum et ramos pererrat, vicinasque platanos transitu suo copulat. Has buxus interiacet. Exteriores buxos circumvenit laurus, umbraeque platanorum suam confert. Rectus hic hippodromi limes in extrema parte hemicyclo frangitur, mutatque faciem: cupressis ambitur et tegitur, densiore umbra opacior nigriorque; interioribus circulis (sunt enim plures) purissimum diem recipit. Inde etiam rosas effert umbrarumque frigus non ingrato sole distinguit. Finito vario illo multiplicique curvamine recto limiti redditur, nec huic uni. Nam viae plures, intercedentibus buxis, dividuntur. Alibi pratulum, alibi ipsa buxus intervenit in forma pille descripta, literis interdum, quae modo nomen domini dicunt, modo artificis: alternis metulae surgunt, alternis inserta sunt poma: et in opere urbanissimo subita velut illati ruris imitatio medium in spatium brevioribus utrinque *platanis adornatur*. Post has acanthus hinc inde lubri-

cus et flexuosus, deinde plures figurae, pluraque nomina. In capite stibadium candido marmore, vite protegitur. Vitem quatuor columellae Carystiae subeunt. E stibadio aqua, velut expressa cubantium pondere, aiphunculis effluit; cavato lapide suscipitur, gracili marmore continetur, atque ita occulte temperatur, ut impleat, nec redundet. Gustatorium, graviorque coenatio, margini imponitur; levior navicularum et avium figuris innatans circuit. Contra fons egerit aquam et recipit: nam expulsa in altum in se cadit, iunctisque hiatibus et absorbetur et tollitur. E regione stibadii adversum cubiculum tantum stibadio reddit ornatus, quantum accipit ab illo. A marmore splendet, valvis in viridia prominet et exit: alia viridia superioribus inferioribusque fenestris suspicit despicitque. Mox zothecula refugit quasi in cubiculum idem atque aliud. Lectus hic, et undique fenestrate, et tamen lumen obscurum umbra premente. Nam laetissima vitis per omne tectum in culmen nititur et adscendit. Non secus ibi, quam in nemore, iaceas: imbrem tantum, tanquam in nemore, non sentias. Hic quoque fons nascitur, simulque subducitur. Sunt locis pluribus disposita sedilia e marmore, quae ambulatione fessos, ut cubiculum ipsum, iuvant. Fonticuli sedilibus adiacent, per totum hippodromum inductis fistulis strepunt rivi, et, qua manus duxit, sequuntur. His nunc illa viridia, nunc haec, interdum simul omnia, iuvantur. Vitassem iamdudum, ne viderer argutior, nisi proposuissem omnes angulos tecum epistola circumire. Neque enim verbar, ne laboriosum esset legenti tibi, quod visenti non fuisset; praesertim quum interquiescere, si liberet, depositaque epistola, quasi residere, saepius posses. ~~Haec~~ ^{Haec} terea indulsi amoris meo. Amo enim, quae maxima ex parte ipse inchoavi, aut inchoata percolui. In summa (cur enim non aperiam tibi vel iudicium meum vel errorem?) primum ego *officium scriptoris* existimo, ut titulum suum legat,

atque identidem interroget se, quid coeperit scribere: sciatque, si materiae immoratur, non esse longum; longissimum, si aliquid arcessit atque adtrahit. Vides, quot versibus Homerus, quot Virgilius arma, hic Aeneae, Achillis ille, describat: brevis tamen uterque est, quia facit, quod instituit. Vides, ut Aratus minutissima etiam sidera consecetur et colligat: modum tamen servat. Non enim excursus hic eius, sed opus ipsum est. Similiter nos, ut parva magnis, quum totam villam oculis tuis subiicere conamur, si nihil inductum, et quasi devium, loquimur, non epistola, quae describit, sed villa, quae describitur, magna est. Verum illuc, unde coepi; ne secundum legem meam iure reprehendar, si longior fuero in hoc, in quod excessi. Habes causas, cur ego Tuscos meos Tusculanis, Tiburtinis, Praenestinisque meis praeponam. Nam super illa, quae retuli, altius ibi otium et pinguius, eoque securius, nulla necessitas togae, nemo arcessitor ex proximo. Placida omnia et quiescentia, quod ipsum salubritati regionis, ut purius coelum, ut aër liquidior, accedit. Ibi animo, ibi corpore, maxime valeo. Nam studiis animum, venatu corpus exerceo. Mei quoque nusquam salubrius degunt; usque adhuc certe neminem ex iis, quos eduxeram mecum (venia sit dicto) ibi amisi. Dii modo in posterum hoc mihi gaudium, hanc gloriam loco servent. Vale.

VII.

Saturninus Plinium heredem instituerat et rempublicam Comensium, quod ipse ratum vult esse, etsi secundum leges respublica heres institui non possit, quod uti decurionibus indicetur, rogat.

C. PLINIVS CALVISIO SVO S.

Nec heredem institui, nec praecipere posse rempublicam, constat: Saturninus autem, qui nos reliquit *heredes, quadrantem reipublicae nostrae, deinde pro*
PLIN. Ep.

quadrante praeceptionem quadringentorum millium dedit. Hoc, si ius adspicias, irritum; si defuncti voluntatem, ratum et firmum est. Mihi autem defuncti voluntas (vereor, quam in partem iurisconsulti, quod sum dicturus, accipiant) antiquior iure est, utique in eo, quod ad communem patriam voluit pervenire. An, cui de meo sestertium undecies contuli, huic quadringentorum millium paullo amplius tertiam partem ex adventicio denegem? Scio te quoque a iudicio meo non abhorrire, cum eandem rempublicam ut civis optimus diligas. Velim ergo, quum proxime decuriones contrahantur, quid sit iuris, indices, parce tamen et modeste; deinde subiungas, nos quadringenta millia offerre, sicut praecepit Saturninus. Illius hoc munus, illius liberalitas; nostrum tantum obsequium vocetur. Haec ego scribere publice supersedi: primum, quod memineram, pro necessitudine amicitiae nostrae, pro facultate prudentiae tuae, et debere te et posse perinde meis ac tuis partibus fungi: deinde, quia verebar, ne modum, quem tibi in sermone custodire facile est, tenuisse in epistola non viderer. Nam sermonem vultus, gestus, vox ipsa moderatur: epistola, omnibus commendationibus destituta, malignitati interpretantium exponitur. Vale.

VIII.

Admonitus, ut historiam scriberet, respondet sibi idem stetisse, causasque consilii ita exponit, ut discrimen simul orationis et historiae ostendat.

C. PLINIVS CAPITONI SVO S.

Suades, ut historiam scribam, et suades non solus: multi hoc me saepius monuerunt, et ego volo, non quia commodum facturum esse confido, (id enim temere credas, nisi expertus,) sed quia mihi pulchrum in primis videtur, non pati occidere, quibus aeternitas debeatur, aliorumque famam cum sua extendere. *Me autem nihil aequae ac diuturnitatis amor et cupido eo-*

licitat: res homine dignissima, praesertim qui nullius sibi conscius culpa, posteritatis memoriam non reformidet. Itaque diebus ac noctibus cogito, si *qua me quoque possim Tollere humo*: (id enim voto meo sufficit: illud supra votum) *victorque virum volitare per ora*. *Quamquam o!* Sed hoc satis est, quod prope sola historia polliceri videtur. Orationi enim et carmini parva gratia, nisi eloquentia sit summa: historia quoquo modo scripta delectat. Sunt enim homines natura curiosi, et quamlibet nuda rerum cognitione capiuntur, ut qui sermunculis etiam fabellisque ducantur. Me vero ad hoc studium impellit domesticum quoque exemplum. Avunculus meus, idemque per adoptionem pater, historias, et quidem religiosissime, scripsit. Invenio autem apud sapientes, honestissimum esse maiorum vestigia sequi, si modo recto itinere praecesserint. Cui ego cunctor? Egi magnas et graves caussas. Has (etiamsi mihi tenuis ex eis spes) destino retractare, ne tantus ille labor meus, ni hoc, quod reliquum est studii, addidero, mecum pariter interciderat. Nam si rationem posteritatis habeas, quidquid non est peractum, pro non inchoato est. Dices, *Potes simul et rescribere actiones, et componere historiam*. Vtinam! sed utrumque tam magnum est, ut abunde sit alterum efficere. Unde vicesimo aetatis anno dicere in foro coepi, et nunc demum, quid praestare debeat orator, adhuc tamen per caliginem, video. Quid, si huic oneri novum accesserit? Habet quidem oratio et historia multa communia, sed plura diversa in his ipsis, quae communia videntur. Narrat sane ipsa, narrat haec: sed aliter. Huic pleraque humilia et sordida et ex medio petita; illi omnia recondita, splendida, excelsa conveniunt. Hanc saepius ossa, muscoli, nervi; illam tori quidam et quasi inbae decent. Haec vel maxime vi, amaritudine, instantia; illa tractu et suavitate, atque etiam dulcedine placet. Postremo alia verba, alius sonus, alia constructio. Nam

plurimum refert, ut Thucydides ait, κτῆμα sit, an ἀγωνισμα: quorum alterum oratio, alterum historia est. His ex causis non adducor, ut duo dissimilia, et hoc ipso diversa, quod maxima, confundam misceamque, ne tanta quasi colluvione turbatus ibi faciam, quod hic debeo: ideoque interim veniam (ne a meis verbis discedam) advocandi peto. Tu tamen iam nunc cogita, quae potissimum tempora adgrediamur. Vetera et scripta aliis? parata inquisitio, sed onerosa collatio: intacta et nova? graves offensae, levis gratia. Nam praeter id, quod in tantis vitiis hominum plura culpanda sunt, quam laudanda: tum si laudaveris, parvus; si culpaveris, nimis fuisse dicaris; quamvis illud plenissime, hoc restrictissime feceris. Sed haec me non retardant: est enim mihi pro fide satis animi. Illud peto praestruas, ad quod hortaris, eligasque materiam, ne mihi, iam scribere parato, alia rursus cunctationis et morae iusta ratio nascatur. Vale.

IX.

Dolet, Valentem graviter iacere: molestius fert, Avitum decessisse.

C. PLINIVS SATVRNINO SVO S.

Varie me adfecerunt literae tuae: nam partim laeta, partim tristia continebant. Laeta, quod te in urbe teneri nuntiabant. Nollem, inquis: sed ego volo, propterea, quod recitaturum statim, ut ego venissem, pollicebantur. Ago gratias, quod exspector. Triste illud, quod Iulius Valens graviter iacet; quamquam ne hoc quidem triste, si illius utilitatibus aestimetur, cuius interest quam maturissime inexplicabili morbo liberari. Illud plane non triste solum, verum etiam luctuosum, quod Iulius Avitus decessit, dum ex quaestura redit: decessit autem in navi, procul a fratre amantissimo, procul a matre, a sororibus. Nihil ista ad mortuum pertinent; sed pertinuerunt, quum moreretur: pertinent ad hos, qui supersunt. Iam, quod

in flore primo tantae indolis invenis exstinctus est, summa consequuturus, si virtutes eius maturuissent. Quo ille studiorum amore flagrabat! quantum legit. quantum etiam scripsit! quae nunc omnia cum ipso sine fructu posteritatis aruerunt. Sed quid ego indulgeo dolori? cui si frenos remittas, nulla materia non maxima est. Finem epistolae faciam, ut facere possim etiam lacrymis, quas epistola expressit. Vale.

X.

Versus Antonini laudat, ut sibi inimitabiles, et ad plures edendos hortatur.

C. PLINIVS ANTONINO SVO S.

Cum versus tuos aemulor, tum maxime, quam sint boni, exsuperior. Vt enim pictores pulchram absolutamque faciem raro, nisi in peius, effingunt; ita ego ab hoc archetypo labor et decido. Quo magis hortor, ut quam plurima proferas, quae imitari omnes concupiscant, nemo, aut paucissimi, possint. Vale.

XI.

Hortatur ad edenda sua scripta, quia ipse eorum spem hendecasyllabis fecerat.

C. PLINIVS TRANQVILLO SVO S.

Libera tandem hendecasyllaborum meorum fidem, qui scripta tua communibus amicis sponderunt. Appellantur quotidie et flagitantur: ac iam periculum est, ne cogantur ad exhibendum formulam accipere. Sum et ipse in edendo haesitator, tu mora tamen meam quoque cunctationem tarditatemque viciisti. Proinde aut rumpe iam moras, aut cave, ne eosdem illos libellos, quos tibi hendecasyllabi nostri blanditijs elicere non possunt, convicio scizantes extorqueant. Perfectum opus absolutumque est; nec iam splendescit lima, sed atteritur. Patere, me videre titulum tuum; patere audire, describi, legi, vaenire volumina Trauquilli mei. Aequum est, nos in amore tam multo eam

dem percipere ex te voluptatem, qua tu perfrueris ex nobis. Vale.

XII.

Prosocerum laudat, quod porticum dedicaverit, et in portarum ornamentum pecuniam promiserit.

C. PLINIUS FABATO PROSOCERO SVO S.

Accepi literas tuas, ex quibus cognovi speciosissimam te porticum sub tuo filiique tui nomine dedicasse; sequenti die in portarum ornatum pecuniam promisisse, ut initium novae liberalitatis esset consummatio prioris. Gaudeo primum tua gloria, cuius ad me pars aliqua pro necessitudine nostra redundat: deinde, quod memoriam soceri mei pulcherrimis operibus video proferri: postremo, quod patria nostra florescit: quam mihi a quocunque excoli iucundum, a te vero laetissimum est. Quod superest, Deos precor, ut animum istum tibi, animo isti tempus quam longissimum tribuant. Nam liquet mihi futurum, ut peracto, quod proxime promisisti, inchoes aliud. Nescit enim semel incitata liberalitas stare, cuius pulchritudinem usus ipse commendat. Vale.

XIII.

Orationem, paucis amicis recitatam, iudicio Scauri subiicit.

C. PLINIUS SCAURO SVO S.

Recitaturus oratiunculam, quam publicare cogito, advocavi aliquos, ut vererem; paucos, ut verum audirem. Nam mihi duplex ratio recitandi: una, ut solitudine incendar; altera, ut admonear, si quid forte me, ut meum, fallat. Tuli, quod petebam: inveni, qui mihi copiam consilii sui facerent. Ipse praeterea quaedam emendanda adnotavi. Emendavi librum, quem misi tibi. Materiam ex titulo cognoscas, cetera liber explicabit: quem iam nunc oportet ita consuescere, ut sine praefatione intelligatur. Tu velim, quid de universo, quid de partibus, sentias, scribes mihi.

Ero enim vel cautior in continendo, vel constantior in edendo, si huc vel illuc auctoritas tua accesserit. Vale.

XIV.

Causa et iudicium Tusculii quem exitum habuerit, pernarrat.

C. PLINIVS VALERIANO SVO S.

Et tu rogas, et ego promisi, si rogasses, scripturum me tibi, quem habuisset eventum postulatio Nepotis circa Tusculium Nominatum. Inductus est Nominatus; egit ipse pro se, nullo accusante. Etenim legati Vicentinorum non modo non presserunt eum, verum etiam sublevaverunt. Summa defensionis, *Non fidem sibi in advocacy, sed constantiam defuisse; descendisse ut acturum, atque etiam in curia visum; deinde sermonibus amicorum perterritum recessisse; monitum enim, ne desiderio senatoris, non iam quasi de nundinis, sed quasi de gratia, fama, dignitate certantis, tam pertinaciter, praesertim in senatu, repugnaret; alioqui maiorem invidiam, quam proxime, passurus.* Erat sane prius, tamen a paucis, acclamatum exeunti. Inde subiunxit preces multasque lacrymarum: quin etiam tota actione, homo in dicendo exercitatus, operam dedit, ut deprecari magis (id enim et favorabilius et tutius) quam defendi videretur. Absolutus est sententia designati consulis Afranii Dextri, cuius haec summa, *Melius quidem Nominatum fuisse facturum, si causam Vicentinorum eodem animo, quo susceperat, pertulisset: quia tamen in hoc genus culpa non fraude incidisset, nihilque dignum animadversione admisisse convinceretur, liberandum: Vicentinis, quod acceperat, redderet.* Adsenserunt omnes, praeter Flavium Aprum. Is, *Interdicendum ei advocacybus in quinquentium, censuit:* et quamvis neminem auctoritate traxisset, constanter in sententia mansit: quin etiam Dex-

trum, qui primus diversum censuerat, prolata lege de senatu habendo, iurare coëgit, *E republica esse, quod censuisset*. Cui, quamquam legitimae postulationi, a quibusdam reclamatum est. Exprobrare enim censi ambitionem videbatur. Sed priusquam sententiae dicerentur, Nigrinus, tribunus plebis, recitavit libellum disertum et gravem, quo questus est, *Vaenire advocaciones, vaenire etiam praevaricationes; in lites coiri; et glorias loco poni ex spoliis civium magnos et statos redditus*. Recitavit capita legum, admonuit SCtorum: in fine dixit, *Petendum ab optimo principe, ut, quia leges, quia SCta contemnerentur, ipse tantis vitiis mederetur*. Pauci dies, et liber principis severus, et tamen moderatus. Leges ipsum; est in publicis actis. Quam me iuvat, quod in causis agendis non modo pactione, dono, munere, verum etiam xeniiis semper abstinui! Oportet quidem, quae sunt inhonesta, non quasi illicita, sed quasi pudenda, vitare: iucundum tamen, si prohiberi publice videas, quod nunquam tibi ipse permisit. Erit fortasse, immo non dubie, huius propositi mei et minor laus, et obscurior fama, quum omnes ex necessitate facient, quod ego sponte faciebam. Interim fruor voluptate, quum alii divinum me; alii, meis rapinis, meae avaritiae occursum, per ludum ac iocum dictitant. Vale.

XV.

Cornutum curatorem viae factum esse, vel ideo laetatur, quia tum amicitia semper, tum collegio non semel coniuncti fuerint. Addit de suis in villa hospitibus.

C. PLINIVS PONTIO SVO S.

Secesseram in municipium, quum mihi nuntiatum est, Cornutum Tertullum accepisse Aemiliae viae curam. Expressere non possum, quanto sim gaudio adfectus et ipsius et meo nomine. Ipsius, quod, sit licet,

sicut est, ab omni ambitione longe remetus, debeat tamen ei incundus esse honor ultro datus; meo, quot aliquanto magis me delectat mandatum mihi officium, postquam par Cornuto datum video. Neque enim augeri dignitate, quam aequari bonis, gratius. Cornuto autem quid melius? quid sanctius? quid in omni genere laudis ad exemplar antiquitatis expressius? Quod mihi cognitum est non fama, qua alioqui optima et meritisissima fruitur, sed longis magnisque experimentis. Una diligimus, una dileximus omnes fere, quos aetas nostra in utroque sexu aemulandos tulit: quas societas amicitiarum arctissima nos familiaritate coniunxit. Accessit vinculum necessitudinis publicae. Idem enim mihi, ut scis, collega, quasi voto petitus, in praefectura aerarii fuit: fuit et in consulatu. Tum ego, qui vir, et quantum esset, altissime inspexi, quum equerem ut magistrum, ut parentem vererem: quod non tam aetatis maturitate, quam vitae, merebatur. His ex causis ut illi, sic mihi gratulor: nec privatim magis, quam publice, quod tandem homines non ad pericula, ut prius, verum ad honores virtute pervenirent. In infinitum epistolam extendam, si gaudio meo indulgeam. Praevertor ad ea, quae me agentem hic iunctis deprehendit. Eram cum prosocero meo, eram cum amita uxoris, eram cum amicis diu desideratis; circumibam agellos; audiebam multum rusticarum puerularum: rationes legebam invitae et cursim (aliis enim chartis, aliis sum literis initiatus) coeperam etiam tineri me praeparare. Nam includor angustiis compunctus, eoque ipso, quod delegatum Cornuto audio officium, mei admoneor. Cupio te quoque sub idem tempus Campania tua remittat, ne quis, quum in urbem rediero, contubernio nostro dies pereat. Vale.

XVI.

Mortem Fundani filiae luget, et Marcellinum, ut patrem consoletur, monet.

C. PLINIVS MARCELLINO SVO S,

Tristissimus haec tibi scribo. Fundani nostri filia minor est defuncta: qua puella nihil unquam festivius, amabilius, nec modo longiore vita, sed prope immortalitate, dignius vidi. Nondum annos quatuordecim impleverat, et iam illi anilis prudentia, matronalis gravitas erat: et tamen suavitas puellaris cum virginali verecundia. Vt illa patris cervicibus inhaerebat! ut nos amicos paternos et amanter et modeste complectebatur! ut nutrices, ut paedagogos, ut praeceptores, pro suo quemque officio, diligebat! Quam studiose, quam intelligenter lectitabat! ut parce custoditeque ludebat! Qua illa temperantia, qua patientia, qua etiam constantia novissimam valetudinem tulit! Medicis obsequabatur, sororem, patrem adhortabatur, ipsamque se destitutam corporis sui viribus, vigore animi sustinebat. Duravit hic illi usque ad extremum, nec aut spatio valetudinis, aut metu mortis infractus est; quo plures gravioresque nobis causas relinqueret et desiderii et doloris. O triste plane acerbumque funus! o morte ipsa mortis tempus indignius! Iam destinata erat egregio iuveni, iam electus nuptiarum dies, iam nos vocati. Quod gaudium quo moerore mutatum est! Non possum exprimere verbis, quantum animo vulnus acceperim, quum audivi Fundanum ipsum (ut multa luctuosa dolor invenit) praecipientem, quod in vestes, margarita, gemmas, fuerat erogaturus, hoc in thura et unguenta et odores impenderetur. Est quidem ille eruditus et sapiens, ut qui se ab ineunte aetate altioribus studiis artibusque dederit: sed nunc omnia, quae audiit saepe, quae dixit, aspernatur; expulsiisque virtutibus aliis, pietatis est totus. Ignoscas, laudabis etiam, si cogitaveris, quid amiserit. Amisit

in filiam, quae non minus mores eius, quam res
totumque referebat, totumque patrem mira similitu-
dine exscripserat. Proinde si quas ad eum de dolore
iusto literas mittea, memento adhibere solatium,
et quasi castigatorium et nimis forte, sed molle et
manum. Quod ut facilius admittat, multum faciet
dii temporis spatium. Vt enim crudum adhuc vul-
sus medentium manus reformidat, deinde patitur, at-
que ultro requirit; sic recens animi dolor consolatio-
nis reiicit ac refugit, mox desiderat, et clementer ad-
itus acquiescit. Vale.

XVII.

*Calpurnium bene recitasse nuntiat, fratrisque il-
lius pietate laudata, nobiles adolescentes hor-
tatur.*

C. PLINIUS SPVRINNAE SVO S.

Scio, quantopere bonis artibus faveas, quantum
studii capias, si nobiles iuvenes dignum aliquid maio-
ris suis faciant: quo festinantius nuntio tibi, fuisse
hodie in auditorio Calpurnii Pisonis. Recitabat
κατασκευασμένην eruditam sane luculentamque mate-
riam. Scripta elegis erat fluentibus, et teneris, et eno-
bis, sublimibus etiam, ut poposcit locus. Aptè enim
varie nunc adtollebatur, nunc residebat: excelsa de-
pressis, exilia plenis, severis iucunda mutabat; omnia
genio pari. Commendabat haec voce suavissima, vo-
nè verecundia. Multum sanguinis, multum sollicitu-
dis in ore, magna ornamenta recitantis. Etenim,
scio quo pacto, magis in studiis homines timor, quam
verecundia decet. Ne plura: (quamquam libet plura, quo
et pulchriora de iuvene, rariora de nobili,) recita-
ne finita, multum ac diu exosculatus adolescentem,
est acerrimus stimulus monendi, laudibus incitavi,
*exerget, qua coepisset, lumenque, quod sibi maio-
ris sui praetulissent, posteris ipse praeferret.* Gra-
tulus sum optimaë matri, gratulatus et fratri, qui ex

auditorio illo non minorem pietatis gloriam, quam ille alter eloquentiae tulit: tam notabiliter pro fratre recitante primum metus eius, mox gaudium eminuit. Dii faciant, ut talia tibi saepius nuntiem! Faveo enim seculo, ne sit sterile et effoetum: mireque cupio, ne nobiles nostri nihil in domibus suis pulchrum, nisi imagines habeant: quae nunc mihi hos adolescentes tacite laudare, adhortari, et, quod amborum gloriae satis magnum est, agnoscere videntur. Vale.

XVIII.

Secessus amoenitatem ei gratulatur.

C. PLINIVS MACRO SVO S.

Bene est mihi, quia tibi bene est. Habes uxorem tecum, habes filium. Frueris mari, fontibus, viridibus, agro, villa amoenissima. Neque enim dubito esse amoenissimam, in qua se composuerat homo felicior, antequam felicissimus fieret. Ego in Tuscis et venor et studeo, quae interdum alternis, et interdum simul facio: nec tamen adhuc possum pronuntiare, utrum sit difficilius capere aliquid, an scribere. Vale.

XIX.

Rogat, ut Paullinus villam suam Zosimo liberto commodet valetudinis recuperandae causa.

C. PLINIVS PAVLLINO SVO S.

Video, quam molliter tuos habeas: quo simplicius tibi confitebor, qua indulgentia meos tractem. Est mihi semper in animo et Homericum illud, πατήρ δ' ὧς ἦμος ἦεν, et hoc nostrum, *pater familias*. Quod si essem natura asperior et durior, frangeret me tamen infirmitas liberti mei Zosimi, cui tanto maior humanitas exhibenda est, quanto nunc illa magis eget. Est homo probus, officiosus, literatus, et ass quidem eius, et quasi inscriptio, comoedus, in qua plurimum facit. *Nam pronuntiat acriter, sapienter, apte, decenter etiam; utitur et cithara perite, ultra quam comoedo ne-*

cesse est. Idem tam commode orationes et historias et carmina legit, ut hoc solum didicisse videatur. Haec tibi sedulo exposui, quo magis scires, quam multa unus mihi et quam iocunda ministeria praestaret. Accedit huc longa iam caritas hominis, quam ipsa pericula auxerunt. Est enim ita natura comparatum, ut nihil aeque amorem incitet et accendat, quam carendi metus, quem ego pro hoc non semel patior. Nam ante aliquot annos, dum intente instanterque proauntiat, sanguinem reiecit, atque ob hoc in Aegyptum missus a me, post longam peregrinationem confirmatus rediit nuper: deinde dum per continuos dies nimis imperat voci, veteris infirmitatis tussicula admonitus, rursus sanguinem reddidit. Qua ex causa destinavi eum mittere in praedia tua, quae Foroiulii possides. Audivi enim te saepe referentem, esse ibi et aëra salubrem, et lac huiusmodi curationibus accommodatissimum. Rogo ergo, scribes tuis, ut illi villa, ut domus pateat; offerant etiam sumtibus eius, si quid opus erit: erit autem opus modico. Est enim tam parcus et continens, ut non solum delicias, verum etiam necessitates valetudinis, frugalitate restringat. Ego proficiscenti tantum viatici dabo, quantum sufficiat eunti in tua. Vale.

XX.

Varenum, a Bithynis ex proconsulatu accusatum, defendit.

C. PLINIVS VRSO SVO S.

Iterum Bithyni, post breve tempus a Iulio Basso; etiam Rufum Varenum proconsulem detulerunt: Varenum, quem nuper adversus Bassum advocatum et postularant et acceperant. Inducti in senatum, inquisitionem postulaverunt: tum Varenus petiit, ut sibi quoque defensionis causa evocare testes liceret: recusantibus Bithynis, cognitio suscepta est. Egi ego pro Varenio, non sine eventu: nam bene an male, liber indicabit. In actionibus enim utraque in partem

fortuna dominatur: multum commendationis et detrahit et adfert memoria, vox, gestus, tempus ipsum; postremo vel amor vel odium rei: liber offensis, liber gratia, liber et secundis casibus, et adversis caret. Respondit mihi Fonteius Magnus, unus ex Bithynis, plurimis verbis, paucissimis rebus. Est plerisque Graecorum, ut illi, pro copia volubilitas: tam longas, tamque frigidas periodos uno spiritu, quasi torrente, contorquent. Itaque Iulius Candidus non invenuste solet dicere, *aliud esse eloquentiam, aliud loquentiam*. Nam eloquentia vix uni aut alteri, immo, si Marco Antonio credimus, nemini; haec vero, quam Candidus *loquentiam* appellat, multis, atque etiam impudentissimo cuique maxime contingit. Postero die dixit pro Vareno Homullus callide, acriter, culte; contra Nigrinus presse, graviter, ornate. Censuit Acilius Rufus, consul designatus, inquisitionem Bithynis dandam: postulationem Varenii silentio praeiit. Haec forma negandi fuit. Cornelius Priscus consularis et accusatoribus, quae petebant, et reo tribuit, vicitque numero. Impetravimus rem nec lege comprehensam, nec satis usitatam, iustam tamen. Quare iustam, non sum epistola exsequuturus, ut desideres actionem. Nam si verum est Homericum illud,

*Τὴν γὰρ ἀοιδὴν μᾶλλον ἐπικλείουσ' ἄνθρωποι,
ἥπερ ἀκούοντες νεωτάτῃ ἀμφιπέληται,*
apud te providendum est mihi, ne gratiam novitatis et florem, quae oratiunculam meam vel maxime commendat, epistolae loquacitate praecerpam. Vale.

XXI.

Centumvirale iudicium edicto praetoris proposito dimissum dilatumque, et varii hominum de eo sermones.

C. PLINIVS RVFO SVO S.

Descenderam in basilicam Iuliam, auditurus, quibus proxima comperendinatione respondere debebam.

Sedebant iudices, decemviri venerant, obversabantur advocati; silentium longum, tandem a praetore nuntius. Dimittuntur centumviri: eximitur dies, me gaudente, qui nunquam ita paratus sum, ut non mora laeter. Causa dilationis, Nepos praetor, qui legibus quaerit. Proposuerat breve edictum; admonebat accusatores, admonebat reos, exsequunturum se, quae senatusconsulto continerentur. Suberat edicto senatusconsultum: hoc OMNES, QUIDQVĒ NEGOTII HABERENT, IVRARE PRIUS, QVAM AGERENT, iubebantur, NIHIL SE OB ADVOCATIONEM CUIQVAM DEDISSE, PROMISSISSE, CAVISSE. His primis verbis, ac mille praeterea, et vacare advocaciones et emi vetabantur. Peractis tamen negotiis mittebatur pecuniam dumtaxat decem millium dare. Hoc facto Nepotis commotus praetor, qui centumviralibus praesidet, deliberaturus an sequeretur exemplum inopinatum, nobis otium dedit. Interim tota civitate Nepotis edictum carpitur, laudatur. Multi: *Invenimus, qui curva corrigeret. Quid? ante hunc praetores non fuerunt? Quis autem hic est, qui emendet publicos mores?* Alii contra: *Rectissime fecit initurus magistratum: iura cognovit: senatusconsulta legit: reprimit foedissimas pactio- nes: rem pulcherrimam turpissime vacare non patitur.* Tales ubique sermones: qui tamen alterutram in partem ex eventu praevalerunt. Est omnino ini- quum, sed usu receptum, quod honesta consilia vel turpia, prout male aut prospere cedunt, ita vel probantur vel reprehenduntur. Inde plerumque eadem facta modo diligentiae, modo vanitatis, modo libertatis, modo furoris nomen accipiunt. Vale.

LIBER SEXTVS.

I.

Hortatur, ut in urbem redeat, quia impatienter desideratur.

C. PLINIUS TIRONI SVO S.

Quamdiu ego trans Padum, tu in Piceuo, minus te requirebam; postquam ego in urbe, tu adhuc in Piceno, multo magis: seu quod ipsa loca, in quibus esse una solemus, acrius me tui commonent: seu quod desiderium absentium nihil perinde ac vicinitas acuit: quoque propius accesseris ad spem fruendi, hoc impatientius careas. Quidquid in caussa, eripe me huius tormento. Veni, aut ego illuc, unde inconsulte properavi, revertar, vel ob hoc solum, ut experiar, an mihi, quum sine me Romae coeperis esse, similes his epistolas mittas. Vale.

II.

De increbescente brevitae forensium actionum, qua studia negligantur, conqueritur ita, ut Regulum quadam ratione desideret.

C. PLINIUS ARRIANO SVO S.

Soleo nonnunquam in iudiciis quaerere Marcum Regulum, nolo enim dicere, desiderare. Cur ergo quaero? Habebat studiis honorem, timebat, pallebat, scribebat: quamvis non posset dediscere illud ipsum, quod oculum modo dextrum, modo sinistram circum-

inebat; dextrum, si a petitore, alterum, si a possessore esset acturus: quod candidum splenium in hoc aut n illud supercilium transferebat: quod semper arripices consulebat de actionis eventu, anili superstitione, sed tamen et a magno studiorum honore veniebat. am illa perquam iucunda una dicentibus, quod libera empora petebat, quod audituros conrogabat. Quid nim iucundius, quam sub alterius invidia, quamdiu velis, et in alieno auditorio quasi deprehensum comnode dicere? Sed utcunque se habent ista, bene fecit legulus, quod est mortuus; melius, si ante. Nunc nimsane poterat sine malo publico vivere sub eo principe, sub quo nocere non poterat. Ideo fas est, non unquam eum quaerere. Nam postquam obiit ille, crebuit passim et invaluit consuetudo, binas vel singulas clepsydras, interdum et dimidias, et dandi et etendi. Nam et qui dicunt, egisse malunt quam agere; et qui audiunt, finire quam indicare. Tanta negligentia, tanta desidia, tanta denique irreverentia studiorum periculorumque est. An nos sapientiores moribus nostris? nos legibus ipsis iustiores, quae tot horas, tot dies, tot comperendinationes largiuntur? hebetes illi et supra modum tardi? nos apertius dicimus, clarius intelligimus, religiosius iudicamus, qui paucioribus clepsydris praecipitamus causas, quam diebus explicari solebant? O Regule, qui ambitione ab omnibus obtinebas, quod fidei paucissimi praestant! Equidem quoties iudico, quod saepius facio quam dico, quantum quis plurimum postulat aquae do. Etiam temerarium existimo, divinare quam spatiosa sit causa inaudita, tempusque negotio finire, cuius nodum ignores: praesertim quum primam religioni nae iudex patientiam debeat, quae pars magna iustitiae sit. At quaedam supervacua dicuntur. Etiam: sed atius est et haec dici, quam non dici necessaria. Praeterea, an sint *supervacua*, nisi quum audieris, scire *non possis*. Sed de his melius coram, ut de pluribus

vitiis civitatis. Nam tu quoque in more communi soles emendari cupere, quae iam corrigere difficile est. Nunc respiciamus domos nostras. Ecquid omnia in tua recte? in mea novi nihil. Mihi autem et gratior sunt bona, quod perseverant; et leviora incommoda quod adsuevi. Vale.

III.

Agellum, nutrici dono datum, colendum commendat.

C. PLINIUS VERO SVO S.

Gratias ago, quod agellum, quem nutrici meae donaveram, colendum suscepisti. Erat, quum donarem, centum millium nummum: postea, decrescente reditu, etiam pretium minuit, quod nunc, te curante, reparabit. Tu modo memineris, commendari tibi a me non arbores et terram (quamquam haec quoque,) sed munusculum meum; quod esse quam fructuosissimum non illius magis interest, quae accepit, quam mea, qui dedi. Vale.

IV.

Queritur, sibi non licuisse per occupationes, cum uxore in Campaniam secedere, indeque ut saepe literas mittat, monet.

C. PLINIUS CALPURNIAE SVAE S.

Nunquam sum magis de occupationibus meis questus, quae me non sunt passae aut proficiscentem te valetudinis causa, in Campaniam prosequi, aut perfectam e vestigio subsequi. Nunc enim praecipue simul esse cupiebam, ut oculis meis crederem, quid viribus, quid corpusculo acquirereres, ecquid denique secessus voluptates, regionisque abundantiam, inoffensus transmitteres. Equidem etiam fortem te non sine cura desiderarem. Est enim suspensum et anxium de eo, quem ardentissime diligas, interdum nihil scire. Nunc vero me cum absentiae, tum infirmitatis tuae ratio, incerta et varia sollicitudine exteret. Vereor

omnia, ~~im~~ ^{magis} omnia, quaeque natura metuentium est, ea maxime mihi, quae maxime abominor, fingo. Quo impensius rogo, ut timori meo quotidie singulis, vel etiam binis epistolis consulas. Ero enim securior, dum legam; statimque timebo, quum legero. Vale.

V.

Licinium Nepotem et Iubentium Celsum in causa Vareni inter se de legis additamento, quod Nepos suaserat, altercatos fuisse, non sine dolore refert.

C. PLINIUS VRSO SVO S.

Scripseram tenuisse Varenum, ut sibi evocare testes liceret: quod pluribus aequum, quibusdam iniquum, et quidem pertinaciter, visum; maxime Licinio Nepoti, qui sequenti senatu, quum de rebus aliis referretur, de proximo senatusconsulto disseruit, finitamque causam retractavit. Addidit etiam, petendum a consulibus, ut referrent, sub exemplo legis ambitus, de lege repetundarum, an placeret in futurum ad eam legem adiici, ut, sicut accusatoribus inquirendi testibusque denuntiandi potestas ex ea lege esset, ita reis quoque fieret. Fuerunt quibus haec eius oratio, ut aera et intempestiva et praepostera, displiceret: quae omisso contradicendi tempore castigaret peractum, cui potuisset occurrere. Iubentius quidem Celsus praetor, tanquam emendatorem senatus, et multis et vehementer increpuit. Respondit Nepos, rursusque Celsus: neuter contumeliis temperavit. Nolo referre, quae dici ab ipsis moleste tuli: quo magis quosdam e numero nostro improbavi, qui modo ad Celsum, modo ad Nepotem, prout hic vel ille diceret, cupiditate audiendi cursitabant; et nunc, quasi stimulant et accenderent, nunc, quasi reconciliarent componerentque, frequentius singulis, ambobus interdum, propitium Caesarem, ut in ludicro aliquo, precabantur. *Mihi quidem illud etiam peracerbum fuit, quod sunt*

alter alteri, quid pararent, indicati. ~~Nepos~~ et Celsus Nepoti ex libello respondit, et Celso Nepos ex pugillaribus. Tanta loquacitas amicorum fuit, ut homines iurgaturi id ipsum invicem scirent, tanquam convenissent. Vale.

VI.

Rogat Fundanum, ut se, pro Iulio Nasone petiturum, adiuvet.

C. PLINIVS FVNDANO SVO S.

Si quando, nunc praecipue ~~superem~~ esse te Romae, et sis, rogo. Opus est mihi voti, laboris, solitudinis socio. Petit honores Iulius Naso: petit cum multis, cum bonis; quos ut gloriosum, sic est difficile superare. Pendeo ergo, et exerceor spe, atque adficio metu, et me consularem esse non sentio. Nam rursus mihi videor omnium, quae decucurri, candidatus. Meretur hanc curam longa mei caritate. Est mihi cum illo non sane paterna amicitia; neque enim potuit esse per meam aetatem: solebat tamen vixdum adolescentulo mihi pater eius cum magna laude monstrari. Erat non studiorum tantum, verum etiam studiosorum amantissimus: ac prope quotidie ad audiendos, quos tunc ego frequentabam, Quintilianum et Niceten Sacerdotem ventitabat: vir alioqui clarus et gravis, et qui prodesse filio memoria sui debeat. Sed multi nunc in senatu, quibus ignotus ille; multi, quibus notus; sed non nisi viventes reverentur: quo magis huic, omissa gloria patris, in qua magnum ornamentum, gratia infirma, ipsi enitendum et laborandum est. Quod quidem semper, quasi provideret hoc tempus, sedulo fecit; paravit amicos; quos paraverat, coluit: me certe, ut primum sibi indicare permisit, ad amorem imitationemque delegit. Dicenti mihi sollicitus ~~adsistit~~, adsidet recitanti: primum etiam et cum maxime nascentibus opusculis meis interest, nunc solus, ~~ante cum~~ fratre; cuius nuper amissi ego amicipere

partes, ego vicem debeo implere. Doleo enim et illum immatura morte indignissime raptum, et hunc optimi fratris adiumento destitutum, solisque amicis relictum. Quibus ex causis exigo, ut venias, et suffragio meo tuum iungas. Permultum interest mea, te ostentare, tecum circuire. Ea est auctoritas tua, ut pntem me efficacius tecum etiam meos amicos rogaturum. Abrumpe, si qua te retinent. Hec tempus meum, hoc fides, hoc etiam dignitas postulat. Suscepi candidatum, et suscepisse me notum est: ego ambio, ego periclitor. In summa, si datur Nasoni quod petit, illius honor; si negatur, mea repulsa est. Vale.

VII.

Se non minori desiderio illius teneri, quam illam sui.

C. PLINIVS CALPURNIAE SVAE S.

Scribis, te absentia mea non mediocriter adfici, unumque habere solatium, quod pro me libellos meos teneas, saepe etiam in vestigio meo colloces. Gratum est, quod nos requiris, quod his fomentis adquiescis: invicem ego epistolas tuas lectito, atque identidem in manus quasi novas sumo; sed eo magis ad desiderium tui accendor. Nam cuius literae tantum habent suavitatis, huius sermonibus quantum dulcedinis inest! Tu tamen frequentissime scribe, licet hoc ita me delectet, ut torqueat. Vale.

VIII.

Attilium in caussa pecuniaria commendat tum ab amicitia, quam secum colat, tum a propria virtute, adperso metu vindicandi damns, quia facetissimus sit.

C. PLINIVS PRISCO SVO S.

Attilium Crescentem et nosti et amas. Quis enim illum spectatior paullo aut non novit, aut non amat?

Hunc ego non ut multi, sed arctissime diligo. Oppida nostra unius diei itinere dirimuntur: ipsi amare invicem, qui est flagrantissimus amor, adolescentuli coepimus. Mansit hic postea, nec refrixit iudicio, sed invaluit. Sciunt, qui alterutrum nostrum familiarius intuentur. Nam et ille amicitiam meam latissima praedicatione circumfert, et ego prae me fero, quam sit mihi curae modestia, quies, securitas eius. Quin etiam quum insolentiam cuiusdam tribunatum plebis inituri vereretur, idque indicasset mihi, respondi:

*Ὁὐ τις ἐμὲ ζῶντος καὶ ἐν ἡρώεσσιν ἀποκρίνοιο,
Σοὶ πολλὰς παρὰ νηοὺς βασιλεὺς χεῖρας ἐνέοιαι.*

Quorsum haec? Ut scias, non posse Attilium, me incolumi, iniuriam accipere. Iterum dices, *Quorsum haec?* Debuit ei pecuniam Valerius Varus: huius est heres Maximus noster, quem et ipse amo, sed coniunctus tu. Rogo ergo, exigo etiam pro iure amicitiae, cures, ut Attilio meo salva sit non sors modo, sed etiam usura plurium annorum. Homo est alieni abstinentissimus, sui diligens: nullis quaestibus sustinetur, nullus illi, nisi ex frugalitate redditus. Nam studia, quibus plurimum praestat, ad voluptatem tantum et gloriam exercet. Gravis est ei vel minima iactura, quia reparare, quod amiseris, gravius est. Exime hunc illi, exime hunc mihi scrupulum: sine me suavitate eius, sine leporibus perfrui. Neque enim possum tristem videre, cuius hilaritas me tristem esse non patitur. In summa, nosti facetias hominis, quas velim attendas, ne in bilem et amaritudinem vertat iniuria. Quam vim habeat offensus, crede ei, quam in amore habet. Non feret magnum et liberum ingenium cum contumelia damnum. Verum ut ferat ille, ego meum damnum, meam contumeliam vindicabo: sed non tanquam pro mea, hoc est, gravius, irascar. Quamquam quid denuntiationibus et quasi minis ago? *Quin potius, ut coeperam, rogo, oro, des operam, ne ille se, quod validissime vereor, a me, ego me negle-*

etum a te putern. Dabis autem, si hoc perinde curae est tibi, quam illud mihi. Vale.

IX.

Respondet commendanti Nasonem.

C. PLINIVS TACITO SVO S.

Commendas mihi lulium Nasonem candidatum. Nasonem mihi? quid si me ipsum? Fero tamen et ignosco. Eundem enim commendassem tibi, si, te Romae morante, ipse abfuissem. Habet hoc sollicitudo, quod omnia necessaria putat. Tu tamen, censeo, alios roges; ego precum tuarum minister, adiutor, particeps ero. Vale.

X.

Conqueritur, Verginio Rufo post decimum mortis annum nondum absolutum sepulcrum.

C. PLINIVS ALBINO SVO S.

Quum venissem in socrus meae villam Alsiensem, quae aliquando Rufi Verginii fuit, ipse mihi locus optimi illius et maximi viri desiderium non sine dolore renovavit. Hunc enim incolere secessum, atque etiam senectutis suae nidulum vocare consueverat. Quocunque me contulissem, illum animus, illum oculi requirebant. Libuit etiam monumentum eius videre, et vidisse poenituit. Est enim adhuc imperfectum: nec difficultas operis in causa, modici, ac potius exigui; sed inertia eius, cui cura mandata est. Subit indignatio cum miseratione, post decimum mortis annum reliquias, neglectumque cinerem, sine titulo, sine nomine iacere, cuius memoria orbem terrarum gloria pervagetur. At ille mandaverat caveratque, ut divinum illud et immortale factum versibus inscriberetur:

HIC SITVS EST RVFVS, PVLSO QVI VIN-
DICE QVONDAM

IMPERIVM ADSERVIT NON SIBI, SED
PATRIAE.

Tam rara in amicitiiis fides, tam parata oblivio mortuorum, ut ipsi nobis debeamus etiam conditoria construere, omniaque heredum officia praesumere. Nam cui non est verendum, quod videmus accidisse Verginio? cuius iniuriam ut indigniorem, sic etiam nottorem ipsius claritas facit. Vale.

XI.

Laetatur, nobiles adolescentes ad sui imitationem egisse, et nomen ac famam ex studiis petere.

C. PLINIUS MAXIMO SVO S.

O diem laetum! adhibitus in consilium a praefecto urbis, audiivi ex diverso agentes summae spei, summae indolis iuvenes duos, Fuscum Salinatorem et Numidium Quadratum, egregium par, nec modo temporibus nostris, sed literis ipsis ornamento futurum. Mira utrique probitas, constantia ~~stiva~~, decorus habitus, os planum, vox virilis, tenax memoria, magnum ingenium, iudicium aequale: quae singula mihi voluptati fuerunt: atque inter haec illud, quod et ipsi me, ut rectorem, ut magistrum intuebantur, et iis, qui audiebant, me aemulari, meis instare vestigiis videbantur. O diem (repetam enim) laetum, notandumque mihi candidissimo calculo! Quid enim aut publice laetius, quam clarissimos iuvenes nomen et famam ex studiis petere, aut mihi optatius, quam me ad recta tendentibus quasi exemplar esse propositum? Quod gaudium ut perpetuo capiam, deos oro: ab iisdem, teste te, peto, ut omnes, qui me imitari tanti putabunt, meliores esse, quam me velint. Vale.

XII.

Respondet commendaticiae, et alteri castigatorias epistolae, huic quidem immeritae.

C. PLINIUS FABATO PROSOCERO SVO S.

Tu vero non debes suspensa manu commendare mihi, quos tuendos putas. Nam et te decet multis

prodesse, et me suscipere quidquid ad curam tuam pertinet. Itaque Vectio Prisco quantum plurimum petuero, praestabo, praesertim in arena mea, hoc est, apud Centumviros. Epistolarum, quas mihi, ut ais, aperto pectore scripsisti, oblivisci me iubes: at ego nullarum libentius memini. Ex illis enim vel praecipue sentio, quantopere me diligas, cum sic exegeris mecum, ut solebas cum tuo filio. Nec dissimulo, hoc mihi iucundiores eas fuisse, quod habebam bonam causam, quum summo studio curassem quod tu curari volebas. Proinde etiam atque etiam rogo, ut mihi semper eadem simplicitate, quoties cessare videbor (nunquam enim cessabo), convicium facias: quod et ego intelligam a summo amore proficisci, et tu non inervuisse me gaudeas. Vale.

XIII.

Causam Bithynorum adversus Varenum narrare pergit.

C. PLINIVS VRSO SVO S.

Unquamne vidisti quemquam tam laboriosum et exercitum, quam Varenum meum? cui, quod summa contentione impetraverat, defendendum et quasi rursus petendum fuit. Bithyni senatusconsultum apud consules carpere et labefactare sunt ausi, atque etiam absenti principi criminari: ab illo ad senatum remissi, non destiterunt. Egit Claudius Capito irreverenter magis quam constanter, ut qui ipsum senatusconsultum apud senatum accusaret. Respondit Fronto Catus graviter et firme. Senatus ipse mirificus. Nam illi quoque, qui prius negarant Vareno, quae petebat, eadem danda, postquam erant data, censuerunt. *Singulos enim, integra re, dissentire fas esse; peracta, quod pluribus placuisset, cunctis tuendum.* Acilius tantum Rufus, et cum eo septem an octo? (septem immo) in priore sententia perseverarunt. Erant in hac paucitate nonnulli, quorum temporaria gravitas, vel potius gravitatis imitatio ridebatur. Tu tamen

aestima, quantum non in ipsa pugna certaminis maneant, cuius quasi praelusio atque praesursio has cōtentiones excitavit. Vale.

XIV.

Adventum in villam Maurici promittit sub conditione.

C. PLINIVS MAVRICO SVO S.

Solicitas me in Formisnum. Veniam ea conditione, ne quid contra commodum tuum facias: quapactione invicem mihi caveo. Neque enim mare et litus, sed te, otium, libertatem sequor: alioqui satius est in urbe remanere. Oportet enim omnia aut ad alienum arbitrium, aut ad suum facere: mei certe stomachi haec natura est, ut nihil nisi totum et merum velit. Vale.

XV.

Passieni exemplo, ab Iavoleno interpellati, monet, recitaturis sanae mentis auditores adhibendos esse.

C. PLINIVS ROMANO SVO S.

Mirificae rei non interfuisti: ne ego quidem: sed me recens fabula excepit. Passienus Paullus, splendidus eques Romanus, et inprimis eruditus, scribit elegos. Gentilicium hoc illi: est enim municeps Propertii, atque etiam inter maiores suos Propertium numerat. Is quum recitaret, ita coepit dicere, *Prisce, iubes?* Ad hoc Iavolenus Priscus (aderat enim, ut Paulo amicissimus), *Ego vero non iubeo.* Cogita, qui risus hominum, qui ioci. Est omnino Priscus dubiae sanitatis: interest tamen officio, adhibetur consiliis, atque etiam ius civile publice respondet: quo magis, quod tunc fecit, et ridiculum et notabile fuit. Interim Paulo aliena deliratio aliquantum frigoris attulit. Tam solícite recitaturis providendum est, non solum ut sint ipsi sani, verum etiam ut sanos adhibeant. Vale.

XVI.

Avunculi exitum Tacito, historiam scripturo, rogatus narrat.

C. PLINIVS TACITO SVO S.

Petis, ut tibi avunculi mei exitum scribam, quo verius tradere posteris possis. Gratias ago. Nam video, morti eius, si celebretur a te, immortalem gloriam esse propositam. Quamvis enim pulcherrimarum clade terrarum, ut populi, ut urbes, memorabili casu, quasi semper victurus, occiderit; quamvis ipse plurima opera et mansura condiderit: multum tamen perpetuitati eius scriptorum tuorum aeternitas addet: Equidem beatos puto, quibus decorum munere datum est aut facere scribenda, aut scribere legenda; beatissimos vero, quibus utrumque. Horum in numero avunculus meus, et quis libris et tuis erit. Quo libentius suscipio, de peteo etiam, quod iniungis. Erat Miseni, classemque imperio praesens regebat. Nonum Kalend. Septembres, hora fere septima, mater mea indicat ei, apparere nubem inusitata et magnitudine et specie. Usus ille sole, mox frigida, gustaverat iacens, studebatque; poscit soleas, adscendit locum, ex quo maxime miraculum illud conspici poterat. Nubes (incertum procul intuentibus, ex quo monte: Vesuvium fuisse postea cognitum est) oriebatur: cuius similitudinem et formam non alia inagis arbor, quam pinus expresserit. Nam longissimo velut trunco elata in altum, quibusdam ramis diffundebatur: credo quia recenti spiritu evecta, deinde senescente eo destituta, aut etiam pondere suo victa, in latitudinem vanescebat: candida interdum, interdum sordida et maculosa, prout terram cineremve sustulerat. Magnum propiusque noscendum, ut eruditissimo viro, visum. Iubet Liburnicam aptari: mihi, si venire nua vellem, facit copiam. Respondi, studere me malle: et forte ipse, quod scriberem, dederat. Egrediebatur domo, accipit codicillos. Retinae clas-

siarii imminenti periculo exterriti (nam villa ea iacebat, nec ulla uisi navibus fuga) ut se tanto di-
mini eriperet, orabant. Vertit ille consilium, et
studioso animo inchoaverat, obit maximo. De
quadriremes; adscendit ipse non Retinae modo,
multis (erat enim frequens amoenitas orae) la-
auxilium. Properat illuc, unde alii fugiunt; rec-
que cursum, recta gubernacula in periculum
adeo solutus metu, ut omnes illius mali motus, o-
figuras, ut deprehenderat oculis, dietaret enotare
Iam navibus cinis inciderat, quo propius accet-
calidior et densior; iam pumices etiam, nigri-
ambusti et fracti igne lapides: iam vadum subi-
ruinaeque montis litora obstantia. Cunctatus paul-
an retro flecteret, mox gubernatori ut ita faceret
nenti, *Fortes, inquit, fortuna iuvat, Pomponi-*
pote. Stabiis erat, diremtus sinu medio. Nam se
circumactis curvatisque litoribus mare infun-
Ibi, quamquam nondum periculo appropinqu-
conspicuo tamen, et, quum cresceret, proximo, a-
nas contulerat in naves, certus fugae, si contr-
ventus resedisset: quo tunc avunculus meus se-
dissimo invectus complectitur trepidantem, con-
tur, hortatur: utque timorem eius sua securitate
ret, deferri se in balineum iubet; lotus accubat,
nat, atque hilari, aut, quod est aequè magnum, i-
lis hilari. Interim e Vesuvio monte pluribus loc-
tissimae flammae altaeque incendia relucebant,
rum fulgor et claritas tenebris noctis excitabatur.
agrestium trepidatione igni relictas desertasque
per solitudinem ardere, in remedium formidinis
ctitabat. Tum se quieti dedit, et quievit veris
quidem somno. Nam meatus animae, qui illi pro-
amplitudinem corporis gravior et sonantior erat
iis, qui limini obversabantur, audiebatur. Sed
ex qua dicta adibatur, ita iam cinere, mixtisque
mīcibus oppleta surrexerat, ut, si longior in cubi-

mora esset, exitus negaretur. Excitatus procedit, seque Pomponiano, ceterisque, qui pervigilarant, reddidit. In commune consultant, intra tecta subsistant, an in aperto vagentur. Nam crebris vastisque tremoribus tecta nutabant, et quasi emota sedibus suis, nunc huc, nunc illuc abire aut referri videbantur. Sub dio rursus, quamquam levium exesorumque, pumicum casus metuebatur. Quod tamen periculorum collatio elegit. Et apud illum quidem ratio rationem, apud alios timorem timor vicit. Cervicalia capitibus imposita linteis constringunt. Id munimentum adversus decidentia fuit. Iam dies alibi, illic nox omnibus noctibus nigrior densiorque: quam tamen faces multae variaeque lumina solvebant. Placuit egredi in litus, et e proximo adspicere, ecquid iam mare admitteret, quod adhuc vastum et adversum permanebat. Ibi super abiectum linteum recubans, semel atque iterum frigidam poposcit, hausitque. Deinde flammae, flammarumque praenuntius odor sulfuris, alios in fugam vertunt, excitant illum. Innuixus servis duobus adsurrexit, et statim concidit, ut ego coniecto, crassiore caligine spiritu obstructo, clausoque stomacho, qui illi natura invalidus et angustus et frequenter interaestuans erat. Ubi dies redditus (is ab eo, quem novissime viderat, tertius) corpus inventum est integrum, illaesum opertumque, ut fuerat indutus: habitus corporis quiescenti, quam defuncto, similior. Interim Miseni ego et mater. Sed nihil ad historiam, nec tu aliud, quam de exitu eius, scire voluisti. Finem ergo faciam. Unum adiciam, omnia me, quibus interfueram, quaeque statim, quum maxime vera memorantur, audiveram, vere persequutum. Tu potissima excerpes. Aliud est enim epistolam, aliud historiam; aliud amico, aliud omnibus scribere. Vale.

XVII.

Indignatur, quosdam, eruditos sibi visos, recitanti amico nullum signum laetitiae dedisse.

C. PLINIVS RESTITVTO SVO S.

Indignatiunculam, quam in cuiusdam amici auditorio cepi, non possum mihi temperare, quo minus apud te, quia non contigit coram, per epistolam effundam. Recitabatur liber absolutissimus: hunc duo aut tres, ut sibi et paucis videntur, disertis, surdis mutisque similes audiebant. Non labra diduxerunt, non moverunt manum, non denique adsurrexerunt, saltem lassitudine sedendi. Quae tanta gravitas? quae tanta sapientia? quae immo pigritia, arrogantia, sinisteritas ac potius amentia, in hoc totum diem impendere, ut offendas, ut inimicum relinquant, ad quem tanquam amicissimus veneris? Disertior ipse es? tanto magis ne invideris: nam qui invidet, minor est. Denique, sive plus, sive minus, sive idem praestas, lauda vel inferiorem, vel superiorem, vel parem. Superiorem, quia, nisi laudandus ille est, non potes ipse laudari; inferiorem aut parem, quia pertinet ad tuam gloriam quam maximum videri, quem praecedis vel exaequas. Equidem omnes, qui aliquid in studiis faciunt, venerari etiam mirarique soleo. Est enim res difficilis, ardua, fastidiosa, et quae eos, a quibus, contemnitur, dedignatur. Nisi forte aliud iudicas tu: quamquam quis uno te reverentior huius operis, quis benignior aestimator? Qua ratione ductus, tibi potissimum indignationem meam prodidi, quem habere socium maxime poteram. Vale.

XVIII.

Promittit, Firmanorum se causam acturum esse.

C. PLINIVS SABINO SVO S.

Rogas, ut agam Firmanorum publicam causam; quod ego, quamquam plurimis occupationibus diutem

tus, adnitar. Cupio enim et ornatissimam coloniam advocacy officio, et te gratissimo tibi munere obstringere. Nam quum familiaritatem nostram, ut soles praedicare, ad praesidium ornamentumque tibi sumseris, nihil est, quod negare debeam, praesertim pro patria petenti. Quid enim precibus aut honestius plis aut efficacius amantis? Proinde Firmanis tuis, ac iam potius nostris, obliga fidem meam; quos labore et studio meo dignos cum splendor ipsorum, tum hoc maxime pollicetur, quod credibile est optimos esse, inter quos tu talis exstiteris. Vale.

XIX.

Pretium agrorum crevisse scribit: quia candidati tertiam patrimonii partem in praedia Italica iussi sint impendere.

C. PLINIVS NEPOTI SVO S.

Scis tu accessisse pretium agris, praecipue suburbanis? Causa subitae caritatis, res multis agitata sermonibus, proximis comitiis honestissimas voces senatui expressit: CANDIDATI NE CONVIVENTVR, NE MITTANT MVNERA, NE PECVNIAS DEPONANT. Ex quibus duo priora tam aperte, quam immodice fiebant: hoc tertium, quamquam occultaretur, pro comperto habebatur. Homullus deinde noster, usus vigilanter hoc consensu senatus, sententiae loco postulavit, ut consules desiderium universorum notum principi facerent, peterentque, sicut aliis vitis, hinc quoque providentia sua occurreret. Occurrit. Nam sumtus candidatorum, foedos illos et infames, ambitus lege restrinxit: eosdem patrimonii tertiam partem conferre iussit in ea, quae solo continerentur, deforme arbitratus, ut erat, honorem petituros urbem Italiamque, non pro patria, sed pro hospitio aut stabulo quasi peregrinantes habere. Concursant ergo candidati certatim: quidquid venale audiunt, emittunt, ut sint quoque plura venalia, efficiunt. Proinde

de, si poenitet te Italicorum praediorum, hoc vendendi tempus tam hercule, quam in provinciis comparandi: dum iidem candidati illic vendunt, ut his emant. Vale.

XX.

Narrat, quae ex Vesuvii incendio, cum matre Miseni relictus, pertulerit.

C. PLINIVS CORNELIO TACITO SVO S.

Ais, te adductum literis, quas exigenti tibi de morte avunculi mei scripsi, cupere cognoscere, quas ego Miseni relictus (id enim ingressus abtuleram) non solum metus, verum etiam casus pertulerim.

Quamquam animus meminisse horret, — — Incipiam.

Profecto avunculo, ipse reliquum tempus studiis (ideo enim remanseram) impendi: mox balineum, coena, somnus inquietus et brevis. Praecesserat per multos dies tremor terrae minus formidolosus, quia Campaniae solitus: illa vero nocte ita invaluit, ut non moveri omnia, sed everti crederentur. Irrumpit cubiculum meum mater: surgebam, invicem si quiesceret, excitaturus. Residimus in area domus, quae mare a tectis modico spatio dividebat. Dubito constantiam vocare an imprudentiam debeam: agebam enim duodevicesimum annum. Posco librum Titii Livii, et quasi per otium lego, atque etiam, ut coeperam, excerpo. Ecce, amicus avunculi, qui nuper ad eum ex Hispania venerat, ut me et matrem sedentes, me vero etiam legentem videt, illius patientiam, securitatem meam corripit: nihilo segnius ego intentus in librum. Iam hora diei prima, et adhuc dubius et quasi languidus dies: iam quassatis circumiacentibus tectis, quamquam in aperto loco, angusto tamen, magnus et certus ruinae metus. Tum demum excedere oppido visum. Sequitur vulgus attonitum, quodque in pavore simile prudentiae, alienum consilium suo praefert,

ingentique agmine abeuntes premit et impellit. Egressi tecta consistimus. Multa ibi miranda, multas formidines patimur. Nam vehicula, quae produci iusseramus, quamquam in planissimo campo, in contrarias partes agebantur, ac ne lapidibus quidem fulta, in eodem vestigio quiescebant. Præterea mare in se resorberi, et tremore terrae quasi repelli videbatur. Certe processerat litus, multaque animalia maris in siccis arenis detinebat. Ab altero latere nubes atra et horrenda ignei spiritus tortis vibratisque discursibus rupta, in longas flammarum figurae dehiscibat: fulgoribus illae et similes et maiores erant. Tum vero ille idem ex Hispania amicus, acrima et instantius, *Si frater, inquit, tuus, si tuus avunculus vivit, vult esse vos salvos: si perit, superstitis voluit: proinde quid cessatis evadere? Respondimus, non commissuros, ut de salute eius incerti, nostras consuleremus. Non moratus ultra, proripit se, effusoque cursu periculo aufertur: nec multo post illa nubes descendere in terras, operire maria. Cinxerat Capreas et absconderat: Miseni quod procurrit, abstulerat. Tum mater orare, hortari, iubere, quoquo modo fugerem; posse enim iuvem: se et annis et corpore gravem bene morituram, si mihi causa mortis non fuisset. Ego contra, salvum me, nisi una, non futurum: deinde manum eius simplex, addere gradum cogo; paret aegre, innotatque se, quod me moreretur. Iam cinis, adhuc tamen rarus: respicio, densa caligo tergis imminet, quae nos, torrentis modo infusa terrae, sequebatur. *Deflectamus, inquam, dum videmus, ne in via strati, comitantium turba in tenebris obteramur. Vix consederamus, et nox, non quasi illunis aut nubila, sed qualis in locis clausis luridine extincto: audires ululatus feminarum, infantium quiritatus, clamores virorum: alii parentes, alii liberos, alii coninges vocibus requirebant, vocibus noscitant: hi suum casum, illi sanorum miserebamur.**

PLIN. EP.

tur: erant qui metu mortis mortem precarentur. Multi ad deos manus tollere: plures, nusquam iam deos ullos, aeternamque illam et novissimam noctem mundo interpretabantur. Nec defuerunt, qui fictis mentis terroribus vera pericula augerent. Aderant, qui Miseni fuisse, illud ruisse, illud ardere, falso, sed credentibus nuntiabant. Paulum reluxit; quod non dies nobis, sed adventantis ignis indicium videbatur: et ignis quidem longius substitit: tenebras rursus, cinis rursus multus et gravis. Hunc identidem adsurgentes excutiebamus: operti alioqui, atque etiam oblisi pondere essemus. Possem gloriari, non gemitum mihi, non vocem parum fortem in tantis periculis excidiisse, nisi me cum omnibus, omnia mecum perire, misero, magno tamen mortalitatis solatio credidissem. Tandem illa caligo tenuata quasi in fumum nebulamve decessit: mox dies vere, sol etiam effulsit, luridus tamen, qualis esse, quum deficit, solet. Occurabant trepidantibus adhuc oculis mutata omnia, altoque cinere, tanquam nive, obduta. Regressi Misenum, curatis utraque corporibus, suspensam dubiamque noctem spe ac metu exegimus: metus praevalerat. Nam et tremor terrae perseverabat, et plerique lymphati terrificis vaticinationibus et sua et aliena mala ludificabantur. Nobis tamen ne tunc quidem, quamquam et expertis periculum, et expectantibus, aequum consilium, donec de avunculo nuntius. Haec, nequaquam historia digna, non scripturus leges, et tibi, scilicet qui requisisti, imputabis, si digna ne epistola quidem videbuntur. Vale.

XXI.

Verгинii Romani probitatem et doctrinam, praesertim in comoedia scribenda, laudat.

C. PLINIVS CANINIO SVO S.

Sum ex iis, qui mirer antiquos: non tamen, ut quidam, temporum nostrorum ingenia despicio. Neque enim quasi lasa et effoeta natura, ut nihil iam

laudabile pariat. Atque adeo nuper audii Verginium Romanum paucis legentem comoediam, ad exemplar veteris comoediae scriptam, tam bene, ut esse quandoque possit exemplar. Nescio, an noris hominem, quamquam nosse debes. Est enim probitate morum, ingenii elegantia, operum varietate monstrabilis. Scripsit mimiiambos tenuiter, argute, venuste, atque in hoc genere eloquentissime. Nullum est enim genus, quod, absolutum, non possit eloquentissimum dici. Scripsit comoedias, Menandrum aliosque aetatis eiusdem aemulatus. Licet has inter Plantinas, Terentianasque numeres. Nunc primum se in veteri comoedia, sed non tanquam iuciperet, ostendit. Non illi vis, non granditas, non subtilitas, non amaritudo, non dulcedo, non lepos defuit. Ornavit virtutes, insectatus est vitia, fictis nominibus decenter, veris usus est apte. Circa me tantum benignitate nimis modum excessit; nisi quod tamen poetis mentiri licet. In summa, extorquebo ei librum, legendumque, immo ediscendum, mittam tibi. Neque enim dubito futurum, ut non deponas, si semel sumseris. Vale.

XXII.

Tironem, provinciam sortitum, exemplo Bruttiani, a familiari suo accusati, monet, ne cuiquam nimis fidat.

C. PLINIUS TIRONI SUO S.

Magna res acta est omnium, qui sunt provinciae praefuturi, magna omnium, qui se simpliciter credant amicis. Lustricus Bruttianus quum Montanum Atticinum, comitem suum, in multis flagitiis deprehendisset, Caesari scripsit. Atticinus flagitiis addidit, ut, quem deceperat, accusaret. Recepta cognitio est: sui in consilio: egit uterque pro se; egit autem carptum, et *κατὰ πρῶτον*, quo genere veritas statim ostenditur. Protulit Bruttianus testamentum suum, quod Atticini manu scriptum esse dicebat. Hoc enim et

arcana familiaritas, et querendi de eo, quem sic amasset, necessitas indicabatur. Enumeravit crimina foeda manifestaque. Ille, quum diluere non posset, ita regessit, ut, dum defenditur, turpis, dum accusat, accleratus probaretur. Corrupto enim scribae servo, interceperat commentarios, intercideratque, ac persummum nefas utebatur adversus amicum crimine suo. Fecit pulcherrime Caesar. Non enim de Bruttiano, sed statim de Atticino perrogavit. Damnatus et in insulam relegatus: Bruttiano iustissimum integritatis testimonium redditum, quem quidem etiam constantiae gloria secuta est. Nam defensum expeditissime, accusavit vehementer; nec minus acer, quam bonus et sincerus apparuit. Quod tibi scripsi, ut te sortitum provinciam praemonerem, plurimum tibi credas, nec cuiquam satis fidus: deinde scias, si quis forte te, quod abominor, fallat, paratam ultionem: qua tamen ne sit opus, etiam atque etiam attende. Neque enim tam iucundum est vindicare, quam decipi miserum. Vale.

XXIII.

Caussae defensionem, quam rogatus fuerat, ea lege promittit, ut Ruso adolescens, quem in forum producturus erat, secum ageret.

C. PLINIUS TRIARIO SVO S.

Impense petis, ut agam caussam pertinentem ad curam tuam, pulchram alioquin et famosam. Faciam, sed non gratis. *Qui fieri potest*, inquis, *ut non gratis tu?* Potest. Exigam enim mercedem honestiorem gratuito patrocinio. Peto, atque etiam paciscor, ut simul agat Cremutius Ruso. Solitam hoc mihi, et iam in pluribus claris adolescentibus factitatum. Nam mire concupisco bonos iuvenes ostendere foro, adsignare famae. Quod si cui, praestare Rusoni meo debeo, vel propter natales ipsius, vel propter eximiam *mei caritatem*: quem magni aestimo in iisdem iudiciis, ex iisdem etiam partibus, conspici, audiri. Ob-

liga me: obliga antequam dicat; nam quum dixerit, gratias ages. Spondeo, solitudini tuae, spei meae, magnitudini causae suffecturum. Est indolis optima, brevi producturus alios, si interim proventus fuerit a nobis. Neque enim cuiquam tam clarum statim ingenium est, ut possit emergere, nisi illi materia, occasio, fautor etiam commendatorque contingat. Vale.

XXIV.

Pamam in factis conditionem facientium sequi, exemplo municipis feminae, quae marito dux et comes mortis fuerat, ostendit.

C. PLINIVS MACRO SVO S.

Quam multum interest, quid a quo fiat! Eadem enim facta claritate vel obscuritate facientium aut tolluntur altissime, aut humillime deprimuntur. Navigabam per Larium nostrum, quum senior amicus ostendit mihi villam, atque etiam cubiculum, quod in lacum prominet. *Ex hoc, inquit, aliquando municeps nostra cum marito se praecipitavit.* Causam requisivi. *Maritus ex distino morbo circa velanda corporis ulceribus putrescebat: uxor, ut inspiceret, exegit: neque enim quemquam fidelius indicaturum, possetne sanari. Vidit, desperavit: hortata est, ut moretetur, comesque ipsa mortis, dux immo, et exemplum, et necessitas fuit. Nam se cum marito ligavit, abiecitque in lacum. Quod factum ne mihi quidem, qui municeps, nisi proxime auditum est; non quia minus illo clarissimo Arriac factu, sed quia minor est ipsa.* Vale.

XXV.

De Robusto, qui peregre profectus disparaverat, promittit se quaesiturum esse: ex simili autem exemplo timet, ne frustra sit.

C. PLINIVS HISPANO SVO S.

Scribis, Robustum, splendidum equitem Romanum, cum Atilio Scauro, amico meo, Oriculum us-

que commune iter peregriasse, deinde nusquam compa-
ruisse: petis, ut Scaurus veniat, nosque, si potest, in
aliqua inquisitionis vestigia inducat. Veniet; vercor
ne frustra. Suspikor enim tale nescio quid Robusto
accidisse, quale aliquando Metilio Crispo, municipi
meo. Huic ego ordines impetraveram, atque etiam
proficiscenti quadraginta millia nummum ad instru-
endum se ornandumque donaveram; nec postea aut
epistolas eius, aut aliquem de exitu nuntium accepi.
Interceptusne sit a suis, an cum suis, dubium: certe
non ipse, non quisquam ex servis eius apparuit. Uti-
nam ne in Robusto idem experiamur! Tamen arces-
samus Scaurum. Demus hoc tuis, demus optimi ado-
lescentis honestissimis precibus, qui pietate summa,
mira etiam sagacitate, patrem quaerit. Dii faveant, ut
sic inveniat ipsum, quemadmodum iam, cum quo
fuiisset, invenit! Vale.

XXVI.

Gratulatur Serviana generum.

C. PLINIVS SERVIANO SVO S.

Gaudeo, et gratulor, quod Fusco Salinatori filiam
tuam destinasti. Dornus patricia; pater honestissi-
mus; mater pari laude. Ipse est studiosus, literatus,
etiam disertus: puer simplicitate, comitate iuvenis,
senex gravitate: neque enim amore decipior. Amo
quidem effuse (ita officiis, ita reverentia meruit), iudico
tamen, et quidem tanto acrius, quanto magis amo:
tibi, ut qui exploraverim, spondeo, habiturum te
generum, quo melior fingi, ne voto quidem, potuit.
Superest, ut avum te quam maturissime similius sui
faciat. Quam felix tempus illud, quo mihi liberos il-
lius, nepotes tuos, ut meos vel liberos vel nepotes, ex
vestro sinu sumere, et quasi pari iure tenere contin-
get! Vale.

XXVII.

Rogantem designatum ~~consulem~~, quid in laudem principis adferret, docet exemplo suo, quid faciendum: addit et novam ex novis rebus gestis materiam.

C. PLINIVS SEVERO SVO S.

Rogas, ut cogitem, quid designatus consul in honorem principis censeas. Facilis inventio, non facilis electio. Est enim ex virtutibus eius larga materia. Scribam tamen, vel, quod malo, coram indicabo, si prius haesitationem meam ostendero. Dubito, num idem tibi suadere, quod mihi, debeam. Designatus ego consul, omni hac, etsi non adulatione, specie tamen adulationis, abstinui: non tanquam liber et constans, sed tanquam intelligens principis nostri: cuius videbam hanc esse praecipuam laudem, si nihil quasi ex necessitate decernerem. Recordabar etiam, plurimos honores pessimo cuique delatos; a quibus hic optimus separari non alio modo magis poterat, quam diversitate censendi: quod ipsa dissimulatione et silentio non praeterii, ne forte non iudicium illud in meum, sed oblitio videretur. Hoc tunc ego: sed non omnibus eadem placent, nec conveniunt quidem. Praeterea, faciendi aliquid vel non faciendi vera ratio cum hominum ipsorum, tum rerum etiam ac temporum conditione mutatur. Nam recentia opera maximi principis praebent facultatem nova, magna, vera censendi: quibus ex causis, ut supra scripsi, dubito, an idem nunc tibi, quod tunc mihi, suadeam. Illud non dubito, debuisse me in parte consilii tui ponere, quod ipse fecissem. Vale.

XXVIII.

Excusationem illius admittit; fructus quos miserat, moderandos in posterum, denuntiat.

C. PLINIVS PONTIO SVO S.

Scio, quae tibi causa fuerit impedimento, quae mi-

nus praecurrere adventum meum in Campaniam posset: sed, quamquam absens, totus huc migrasti. Tantum mihi copiarum tam urbanarum quam rusticarum nomine tuo oblatum est, quas omnes improbe quidem, accepi tamen. Nam me tui, ut ita facerem, rogabant; et verebar, ne et mihi et illis irascereris, si non fecissem. In posterum, nisi adhibueris modum, ego adhibebo. Etiam tuis denuntiavi, si rursus tam multa adtulissent, omnia relatu-ros. Dices, oportere me tuis rebus uti meis: etiam; sed perinde illis ac meis parco. Vale.

XXIX.

Quadratum monet tum Thraseae dicto, tum suo exemplo, quae causae agendas sint.

C. PLINIVS QVADRATO SVO S.

Avidius Quinctus, qui me unice dilexit, et, quo non minus gaudeo, probavit, ut multa alia Thraseae (fuit enim familiaris) ita hoc saepe referēbat, praecipere solitum, suscipiendas esse causas, aut amicorum, aut destitutas, aut ad exemplum pertinentes. Cur amicorum? Non eget interpretatione. Cur destitutas? Quod in illis maxime et constantia agentis et humanitas cerneretur. Cur pertinentes ad exemplum? Quia plurimum refert, bonum an malum induceretur. Ad haec ego genera canasarum, ambitio- re fortasse, addam tamen claras et illustres. Aequum enim est agere non nunquam gloriae et famae, id est, suam causam. Hos terminos, quia me consulisti, dignitati ac verecundiae tuae statuo. Nec me praeterit, usum et esse et haberi optimum dicendi magistrum. Video etiam, multos parvo ingenio, literis nullis, ut bene agerent, agendo consequutos. Sed et illud, quod vel Pollionis, vel tanquam Pollionis accepi, verissimum experior: *Commode agendo factum est, ut saepe agerem: saepe agendo, ut minus commode: quia scilicet assiduitate nimia facilitas magis*

quam facultas, nec fiducia, sed temeritas, paratur. Nec vero Isocrati, quo minus haberetur summus orator, offecit, quod infirmitate vocis, mollitie frontis, ne in publico diceret, impediatur. Proinde multum lege, scribe, meditare, ut possis, quum voles, dicere; dices, quum velle debebis. Hoc fere temperamentum ipse servavi. Non nunquam necessitati, quae pars rationis est, parui. Egi enim quasdam a senatu iussus, quae tertio in numero fuerunt ex illa Thraseae divisione, hoc est, ad exemplum pertinentes. Adfui Baeticis contra Baebium Massam. Quaesitum est, an danda esset inquisitio: data est. Adfui rursus iisdem querentibus de Caecilio Classico. Quaesitum est, an provinciales, ut socios ministrosque proconsulis, plecti oporteret: poenas luerunt. Accusavi Marium Priscum; qui lege repetundarum damnatus, utebatur clementia legis, cuius severitatem immanitate criminum excesserat: relegatus est. Tuitus sum Iulium Bassum, ut incustoditum nimis et incautum, ita minime malum: iudicibus acceptis in senatu remansit. Dixi proxime pro Vareno, postulante, ut sibi invicem vocare testes liceret: impetratum est. In posterum opto, ut ea potissimum iubeam, quae me deceat vel sponte fecisse. Vale.

XXX.

*Prososeri villae durum et laboriosum hominem
praeficiendum esse suadet.*

C. PLINIUS FABATO SVO S.

Debemus, me Hercule, natales tuos periinde ac nostros celebrare, cum laetitia nostrorum ex tuis pendat, cuius diligentia et cura hic hilares, istic securi sumus. Villa Camilliana, quam in Campania possides, est quidem vetustate vexata; ea tamen, quae sunt pretiosiora, aut integra manent, aut levissime laesa sunt. Attendimus ergo, ut quam saluberrime reficiantur. Ego videor habere multos amicos, sed

huius generis, cuius et tu quaeris et res exigit, prope neminem. Sunt enim omnes togati et urbani: rusticorum autem praediorum administratio poscit durum aliquem et agrestem, cui nec labor ille gravis, nec cura sordida, nec tristis solitudo videatur. Tu de Ruffo honestissime cogitas: fuit enim filio tuo familiaris. Quid tamen nobis ibi praestare possit, ignoro; velle plurimum, credo. Vale.

XXXI.

Quid Centum Cellis in secessu principis peractum sit egregie, enarrat, simulque loci situm et munitionem describit.

C. PLINIVS CORNELIANO SVO S.

Evocatus in consilium a Caesare nostro ad Centum Cellas (hoc loco nomen) longe maximam cepi voluptatem. Quid enim iucundius, quam principis institiam, gravitatem, comitatem in secessu quoque, ubi haec maxime recluduntur, inspicere? Fuerunt variae cognitiones, et quae virtutes iudicis per plures species experirentur. Dixit caussam Claudius Ariston, princeps Ephesiorum, homo munificus, et innoxie popularis: inde invidia, et ab diasimillimis delator immissus: itaque absolutus vindicatusque est. Sequenti die audita est Galitta, adulterii rea. Nupta haec tribuno militum, honores petituto, et suam et mariti dignitatem centurionis amore maculaverat: maritus legato consulari, ille Caesari scripserat. Caesar, excussis probationibus, centurionem exactoravit, atque etiam relegavit. Supererat crimini, quod nisi duorum esse non poterat, reliqua pars ultionis: sed maritum, non sine aliqua reprehensione patientiae, amor uxoris retardabat; quam quidem, etiam post delatum adulterium, domi habuerat, quasi contentus aemulum removisse. Admonitus, ut perageret accusationem, peregit invitus. Sed illam damnari, etiam invito accusatore, necesse erat: damnata, et Iu-

liae legis poenis relicta est. Caesar et nomen venturionis, et commemorationem disciplinae militaris sententiae adiecit, ne omnes eiusmodi causas revocare ad se videretur. Tertio die inducta cognitio est, multis sermonibus et vario rumore iactata, de Iulii Tironis codicillis, quos ex parte veros esse constabat, ex parte falsi dicebantur. Substituebantur crimini Sempronius Senecio, eques Romanus, et Eurythmus, Caesaris libertus et procurator, Heredes, quum Caesar esset in Dacia, communiter epistola scripta, petierant, ut susceperet cognitionem: suscepit. Reversus diem dixerat: et, quum ex heredibus quidam, quasi reverentia Eurythmi, remitterent accusationem, pulcherrime dixerat, *Nec ille Polycletus est, nec ego Nero*. Indulserat tamen petentibus dilationem; cuius tempore exacto, consederat auditurus. A parte heredum intraverunt duo: omnino postularunt, ut omnes heredes agere cogerentur, quum detulissent omnes, aut sibi quoque desistere permetteretur. Loquutus est Caesar summa gravitate, summa moderatione: quumque advocatus Senecionis et Eurythmi dixisset, suspicionibus relinqui reos, nisi audirentur; *Non curo, inquit, an isti suspicionibus relinquuntur: ego relinquo*. Dein, conversus ad nos: *Ἐνταῦθα, quid facere debeamus? Isti enim queri volunt, quod sibi licuerit non accusare*. Tum ex consilii sententia iussit denuntiari heredibus omnibus, aut agerent, aut singuli approbarent causas non agendi, alioqui se vel de calumnia pronuntiaturum. Vides, quam honesti, quam severi dies; quos iucundissimae remissiones sequebantur. Adhibebamur quotidie coenae: erat modica, si principem cogitares. Interdum ἀνγοῖματα audiebamus: interdum iucundissimis sermonibus nox ducebatur. Summo die abeuntibus nobis (quam diligens in Caesare humanitas!) xenia sunt missa. Sed mihi, ut gravitas cognitionum, consilii honor, suavitas simplicitasque convictus, ita locus ipse periculi-

dus fuit. Villa pulcherrima cingitur viridissimis
 agris: imminet litori, cuius in sinu sit cum maxime
 portus. Huius sinistrum brachium firmissimo opere
 munitum est; dextrum elaboratur. In ore portus in-
 sula adsurgit, quae illatam vento mare obiacens fran-
 gat, tutumque ab utroque latere decursum navibus
 praestet. Adsurgit autem arte visenda. Ingentia sa-
 xea latissima navis provehit: [contra,] haec alia super
 alia deiecta ipso pondere manent, ac sensim quodam
 velut aggere construuntur. Eminent iam et apparet
 saxum dorsum: impactosque fluctus in immensum
 elidit et tollit. Vastus illie fragor, canumque circa
 mare. Saxis deinde pilae adiciuntur, quae proce-
 denti tempore, enatam insulam imitentur. Habebit hic
 portus etiam nomen auctoris, eritque vel maxime sa-
 lutaris. Nam per longissimum spatium litus impor-
 tuosum hoc receptaculo utetur. Vale.

XXXII.

*Nubenti Quintiliani filiae dono offert L. millia num-
 mum.*

C. PLINIVS QVINTILIANO SVO S.

Quamvis et ipse sis continentissimus, et filiam
 tuam ita institueris, ut decebat filiam tuam, Tutilii
 neptem; quum tamen sit nuptura honestissimo viro,
 Nonio Celeri, cui ratio civilium officiorum necessita-
 tem quandam niteris imponit; debet, secundum con-
 ditiones mariti, veste, comitatu (quibus non quidem
 augetur dignitas, ornatur tamen) instrui. Te porro
 animo beatissimum, modicum facultatibus scio. Ita-
 que partem oneris tui mihi vindico, et tanquam pa-
 rens alter puellae nostrae confero quinquaginta millia
 nummum: plus collaturus, nisi a verecundia tua sole
 mediocritate munusculi impetrari posse considerem,
 ne recusares. Vale.

XXXIII.

Triumphat oratione sua, pro Accia apud centumviros habita, cuius artes detegit.

C. PLINIVS ROMANO SVO S.

Tollite cuncta, inquit, coeptosque auferte labores. Seu scribis aliquid, seu legis, tolli, auferri iube, et accipe orationem meam, ut illi arma, divinam. Num superbius potui? Revera, ut inter meas, pulchram. Nam mihi satis est certare tecum. Est haec pro Accia Variola, et dignitate personae, et exempli raritate, et iudicii magnitudine insignis. Nam femina splendide nata, nupta praetorio viro, exheredata ab octogansrio patre, intra undecim dies, quam ille novercam ei, amore captus, induxerat, quadruplici iudicio bona paterna repetebat. Sedebant iudices centum et octoginta: tot enim quatuor consiliis conscribuntur: ingens utrinque advocatio, et numerosa subsellia: praeterea densa circumstantium corona latissimum iudicium multiplici circulo ambibat. Ad hoc, stipatum tribunal, atque etiam ex superiore basilicae parte, qua feminae, qua viri, et audiendi, quod erat difficile, et, quod facile, visendi studio imminebant. Magna expectatio patrum, magna filiarum, magna etiam novercarum. Sequutus est varius eventus. Nam duobus consiliis vicimus, totidem victi sumus. Notabilia prorsus res et mira: eadem in causa, iisdem iudicibus, iisdem advocatis, eodem tempore tanta diversitas accidit casu quidem, sed non ut casus videretur. Victa est noverca: ipsa heres ex parte sexta. Victus, Saberinus; qui exheredatus a patre singulari impudentia alieni patris bona vindicabat, non ausus sui petere. Haec tibi exposui, primum, ut ex epistola scires, quae ex oratione non poteras: deinde, (nam detegam artes) ut orationem libentius legeres, si non legere tibi, sed interesse iudicio videreris: quam, sit licet magna, non despero gratiam brevissimae impetraturam. Nam et copia rerum, et arguta divisione, et narratiunculis pluribus,

et eloquendi varietate, renovatur. Sunt multa (non auderem nisi tibi dicere) elata, multa pugnantia, multa subtilia. Intervenit enim acribus illis et erectis frequens necessitas computandi, ac paene calculos tabulamque poscendi, ut repente in privati iudicii formam centumvirale vertatur. Dedimus vela indignationi, dedimus irae, dedimus dolori; et in amplissima causa, quasi magno mari, pluribus ventis sumus vecti. In summa, solent quidam ex contubernalibus nostris existimare hanc orationem (iterum dicam) praecipuam, ut inter meos, ὃς ὑπὲρ Κρησιφῶντος esse. An vere, tu facillime iudicabis, quia tam memoriter tenes omnes, ut conferre cum hac, dum hanc solam legis, possis. Vale.

XXXIV.

Maximi munus gladiatorium in funere uxoris commendat; dolet autem pantheras tardius advenisse.

C. PLINIUS MAXIMO SVO S.

Recte fecisti, quod gladiatorium munus Veronensibus nostris promisisti; a quibus olim amaris, suspiceris, ornaris. Inde etiam uxorem carissimam tibi et probatissimam habuisti; cuius memoriae aut opus aliquod, aut spectaculum, atque hoc potissimum, quod maxime funeri, debebatur. Praeterea, tanto consensu rogabaris, ut negare non constans, sed durum videretur. Illud quoque egregium, quod tam facilis, tam liberalis in edendo fuisti. Nam per haec etiam magnus animus ostenditur. Vellem Africanas, quas coëmeras plurimas, ad praefinitum diem occurrissent: sed licet cessaverint illae, tempestate detentae, tu tamen mernisti, ut acceptum tibi fieret, quod quo minus exhiberes, non per te stetit. Vale.

LIBER SEPTIMVS.

I.

Aegrotantem hortatur, ut valetudinem patienter ferat, suoque exemplo docet medicis obtemperare.

C. PLINIUS RESTITVTO SVO S.

Terret me haec tua pertimax valetudo, et, quamquam te temperantissimum noverim, vereor tamen, ne quid illi etiam in mores tuos liceat. Proinde moneo, patienter resistas. Hoc laudabile, hoc salutare. Admittit humana natura, quod suadeo. Ipse certe sic agere sanus cum meis soleo: *Spero quidem, si forte in adversam valetudinem incidero, nihil me desideraturum vel pudore vel poenitentia dignum: si tamen superaverit morbus, denuntio, ne quid mihi detur, nisi permittentibus medicis: eciantque, si dederint, ita vindicaturum, ut solent alii, quas negantur.* Quia etiam quum perustus ardentissima febris, tandem remissus unctusque acciperem a medico potionem, porrexi manum, utque me tangeret, dixi, admotumque iam labris poculum reddidi. Postea quum vicesimo valetudinis die balineo praeparerer, missantesque medicos repente vidissem, causam requisivi. Responderunt, *posse me tuto lavari, non tamen omnino sine aliqua suspitione. Quid, inquam, necesse est?* Atque ita spe balinei, cui iam videbar inferri, placide leniterque dimissa, ad abstinentiam rursus, non

secus, ac modo ad balineum, animum vultumque composui. Quae tibi scripsi, primum ut te non sine exemplo monerem, deinde ut in posterum ipse ad candi temperantiam adstringerer, quum me hac epistola quasi pignore obligavissem. Vale.

II.

Promittit aliquid scriptorum suorum, quum aest transmissa fuerit.

C. PLINIUS IVSTO SVO S.

Quemadmodum congruit, ut simul et adfirmes, assiduis occupationibus impediri, et scripta nostra desideres, quae vix ab otiosis impetrare aliquid periti temporis possunt? Patiar ergo aestatem inquieta vobis exercitamque transcurrere, et hieme demum quum credibile erit, noctibus saltem vacare te possum. Quaecumque potissimum ex nugis meis tibi exhibeam. Interim abunde est, si epistolae non sunt molestae. Sunt autem, et ideo breviores erunt. Vale.

III.

Amicum a longo secessu in urbem revocat.

C. PLINIUS PRAESENTI SVO S.

Tantane perseverantia tu modo in Lucania, modo in Campania? *Ipsa enim*, inquis, *Lucanus, uxor Campana*. Iusta causa longioris absentiae, non perpetuae tamen. Quin ergo aliquando in urbem redis ubi dignitas, honor, amicitiae tam superiores quam in nores. Quousque regnabis? quousque vigilabis quum voles? dormies quamdiu voles? quousque calceatus quam? toga feriata? liber totus dies? Tempus est te revisere molestias nostras, vel ob hoc solum, ne voluptates istae satietate languescant. Saluta paullisper quo sit tibi incundius salutare: terere in hac turba, ut te solitudo delectet. Sed quid imprudens, quem revocare conor, retardo? Fortasse enim his ipsis admoneri, ut te magis ac magis otio involvas; quod ego non

brumpi, sed intermitti volo. Vt enim, si coenam tibi micerem, dulcibus cibis acres acutosque miscerem, ut obtusus illis et oblitus stomachus his excitaretur; ita nunc hortor, ut iucundissimum genus vitae nonnullis interdum quasi acoribus condias. Vale.

IV.

Airanti, qui Plinius, severus homo, hendecasyllabos scripserit, poetica sua studia ab ultima aetate recenset.

C. PLINIVS PONTIO SVO S.

Ais legisse te hendecasyllabos meos; requiris etiam, quemadmodum coeperim scribere, homo, ut tibi videor, severus, ut ipse fateor, non ineptus. Nunciam a poetice (altius enim repetam) alienus fui; nunc etiam quatuordecim natus annos Graecam traagediam scripsi. Qualem? inquis. Nescio: tragoedia vocabatur. Mox quum e militia rediens, in Icaria insula ventis detinerer, Latinos elegos in illud ipsum mare ipsamque insulam feci. Expertus sum me aliando et heroico: hendecasyllabis nunc primum, uorum hic natalis, hae causae. Legebantur in Laurentino mihi libri Asinii Galli de comparatione patris et Ciceronis: incidit epigramma Ciceronis in Tironem suum. Dein, quum meridie (erat enim aestas) dormire me recepissem, nec obreperet somnus, coepi epulare, maximos oratores hoc studii genus, et oblectationibus habuisse, et in laude posuisse. Inveniendi animum, contraque opinionem meam, post longam desuetudinem, perquam exiguo temporis momento id ipsum, quod me ad scribendum sollicitaverat, in versibus exaravi:

Quum libros Galli legerem, quibus ille parenti Ausus de Cicerone dare est palmamque decus-
que,

Lascivum inveni lusum Ciceronis, et illo Spectandum ingenio, quo seria condidit, et quo
PLIN. EP. M

secus, ac modo ad balineum, animum vultumque composui. Quae tibi scripsi, primum ut te non sine exemplo monerem, deinde ut in posterum ipse ad eandem temperantiam adstringerer, quum me hac epistola quasi pignore obligavissem. Vale.

II.

Promittit aliquid scriptorum suorum, quum aestas transmissa fuerit.

C. PLINIUS IVSTO SVO S.

Quemadmodum congruit, ut simul et adfirmes, te assiduis occupationibus impediri, et scripta nostra desideres, quae vix ab otiosis impetrare aliquid perituri temporis possunt? Patiar ergo aestatem inquietam vobis exercitamque transcurrere, et hieme demum, quum credibile erit, noctibus saltem vacare te posse, quaeram quid potissimum ex angis meis tibi exhibeam. Interim abunde est, si epistolae non sunt molestae. Sunt autem, et ideo breviores erunt. Vale.

III.

Amicum a longo secessu in urbem revocat.

C. PLINIUS PRAESENTI SVO S.

Tantane perseverantia tu modo in Lucania, modo in Campania? *Ipsae enim*, inquit, *Lucanus, uxor Campana*. Iusta causa longioris absentiae, non perpetuae tamen. Quin ergo aliquando in urbem redis? ubi dignitas, honor, amicitiae tam superiores quam minores. Quousque regnabis? quousque vigilabis quum voles? dormies quamdiu voles? quousque calcei nuiquam? toga feriata? liber totus dies? Tempus est, te revisere molestias nostras, vel ob hoc solum, ne voluptates istae satietate languescant. Saluta paullisper, quo sit tibi incundius salutare: terere in hac turba, ut te solitudo delectet. Sed quid imprudens, quem revocare conor, retardo? Fortasse enim his ipsis admoneri, ut te magis ac magis otio involvas; quod ego non

abrumpi, sed intermitteri volo. Vt enim, si coenam tibi facerem, dulcibus cibis acres acutosque miscerem, ut obtusus illis et oblitus stomachus his excitaretur; ita nunc hortor, ut iucundissimum genus vitae nonnullis interdum quasi acoribus condias. Vale.

IV.

Miranti, qui Plinius, severus homo, hendecasyllabos scripserit, poetica sua studia ab ultima aetate recenset.

C. PLINIUS PONTIO SVO S.

Ais legisse te hendecasyllabos meos; requiris etiam, quemadmodum coeperim scribere, homo, ut tibi videor, severus, ut ipse fateor, non ineptus. Nunquam a poetice (altius enim repetam) alienus fui; quin etiam quatuordecim natus annos Graecam tragoediam scripsi. Qualem? inquis. Nescio: tragoedia vocabatur. Mox quum e militia rediens, in Icaria insula ventis detinerer, Latinos elegos in illud ipsum mare ipsamque insulam feci. Expertus sum me aliquando et heroico: hendecasyllabis nunc primum, quorum hic natalis, hae causae. Legebantur in Laurentino mihi libri Asinii Galli de comparatione patris et Ciceronis: incidit epigramma Ciceronis in Tironem suum. Dein, quum meridie (erat enim aestas) dormiturus me recepissem, nec obreperet somnus, coepi reputare, maximos oratores hoc studii genus, et in oblectationibus habuisse, et in laude posuisse. Intendi animum, contraque opinionem meam, post longam desuetudinem, perquam exiguo temporis momento id ipsum, quod me ad scribendum sollicitaverat, his versibus exaravi:

*Quum libros Galli legerem, quibus ille parenti
Ausus de Cicerone dare est palmamque decus-
que,*

*Lascivum inveni lusum Ciceronis, et illo
Spectandum ingenio, quo seria condidit, et quo*
PLIN. EP. M

*Humanis salibus, multo varioque lepore
Magnorum ostendit mentes gaudere virorum.
Nam queritur, quod fraude mala frustratus
amantem*

*Paucula coenato sibi debita suavia Tiro
Tempore nocturno subtraxerit. His ego lectis,
Cur post haec, inquam, nostros celamus amores?
Nullumque in medium timidi damus? atque
fatemur*

*Tironisque dolos, Tironis nosse fugaces
Blanditias, et furta novas addentia flammis?*

Transii ad elegos; hos quoque non minus celeriter explicui: addidi alios facilitate corruptus. Deinde in urbem reversus, sodalibus legi. Probaverunt. Deinde plura metra, si quid otii, maxime in itinere, tentavi. Postremo placuit exemplo multorum unum separatim hendecasyllaborum volumen absolvere: nec poenitet. Legitur, describitur, cantatur etiam; a Graecis quoque, quos Latine huius libelli amor docuit, nunc cithara nunc lyra personatur. Sed quid ego tam gloriose? Quamquam poetis furere concessum est: et tamen non de meo, sed de aliorum iudicio loquor; qui sive iudicant, sive errant, me delectant. Vnum precor, ut posterius quoque aut errent similiter, aut iudicent. Vale.

V.

Magno se uxoris desiderio teneri significat.

C. PLINIVS CALPURNIAE SVAE S.

Incredibile est, quanto desiderio tui teneam. In causa amor primum; deinde, quod non consuevi-
mus abesse. Inde est, quod magnam partem noctium in imagine tua vigil exigo: inde, quod interdum, quibus horis te visere solebam, ad diastem tuam ipsi me, ut verissime dicitur, pedes ducent: quod denique aeger et moestus, et similis excluso, a vacuo limine recedo. Vnum tempus his tormentis caret, quo in foro et amicorum liubus conteror. Aestima tu, qua

vita mea sit, cui requies in labore, in miseria curisque solatium est. Vale.

VI.

Bithynos decreto accusationem Vareni omisisse: tacere consultius interdum quam multa loqui.

C. PLINIVS MACRINO SVO S.

Rara et notabilis res contigit Vareno, sit licet adhuc dubia. Bithyni accusationem eius, ut temere inchoatam, omisisse narrantur. Narrantur dico? Adest provinciae legatus: attulit decretum consilii ad Caesarem, attulit ad multos principes viros, attulit etiam ad nos, Vareni advocatos. Perstat tamen idem ille Magnus: quin etiam Nigrinum, optimum virum, pertinacissime exerceat. Per hunc a Consulibus postulabat, ut Varenus exhibere rationes cogeretur. Adistebam Vareno iam tantum ut amicus, et tacere decreveram. Nihil enim tam contrarium, quam si advocatus a senatu datus defendendum ut reum, cui opus esset, ne reus videretur. Quum tamen, finita postulatione Nigrini, consules ad me oculos retulissent, *Scietis, inquam, constare nobis silentii nostri rationem, quum veros legatos provinciae audieritis.* Contra Nigrinus, *Ad quem missi sunt?* Ego, *Ad me quoque habeo decretum provinciae.* Rursus ille, *Potest tibi liquere.* Ad hoc ego, *Si tibi ex diverso liquet; potest et mihi, quod est melius in causa, liquere.* Tum legatus Polyaenus causas abolitionis accusationis exposuit, postulavitque, ne cognitioni Caesaris praedictum fieret. Respondit Magnus, iterumque Polyaenus. Ipse raro et breviter interloquutus, multum me intra silentium tenui. Accepi enim, non minus interdum oratorium esse tacere, quam dicere: atque adeo repeto, quibusdam me capitis reis vel magis silentio, quam oratione accuratissima profuisse. Mater amico filio (quid enim prohibet, quamquam alia ratio scribendae epistolae fuerit, de studiis disputare?) liberos

eius, eosdemque coheredes suos, falsi et veneficii reos detulerat ad Principem, iudicemque impetraverat Iulium Servianum. Defenderam reos ingenti quidem coetu. Erat enim causa notissima; praeterea utrinque ingenia clarissima. Finem cognitioni quaestio imposuit; quae secundum reos dedit. Postea mater adiit Principem: adfirmavit se novas probationes invenisse. Praeceptum est Serviano, ut vacaret finitam causam retractanti, si quid novi adferret. Aderat matri Iulius Africanus, nepos Iulii oratoris, (quo audito Passienus Crispus dixit, *Bene, me hercule, bene: sed quo tam bene?*) huius nepos, iuvenis ingeniosus, sed parum callidus, quum multa dixisset, adsignatumque tempus impleisset, *Rogo*, inquit, *Serviane, per-mittas mihi unum versum adiungere*. Tum ego, quum omnes me, ut diu responsurum, intuerentur, *Respondissem*, inquam, *si unum illum versum Africanus adiscisset, in quo non dubito omnia nova fuisse*. Non facile me repeto tantum consequutum adsensum agendo, quantum tunc non agendo. Similiter nunc et probatum et exceptum est, quod pro Vareno hactenus non tacui. Consules, ut Polyaeus postulabat, omnia integra Principi servaverunt; cuius cognitionem suspensus exspecto. Nam dies ille nobis pro Vareno aut securitatem et otium dabit, aut intermissum laborem renovata solitudine iniunget. Vale.

VII.

Gaudet Saturnini et Prisci coniunctione, et hunc ad se reverti satiatum otio, cupit.

C. PLINIVS SATVRNINO SVO S.

Et proxime Prisco nostro, et rursus, quia ita inuisti, gratias egi, libentissime quidem. Est enim mihi periucundum, quod viri optimi mihi que amicissimi adeo cohaesistis, ut invicem vos obligari putetis. *Nam ille quoque praecipuam se voluptatem ex amicitia tua capere proficitur, certatque tecum honestissime*

certamine mutuae caritatis, quam ipsum tempus auget. Te negotiis distineri ob hoc moleste fero, quod deservire studiis non potes. Si tamen alteram litteram per iudicem, alteram, ut ais, ipse finieris, incipies primum illic otio frui, deinde satius ad nos reverti. Vale.

VIII.

Eandem laetitiam significat Prisco, eumque ad constantiam hortatur.

C. PLINIVS PRISCO SVO S.

Exprimere non possum, quam iucundum sit mihi, quod Saturninus noster summas tibi apud me gratias aliis super alias epistolis agit. Perge, ut coepisti, vitaeque optimum quam familiarissime dilige, magnam voluptatem ex amicitia eius percepturus, nec ad breve tempus. Nam cum omnibus virtutibus abundat, tum hac praecipue, quod habet maximam in amore constantiam. Vale.

IX.

Quaerenti amico rationem exercendi stili praescribit.

C. PLINIVS FVSCO SVO S.

Quaeris, quemadmodum in secessu, quo iamdiu fruieris, putem te studere oportere. Utile in primis, et multi praecipunt, vel ex Graeco in Latinum, vel ex Latino vertere in Graecum: quo genere exercitationis proprietas splendorque verborum, copia figurarum, vis explicandi, praeterea imitatione optimorum similia inveniendi facultas paratur: simul quae legentem fefellissent, transferentem fugere non possunt. Intelligentia ex hoc et iudicium acquiritur. Nihil obfuerit, quae legeris hactenus, ut rem argumentumque teneas, quasi aemulum scribere, lectisque conferre, ac sedulo pensitare, quid tu, quid ille commodius. Magna gratulatio, si non nulla tu; magna pudor, si cuncta ille melius. Licebit interdum et no-

tissima eligere, et certare cum electis. Audax h
non tamen improba, quia secreta, contentio: qu
quam multos videmus eiusmodi certamina sibi
multa laude sumsisse, quosque subsequi satis ha
bant, dum non desperant, antecessisse. Poteris
quae dixeris, post oblivionem retractare, multa ret
re, plura transire, alia interscribere, alia rescrib
Laboriosum istud et taedio plenum, sed difficul
ipsa fructuosum, recalescere ex integro, et resun
impetum fractum omissumque: postremo, nova v
membra peracto corpori intexere, nec tamen pr
turbare. Scio, nunc tibi esse praecipuum stud
orandi; sed non ideo semper pugnacem hunc et
si bellatorum stilum suaserim. Vt enim terrae v
mutatisque seminibus, ita ingenia nostra nunc
nunc illa meditatione recoluntur. Volo interdum
quam ex historia locum apprehendas: volo episto
diligentius scribas: [volo carmina.] Nam saepe in
tiones quoque non historice modo, sed prope po
cae descriptionis necessitate incidit; et pressus se
pnusque ex epistolis petitur. Fas est et carmine
mitti: non dico continuo et longo, (id enim pe
nisi in otio non potest) sed hoc arguto et brevi, q
apte quantaslibet occupationes curasque disting
Lusus vocantur; sed hi lusus non minorem interd
gloriam, quam seria consequuntur: atque adeo (c
anim te ad versus non versibus adhorter?)

Vt lusus est cerae, mollis cedensque sequa

Si doctos digitos, iussaue fiat opus,

*Fit nunc informet Martem, castamque i
nervam,*

*Nunc Venerem effingat, nunc Ven
puerum;*

Vtque sacri fontes non sola incendia sistu

Saepe etiam flores vernaue prata iuva

Sic hominum ingenium flecti ducique per ar

Non rigidas docta mobilitate decet.

Itaque summi oratores, summi etiam viri sic se aut exercebant aut delectabant, immo delectabant exercebantque. Nam mirum est, ut his opusculis animus intendatur remittaturque. Recipiunt enim amores, odia, iras, misericordiam, urbanitatem, omnia denique, quae in vita, atque etiam in foro caussisque versantur. Inest his quoque eadem, quae aliis carminibus utilitas, quod metri necessitate devincti, soluta oratione lactamur, et quod facilius esse comparatio ostendit, libentius scribimus. Habes plura etiam fortasse, quam requirebas; unum tamen omisi. Non enim dixi, quae legenda arbitrarer: quamquam dixi, quum dicerem, quae scribenda. Tu memineris sui cpiusque generis auctores diligenter eligere: aiunt enim, **MVLTVM LEGENDVM ESSE, NON MVLTA**. Qui sint hi, adeo notum provocatumque est, ut demonstratione non egeant: et alioqui tam immodice epistola me extendi, ut, dum tibi, quemadmodum studere debeas, suadeo, studendi tempus abstulerim. Quin ergo pngillares res, et aliquid ex his, vel istud ipsum quod coeperas, scribis. Vale.

X.

Eventum actionis Bithynorum contra Varenum narrat.

C. PLINIVS MACRINO SVO S.

Quia ipse, quum prima cognovi, iungere extrema, quasi avulsa, cupio; te quoque existimo velle de Varenno et Bithynis reliqua cognoscere. Acta causa hinc a Polyaeo, inde a Magno. Finitis actionibus Caesar, *Neutra, inquit, pars de mora queretur. Brit mihi curae, explorare provinciae voluntatem.* Multum interim Varenus tulit. Etenim quam dubium est, an merito accusetur, qui an omnino accusetur, incertum est? Superest, ne rursus provinciae, quod damnasce dicitur, placeat, agatque poenitentiam poenitentiae suae. Vale.

XI.

Liberalitas in Corelliam explicatur.

C. PLINIVS FABATO SVO S.

Miraris, quod Hermes libertus meus hereditarios agros, quos ego iusseram proscribi, non expectata auctione, pro meo quincunce ex septingentis millibus Corelliae addixerit. Adiciis, posse eos nongentis millibus venire, ac tanto magis quaeris, an, quod gessit, ratum servem. Ego vero servo: quibus ex causis, accipe. Cupio enim et tibi probatum, et coheredibus meis excusatum esse, quod me ab illis, maiore officio iubente, secerno. Corelliam cum summa reverentia diligo; primum, ut sororem Corellii Rufi, cuius mihi memoria sacrosancta est; deinde, ut mater meae familiarissimam. Sunt mihi et cum marito eius, Minucio Fusco, optimo viro, vetera iura: fuerunt et cum filio maxima: adeo quidem, ut praetore me ludis meis praesederit. Haec, quum proxime istis fui, indicavit mihi, cupere aliquid circa Larium nostrum possidere. Ego illi ex praediis meis, quod vellet, et quaeri vellet, obtuli, exceptis paternis maternisque: his enim cedere ne Corelliae quidem possum. Igitur quum obvenisset mihi hereditas, in qua praedia ista, scripsi ei venalia futura. Has epistolas Hermes tulit, exigentique, ut statim portionem meam sibi addiceret, paruit. Vides, quam ratum habere deheam, quod libertus meus meis moribus gessit? Superest, ut coheredes aequo animo ferant, separatim me vendidisse, quod mihi licuit omnino vendere. Nec vero coguntur imitari meum exemplum. Non enim illis eadem cum Corellia iura sunt. Possunt ergo inveniuti utilitatem suam, pro qua mihi fuit amicitia Vale.

XII.

Libellum postulatam sero mittens, per iocum se excusat, aliosque iocos inspergit.

C. PLINIVS MINVCIO SVO S.

Libellum formatum a me, sicut exegeras, quo amicus tuus, immo noster, (quid enim non commune nobis?) si res posceret, uteretur, misi tibi ideo tardius, ne tempus emendandi eum, id est, disperdendi, haberes. Habebis tamen, an emendandi, nescio; utique disperdendi (ὑμεῖς γὰρ κακόζηλοι) optima quaeque si detraxeris. Quod si feceris, boni consulam. Postea enim illis ex aliqua occasione, ut meis, utar, et beneficio fastidii tui ipse laudabor, ut in eo, quod ad statum invenies, et suprascripto aliter explicitem. Nam, quum suspicarer, futurum, ut tibi tumidius videretur, quod est sonantius et elatius; non alienum existimaui, ne te torqueres, addere statim pressius quiddam et exilius, vel potius humiliter et pauius, vestro tamen iudicio rectius. Cur enim non usquequaque tenuitatem vestram insequar et exagitem? Haec, ut inter istas occupationes aliquid aliquando rideres: illud ferio. Vide, ut mihi viaticum reddas, quod impendi, data opera cursore dimisso. Nae tu, quum hoc legeris, non partes libelli, sed totum libellum improbabis, negabisque ullius pretii esse, cuius pretium reposeris. Vale.

XIII.

Ferocis elegantem epistolam laudat.

C. PLINIVS FEROCI SVO S.

Eadem epistola et studere te et non studere significat. Aenigmata loquitur. Ita plane, donec distinctius, quod sentio, enuntiem. Negat enim te studere, sed est tam polita, quae nisi a studente, non potest scribi: aut es tu super omnes beatus, si talia per desideriam et otium perficis. Vale.

XIV.

Firmat liberalitatem superiorem.

C. PLINIVS CORELLIAE SVAE S.

Tu quidem honestissime, quod tam impense et rogas et exigis, ut accipi inbeam a te pretium agrorum non ex septingentis millibus, quanti illos a liberto meo, sed ex nongentis, quanti a publicanis partem vicesimam emisti. Invicem ego et rogo et exigo, ut non solum quid te, verum etiam quid me deceat, adspicias, patiarisque, me in hoc uno tibi eodem animo repugare, quo in omnibus obsequi soleo. Vale,

XV.

Rem publicam ac amicorum curare honestissimum esse docet.

C. PLINIVS SATVRNINO SVO S.

Requiris, quid agam. Quo nosti, dstringor officio: amicis deservio: studeo interdum; quod non interdum, sed solum semperque facere, non audeo dicere rectius, certe beatius. Te alia omnia, quam quae velis, agere, molestum ferrem, nisi ea, quae agis, essent honestissima. Nam et reipublicae servire negotiis, et disceptare inter amicos, laude dignissimum est. Prisci nostri contubernium iucundum tibi futurum sciebam. Noveram simplicitatem eius, noveram comitatem: eundem esse, quod minus noveram, gratissimum experior, quum tam iucunde officiorum nostrorum meminisse eum scribas. Vale,

XVI.

Tironem se facile inducturum significat, ut ex via ad Fabatum declinet, et vindicta, quos iusserit, liberet.

C. PLINIVS FABATO PROSOCERO SVO S.

Calestrium Tironem familiarissime diligo, et privatis mihi et publicis necessitudinibus implicitum. Simul militavimus, simul quaestores Caesaria fuimus,

Ille me in tribunatu liberorum iure praecessit; ego illum in praetura sum consequutus, quum mihi Caesar annum remisisset. Ego in villas eius saepe secessi; ille in domo mea saepe convaluit. Hic nunc proconsul provinciam Baeticam per Ticinum est petiturus. Spero, immo confido, facile me impetraturum, ut ex itinere deflectat ad te. Si voles vindicta liberare, quos proxime inter amicos manumisisti, nihil est, quod verearis, ne sit hoc illi molestum, cui orbem terrarum circumire non erit longum mea caussa. Proinde nimiam verecundiam pone, teque, quid velis, consule. Illi tam incundum, quod ego, quam mihi, quod tu iubes, Vale.

XVII.

Orationes quoque perinde ac carmina ac historias recitari posse, contra quosdam reprehensores defendit.

C. PLINIUS CÆLERI SVO S.

Sua cuique ratio recitandi; mihi, quod saepe iam dixi, ut, si quid me fugit, ut certe fugit, admonear. Quo magis miror, quod scribis fuisse quosdam, qui reprehenderent, quod orationes omnino recitarem: nisi vero has solas non putant emendandas. A quibus libenter requisierim, cur concedant (si concedant tamen) historiam debere recitari, quae non ostentationi, sed fidei veritatisque componitur; cur tragoediam, quae non auditorium, sed scenam et actores; cur lyrica, quae non lectorem, sed chorum et lyram poscunt. At horum recitatio usu iam recepta est. Num ergo culpandus est ille, qui coepit? Quamquam orationes quoque et nostri quidam, et Graeci lectione rant. Supervacuum tamen est recitare, quae dixeris. Etiam, si eadem omnia, iisdem omnibus, si statim recites: si vero multa inseras, multa commutes, si quosdam novos, quosdam eosdem, sed post tempus, adven-

mas, cur minus probabilis sit causa recitandi quae dixeris, quam edendi? Sed difficile est, ut oratio, dum recitatur, satisfaciatur. Iam hoc ad laborem recitantis pertinet, non ad rationem non recitandi. Nec vero ego, dum recito, laudari, sed dum legor, cupio. Itaque nullum emendandi genus omitto. Ac primum quae scripsi, mecum ipse pertracto; deinde duobus aut tribus lego; mox aliis trado adnotanda, notasque eorum, si dubito, cum uno rursus aut altero pensito; novissime pluribus recito, ac, si quid mihi credis, tunc acerrime emendo. Nam tanto diligentius, quanto sollicitius, intendo. Optime autem reverentia, pudor, metus iudicant. Idque adeo sic habe. Nonne, si loquantur es cum aliquo, quamlibet docto, uno tamen, minus commoveris, quam si cum multis vel indoctis? Nonne, quum surgis ad agendum, tum maxime tibi ipse diffidis, tum commutata, non dico plurima, sed omnia cupis? Utique si latior scena, et corona diffusior. Nam illos quoque sordidos pullatosque reveremur. Nonne, si prima quaque improbari putas, debilitaris et concidis? Opinor, quia in numero ipso est quoddam magnum collatumque consilium; quibusque singulis iudicii parum, omnibus plurimum. Itaque Pomponius Secundus (hic scriptor tragoediarum) si quid forte familiarior amicus tollendum, ipse retinendum arbitraretur, dicere solebat, AD POPULVM PROVOCO: atque ita ex populi vel silentio vel assensu aut suam aut amici sententiam sequebatur. Tantum ille populo dabat. Recte an secus, nihil ad me. Ego enim non populum advocare, sed certos electosque soleo, quos intuear, quibus credam, quos denique et tanquam singulos observem, et tanquam non singulos timeam. Nam quod M. Cicero de stilo, ego de metu sentio. Timor est emendator acerrimus. Hoc ipsum, quod nos recituros cogitamus, emendat: quod auditorium ingredimur, emendat: quod pallemus, horrescimus, circumspicimus, emendat. Proinde

non poenitet me consuetudinis meae, quam utilissimam experior: adeoque non deterreor sermunculis istorum, ut ultro te rogem, monstres aliquid, quod his addam. Nihil enim curae meae satis est. Cogito, quam sit magnum, dare aliquid in manus hominum: nec persuadere mihi possum, non, et cum multis, et saepe tractandum, quod placere et semper et omnibus cupias. Vale.

XVIII.

Caninio rogatus suadet, ut, quam Comensibus in epulum pecuniam promiserat, ita disponat, ut ipse suam in alimenta ingenuorum.

C. PLINIVS CANINIO SVO S.

Deliberas mecum, quemadmodum pecunia, quam municipibus nostris in epulum obtulisti, post te quoque salva sit. Honesta consultatio, non expedita sententia. Numeres reipublicae summam? Verendum est, ne dilabatur. Des agros? Ut publici, negligentur. Equidem nihil commodius invenio, quam quod ipse feci. Nam pro quingentis millibus nummum, quae in alimenta ingenuorum promiseram, agrum ex meis, ongo pluris, actori publico mancipavi: eundem vectigali imposito recepi, tricena millia annua daturus. Per hoc enim et reipublicae sors in tuto, nec redditus incertus, et ager ipse propter id, quod vectigali large percurrit, semper dominum, a quo exerceatur, inquit. Nec ignoro, me plus aliquanto, quam donasvideor, erogavisse, quum pulcherrimi agri pretium pressitas vectigalis infregerit. Sed oportet privatis litatibus publicas, mortalibus aeternas anteferre; ltoque diligentius muneri suo consulere, quam fatibus. Vale.

XIX.

Fanniam, cuius valetudinem dolenter fert, meritis laudibus exornat.

C. PLINIVS PRISCO SVO S.

Angit me Fanniae valetudo. Contraxit hanc, dum adsidet Iuniae Virgini, sponte primum, (est enim adfinis) deinde etiam ex auctoritate pontificum. Nam Virgines, quum vi morbi atrio Vestae coguntur excedere, matronarum curae custodiaeque mandantur. Quo munere Fannia dum sedulo fungitur, hoc discrimine implicita est. Insident febres, tussis increscit, summa macies, summa defectio: animus tantum et spiritus viget, Helvidio marito, Thrasea patre dignissimus: reliqua labuntur, meque non metu tantum, verum etiam dolore conficiunt. Doleo enim, maximam feminam eripi oculis civitatis, nescio an aliquid simile visuris. Quae castitas illius! quae sanctitas! quanta gravitas! quanta constantia! Bis maritum sequuta in exsilium est, tertio ipsa propter maritum relegata. Nam, quum Senecio reus esset, quod de vita Helvidii libros composuisset, rogatumque se a Fannia in defensione dixisset: quaerente minaciter Metio Caro, an rogasset, respondit, *Rogavi*: an commentarios scripturo dedisset, *Dedi*: an sciente matre, *Nesciente*. Postremo nullam vocem cedentem periculo emisit. Quin etiam illos ipsos libros, quamquam ex necessitate et metu temporum abolutos SC. publicatis bonis, servavit, habuit, tulitque in exilium exsilii causam. Eadem quam iucunda, quam comis, quam denique (quod paucis datum est) non minus amabilis, quam veneranda! Erit sane, quam postea nxoribus nostris ostentare possimus: erit, a qua viri quoque fortitudinis exempla sumamus; quam sic cernentes audientesque miramur, ut illas, quae leguntur. Ac mihi domus ipsa nutare, convulsaque sedibus suis *ruitura supra videtur*, licet adhuc posteros habeat. *Quantis enim virtutibus quantisque factis adsequen-*

tur, ut haec non novissima occiderit? Me quidem illud etiam addigit et torquet, quod matrem eius, illam (nihil possum illustrius dicere) tantae feminae matrem, rursus videor amittere, quam haec, ut reddidit ac refert nobis, sic auferet secum, meque et novo pariter et rescisso vulnere adficiet. Utramque colui, utramque dilexi: utram magis, nescio; nec discerni volebant. Habuerunt officia mea in secundis, habuerunt in adversis. Ego solatium relegatarum, ego ultor reversarum: non feci tamen paria, atque eo magis hanc cupio servari, ut mihi solvendi tempora supersint. In his eram curis, quum scriberem ad te; quas si deus aliquis in gaudium verterit, de metu non querar. Vale.

XX.

Taciti librum, a se notatum, remittit; in suo libro vicem expectat, et amicitia illius, studiorumque ac famae societate delectatur.

C. PLINIUS TACITO SVO S.

Librum tuum legi, et, quam diligentissime potui, adnotavi, quae commutanda, quae eximenda arbitrarer. Nam et ego verum dicere adsuevi, et tu libenter audire. Neque enim ulli patientius reprehenduntur, quam qui maxime laudari merentur. Nunc a te librum meum cum adnotationibus tuis exspecto. O iucundas, o pulchras vices! Quam me delectat, quod, si qua posteris cura nostri, usquequaque narrabitur, qua concordia, simplicitate, fide, vixerimus! Erit rarum et insigne, duos homines, aetate propemodum aequales, non nullius in literis nominis (cogor enim de te quoque parcius dicere, quia de me simul dico) alterum alterius studia fovisse. Equidem adolescentulus, quum iam tu fama gloriaque floreres, te sequi, tibi longum, sed proximum, intervallo et esse et haberi concupiscebam. Et erant multa clarissima ingenia: sed tu mihi (ita similitudo naturae ferebat) ma-

xime imitabilis, maxime imitandus videbaris. Quo magis gaudeo, quod, si quis de studiis sermo, una nominamur; quod de te loquentibus statim occurro. Nec desunt; qui utrique nostrum praeferantur. Sed nihil interest mea, quo loco iungimur. Nam mihi primus, qui a te proximus. Quin etiam in testamentis debes adnotasse: nisi quis forte alterutri nostrum amicissimus, eadem legata, et quidem pariter, accipimus. Quae omnia huc spectant, ut invicem ardentius diligamus, cum tot vinculis nos studia, mores, fama, suprema denique hominum iudicia constringant. Vale.

XXI.

Consilio de curandis oculis se pariturum scribit, et pro gallina iocabundus gratias agit.

C. PLINIUS CORNVTO SVO S.

Pareo, collega carissime, et infirmitati oculorum, ut iubes, consulo. Nam et huc, tecto vehiculo undique inclusus, quasi in cubiculo, perveni, et non stilo modo, verum etiam lectionibus difficulter, sed abstineno, solisque auribus studeo. Cubicula obductis velis opaca, nec tamen obscura, facio. Cryptoporticus quoque, adopertis inferioribus fenestris, tantum umbrae, quantum luminis, habet. Sic paullatim lucem ferre condisco. Balineum adsumo, quia prodest: vinum, quia non nocet; parcissime tamen. Ita adsuevi, et nunc custos adest. Gallinam, ut a te missam, libenter accepi; quam satis acribus oculis, quamquam adhuc lippus, pinguiissimam vidi. Vale.

XXII.

Aperte commendat, cui non nominato tribunatum impetraverat.

C. PLINIUS FALCONI SVO S.

Minus miraberis, me tam instanter petisses, ut in amicum meum conferres tribunatum, quum scieris, quis ille qualisque. Possum autem iam tibi et nomen

indicare, et describere ipsum, postquam polliceris. Est Cornelius Minucianus, ornamentum regionis meae, seu dignitate, seu moribus. Natus splendide, abundat facultatibus, amat studia, ut solent pauperes. Idem rectissimus iudex, fortissimus advocatus, fidelissimus amicus. Accepisse te beneficium credes, quum propius inspexeris hominem, omnibus honoribus, omnibus titulis (nihil volo elatius de modestissimo viro dicere) parem. Vale.

XXIII.

Prosocerum monet, ut domi proconsulem, expectet, nec obviam ei procurrat.

C. PLINIUS FABATO PROSOCERO SVO S.

Gaudeo quidem esse te tam fortem, ut Mediolani occurrere Tironi possis: sed, ut perseveres esse tam fortis, rogo, ne tibi contra rationem aetatis tantum laboris iniungas. Quin immo denuntio, ut illum et domi, et intra domum, atque etiam intra cubiculi limen, expectes. Etenim quum a me ut frater diligatur, non debet ab eo, quem ego parentis loco observo, exigere officium, quod parenti suo remisisset. Vale.

XXIV.

Numidiae mortem nuntiat, et ex heredibus nepotem, eiusque educationem laudat.

C. PLINIUS GEMINIO SVO S.

Numidia Quadratilla paullo minus octogesimo aetatis anno decessit, usque ad novissimam valetudinem viridis, atque etiam ultra matronalem modum compacto corpore et robusto. Decessit honestissimo testamento. Reliquit heredes, ex hae nepotem, ex tertia parte neptem. Neptem parum novi: nepotem familiarissime diligo; adolescentem singularem, nec iis tantum, quos sanguine attingit, inter propinqua amandum. Ac primum, conspicuus forma, omnes sermones malignorum et puer et iuvenis evasit: intra

PLIN. EP. 21

quantum et vicesimum annum maritus, et, si deus adnuisset, pater. Vixit in contubernio aviae delicatae se verissime, et tamen obsequentissime. Habebat illi pantomimos fovebatque effusius, quam principi feminae conveniret. Hos Quadratus non in theatro, non domi spectabat; nec illa exigebat. Audii ipsam, quum mihi commendaret nepotis sui studia, solere se, ut feminam in illo otio sexus, laxare animum lusu calcolorum, solere spectare pantomimos suos; sed quum factura esset alterutrum, semper se nepoti suo praecepisse, abiret, studeretque: quod mihi non amore eius magis facere, quam reverentia videbatur. Miraberis, et ego miratus sum. Proximis sacerdotibus ludis productis in commissione pantomimis, quum simul theatro ego et Quadratus egrederemur, ait mihi: *Scis, me hodie primum vidisse saltantem aviae meae libertum?* Hoc nepos. At, hercule, alienissimi homines in honorem Quadratillae, (pudet me dixisse honorem) per adulationis officium, in theatrum cursitabant, exultabant, plaudebant, mirabantur: ac deinde singulos gestus dominae cum canticis reddebant; qui nunc exiguiissima legata, theatrales operae corollarium, accipiant ab herede, qui non spectabat. Quorsum haec? Quia soles, si quid incidit novi, non invitus audire: deinde, quia iucundum est mihi, quod ceperim gaudium, scribendo retractare. Gaudeo enim pietate defunctae, honore optimi iuvenis: laetor etiam, quod domus aliquando C. Cassii, huius qui Cassianae scholae princeps et parens fuit, serviet domino non minori. Implebit enim illam Quadratus mens, et decebit, rursusque ei pristinam dignitatem, celebritatem, gloriamque reddet, quum tantus orator iude procedet, quantus iuris ille consultus. Vale.

XXV.

Quam docti viri sub habitu pagano lateant, exemplo Terentii Iunioris docet.

C. PLINIVS RVFO SVO S.

O quantum eruditorum, aut modestia ipsorum, aut quies operit et subtrahit famae! At nos eos tantum dicturi aliquid aut lecturi timemus, qui studia sua proferunt; quum illi, qui tacent, hoc amplius praestent, quod maximum opus silentio reverentur. Expertus scribo, quod scribo. Terentius Iunior, equestribus militiis, atque etiam procuratione Narhonen-sis provinciae integerrime functus, recepit se in agros suos, paratisque honoribus tranquillissimum otium praetulit. Hunc ego, invitatus hospitio, ut bonum patrem familiae, ut diligentem agricolam intuebar, de his loquunturus, in quibus illum versari putabam: et coeperam, quum ille me doctissimo sermone revocavit ad studia. Quam tersa omnia! quam Latina! quam Graeca! Nam tantum utraque lingua valet, ut ea magis videatur excellere, quam cum maxime loquitur. Quantum ille legit! quantum tenet! Athenis vivere hominem, non in villa, putes. Quid multa? Auxit solitudinem meam, effecitque, ut illis, quos doctissimos novi, non minus hos seductos et quasi rusticos verear. Idem suadeo tibi. Sunt enim, ut in castris, sic etiam in literis nostris plures cultu pagano, quos cinctos et armatos, et quidem ardentissimo ingenio, diligentius scrutatus invenies. Vale.

XXVI.

Morbo amici admonitus, hortatur, ut tales sani perseveremus, quales nos futuros infirmi profitemur.

C. PLINIVS MAXIMO SVO S.

Nuper me cuiusdam amici languor admonuit, optimos esse nos, dum infirmi sumus. Quem enim in-
N 2

mum aut avaritia aut libido sollicitat? Non am-
servit, non appetit honores, opes negligit, et qu-
lumcunque, ut relicturus, satis habet. Tunc
tunc hominem esse se meminit: invidet nemini
minem miratur, neminem despicit, ac ne sermo
quidem malignis aut attendit, aut alitur: balinea
ginatur et fontes. Haec summa curarum, summ-
torum; mollemque in posterum et pinguem, si
tingat evadere, h. e. innoxiam beatamque de-
vitam. Possum ergo, quod pluribus verbis, plu-
etiam voluminibus philosophi docere conantur,
breviter tibi mihiq; praecipere, ut tales esse san-
severemus, quales nos futuros profitemur infirmi.

XXVII.

*An aliquid spectra sint, ita quaerit, ut ex-
Curtii Rufi, et Athenodori philosophi, tu-
mesticorum suorum adfirmare videatur.*

C. PLINIVS SVRAE SVO S.

Et mihi discendi, et tibi docendi facultatem
praebet. Igitur perquam velim scire, esse al-
phantasmata, et habere propriam figuram nume-
aliquod putes, an inania et vana ex metu nostro in-
nem accipere. Ego ut esse credam, in primis e-
cor, quod audio accidisse Curtio Rufo. Tenuis
et obscurus obtinenti Africam comes haeserat: i-
uato die spatiabatur in porticu: offertur ei mu-
figura humana grandior pulchriorque: perte-
Africam se, futurorum praenuntiam, dixit:
rum enim Romam, honoresque gesturum, a-
etiam cum summo imperio in eandem provin-
reversurum, ibique moriturum. Facta sunt o-
Praeterea accedenti Carthaginem, egredientiqu-
vem, eadem figura in litore occurrisse narratur.
certe implicitus morbo, futura praeteritis, advers-
cundis auguratus, spem salutis, nullo suorum de-
sante, proiecit. Iam illud, nonne et magis terri-

et non minus mirum est? quod exponam, ut accepi. Erat Athenis spatiosa et capax domus, sed infamis et pestilens. Per silentium noctis sonus ferri, et, si attenderes acrius, strepitus vinculorum longius primo, deinde e proximo reddebatur: mox apparebat idolon, senex macie et squalore confectus, promissa barba, horrenti capillo; cruribus compedes, manibus catenas gerebat quatiebatque. Inde inhabitantibus tristes diraeque noctes per metum vigilabantur: vigiliam morbus, et, crescente formidine, mors sequebatur. Nam interdum quoque, quamquam abcesserat imago, memoria imaginis oculis inerrabat, longiorque causis [timoris] timorerat. Deserta inde et damnata solitudine domus, totaque illi monstro relicta: proscribatur tamen, seu quis emere, seu quis conducere, ignarus tanti mali, vellet. Venit Athenas philosophus Athenodorus, legit titulum: auditoque pretio, quia suspecta vilitas, percunctatus, omnia docetur, ac nihilominus, immo tanto magis conducit. Vbi coepit advesperascere, iubet sterni sibi in prima domus parte, poscit pugillares, stilum, lumen: suos omnes in interiora dimittit, ipse ad scribendum, animum, oculos, manum intendit, ne vacua mens audita simulacra et inanes sibi metus fingeret. Initio, quale ubique, silentium noctis, deinde concuti ferrum, vincula moveri: ille non tollere oculos, non remittere stilum, sed obfirmare animum, auribusque praetendere: tum crebrescere fragor, adventare etiam, ac iam ut in limine, iam ut intra limen audiri: respicit, videt, agnoscitque narratam sibi effigiem. Stabat innuebatque digito, similis vocanti: hic contra, ut paullum exspectaret, manu significat, rursusque ceris et stilo incumbit: illa scribentis capiti catenis insonabat: respicit rursus idem, quod prius, innuentem: nec moratus, tollit lumen, et sequitur. Ibat illa lento gradu, quasi gravis vinculis: postquam deflexit in aream domus, repente dilapsa deserit comitum: *desertus herbas et folia conceperat signum loco po-*

nit. Postero die adit magistratus, monet, ut illum locum effodi iubeant. Inveniuntur ossa inserta catenis et implicita, quae corpus aevo terraeque putrefactum nuda et exesa reliquerat vinculis: collecta publice sepeliuntur: domus postea rite conditis manibus caruit. Et haec quidem adfirmantibus credo. Illud adfirmare aliis possum. Est libertus mihi Marcus, non illiteratus. Cum hoc minor frater eodem lecto quiescebat. Is visus est sibi cernere quendam in toro residentem, admoventemque capiti suo cultros, atque etiam ex ipso vertice amputantem capillos. Vbi illuxit, ipse circa verticem tonsus, capilli iacentes reperiuntur. Exiguum temporis medium, et rursus simile aliud priori fidem fecit. Puer in paedagogio mistus pluribus dormiebat: venerunt per fenestras (ita narrat) in tunicis albis duo, cubantemque detonderunt; et quae venerant, recesserunt. Hunc quoque tonsum, sparsosque circa capillos dies ostendit. Nihil notabile sequutum, nisi forte, quod non fui reus: futurus, si Domitianus, sub quo haec acciderunt, diutius vixisset. Nam in scrinio eius datus a Caro de me libellus inventus est; ex quo coniectari potest, quia reis moris est submittere capillum, recisos meorum capillos depulsi, quod imminabat, periculi signum fuisse. Proinde rogo, eruditionem tuam intendas. Digna res est, quam diu multumque consideres: ne ego quidem indignus, cui copiam scientiae tuae facias. Licet etiam utramque in partem, ut soles, disputes: ex altera tamen fortius, ne me suspensum incertumque dimittas, cum mihi consulendi causa fuerit, ut dubitare desinerem. Vale.

XXVIII.

Reprehensus a nonnullis, quod numium amicos laudet; amore se et benignitatis officio tuetur.

C. PLINIVS SEPTICIO SVO S.

Ais, quosdam apud te reprehendisse, tanquam emi-

cos meos ex omni occasione ultra modum laudem. Agnosco crimen, amplector etiam. Quid enim honestius culpa benignitatis? Qui sunt tamen isti, qui amicos meos melius me norint? Sed ut norint; quid invident mihi felicissimo errore? Vt enim non sint tales, quales a me praedicantur; ego tamen beatus, quod mihi videntur. Igitur ad alios hanc sinistram diligentiam conferant (nec sunt parum multi) qui carpere amicos suos iudicium vocant: mihi nunquam persuadebunt, ut meos amari a me nimium putem. Vale.

XXIX.

Pallantis liberti monumentum ridet cum indignatione.

C. PLINIVS MONTANO SVO S.

Ridebis, deinde indignaberis, deinde ridebis, si legeris, quod nisi legeris, non potes credere. Est via Tiburtina intra primum lapidem (proxime adnotavi, monumentum Pallantis, ita inscriptum: HVC SENATUS, OB FIDEM PIETATEMQVE ERGA PATRONOS, ORNAMENTA PRATORIA DECREVIT, ET SESTERTIVM CENTIES QVINQVAGIES, CIVIS HONORE CONTENTVS FVIT. Equidem nunquam sum miratus, quae saepius a fortuna, quam a iudicio proficiscerentur: maxime tamen hic me titulus admonuit, quam essent mimica et inepta, quae interdum in hoc coenum, in has sordes abicerentur: quae denique ille furcifer et recipere ausus est, et recusare, atque etiam, ut moderationis exemplum, posteris prodere. Sed quid indignor? Ridere satius est, ne se magnum aliquod adeptos putent, qui huc felicitate perveniunt, ut rideantur. Vale.

XXX.

Dolet, amici studia amisso discipulo impedita, nec sua in secessu tranquilliora esse significat, quamquam Demostheneis amicus comparaverit.

C. PLINIVS GENITORI SVO S.


Torqueor, quod discipulum, ut scribis, optime

spei amisisti, cuius et valetudine et morte impedita studia tua quidni sciam? quum sis omnium officiosus observantissimus, quumque omnes, quos probas, assidue diligas. Me huc quoque urbana negotia persequuntur. Non desunt enim, qui me iudicem, aut arbitrum faciant. Accedunt querelae rusticorum, auribus meis post longum tempus suo iure abutuntur. Instat et necessitas agrorum locandorum perquam iusta. Adeo rarum est invenire idoneos conductores. Quibus ex causis precario studeo: studeo tamen. Nec et scribo aliquid et lego: sed quum lego, ex commotione sentio, quam male scribam; licet tu mihi librum animum facias, qui libellos meos de ultione Herodoti orationi Demosthenis παρα Μειδίου conficere quam sane, quum componerem illos, habui in manibus, non ut aemularer (improbum enim ac paeniosum) sed tamen imitarer et sequerer, quantum diversitas ingeniorum, maximi aut minimi, aut eadem dissimilitudo pateretur. Vale.

XXXI.

Claudium Pollionem commendat.

C. PLINIUS CORNUTO SVO S.



Claudius Pollio amari a te cupit: dignus hoc id quod cupit: deinde, quod ipse te diligit. Neque enim fere quisquam exigit illud, nisi qui facit. Vir alio rectus, integer, quietus, ac paene ultra modum (si et tamen ultra modum) verecundus. Hunc, quum sis militarem, non solum ut commilito inspexi. Praeerat alae milliariae: ego iussus a legato consulari tionem alarum et cohortium excutere, ut magni quorundam foedamque avaritiam, et negligentiam parem, ita huius summam integritatem, sollicitam diligentiam inveni. Postea promotus ad amplissimas percuraciones, nulla occasione corruptus ab insito abstinens amore deflexit: nunquam secundis rebus contentus, nunquam officiorum varietate continuam.

dem humanitatis infregit; eademque firmitate animi laboribus suffecit, qua nunc otium patitur. Quod quidem paullisper cum magna sua laude intermisit et posuit, a Corellio nostro ex liberalitate imperatoris Nervae emendis dividendisque agris adiutor adsumtus. Et enim qua gloria dignum est, summo viro in tanta eligendi facultate praecipue placuisse? Idem quam reverenter, quam fideliter amicos colat, multorum supremis iudiciis, in his Musonii Bassi, gravissimi civis, credere potes, cuius memoriam tam grata praedicatione prorogat et extendit, ut librum de vita eius (nam studia quoque, sicut alias artes bonas, veneratur) ediderit. Pulchrum istud, et raritate ipsa probandum, quam plerique hactenus defunctorum meminerint, ut querantur. Hunc hominem, appetentissimum tui (mihi crede) complectere, apprehendere, immo et invita, ac sic ama, tanquam gratiam referas. Neque enim obligandus, sed remunerandus est in amoris officio, qui prior coepit. Vale.

XXXII.

Tironem procensulem ad Fabatum divertisse, plurimosque manumissos liberasse, unice laetatur.

C. PLINIUS FABATO PROSOCERO SVO S.

Delector, iucundum tibi fuisse Tironis mei adventum: quod vero scribis, oblata occasione pronuntiis, plurimos manumissos, unice laetor. Cupio enim patriam nostram omnibus quidem rebus augeri, maxime tamen civium numero: id enim oppidis firmissimum ornamentum. Illud etiam me, non ut ambitiosum, sed tamen iuvat, quod adiciis, me teque et gratiarum actione et laude celebratos. Est enim, ut Xenophon ait, ἡδίστον ἀκούσμα ἱπαιρός, utique si te mereri putes. Vale.

XXXIII.

Rogat, ut historiis suis actionem contra Baebium Massam inserat, cuius materiam recenset.

C. PLINIUS TACITO SVO S.

Auguror, nec me fallit augurium, historias immortales futuras: quo magis illis (ingenue fati inseri cupio. Nam si esse nobis curae solet, ut nostra ab optimo quoque artifice exprimatur; ne debemus optare, ut operibus nostris similis tui scriptor praedicatorque contingat? Demonstratio itaque, quam diligentiam tuam fugere non possit, quum publicis actis, demonstratio tamen, quo magis credendum mihi futurum, si factum meum, cuius periculo crevit, tuo ingenio, tuo testimonio ornavit. Dederat me senatus cum Herennio Senecione auctoritatem provinciae Baeticae, contra Baebium Massam damnatoque Massa, censuerat, ut bona eius per custodirentur. Senecio, quum explorasset, consultationibus vacaturos, convenit me, et, *Quaerendum est, inquit, iniunctam nobis accusationem e qua sumus, hac adeamus consules, petamus ne bona dissipari sinant, quorum esse in custodia debent.* Respondi, *Quum simus advocati a senatu, dispice, num peractas putes partes nostras senatus cognitione finita.* Et ille, *Tu, quem vobis terminum statues, cui nulla cum provincia cessitudo, nisi ex beneficio tuo, et hoc recenti: et natus ibi, et quaestor in ea fui.* Tum ego *fixum tibi istud ac deliberatum, sequar te, ut qua ex hoc invidia erit, non tua tantum sit.* Viximus ad consules, dicit Senecio, quae res ferebat: quae subiungo. Vix dum conticueramus, et Massa senatus, *Senecionem non advocati fidem, sed iniuriam amaritudinem implese,* impietatis reum postea. Horror omnium: ego autem, *Vereor, inquam, clarum consules, ne mihi Massa silentio suo praevocacionem obiecerit, quod non et me reum postula-*

Quae vox et statim excepta, et postea multo sermone celebrata est. Divus quidem Nerva (nam privatim quoque attendebat his, quae recte in publico fierent) missis ad me gravissimis literis, non mihi solum, verum etiam saeculo est gratulatus, cui exemplum (sic enim scripsit) simile antiquis contigisset. Haec, utcumque se habent, notiora, clariora, maiora tu facies: quamquam non exigo, ut excedas actae rei modum. Nam nec historia debet egredi veritatem, et honeste factis veritas sufficit. Vale.

LIBER OCTAVVS.

I.

Ex itineris aestu lectorem suum in morbum incidisse, solícite significat.

C. PLINIVS SEPTICIO SVO S.

Iter commode explicui, excepto quod quidam ex meis adversam valetudinem fervescentibus aestibus contraxerunt. Encolpius quidem lector, ille seria nostra, ille deliciae, exasperatis faucibus pulvere, sanguinem reiecit. Quam triste hoc ipsi, quam acerbum mihi, si is, cui omnis ex studiis gratia, inhabilis studiis fuerit! Quis deinde libellos meos sic leget? sic amabit? quem aures meae sic sequentur? Sed diu laetiora promittunt. Stetit sanguis, resedit dolor. Praeterea continens ipse, nos solíciti, medici diligentes. Ad hoc salubritas coeli, secessus, quies, tantum salutis, quantum otii, pollicentur. Vale.

II.

*Vindemiae emtoribus, quod fructus spem fefeller
remisisse de pretio, et inde laudem conseci-
tum esse nuntiat.*

C. PLINIVS CALVISIO SVO S.

Alii in praedia sua proficiscuntur, ut locupletio
revertantur; ego, ut pauperior. Vendideram vine-
mias certatim negotiatoribus ementibus. Invita
pretium; et quod tunc, et quod fore videbat
Spes fefellit. Erat expeditum, omnibus remitt
aequaliter, sed non satis aequum. Mihi autem eg-
gium inprimis videtur, ut foris, ita domi, ut in re-
gnis, ita in parvis, ut in alienis, ita in suis, agitare
stutiam. Nam si paria peccata; pares etiam laud
Itaque omnibus quidem, ne quis mihi non dona-
abiret, partem octavam pretii, quo quis emerat, ce-
cessi: deinde iis, qui amplissimas summas emtio-
bus occupaverant, separatim consului. Nam et me re-
gis iuverant, et maius ipsi fecerant damnum. Igi-
tus, qui pluris, quam decem millibus emerant, ad
eam communem, et quasi publicam octavam, adde-
decimam eius summae; quae decem millia exces-
rat. Vereor, ne parum expresserim; apertius o-
culos ostendam. Si qui forte quindecim milli-
emerant, hi et quindecim millium octavam, et quae
millium decimam, tulerunt. Praeterea, qui
reputarem quosdam ex debito aliquantum, qui
dam aliquid, quosdam nihil reposuisse, nequaquam
verum arbitrabar, quos non aequasset fides so-
tionis, hos benignitate remissionis aequari. Re-
sus ergo ius, qui solverant, eius, quod solverat
decimam remisi. Per hoc enim aptissime et in prae-
teritum singulis, pro cuiusque merito, gratia refe-
et in futurum omnes cum ad emendum, tum etiam
ad solvendum allici videbantur. Magno mihi sen-
tio haec, seu facilitas stetit: sed fuit tanti. Nam re-
ne tota et novitas remissionis et forma laudatur.

ipsis etiam, quos non una, ut dicitur, pertica, sed distincte gradatimque tractavi, quanto quis melior et probior, tanto mihi obligatior abit, expertus non esse apud me, Ἐν δὲ τῇ τιμῇ, ἡμὲν κακὸς, ἡδὲ καὶ ἐσθλός.

III.

Laetatur, placuisse librum suum, quem miserat, et de oratione, quam missurus erat, idem vel maius sperat.

C. PLINIVS SPARSO SVO S.

Librum, quem novissime tibi misi, ex omnibus meis vel maxime placere significas. Est eadem opinio cuiusdam eruditissimi. Quo magis adducor, ut neutrum falli putem; quia non est credibile, utrumque falli, et quia tantum blandior mihi. Vole enim, proxima quaeque absolutissima videri: et ideo iam nunc contra istum librum faveo orationi, quam nuper in publicum dedi: communicaturus tecum, ut primum diligentem tabellarium invenero. Erexī expectationem tuam? quam vereor, ne destituat oratio in manus sumpta. Interim tamen tanquam placituram (et fortasse placebit) exspecta. Vale.

IV.

Bellum Dacicum scripturo stimulos addit, et de flectendis barbaris nominibus consilium dat.

C. PLINIVS CANINIO SVO S.

Optime facis, quod bellum Dacicum scribere paras. Nam quae tam recens, tam copiosa, tam lata, quae denique tam poetica, et (quamquam in verissimis rebus) tam fabulosa materia? Dices immissa terris nova flumina, novos pontes fluminibus iniectos, insessa castris montium abrupta, pulsum regia, pulsum etiam vita, regem nihil desperantem. Super haec, actos bis triumphos: quorum alter ex invicta gente primus, alter novissimus fuit. Una, sed maxima, difficultas, quod haec sequare dicendo, arduum, immensum, etiam

tuo ingenio, quamquam altissime adsurgat, et amplissimis operibus increseat. Non nullus et in illo labor, ut barbara et fera nomina, in primis regis ipsius, Graecis versibus non resultent. Sed nihil est, quod non arte curaque, si non potest vinci, mitigetur. Praeterea, si datur Homero, et mollia vocabula et Graeca ad lenitatem versus contrahere, extendere, inflectere; cur tibi similis audentia, praesertim non delicata, sed necessaria, negetur? Proinde iure vatum, invocatis diis, et inter deos ipso, cuius res, opera, consilia dicturus es, immitte rudentes, pande vela, ac, si quando alias, toto ingenio vehere. Cur enim non ego quoque poetice cum poeta? Illud iam nunc parciscor: prima quaeque ut absolveris, mitte, immo etiam, antequam absolvas; sic ut erunt recentia, et rudia, et adhuc similia nascentibus. Respondebis, non posse perinde carptim, ut contexta, perinde inchoata placere, ut effecta. Scio. Itaque et a me aestimabuntur ut coepta, spectabuntur ut membra, extremamque limam tuam operientur in scrinio nostro. Patere hoc me super cetera habere amoris tui pignus, ut ea quoque norim, quae nosse neminem velles. In summa, potero fortasse scripta tua magis probare, laudare, quanto illa tardius cautiusque; sed ipsum te magis amabo, magisque laudabo, quanto celerius et incautius miseris. Vale.

V.

Macrinum uxoris sanctissimae obitu gravissimum vulnus accepisse, dolet.

C. PLINIVS GEMINIO SVO S.

Grave vulnus Macrinus noster accepit. Amisit uxorem singularis exempli, etiam si olim fuisset. Vixit cum hac triginta novem annis, sine iurgio, sine offensa. Quam illa reverentiam marito suo praestitit, cum ipsa summam mereretur! Quot quantasque virtutes, ex diversis aetatibus sumtas, collegit et miscuit

Iabet quidem Macrinus grande solatium, quod tantum bonum tam diu tenuit: sed hoc magis exacerbat, quod amisit. Nam fruendis voluptatibus crescit arendi dolor. Ero ergo suspensus pro homine amississimo, dum admittere avocamenta, et cicatricem pati possit; quam nihil aequae ac necessitas ipsa, et lues longa, et satietas doloris inducit. Vale.

VI.

Adulatorium senatusconsultum de Pallante liberto Claudii perstringit indignabundus.

C. PLINIUS MONTANO SVO S.

Cognovisse iam ex epistola mea debes, adnotasse ne nuper monumentum Pallantis sub hac inscriptione: HIC SENATUS, OB FIDEM PIETATEMQUE ERGA PATRONOS, ORNAMENTA PRAETORIA DECREVIT ET CESTERTIUM CENTIES QUINQVAGIES, CIVIS HONORE CONTENTUS FUIT. Postea mihi visum est pretium curae, ipsum SC. quaerere. Inveni tam copiosum et effusum, ut ille superbissimus titulus, modicus atque etiam demissus videretur. Conferant se, non dico illi veteres, Africani, Achaici, Numantini, sed hi proximi, Marii, Syllae, Pompeii; (nolo progredi longius) intra Pallantis laudes iacebunt. Urbanos, qui illa censerunt, putem, an miseros? Dicerem urbanos, si senatum deceret urbanitas. Miseros ergo? Sed nemo tam miser est, ut ad illa cogatur. Ambitio ergo, et procedendi libido? Sed quis adeo demens, ut periculum, per publicum dedecus procedere velit in ea civitate, in qua hic esset usus florentissimae dignitatis, ut primus in senatu laudare Pallantem posset? Omitto, quod Pallanti servo praetoria ornamenta offeruntur; quippe offeruntur a servis: mitto, quod censent, NON EXHORTAM DVM MODO, VERVM ETIAM COMPELLENDVM AD VSVM AVREORVM ANNULORVM; erat enim contra maiestatem senatus, si servis praetorius uteretur. Levia haec et transeun-

da; illa memoranda, quod NOMINE PALLANTIS SENATVS, (nec expiata postea curia est?) PALLANTIS NOMINE SENATVS GRATIAS AGIT CAESARI, QVOD ET IPSE CVM SVMMO HONORE MENTIONEM SIVE PROSEQVTVS ESSET, ET SENATVI FACVLTATEM PETISSET TESTANDI ERGA EVM BENEVOLENTIAM SVAM. Quid enim senatui pulchrius, quam ut erga Pallantem satis gratus videretur? Additur, VT PALLAS, qui se omnes pro virili parte obligatos fatentur, SINGVLARIS FIDEI, SINGVLARIS INDVSTRIAE FRVCTVM MERITISSIMO FERAT. Prolatos imperii fines, redditos exercitus reipublicae credas. Adstruitur his, QVVM SENATV POPVLOQVE ROMANO LIBERALITATIS GRATIAM REPRESENTARI NVLLA MATERIA POSSET, QVAM SI ABSTINENTISSIMI FIDELISSIMIQVE CVSTODIS PRINCEPALIVM OPVM FACVLTATES ADIVVARE CONTIGISSET. Hoc tunc votum senatus; hoc praecipuum gaudium populi; haec liberalitatis materia gratissima, si Pallantis facultates adiuuare publicarum opum egestionem contingeret. Iam quae sequuntur, VOLVISSE QVIDEM SENATVM CENSERE, DANDVM EX AERARIO SESTERTIVM; CENTIES QVINQVAGIES, ET QVANTO AB EIVSMODI CVPIDITATIBVS REMOTIOR: EIVS ANIMVS ESSET, TANTO IMPENSIVS PETERE A PVBLICO PARENTE, VT EVM COMPELLERET AD CEDENDVM SENATVI. Id vero decrat, ut cum Pallante auctoritate publica ageretur: Pallas rogaretur, vt senatui cederet: ut illi superbissimae abstinentiae Caesar ipse patronus advocaretur, ne sestertium centies quinquagies sperneret. Sprevit quod solum posuit, tantis opibus publice oblati: arrogantius fecit, quam si accepisset. Senatus tamen id quoque, similis querenti, laudibus tulit, his quidem verbis: SED QVVM PRINCEPS OPTIMVS, PARENSQVE PVBLICVS, ROGATVS A PALLANTE, EAM PARTEM SENTENTIAE, QVAE PERTINEBAT AD DANDVM EI EX AERARIO CENTIES QVINQVAGIES SESTERTIVM, REMITTI VOLVISSET; TESTARI

ENATVM, ET SE LIBENTER AC MERITO HANC SYM-
 LIAM INTER RELIQUOS HONORES, OB FIDEM DILIGEN-
 TIAMQUE PALLANTIS, DECERNERE COEPISSSE; VOLVN-
 ATI TAMEN PRINCIPIS SVI, CUI IN NVLLA RE FAS
 VTARET REPVGNARE, IN HAC QVOQVE RE OBSEQVI.
 imaginare Pallantem velut intercedentem senatus
 consulto, moderantemque honores suos, et sestertium
 centies quinquagies, ut. nimum, recusantem, quum
 ratoria ornamenta, tanquam minus, recepiisset.
 imaginare Caesarem, liberti precibus, vel potius im-
 perio, coram senatu obtemperantem. Imperat enim
 bertus patrono, quem in senatu rogat. Imaginare se-
 natum, usquequaque testantem, merito libenterque
 hanc summam, inter reliquos honores, Pallanti
 repiase decernere; et perseveraturum fuisse se, nisi
 bequeretur principis voluntati, cui non esset fas in
 illa re repugnare. Ita, ne sestertium centies quinqu-
 aies Pallas ex aerario referret, verecundia ipsius, ob-
 sequio senatus opus fuit? in hoc praecipue non obse-
 nuturi, si in ulla re putasset fas esse non obsequi. Fi-
 dem existimas? Mane dum, et maiora accipe. VTIQVE,
 VVM SIT VTILE, PRINCIPIS BENIGNITATEM PROM-
 ISSIMAM AD LAVDEM PRAEMIAQVE MERENTIVM ILLV-
 TRARI VBIQVE, ET MAXIME IIS LOCIS, QUIVVS INCI-
 ARI AD IMITATIONEM PRAEPOSITI, RERVVM EIVS CV-
 AE POSSENT, ET PALLANTIS SPECTATISSIMA FIDES,
 IQVE INNOCENTIA EXEMPLO PROVOCARE STVDIVM
 IM HONESTAE AEMVLATIONIS POSSET, EA QVAE III
 ALEND. FERRARIAS, QVAE PROXIMAE FVissent, IN
 EPLISSIMO ORDINE OPTIMVS PRINCEPS RECITASSET,
 NATVSQVE CONSVLTA DE HIS REBVS FACTA IN AES
 ICIDERENTVR, IDQVE AES FIGERETVR AD STATVAM
 ERIGATAM DIVI IVLII. Parum visum tantorum dede-
 rum esse curiam testem: delectus est celeberrimus
 cus, quo legenda praesentibus, legenda futuris pro-
 erentur. Placuit aere signari omnes honores fasti-
 osissimi mancipii: quosque repudiasset, quoque.

Plin. Ep. O

quantum ad decernentes pertinet, gessisset. Incisa et insculpta sunt publicis aeternisque monumentis praetoria; sic quasi foedera antiqua; sic quasi sacrae leges. Tanta principis, tanta senatus, tanta Pallantis ipsius, — quid dicam, nescio; ut vellent in oculis omnium figi, Pallas insolentiam suam, patientiam Caesar, humilitatem senatus. Nec puduit rationem turpitudini obtendere: egregiam quidem pulchramque rationem, UT EXEMPLO PALLANTIS PRAEMIORVM AD STVDIVM AEMVLATIONIS CETERI PROVOCARENTVR. Ea honorum vilitas erat, illorum etiam, quos Pallas non dedignabatur. Inveniebantur tamen honesto loco nati, qui peterent cuperentque, quod dari liberto, promitti servis videbant. Quam iuvat, quod in tempora illa non incidi, quorum sic me, tanquam illis vixerim, pudet! Non dubito, similiter adfice te. Scio, quam sit tibi vivus et ingenuus animus: ideoque facilius est, ut me, quamquam indignatione quibusdam in locis fortasse ultra epistolae modum extulerim, parum doluisse, quam nimis credas. Vale.

VII.

A Tacito rogatus, ut librum suum tanquam magister corrigeret, ita promittit, quod is petierat, ut hyperbato titulum deprecetur.

C. PLINIVS TACITO SVO S.

Neque ut magistro magister, neque ut discipulo discipulus (sic enim scribis,) sed ut discipulo magister, (nam tu magister, ego contra: atque ideo tu in scholam revocas, ego adhuc Saturnalia extendo) librum misisti. Num potui longius hyperbaton facere, atque hoc ipso probare, eum me esse, qui non modo magister tuus, sed ne discipulus quidem debeam dici? Sumam tamen personam magistri, exseramque in librum tuum *ius*, quod dedisti; eo liberius, quo nihil ex meis *interim* missurus sum tibi, in quo te ulciscaris. Vale.

VIII.

*Clitumni fontis et fluvii naturam mirabilem per-
scribit.*

C. PLINIVS ROMANO SVO S.

Vidistine aliquando Clitumnum fontem? Si nondum, (et puto nondum: alioqui narrasses mihi) vide; quem ego (poenitet tarditatis) proxime vidi. Modicus collis adsurgit, antiqua cnpressu nemorosus et opacus. Hunc subter fons exit, et exprimitur pluribus venis, sed imparibus; eluctatusque facit gurgitem, qui lato gremio patescit purus et vitreus, ut numerare iactas stipes et relucentes calculos possis. Inde non loci devexitate, sed ipsa sui copia et quasi pondere impellitur. Fons adhuc, et iam amplissimum flumen atque etiam navium patiens; quas, obvias quoque et contrario nisu in diversa tendentes, transmittit et perfert: adeo validus, ut illa, qua properat ipse, quamquam per solum planum, remis non adiuvetur; idem aegerrime remis contisque superetur adversus. Incundum utrumque per iocum ludumque fluitantibus, ut flexerint cursum, laborem otio, otium labore variare. Ripae fraxino multa, multa populo vestiuntur: quas perspicuus amnis, velut mersas, viridi imagine adnumerat. Rigor aquae certaverit nivibus; nec color cedit. Adiacet templum, priscum et religiosum. Stat Clitumnus ipse, amictus ornatusque praetexta. Praesens numen, atque etiam fatidicum, indicant sortes. Sparsa sunt circa sacella complura, totidemque dei. Sua cuique veneratio, suum nomen: quibusdam vero etiam fontes. Nam praeter illum, quasi parentem ceterorum, sunt minores capite discreti; sed flumini miscentur, quod ponte transmittitur. Is terminus sacri profanique. In superiore parte navigare tantum, infra etiam natare concessum. Balineum Hispellatae, quibus illum locum divus Augustus dono dedit, publice praebent, praebent et hospitium. Nec desunt villae, quae sequuntur fluminis amoenitatem, margini in-

sistunt. In summa, nihil erit, ex quo non capias voluptatem. Nam studebis quoque, et leges multa multorum omnibus columnis, omnibus parietibus inscripta, quibus fons ille deusque celebratur. Plura laudabis, nonnulla ridebis; quamquam tu vero, quae tua humanitas, nulla ridebis. Vale.

IX.

Negotia amicorum praefert studiis.

C. PLINIVS VRSO SVO S.

Olim non librum in manus, non stilum sumsi. Olim nescio, quid sit otium, quid quies, quid denique illud iners quidem, iucundum tamen, nihil agere, nihil esse: adeo multa me negotia amicorum nec secedere nec studere patiuntur. Nulla enim studia tanti sunt, ut amicitiae officium deseratur: quod religiosissime custodiendum, studia ipsa praecipiant. Vale.

X.

Abortum uxorem fecisse, cum spe foecunditatis significat.

C. PLINIVS FABATO PROSOCERO SVO S.

Quo magis cupis ex nobis pronepotes videre, hoc tristior audies, neptem tuam abortum fecisse, dum se praegnantem esse puellariter nescit, ac per hoc quaedam, custodienda praegnantibus, omittit, facit omit tenda. Quem errorem magnis documentis expiavit, in summum periculum adducta. Igitur, ut necesse est, graviter accipias senectutem tuam quasi paratis posteris destitutam; sic debes agere diis gratias, quod ita tibi in praesentia pronepotes negaverint, ut servarent neptem, illos reddituri, quorum nobis spem certiore haec ipsa, quamquam parum prospere explorata, foecunditas facit. Iisdem nunc ego te, quibus ipsum me, hortor, moneo, confirmo. Neque enim ardentius tu pronepotes, quam ego liberos cupio: quibus videor a meo tuoque latere primum ad honores iter,

et audita latius nomina, et non subitas imagines relicturus. Nascantur modo, et hunc nostrum dolorem gaudio mutant. Vale.

XI.

Soceri sorori eadem narrat.

C. PLINIUS HISPULLAE SVAE S.

Quum adfectum tuum erga fratris filiam cogito, etiam materna indulgentia molliorem; intelligo prius tibi, quod est posterius, nuntiandum, ut praesumpta laetitia sollicitudini locum non relinquat. Quamquam vereor, ne post gratulationem quoque in metum redeas; atque ita gaudeas periculo liberatam, ut simul, quod periclitata sit, perhorrescas. Iam hilaris, iam sibi, iam mihi reddita, incipit refici, transmissumque discrimen convalescendo remetiri. Fuit alioqui in summo discrimine, (impune dixisse liceat) fuit nulla sua culpa, aetatis aliqua. Inde abortus, et ignorati uteri triste experimentum. Proinde, etsi non contigit tibi desiderium fratris amissi aut nepote eius aut nepte solari; memento tamen, dilatum magis istud, quam negatum, quum salva sit, ex qua sperari potest. Simul excusa patri tuo casum, cui paratior apud feminas venia est. Vale.

XII.

Capitonem auditurus, eius laudem praedicat.

C. PLINIUS MINVTIANO SVO S.

Hunc solum diem excuso. Recitaturus est Titinius Capito; quem ego audire, nescio magis deheam, an cupiam. Vir est optimus, et inter praecipua seculi ornamenta numerandus: colit studia, studiosos amat, fovet, provehit, multorumque, qui aliqua componunt, portus, sinus, praemium; omnium exemplum; ipsarum denique literarum iam senescentium reductor ac reformator. Domum suam recitantibus praebet: auditoria, non apud se tantum, benignitate mira frequen-

tat; mihi certe, si modo in urbe est, defuit nunquam. Porro, tanto turpius gratiam non referre, quanto honestior causa referendae. An, si litibus tererer, obstrictum esse me crederem obeunti vadimonia mea; nunc, quia mihi omne negotium, omnis in studiis cura, minus obligor tanta sedulitate celebranti, in quo obligari ego, ne dicam solo, certe maxime possum? Quod si illi nullam vicem, nulla quasi mutua officia deberem; sollicitarer tamen vel ingenio hominis pulcherrimo et maximo, et in summa severitate dulcissimo, vel honestate materiae. Scribit exitus illustrium virorum, in iis quorundam mihi carissimorum. Videor ergo fungi pio munere, quorumque exsequias celebrare non licuit, horum quasi funebribus laudationibus, seris quidem, sed tanto magis veris, interesse. Vale.

XIII.

Felicem praedicat, quod docto patre utatur.

C. PLINIVS GENIALI SVO S.

Probo, quod libellos meos cum patre legisti. Pertinet ad profectum tuum, a disertissimo viro discere, quid laudandum, quid reprehendendum: simul ita institui, ut verum dicere adsuescas. Vides, quem sequi, cuius debeas implere vestigia. O te beatum! cui contigit vivum, atque idem optimum et coniunctissimum exemplar: qui deuique eum potissimum imitandum habes, cui natura esse te simillimum voluit. Vale.

XIV.

Quaestionem senatoriam explicandam proponit.

C. PLINIVS ARISTONI SVO S.

Quum sis peritissimus et privati iuris et publici, cuius pars senatorium est, cupio ex te potissimum audire, erraverim in senatu proxime, necne: non ut in praeteritum, (serum enim) verum ut in futurum, si

quid simile inciderit, erudiar. Dices, *Cur quaeris, quod nosse debebas?* Priorum temporum servitus, ut aliarum optimarum artium, sic etiam iuris senatorii oblivionem quandam et ignorationem induxit. Quotus enim quisque tam patiens, ut velit discere, quod in usu non sit habiturus? Adde, quod difficile est tenere, quae acceperis, nisi exerceas. Itaque reducta libertas rudes nos et imperitos deprehendit: cuius dulcedine accensi cogimur quaedam facere ante, quam nosse. Erat autem antiquitus institutum, ut a maioribus natu, non auribus modo, verum etiam oculis disceremus, quae facienda mox ipsi, ac per vices quasdam tradenda minoribus, haberemus. Inde adolescentuli statim castrensibus stipendiis imbuebantur, ut imperare parendo, duces agere, dum sequuntur, adsucescerent: inde honores petituri adsistebant curiae foribus, et consilii publici spectatores ante, quam consortes, erant. Suus cuique parens pro magistro, aut cui parens non erat, maximus quisque et vetustissimus pro parente. Quae potestas referentibus, quod censentibus ius, quae vis magistratibus, quae ceteris libertas; ubi cedendum, ubi resistendum; quod silentii tempus, quis dicendi modus, quae distinctio pugnantium sententiarum, quae exsecutio prioribus aliquid addentium, omnem denique senatorium morem, quod fidelissimum praeciipiendi genus, exemplis docebantur. At nos iuvenes fuimus quidem in castris; sed quum suspecta virtus, inertia in pretio, quum ducibus auctoritas nulla, nulla militibus verecundia, nusquam imperium, nusquam obsequium, omnia soluta, turbata, atque etiam in contrarium versa, postremo obliviscenda magis, quam tenenda. Iidem prospeximus curiam; sed curiam trepidam et elinguem; quum dicere, quod velles, periculosum; quod nolles, miserum esset. Quid tunc disci potuit? quid didicisse iuvit? quum senatus aut ad otium summum, aut ad summum nefas vocaretur; et modo ludibrio, modo dolori retene-

tus, nunquam seria, tristia saepe censeret. Eadem mala iam senatores, iam participes malorum, multos per annos vidimus, tulimusque: quibus ingenia nostra in posterum quoque hebetata, fracta, contusa sunt. Breve tempus (nam tanto brevius omne, quanto felicius tempus) quo libet scire, quid simus; libet exercere, quod sumus. Quo iustius peto, primum, ut errori (si quis est error) tribuas veniam; deinde, medearis scientia tua, cui semper fuit curae, sic inra publica, ut privata; sic antiqua, ut recentia; sic rara, ut assidua, tractare. Atque ego arbitror illis etiam, quibus plurimarum rerum agitatio frequens nihil esse ignotum patiebatur, genus quaestionis, quod adfero ad te, aut non satis tritum, aut etiam inexpertum fuisse. Hoc et ego excusatio, si forte sum lapsus, et tu dignior laude, si potes id quoque docere, quod in obscuro est, an didiceris. Referebatur de libertis Afranii Dextri consulis, incertum sua an suorum manu, scelere an obsequio, peremti. Hos alius, (*Quis? Ego; sed nihil refert*) post quaestionem supplicio liberandos, alius in insulam relegandos, alius morte puniendos arbitrabatur. Quarum sententiarum tanta diversitas erat, ut non possent esse, nisi singulae. Quid enim commune habet, occidere et relegare? Non hercule magis, quam relegare et absolvere: quamquam propior aliquanto est sententiae relegantis, quae absolverit, quam quae occiderit; utraque enim ex illis vitam relinquit, haec adimit: quum interim et qui morte puniebant, et qui relegabant, una sedebant, et temporaria simulatione concordiae discordiam differebant. Ego postulabam, ut tribus sententiis constaret suus numerus, nec se brevibus induciis duae iungerent. Exigebam ergo, ut, qui capitali supplicio adficiendos putabant, discederent a relegante, nec interim contra absolventes mox dissensuri congregarentur, quia parvulum referret, an idem displiceret, quibus non idem placuisset. Illud etiam mihi permirum videbatur.

num quidem, qui liberos relegandos, servos suppli-
 cio addiciendos censuisset, coactum esse dividere sen-
 tentiam; hunc autem, qui liberos morte multaret,
 num relegante numerari. Nam si oportuisset dividi
 sententiam unius, quia res duas comprehendebat, non
 reperiebam, quemadmodum posset iungi sententia
 duorum tam diversa censentium. Atque adeo permit-
 te mihi, sic apud te tanquam ibi; sic peracta re, tan-
 quam adhuc integra, rationem iudicii mei reddere:
 quaeque tunc carptim, multis obstrepentibus, dixi,
 per otium iungere. Fingamus, tres omnino iudices in
 hanc causam datos esse: horum uni placuisse, perire
 liberos; alteri, relegari; tertio, absolvi: utrumne
 sententiae duae, collatis viribus, novissimam periment?
 an separatim unaquaeque tantundem, quantum altera,
 valebit? nec magis poterit cum secunda prima con-
 necti, quam secunda cum tertia? Igitur in senatu quo-
 que numerari, tanquam contrariae, debent, quae tan-
 quam diversae dicuntur. Quod si unus atque idem et
 occidendos censeret et relegandos, num ex sententia
 unus et perire possent et relegari? num denique
 omnino una sententia putaretur, quae tam diversa
 coniungeret? Quemadmodum igitur, quum alter pu-
 niendos, alter censeat relegandos, videri potest una
 sententia, quae dicitur a duobus, quae non videretur
 una, si ab uno diceretur? Quid? lex non aperte do-
 cet, dirimi debere sententias occidentis et relegantis,
 quum ita discessionem fieri iubet: QVI HÆC SENTITIS,
 IN HANC PARTEM; QVI ALIA OMNIA, IN ILLAM PARTEM
 TE, QVA SENTITIS. Examina singula verba et expen-
 de: QVI HÆC CENSETIS, hoc est, qui relegandos puta-
 is: IN HANC PARTEM, id est, in eam, in qua sedet, qui
 censuit relegandos. Ex quo manifestum est, non posse
 in eadem parte remanere eos, qui interficiendos arbi-
 rantur. QVI ALIA OMNIA: animadvertis, ut non con-
 sentita lex dicere ALIA, addiderit OMNIA. Num ergo du-
 bium est, alia omnia sentire eos, qui occidunt, quam

qui relegant? IN ILLAM PARTEM IRE, QVA SENTITIS; nonne videtur ipsa lex eos, qui dissentiunt, in contrariam partem vocare, cogere, impellere? non consul etiam, ubi quisque remanere, quo transgredi debeat, non tantum solennibus verbis, sed manu gestuque demonstrat? At enim futurum est, ut, si dividantur sententiae interficientis et relegantis, praevalcat illa, quae absolvit. Quid istud ad censentes? quos certe non decet omnibus artibus, omni ratione pugnare, ne fiat, quod est mitius. Oportet tamen eos, qui puniunt, et qui relegant, absolventibus primum, mox inter se comparari. Scilicet ut in spectaculis quibusdam sors aliquem seponit ac servat, qui cum victore contendat: sic in senatu sunt aliqua prima, sunt secunda certamina; et ex duabus sententiis eam, quae superior exierit, tertia exspectat. Quid, quod, prima sententia comprobata, ceterae perimuntur? Qua ergo ratione potest esse [non] unus atque idem locus sententiarum, quarum nullus est postea? Plinius repetam. Nisi, dicente sententiam eo, qui relegat, illi, qui puniunt capite, initio statim in alia discedunt, frustra postea dissentient ab eo, cui paullo ante consenserint. Sed quid ego similis docenti, quum discere velim, an sententias dividi, an iri in singulas, oportuerit? Obtinui quidem, quod postulabam: nihilominus tamen quaero, an postulare debuerim, an abstinere. Quemadmodum obtinui? Is, qui ultimum supplicium summendum esse censebat, nescio, an iure, certe aequitate postulationis meae victus, omissa sententia sua, accessit releganti: veritus scilicet, ne, si dividerentur sententiae, (quod alioqui fore videbatur) ea, quae absolvendos esse censebat, numero praevaleret. Etenim longe plures in hac una, quam in duabus singulis, erant. Tum illi quoque, qui auctoritate eius trahebantur, transeunte illo, destituti, reliquerunt sententiam *ab ipso auctore desertam*, sequutique sunt quasi *transfugam*, quem ducem sequebantur. Sic ex tribus sen-

tentiis duae factae; tenuitque ex duabus altera, tertia expulsa, quae quum ambas superare non posset, elegit, ab utra vinceretur. Vale.

XV.

Non habenti quod legat in vineis, legendos mittit libros.

C. PLINIVS IVNIORI SVO S.

Oneravi te tot pariter missis voluminibus. Sed oneravi primum, quia exegeras; deinde, quia scripseras tam graciles istic vindemias esse, ut plane scirem tibi vacaturum (quod vulgo dicitur) librum legere. Eadem ex meis agellis nuntiantur. Igitur mihi quoque licebit scribere, quae legas, sit modo, unde chartae emi possint: quae si scabrae bibulaeve sint, aut non scribendum, aut necessario, quidquid scripserimus boni malive, delebimus. Vale.

XVI.

De morbis et morte servorum queritur, additis solatiis.

C. PLINIVS PATERNO SVO S.

Confecerunt me infirmitates meorum, mortes etiam, et quidem iuvenum. Solatia duo, nequaquam paria tanto dolori, solatia tamen: unum facilitas innummittendi, (videor enim non omnino immaturos perdidisse, quos iam liberos perdidisti) alterum, quum permitto servis quoque quasi testamenta facere, eaque, ut legitima, custodio. Mandant rogantque, quod visum: pareo ut iussus. Dividunt, donant, relinquunt, dumtaxat intra domum. Nam servis respublica quaedam et quasi civitas domus est. Sed quamquam his solatiis adquiescam, debilitor et frangor eadem illa humanitate, quae me, ut hoc ipsum permetterem, induxit. Non ideo tamen velim durior fieri. Nec ignoro, alios huiusmodi casus nihil amplius vocare, quam *damnum*; eoque sibi magnos homines et sapientes

videri. Qui an magni sapientesque sint, nescio: mines non sunt. Hominis est enim adfici dolore, tire, resistere tamen, et solatia admittere; non, sibi non egere. Verum de his plura fortasse, quam hui, sed pauciora, quam volui. Est enim quae etiam dolendi voluptas: praesertim si in amici desleas, apud quem lacrumis tuis vel laus sit pa vel venia. Vale.

XVII.

Exundationem Tiberis et Anienis narrat, rogat ut sibi nuntietur, si quid simile in aliis praecidisset.

C. PLINIUS MACRINO SVO S.

Num istic quoque immite et turbidum caeli. Hic assiduae tempestates, et crebra diluvia. Tiberis alveum excessit, et demissioribus ripis alte superditur. Quamquam fossa, quam providentissimus pater fecit, exhaustus, premit valles, innatat can quaque planum solum, pro solo cernitur. Inde, solet flumina accipere, et permista devehere, obuius retro cogit; atque ita alienis aquis operit aquos ipse non tangit. Anio, delicatissimus amnis, ideoque adiacentibus villis velut invitatus retinetur, magna ex parte nemora, quibus inumbratur, git et rapuit. Subruit montes, et decidentium pluribus locis clausus, dum amissum iter quaerit, pulit tecta, ac se super ruinas evexit atque extulit. derunt hi, quos excelsioribus terris illa tempestas deprehendit, alibi divitum apparatus, et gravem pellectilem, alibi instrumenta ruris; ibi boves, tra, rectores, hic soluta et libera armenta; atque haec arborum truncos, aut villarum trabes [at culmina] varie lateque fluitantia. Ac ne illa quic loca malo vacaverunt, ad quae non adscendit am. *Nam pro amne imber assiduus, et deiecti nubibus bines: proruta opera, quibus pretiosa rura cing*

ur: quassata atque etiam decussa monimenta. Multi-
 iusmodi casibus debilitati, obruti, obtriti, et aucta lu-
 xibus damna. Ne quid simile istic, pro mensura peri-
 xuli, vereor: teque rogo, si nihil tale est, quam matu-
 rissime sollicitudini meae consulas: sed et, si tale, id
 quoque nunties. Nam parvulum differt, patiaris ad-
 versa, an exspectes: nisi quod tamen est dolendi mo-
 lus, non est timendi. Doleas enim, quantum scias
 accidisse; timeas, quantum possit accidere. Vale.

XVIII.

*Domitium Tullum laudat, qui moribus cetera non
 probatissimis, testamentum fecerat honestis-
 simum, posthabitis captatoribus, et scriptis
 unice, quos pietas iubebat.*

C. PLINIVS RVFINO SVO S.

Falsum est nimirum, quod creditur vulgo, testa-
 menta hominum speculum esse morum: quum Do-
 mitius Tullus longe melior apparuerit morte, quam
 ita. Nam, quum se captandum praebuisset, reliquit
 filiam heredem, quae illi cum fratre communis, quia
 penitam fratre adoptaverat. Prosequutus est nepotes
 plurimos incundissimisque legatis; prosequutus etiam
 pronepotem. In summa, omnia pietate plenissima;
 et tanto magis, quoniam inexpectata sunt. Ergo va-
 ri tota civitate sermones: alii fictum, ingratum, im-
 memorem loquuntur, seque ipsos, dum insectantur
 illum, turpissimis confessionibus produnt, ut qui de
 patre, avo, proavo, quasi de orbo, quaerantur: alii
 contra hoc ipsum laudibus ferunt, quod sit frustratus
 improbas spes hominum; quos sic decipere, pro mo-
 ribus temporum, prudentia est. Addunt etiam, non
 misisse ei liberum, alio testamento mori; neque enim
 reliquisse opes filiae, sed reddidisse, quibus auctus
 ei filiam fuerat. Nam Cutilius Mancius, perosus ge-
 nerum suum Domitium Lucanum (frater est Tulli)
 ab ea conditione filiam eius, nepotem suam, inatitae-

rat heredem, si esset manu patris emissus. Emi pater, adoptaverat patruus: atque ita circumsc: testamento, consors frater in patris potestatem er cipatam filiam adoptionis fraude revocaverat, et dem cum opibus amplissimis. Fuit aliqui frati illis quasi fato datum, ut divites fierent invitiss: a quibus facti sunt. Quin etiam Domitius Afer, illos in nomen adsumsit, reliquit testamentum octo et decem annos nuncupatum, adeoque postes probatum sibi, ut patris eorum bona proscribenda raverit. Mira illius asperitas, mira felicitas hor illius asperitas, qui numero civium excidit, quon cium etiam in liberis habuit; felicitas horum, qu successit in locum patris, qui patrem abstulerat. haec quoque hereditas Afri, ut reliqua cum si quaesita, transmittenda erant filiae fratris, a quo lus ex asse heres institutus, praelatusque filiae fu ut conciliaretur. Quo laudabilius testamentum quod pietas, fides, pudor, scripsit: in quo denique o bus adfinitatibus, pro cuiusque officio, gratia est: relata et uxori. Accepit amoenissimas villas cepit magnam pecuniam uxor optima et patientissi ac tanto melius de viro merita, quanto magis est prehensa, quod nupsit. Nam mulier natalibus c moribus proba, aetate declivis, diu vidua, mater o parum decore sequuta matrimonium videbatur c tis senis, ita perditum morbo, ut esse taedio posset n quam juvenis sanusque duxisset. Quippe omni membris extortus et fractus tantas opes solis o obibat: ac ne in lectulo quidem, nisi ab aliis, m batur. Quin etiam (foedum miserandumque di dentes lavandos fricandosque praebebat. Auditum frequenter ab ipso, quum quereretur de contum debilitatis suae, *se digitos servorum suorum qu die lingere*. Vivebat tamen, et vivere volebat, sus tante maxime uxore; quae culpam inchoati matri nii in gloriam perseverantia verterat. Habeat or

fabulas urbis. Iam sunt venales tabulae Tulli: expectatur auctio. Fuit enim tam copiosus, ut amplissimos hortos eodem, quo emerat, die instruxerit plurimis et antiquissimis statuīs. Tantum illi pulcherrimorum operum in horreis, quae negligebantur. Invicem tu, si quid istic epistola dignum, ne gravare scribere. Nam quum aures hominum novitate laentur, tum ad rationem vitae exemplis erudimur. Vale.

XIX.

*Infirmi-
tate et mor-
tibus suorum
turbatus solatium
in literis quaerit,
et librum emendandum mittit.*

C. PLINIVS MAXIMO SVO S.

Et gaudium mihi et solatium in literis; nihilque tam laetum, quod his laetins; nihil tam triste, quod non per has sit minus triste. Itaque et infirmitate uxoris, et meorum periculo, quorundam vero etiam morte turbatus, ad unicum doloris levamentum studia confugio; quae praestant, ut adversa magis intelligam, sed patientius feram. Est autem mihi moris, quod sum daturus in manus hominum, ante amicorum iudicio examinare, in primis tuo. Proinde, si quando, nunc intende libro, quem cum hac epistola accipies: quia vereor, ne ipse, ut tristis, parum intenderim. Imperare enim dolori, ut scriberem, potui; ut vacuo animo laetoque, non potui. Porro, ut ex studiis gaudium, sic studia hilaritate proveniunt. Vale.

XX.

Miranda lacus Vadimonis.

C. PLINIVS GALLO SVO S.

Ad quae noscenda iter ingredi, transmittere mare solemus, ea sub oculis posita negligimus: seu quia ita natura comparatum, ut proximorum incuriosi, longinqua sectemur: seu quod omnium rerum cupido languescit, quum facilis occasio est: seu quod differimus tanquam saepe visuri, quod datur videre, quo-

ties velis cernere. Quaecunque de-caussa, per m-
urbe nostra, iuxtaque urbem, non oculis mode-
ne auribus quidem novimus: quae si tulisset A-
Aegyptus, Asia, aliave quaelibet miraculorum
commendatrixque terra; audita, perlecta, lustr-
haberemus. Ipse certe nuper, quod nec audierat
te, nec videram, audiui pariter et vidi. Exegerat
socer meus, ut Amerina praedia sua inspicerem.
perambulanti mihi ostenditur subiacens lacus, i-
ne Vadimonis; simul quaedam incredibilia na-
tur. Pervenit ad ipsum. Lacus est in similitudine
centis rotae circumscriptus, et undique aequalis:
lus sinus, obliquitas nulla, omnia dimensa, par-
quasi artificis manu, cavata et excisa. Color cae-
albidior; viridior et pressior sulphuris: odor sa-
que medicatus: vis, qua fracta solidantur. Sp-
modicum, quod tamen sentiat ventos, et fluctibi-
tumescat. Nulla in hoc navis (sacer enim est) se-
natant insulae herbidae, omnes arundine et iunc-
etae, quaeque alia foecundior palus, ipsaque ill-
tremitas lacus effert. Sua cuique figura, ut mo-
cunctis margo derasus, quia frequenter vel lito-
sibi illisae terunt terunturque. Par omnibus alti-
par levitas: quippe in speciem carinae humiliter
descendunt. Haec ab omni latere perspicitur: e-
aqua pariter suspensa et mersa. Interdum iuncta
pulataeque et continenti similes sunt; interdum
cordantibus ventis digeruntur: nonnunquam
tutae, tranquillitate, singulae fluitant. Saepe mi-
maioribus, velut cymbulae onerariis, adhaerent:
saepe inter se maiores minoresque quasi cursum
tamenque desumunt; rursus omnes in eundem
cum appulsae, qua steterunt, promovent terrar-
modo hac, modo illac, lacum reddunt auferunt
ac tum demum, quum medium tennere, non co-
hant. Constat, pecora herbas sequuta, sic in ins-
ut in extremam ripam, procedere solere, nec pri-

telligere mobile solum, quam litore abrepta, quasi illata et imposita, circumfusum undique lacum pavent; mox quo tulerit ventus egressa, non magis se descendisse sentire, quam senserint adscendisse. Idem lacus in flumen egeritur; quod ubi se paullisper oculis dedit, specu mergitur, atque conditum meat: ac, si quid, ante quam subduceretur, accepit, servat et profert. Haec tibi scripsi, quia nec minus ignota, quam mihi nec minus grata credebam. Nam te quoque, ut me, nihil aequae ac naturae opera delectant. Vale.

XXI.

Graviora se studia distinguere lusibus, exemplo recitati poematum libri ostendit.

C. PLINIUS ARRIANO SVO S.

Ut in vita, sic in studiis pulcherrimum et humanissimum existimo, severitatem comitatemque miscere, ne illa in tristitiam, haec in petulantiam procedat. Qua ratione ductus, graviora opera lusibus iocisque distinguo. Ad hos proferendos et tempus et locum opportunissimum elegi; utque iam nunc adsnescerent et ab otiosis et in triclinio audiri, Iulio mense, quo maxime lites interquiescunt, positis ante lectos cathedris, amicos collocavi. Forte accidit, ut eo die mane in advectionem subitam rogarer: quod mihi causam prae loquendi dedit. Sum enim deprecatus, ne quis ut irreverentem operis argueret, quod recitatus, quamquam et amicis, et paucis, idem iterum amicis, foro et negotiis non abstinuissem. Addidi, hunc ordinem me et in scribendo sequi, ut necessitates voluptatibus, seria iucundis anteferrem, ac primum amicis, tum mihi scriberem. Liber fuit et opusculis variis et metris. Ita solemus, qui ingenio parum fidimus, satietatis periculum fugere. Recitavi biduo: hoc adsensus audientium exegit: et tamen ut alii transeunt quaedam, impitantque, quod transeant; sic ego nihil praetereo, atque etiam non praeterire me, testor.

Lego enim omnia, ut omnia emendem. Quod tingere non potest electa recitantibus. At illud destius, et fortasse reverentius. Sed hoc simpliciter amantius. Amat enim, qui se sic amari putat, ut diu non pertimescat. Alioqui quid praestant les, si conveniunt voluptatis suae causa? Delic ac similis ignoto est, qui amici librum bonum m audire, quam facere. Non dubito, capere te, p tera mei caritate, quam maturissime legere hunc huc munsteum librum. Leges, sed retractatum; causa recitandi fuit; et tamen non nulla iam nosti. Haec vel emendata postea, vel (quod inter longiore mora solet) deteriora facta, quasi nova sua, et rescripta cognosces. Nam, plerisque m ea quoque mutata videntur, quae manent. Vale

XXII.

Reprehendit quosdam, qui dare veniam, nesciunt.

C. PLINIVS GEMINIO SVO S.

Nostine hos, qui omnium libidinum servi sic rum vitis irascuntur, quasi invideant, et graviter puniunt, quos maxime imitantur? quum eos e qui non indigent clementia ullius, nihil magis lenitas deceat. Atqui ego optimum et emendatum existimo, qui ceteris ita ignoscit, tanquam quotidie peccet; ita peccatis abstinet, tanquam ni ignoscat. Proinde hoc domi, hoc foris, hoc in vitae genere teneamus, ut nobis implacabiles si exorabiles istis etiam, qui dare veniam, nisi sibi sciunt; mandemusque memoriae, quod vir magnus, et ob hoc quoque maximus, Thræsea, creberrime solebat: *qui vitia odit, homines odit*. Eorum quaeris, quo commotus haec scribam. Quidam nesciunt. — Sed melius coram; quamquam ne tunc qui Vereor enim, ne id, quod improbo, insectari, carere referre, huic, quod cum maxime praecipimus,

gnet. Quisquis ille, qualiscunque, sileatur; quem insignire, exempli non nihil; non insignire, humanitatis plurimum refert. Vale.

XXIII:

Obitus Aviti, cum laude ingenii morumque.

C. PLINIVS MARCELLINO SVO S.

Omnia mihi studia, omnes curas, omnia avocamenta exemit, excussit, eripuit dolor, quem ex morte Iunii Aviti gravissimum cepi. Latum clavum in domo mea induerat: suffragio meo adiutus in petendis honoribus fuerat: ad hoc, ita me diligebat, ita verabatur, ut me formatore morum, me quasi magistro uteretur. Rarum hoc adolescentibus nostris. Nam quotusquisque vel aetati alterius, vel auctoritati, ut minor, cedit? Statim sapiunt, statim sciunt omnia: neminem verentur, imitantur neminem, atque ipsi sibi exempla sunt. Sed non Avitus: cuius haec praecipua prudentia, quod alios prudentiores arbitrabatur; haec praecipua eruditio, quod discere volebat. Semper ille aut de studiis aliquid, aut de officiis vitae consulebat: semper ita recedebat, ut melior factus: et erat factus vel eo, quod audierat, vel quod omnino quaesierat. Quod ille obsequium Serviano, exactissimo viro, praestitit! quem legatum tribunus ita et intellexit, et cepit, ut ex Germania in Pannoniam transeuntem, non ut commilito, sed ut comes adsectatorque sequeretur. Qua industria, qua modestia quaestor consulibus suis (et plures habuit) non minus iucundus et gratus, quam usui fuit! Quo discursu, qua vigilia, hanc ipsam aedilitatem, cui praereptus est, petiit! Quod vel maxime dolorem meum exulcerat. Obversantur oculis cassi labores, et infructuosae preces, et honor quem meruit tantum. Redit animo ille latus clavus in penatibus meis sumtus: redeunt illa prima, illa postrema suffragia mea, illi sermones, illae consultationes. Adhucior adolescentia ipsius, adhucior

necessitudinum casu. Erat illi grandis natu par erat uxor, quam ante annum virginem acceperat; filia, quam paullo ante sustulerat. Tot spes, tot illa dies unus in diversa convertit. Modo designatus aedilis, recens maritus, recens pater, intactum hominem, orbam matrem, viduam uxorem, filiam propter ignaramque patris, reliquit. Accedit lacrimis meis, quod absens, et impendentis mali nescius, propter aegrum, pariter decessisse, cognovi, ne gravissimum dolori timore consuescerem. In tantis tormentis equum scriberem haec, scriberem sola. Neque enim nunc aliud aut cogitare aut loqui possum. Vale.

XXIV.

Maximum, ad Achaiam ordinandam missum, adnet, ut antiquitatis reverentia humaniter civitates tractet.

C. PLINIVS MAXIMO SVO S.

Amor in te meus cogit, non ut praecipiam, quae enim praeceptore eges,) admoneam tamen, quae scis, teneas et observes, aut scias melius. Cum te, te missum in provinciam Achaiam, illam veterem et meram Graeciam, in qua primum humanitas, liberae, etiam fruges, inventae esse creduntur; missum ad ordinandum statum liberarum civitatum, id est ad homines maxime homines, ad liberos maxime liberos, qui ius a natura datum virtute, meritis, amicitia, foedere denique, et religione tenuerunt. Reverere conditores deos, nomina deorum. Reverere patriam veterem, et hanc ipsam senectutem, quae in mine venerabilis, in urbibus sacra est. Sit apud te honor antiquitati, sit ingentibus factis, sit fabulis quoque. Nihil ex cuiusquam dignitate, nihil ex libertate nihil etiam ex iactatione decerpseris. Habe ante oculos, hanc esse terram, quae nobis miserit iura, quae leges non victa acceperit, sed petentibus dedit. Athenas esse, quas adeas; Lacedaemonem esse, quae

regas : quibus reliquam umbram, et residuum libertatis nomen eripere, durum, ferum, barbarumque est. Vides a medicis, quamquam in adversa valetudine nihil servi ac liberi differant; mollius tamen liberos clementiusque tractavi. Recordare, quid quaeque civitas fuerit: non ut despicias, quod esse desierit. Absit superbia, asperitas. Nec timueris contemptum. An contemnitur, qui imperium, qui fascēs habet, nisi qui humilis, et sordidus, et qui se primus ipse contemnit? Male vim suam potestas aliorum contumeliis experitur: male terrore veneratio acquiritur; longeque valentior amor ad obtinendum quod velis, quam timor. Nam timor abit, si recedas; manet amor: ac sicut ille in odium, hic in reverentiam vertitur. Te vero etiam, atque etiam (repetam enim) meminisse oportet officii tui titulum, ac tibi ipsi interpretari, quale quantumque sit ordinare statum liberarum civitatum. Nam quid ordinatione civilius? quid libertate pretiosius? Porro quam turpe, si ordinatio eversione, libertas servitute mutetur? Accedit, quod tibi certamen est tecum: onerat te quaesturae tuae fama, quam ex Bithynia optimam revexisti: onerat testimonium principis: onerat tribunatus, praetura, atque haec ipsa legatio, quasi praemium, data. Quò magis nitendum est, ne in longinqua provincia, quam sub-urbana; ne inter servientes, quam liberos; ne servite, quam iudicio missus; ne rudis et incognitus, quam exploratus probatusque, humanior, melior, peritior fuisse videaris: quum sit alioqui, ut saepe audisti, saepe legisti, multo deformius amittere, quam non adsequi laudem. Haec velim credas, (quod initio dixi) scripsisse me admonentem, non praecipientem; quamquam praecipientem quoque. Quippe non vereor, in amore ne modum exceßerim. Neque enim periculum est, ne sit nimium, quod esse maximum debet. Vale.

LIBER NON V.S.

I.

*Maximum hortatur, ut libros, contra Plantam
vum compositos, festinet edere, ne post
tem eius inchoasse videatur.*

C PLINIUS MAXIMO SVO S.

Saepe te monui, ut libros, quos vel pro te, v
Plantam, immo et pro te et in illum (ita enim m
ria cogebat) composuisti, quam maturissime em
res: quod nunc praecipue, morte eius audita, et
tor, et moneo. Quamvis enim legeris multis, leg
dosque dederis, nolo tamen quemquam opinari,
funote demum inchoatos, quos incolumi eo pereg
Salva sit tibi constantiae fama. Erit autem, si no
aequis iniquisque fuerit, non post inimici mor
scribendi tibi natam esse fiduciam, sed iam para
editionem morte praeventam. Simul vitabis illu
Οὐχ ὁσὴ φθιμένοισιν.

Nam quod de vivente scriptum, de vivente recita
est, in defunctum quoque, tanquam viventem adl
editur, si editur statim. Igitur, si quid aliud in m
bus, interim differ: hoc perface, quod nobis, qui l
mus olim, absolutam videtur. Sed iam videntur
tibi; cuius cunctationem nec res ipsa desiderat
temporis ratio praecidit. Vale.

II.

Longas et crebras epistolas flagitanti, excusat se, quod materia deficiat.

C. PLINIVS SABINO SVO S.

Facis iucunde, quod non solum plurimas epistolas meas, verum etiam longissimas, flagitas: in quibus parcius fui, partim quia tuas occupationes verebar, partim quia ipse multum distringebar plerumque frigidis negotiis, quae simul et avocant animum et comminuunt. Praeterea nec materia plura scribendi dabatur. Neque enim eadem nostra conditio, quae M. Tullii, ad cuius exemplum nos vocas. Illi enim et copiosissimum ingenium, et ingenio qua varietas rerum, qua magnitudo, largissime suppetebat. Nos quam angustis terminis claudamur, etiam tacentem, perspicis: nisi forte volumus scholasticas tibi, atque (ut ita dicam) umbraticas literas mittere. Sed nihil minus aptum arbitramur, quum arma vestra, quum castra, quum denique cornua, tubas, sudorem, pulverem, soles cogitamus. Habes, ut puto, iustam excusationem: quam tamen dubito, an tibi probari velim. Est enim summi amoris, negare veniam brevibus epistolis amicorum, quamvis scias illis constare rationem. Vale.

III.

Bonam mansuramque famam omnibus aliis rebus anteposit.

C. PLINIVS PAVLLINO SVO S.

Alius alium, ego beatissimum existimo, qui bonae mansuraeque famae praesumptione perfruitur, certusque posteritatis cum futura gloria vivit. Ac mihi nisi praemium aeternitatis ante oculos, pingue illud altumque otium placeat. Etenim omnes homines arbitror oportere aut immortalitatem suam aut mortalitatem cogitare: et illos quidem contendere cauti,

hos quiescere, remitti, nec brevem vitam caducis laboribus fatigare: ut video multos, misera simul et ingrata imagine industriae, ad vilitatem sui pervenire. Haec ego tecum, quae quotidie mecum, ut desinam mecum, si dissenties tu: quamquam non dissenties, ut qui semper clarum aliquid et immortale mediteris. Vale.

IV.

Excusat orationem, quam mittit, tanquam in universitate longissimam, brevissimam in partibus.

C. PLINIVS MACRINO SVO S.

Vereretur, ne immodicam orationem putares, quam cum hac epistola accipies, nisi esset generis eius, ut saepe incipere, saepe desinere videatur. Nam singulis criminibus singulae velut causae continentur. Poteris ergo, undecunque inceperis, ubicunque desieris, quae deinceps sequentur, et quasi incipientia legere, et quasi cohaerentia; meque in universitate longissimum, brevissimum in partibus iudicare. Vale.

V.

Aequitate Tironis erga provinciales laetatur.

C. PLINIVS TIRONI SVO S.

Egregie facis (inquiro enim, et perseverare) quod iustitiam tuam provincialibus multa humanitate commendas: cuius praecipua pars est, honestissimum quemque complecti, atque ita a minoribus amari, ut simul a principibus diligere. Plerique autem, dum verentur, ne gratiae potentium nimium impertiri videantur, sinisteritatis atque etiam malignitatis famam consequuntur. A quo vitio tu longe recessisti, scio: sed temperare mihi non possum, quo minus laudem, similis monenti, quod eum modum tenes, ut discrimina ordinum dignatumque custodias; quae si confor-

sa, turbata, permista sint, nihil est ipsa aequalitate inaequalius. Vale.

VI.

*Ridet vanitatem Circensium ludorum, et florum
tempus studiis impendit.*

C. PLINIVS CALVISIO SVO S.

Omne hoc tempus inter pugillares ac libellos iucundissima quiete transmisi. *Quemadmodum*, inquis, *in urbe potuisti*? Circenses erant; quo genere spectaculi ne levissime quidem teneor. Nihil novum, nihil varium, nihil quod non semel spectasse sufficiat. Quo magis miror, tot millia virorum tam pueriliter identidem cupere torrentes equos, insistentes curribus homines videre. Si tamen aut velocitate equorum, aut hominum arte traherentur, esset ratio non nulla: nunc favent panno, pannum amant: etsi in ipso cursu, medioque certamine, hic color illuc, ille huc transferatur; studium favorque transibit, et repente agitadores illos, equos illos, quos procul noscitant, quorum clamitant nomina, relinquent. Tanta gratia, tanta auctoritas in una vilissima tunica. Mitto apud vulgus, quod vilius tunica est; sed apud quosdam graves homines: quos ego quum recordor, in re inani, frigida, assidua, tam insatiabiliter desiderare, capio aliquam voluptatem, quod hac voluptate non capiar. Ac per hos dies libentissime otium meum in literis colloco, quos alii otiosissimis occupationibus perdunt. Vale.

VII.

Villas suas ad Larium lacum, et in iis aedificationem describit.

C. PLINIVS ROMANO SVO S.

Aedificare te scribis. Bene est: inveni patrocinium. Aedifico enim iam ratione, quia tecum. Nam hoc quoque non dissimile, quod ad mare tu, ego ad Larium lacum. *Huius in litore plures villae meae, sed duae*

ut maxime delectant, ita exercent. Altera imposita, more Baiano, lacum prospicit: altera, aequare Baiano, lacum tangit. Itaque illam, tragoe hanc, appellare comoediam soleo: illam, quod cothurnis, hanc, quod quasi socculis sustinetur. utrique amoenitas, et utramque possidenti ipsa civitate iucundior. Haec lacu propius, illa latius, haec unum sinum molli curvamine amplectitur editissimo dorso duos dirimit: illic recta gestatio limite super litus extenditur, hic spatiosissimo leviter inflectitur: illa fluctus non sentit, haec git: ex illa possis despicere piscantes, ex hac ipsi scari, hamumque e cubiculo, ac paene etiam le ut e navicula, iacere. Hae mihi causae utrique, desunt, adstruendi, ob ea quae supersunt. Etsi ego rationem tibi? apud quem pro ratione erit, facere. Vale.

VIII.

Laudatus ab Augurino, laudare eum veretur tamen laudat.

C. PLINIVS AVGVRIANO SVO S

Si laudatus a te laudare te coepero, vereor, n tam proferre indicium meum, quam referre gr videar. Sed, licet videar, omnia scripta tua pul rima existimo; maxime tamen illa, quae de Accidit hoc una eademque de causa. Nam quae de amicis, optime scribis; et ego, quae d ut optima lego. Vale.

IX.

Fidem Colonis erga defunctum amicum la praesertim quod dignus ille fuerat.

C. PLINIVS COLONI SVO S.

Vnice probo, quod Pompeii Quinctiani mort dolenter adficeris, ut amissi caritatem desideras; non ut plerique, qui tantum viventes amari

potius amare se simulant, ac ne simulant quidem, nisi quos florentes vident. Nam miserorum, non secus ac defunctorum, obliviscuntur. Sed tibi perennis fides, tantaque in amore constantia, ut finiri, nisi tua morte, non possit. Et, Hercule, is fuit Quinctianus, quem diligi deceat exemplo ipsius. Felices amabat, miseros tuebatur, desiderabat amissos. Iam illi quanta probitas in ore! quanta in sermone cunctatio! quam pari libra gravitas comitasque! quod studium literarum! quod iudicium! qua pietate cum dissimillimo patre vivebat! quam non obstabat illi, quo minus vir optimus videretur, quod erat optimus filius! Sed quid dolorem tuum exulcero? Quamquam sic amasti viventem, ut haec audire potius, quam de illo sileri velis: a me praesertim, cuius praedicatione putas vitam eius ornari, memoriam prorogari, ipsamque illam, qua est raptus, aetatem posse restitui. Vale.

X.

Quod studiis et venationi non conveniat, illa sola in secessu tractari significat.

C. PLINIVS TACITO SVO S.

Cupio praeceptis tuis parere; sed aprorum tanta penuria est, ut Minervae et Dianae, quas ais pariter colendas, convenire non possit. Itaque Minervae tantum servendum est; delicate tamen, ut in secessu, et aestate. In via plane nonnulla leviora, statimque delenda, ea garrulitate, qua sermones in vehiculo seruntur, extendi. His quaedam addidi in villa, quum aliud non liberet. Itaque poemata quiescunt; quae tu inter nemora et lucos commodissime perfici putas. Oratiunculam unam et alteram retractavi; quamquam id genus operis inamabile, inamoenum, magisque laboribus ruris, quam voluptatibus simile. Vale.

XI.

Materiam scribendi promittit rogatus, et sua scripta trans Alpes legi laetatur.

C. PLINIVS GEMINO SVO S.

Epistolam tuam iucundissimam recepi; eo maxime, quod aliquid ad te scribi volebas, quod libris inseri posset. Obveniet materia, vel haec ipsa quam monstras, vel potior alia. Sunt enim in hac offendicula nonnulla: circumfer oculos, et occurrent. Bibliopolas Lugduni esse non putabam: actanto libentius ex literis tuis cognovi venditari libellos meos, quibus peregre manere gratiam, quam in urbe collegerint, delector. Incipio enim satis absolutum existimare, de quo tanta diversitate regionum discreta hominum iudicia consentiunt. Vale.

XII.

Quaedam filiis remittenda, nec semper utendum severitate, exemplo monet.

C. PLINIVS IVNIORI SVO S.

Castigabat quidam filium suum, quod paullo sumtuosius equos et canes emeret. Huic ego, iuvene digresso, *Heus tu, nunquamne fecisti, quod a patre corripiri posset? Fecisti, dico? Non interdum facis, quod filius tuus, si repente pater ille, tu filius, pari gravitate reprehendat? Non omnes homines aliquo errore ducuntur? Non hic in illo sibi, in hoc alius, indulget?* Haec tibi admonitus immodicae severitatis exemplo, pro amore inutuo, scripsi, ne quando tu quoque filium tuum acerbius duriusque tractares. Cogita et illum puerum esse, et te fuisse: atque ita hoc, quod es pater, utere, ut memineris, et hominem esse te, et hominis patrem. Vale.

XIII.

Quae circa Helvidii ultionem egerit, pertuleritque, ordine enarrat.

C. PLINIVS QVADRATO SVO S.

Quanto studiosius intentiusque legisti libros, quos

de Helvidii ultione composui; tanto impensius postulas, ut perscribam tibi, quaeque extra libros, quaeque circa libros, totum denique ordinem rei, cui per aetatem non interfuisti: Occiso Domitiano statui inecum ac deliberavi, esse magnam pulchramque materiam insectandi nocentes, miseros vindicandi, se proferendi. Porro, inter multa scelera multorum, nullum atrocius videbatur, quam quod in senatu senator senatori, praetorius consulari, reo iudex, manus intulisset. Fuerat alioqui mihi cum Helvidio amicitia, quanta poterat esse cum eo, qui metu temporum nomen ingens, paresque virtutes, secessu tegebat. Fuerat cum Arria et Fannia: quarum altera, Helvidii noverca, altera, mater novercae. Sed non ita me iura privata, ut publicum fas, et indignitas facti, et exempli ratio, incitabat. Ac primis quidem diebus redditae libertatis pro se quisque inimicos suos, dumtaxat minores, incondito turbidoque clamore postulaverant simul et oppresserant. Ego et modestius et constantius arbitratus immanissimum reum non communi temporum invidia, sed proprio crimine urgere: quum iam satis ille primus impetus defervisset, et languidior in dies ira ad iustitiam redisset, quamquam tum maxime tristis, amissa nuper uxore, mitto ad Anteiam, (nupta haec Helvidio fuerat,) rogo ut veniat, quia me recens adhuc luctus limine contineret. *Vt venit, Destinatum est, inquam, mihi, maritum tuum non inultum pati. Nuntia Arriae et Fanniae: (ab exsilio enim redierant:) consule te, consule illas, an velitis adscribi facto, in quo ego comite non egeo: sed non ita gloriae meae faverim, ut vobis societatem eius invideam.* Perfert Anteia mandata; nec illae morantur. Opportune senatus intra diem tertium. Omnia ego semper ad Corellium retuli, quem providentissimum aetatis nostrae sapientissimumque cognovi. In hoc tamen contentus consilio meo fui, veritus, ne vetaret: erat enim cunctantior *cantiorque. Sed non sustinui inducere in animum, quo*

minus illi eodem die facturum me indicarem, quod an facerem non deliberabam: expertus usu, de eo, quod destinaveris, non esse consulendos, quibus consultis obsequi debeas. Venio in senatum: ius dicendi peto: dico paullisper maximo adsensu. Vbi coepi crimen attingere, reum destinare, (adhuc tamen sine nomine) undique mihi reclamari. Alius: *Sciamus, qui sit, de quo extra ordinem referas*; alius: *Quis est ante relationem reus?* alius: *Salvi simus, qui supersumus.* Audio imperturbatus, interritus: tantum susceptae rei honestas valet, tantumque ad fiduciam vel metum differt, nolint homines, quod facias, an non probent. Longum est omnia, quae tunc hinc inde iactata sunt, recensere. Novissime consul: *Secunde, sententiae loco dices, si quid volueris. Permiseris, inquam, quod usque adhuc omnibus permisisti.* Resido: aguntur alia. Interca me quidam ex consularibus amicis secreto accuratoque sermone, quasi nimis fortiter incanteque progressum, corripit, revocat, monet, ut desistam. Adiecit etiam: *Notabilem te futuris principibus fecisti. Esto, inquam, dum malis.* Vix ille discesserat, rursus alter: *Quid audes? cur ris? quibus te periculis obiicis? Quid praesentibus confidis, incertus futurorum? Lacescis hominem iam praefectum aerarii, et brevi consulem? praeterea qua gratia, quibus amicitiiis fultum? Nominat quendam, qui tunc ad orientem amplissimum exercitum, non sine magnis dubiisque rumoribus, obtinebat. Ad haec ego: Omnia praecepi, atque animo mecum ante peregi: nec recuso, si ita casus attulerit, luere poenas ob honestissimum factum, dum flagitiosissimum ulciscor.* Iam censendi tempus. Dicit Domitius Apollinaris, consul designatus, dicit Fabricius Veiento, Fabius Postumius, Vectius Proculus, collega Publicii Certi, de quo agebatur, uxoris autem meae, quam amiseram, vitricus: post hos Ammius Flaccus. Omnes Certum, nondum a me nomi-

natam, ut nominatum defendunt: crimenque quasi in medio relictum defensione suscipiunt. Quae praeterea dixerint, non est necesse narrare; in libris habes. Sum enim cuncta ipsorum verbis persequuntur. Dicunt contra Avidius Quietus, Cornutus Tertullus. Quietus: *Iniquissimum esse, querelas dolentium excludi: ideoque Arriae et Fanniae ius querendi non auferendum: nec interesse, cuius ordinis quis sit, sed quam causam habeat.* Cornutus: *Datum se a consulibus tutorem Helvidii filiae, potentibus matre eius et vitrico: nunc quoque non sustinere deserere officii sui partes; in quo tamen, et suo dolori modum imponere, et optimarum feminarum perferre modestissimum adfectum: quas contentas esse, admonere senatum Publicii Certi cruentae adulationis, et petere, si poena flagitii manifestissimi remittatur, nota Certo quasi censoria inuratur.* Tum Satrius Rufus medio ambiguoque sermone: *Puto, inquit, iniuriam factam Publicio Certo, si non absolvitur: nominatus est ab amicis Arriae et Fanniae, nominatus ab amicis suis. Nec debemus soliti esse. Idem enim nos, qui bene sentimus de homine, iudicaturi sumus: si innocens est, sicuti et spero, et malo, donec aliquid probetur, credo poteritis absolvere.* Haec illi, quo quisque ordine citabantur. Venitur ad me: consurgo: utor initio, quod in libro est: respondeo singulis. Mirum qua intentione, quibus clamoribus omnia exceperint, qui modo reclamabant. Tanta conversio vel negotii dignitatem, vel proventum orationis, vel actoris constantiam subsequuta est. Finio. Incipit respondere Veiento: nemo patitur: obturbatur, obstrepitur: adeo quidem, ut diceret: *Rogo, Patres C. ne me cogatis implorare auxilium tribunorum.* Et statim Murena tribunus: *Permitto tibi, vir clarissime Veiento, dicere.* Tunc quoque reclamatur. Inter moras consul citatis nominibus et peracta discessione, mittit senatum: ac paene

adhuc stantem tentantemque dicere Veientonem relinquit. Multum ille de hac (ita vocitabat) contumelia questus est Homérico versu:

Ὁ γέρον, ἢ μάλα δὴ σε νέοι τεύρουσι μαχηταί.

Non fere quisquam in senatu fuit, qui non me complecteretur, exoscularetur, certatimque laude cumlaret, quod intermissum tamdiu morem in publicum consulendi, susceptis propriis simultatibus, redoxissem: quod denique senatum invidia liberassem, qua flagrabat apud ordines alios, quod severus in ceteros, senatoribus solis, dissimulatione quasi mutua, parceret. Haec acta sunt absente Certo. Abfuit enim, seu tale aliquid suspicatus, sive, ut excusabatur, infirmus. Et relationem quidem de eo Caesar ad senatum non remisit: obtinui tamen, quod intenderam. Nam collega Certi consulatum, successorem Certus accepit: planeque factum est, quod dixeram in fine: *Reddat praemium sub optimo principe, quod a pessimo accepit.* Postea actionem meam, utcumque potui, recollecti: addidi multa. Accidit fortuitum (sed non tantum fortuitum) quod, editis libris, Certus intra paucissimos dies implicitus morbo decessit. Audivi referentes, hanc imaginem menti eius, hanc oculis oberrasse, tanquam videret me sibi cum ferro imminere. Verane haec, adfirmare non ausim: interest tamen exempli, ut vera videantur. Habes epistolam, si modum epistolae cogitas, libris, quos legisti, non minorem. Sed imputabis tibi, qui contentus libris non fuisti. Vale.

XIV.

Tacitum hortatur ad parandam scriptis immortalitatem.

C. PLINIUS TACITO SVO S.

Nec ipse tibi plaudis, et ego nihil magis ex fide, quam de te scribo. Posteris an aliqua cura nostri, nescio: nos certe meremur, ut sit aliqua, non dico in genio, (id enim superbum,) sed studio, sed labore, et

reverentia posterorum. Pergamus modo itinere instituto : quod ut paucos in lucem famamque provexit, ita multos e tenebris et silentio protulit. Vale.

XV.

Quid in villa agat.

C. PLINIVS FALCONI SVO S.

Refugeram in Tuscos, ut omnia ad arbitrium meum facerem : at hoc ne in Tuscis quidem : tam multis undique rusticorum libellis, et tam querulis, inquietor ; quos aliquanto magis invitus, quam meos, lego. Nam et meos invitus. Retracto enim actiunculas quasdam ; quod, post intercapedinem temporis, et frigidum et acerbum est. Rationes, quasi absente me, negliguntur. Interdum tamen equum conscendo, et patrem familiae hactenus ago, quod aliquam partem praediorum, sed pro gestatione, percurro. Tu consuetudinem serva, nobisque sic rusticis urbana acta perscribe. Vale.

XVI.

*Non venari se propter vindemias, quamquam exiguas, posse, attamen versiculos pro musto de-
vecturum significat.*

C. PLINIVS MAMILIANO SVO S.

Summam te voluptatem percepisse ex isto copiosissimo genere venandi non miror, quum historicorum more scribas, numerum iniri non potuisse. Nobis venari nec vacat, nec libet : non vacat, quia vindemiae in manibus ; non libet, quia exiguae. Devehemus tamen pro novo musto novos versiculos tibi, quos iucundissime exigenti, ut primum videbuntur defervisse, mittemus. Vale.

XVII.

Ferendos esse aliorum mores, ut isti nostros quoque ferant, acroamatum in convivii exemplo monet.

C. PLINIVS GENITORI SVO S.

Accepi tuas literas, quibus quereris, taedio tibi fuisse quamvis lautissimam coenam, quia scurrae, cinaedi, moriones mensis inerrabant. Vis tu remittere aliquid ex rugis? Equidem nihil tale habeo, habentes tamen fero. Cur ergo non habeo? quia nequam me, ut inexpectatum festivumve delectat, si quid molle a cinaedo, petulans a scurra, stultum a morione profertur. Non rationem, sed stomachum tibi narro. Atque adeo quam multos putas esse, quos aequae ea, quibus ego et tu capimur et ducimur, partim ut inepta, partim ut molestissima offendant? Quam multi, quam lector aut lyristes aut comoedus inductus est, calceos poscunt, aut non minore cum taedio recubant, quam tu ista (sic enim appellas) prodigia perpessus es? Demus igitur alienis oblectationibus veniam, ut nostris impetremus. Vale.

XVIII.

Desideranti libellos suos promittit, sed per partes, ne memoriam turbet.

C. PLINIVS SABINO SVO S.

Qua intentione, quo studio, qua denique memoria, legeris libellos meos, epistola tua ostendit. Ipse igitur exhibes negotium tibi, qui elicits et invitas, ut quamplurima communicare tecum velim. Faciam; per partes tamen, et quasi digesta, ne istam ipsam memoriam, cui gratias ago, assiduitate et copia turbem, oneratamque, et quasi oppressam, cogam pluribus singula, posterioribus priora dimittere. Vale.

XIX.

Verginium tuetur, quod factum suum sepulcro inscribi iusserit; et Frontinum laudat, qui monumentum sibi fieri vetuerat.

C. PLINIUS RUFONI SVO S.

Significas, legisse te in quadam epistola mea, iussisse Verginium Rufum inscribi sepulcro suo:

HIC SITVS. EST RVFVS, PVLSO QVI VINDICE QVONDAM.

IMPERIVM ADSERVIT NON SIBI, SED PATRIAE.

Reprehendis, quod iusserit; addis etiam, melius rectiusque Frontinum, quod vetuerit omnino monumentum sibi fieri; meque ad extremum, quid de utroque sentiam, consulis. Vtrumque dilexi; miratus sum magis, quem tu reprehendis, atque ita miratus, ut non putarem satis unquam laudari posse, cuius nunc mihi subeunda defensio est. Omnes ego, qui magnum aliquod memorandumque fecerunt, non modo venia, verum etiam laude dignissimos iudico, si immortalitatem, quam meruere, sectantur, victurique nominis famam supremis etiam titulis prorogare nituntur. Nec facile quemquam nisi Verginium invenio, cuius tanta in praedicando verecundia, quanta gloria ex facto. Ipse sum testis, familiariter ab eo dilectus probatusque, semel omnino, me audiente, proVectum, ut de rebus suis hoc unum referret, ita se cum aliquando Cluvium loquentum: *Scis, Vergini, quae historiae fides debeatur: proinde si quid in historiis meis legis aliter ac velles, rogo ignoscas.* Ad hoc sic illum: *Tunc, Cluvi, ignoras, ideo me fecisse, quod feci, ut esset liberum vobis scribere, quae libuisset?* Agedum, hunc ipsum Frontinum in hoc ipso, in quo tibi parcior videtur et pressior, comparemus. Vetuit extrui monumentum: sed quibus verbis? *Impensa monumenti supervacua est.*

moria nostri durabit, si vita meruimus. An restrictius arbitraris per orbem terrarum legendum dare, duraturam memoriam sui, quam uno in loco duobus versiculis signare, quod feceris? Quamquam non habeo propositum illum reprehendendi, sed hunc tuendi: cuius quae potest apud te iustior esse defensio, quam ex collatione eius, quem praetulisti? Meo quidem iudicio neuter culpandus, quorum uterque ad gloriam pari cupiditate, diverso itinere, contendit: alter, dum expetit debitos titulos; alter, dum mavult videri contempsisse. Vale.

XX.

Laetatur epistola, qua libros suos laudatos vidit; et de vindemiis nuntiat.

C. PLINIVS VENATORI SVO S.

Tua vero epistola tanto mihi iucundior fuit, quanto longior erat, praesertim cum de libellis meis tota loqueretur; quos tibi voluptati esse non miror, cum omnia nostra perinde ac nos ames. Ipse cum maxime vindemias, graciles quidem, uberiores tamen quam expectaveram, colligo; si colligere est, non nunquam decerpere uvam, torculum invisere, gustare de lacu mustum, obrepere urbanis, qui nunc rusticis praesunt, meque notariis et lectoribus reliquerunt. Vale.

XXI.

Libertum in gratiam cum patrono reducere tentat.
(*Adde epist. XXIV. huius libri.*)

C. PLINIVS SABINIANO SVO S.

Libertus tuus, cui succensere te dixeras, venit ad me, advolutusque pedibus meis, tanquam tuis, haesit. Flevit multum, multumque rogavit; multum etiam tacuit: in summa, fecit mihi fidem poenitentiae. Vere ~~credo~~ emendatum, quia deliquisse se sentit. Irascaris, ~~scilicet~~ et irascaris merito, id quoque scio: sed tunc

praecipua mansuetudinis laus, quum irae causae in-
atissima est. Amasti hominem, et, spero, amabis: in-
terim sufficit, ut exorari te sinas. Licebat rursus ira-
sci, si meruerit: quod exoratus exensatus facies. Re-
mitte aliquid adolescentiae ipsius, remitte lacrymis,
remitte indulgentiae tuae: ne torseris illum, ne tor-
seris etiam te. Torqueris enim, quum tam lenis ira-
sceris. Vereor, ne videar non rogare, sed cogere, si
precibus eius meas iunxero. Iungam tamen tanto
plenius et effusius, quanto ipsum acrius severiusque
corripui, destricte minatus, nunquam me postea roga-
turum. Hoc illi, quem terreri oportebat, tibi non
idem. Nam fortasse iterum rogabo, iterum impetra-
bo: sit modo tale, ut rogare me, ut praestare te de-
ceat. Vale.

XXII.

*Passieni aegritudine dolet, eiusque genus, mores et
ingenium laudat.*

C. PLINIVS SEVERO SVO S.

Magna me solitudine adfecit Passieni Paulli va-
letudo, et quidem plurimis iustissimisque de causis.
Vir est optimus, honestissimus, nostri amantissimus;
praeterea in literis veteres aemulatur, exprimit, red-
dit: Propertium in primis, a quo genus ducit, vera
soboles, eoque simillima illi, in quo ille praecipuus.
Si elegos eius in manum sumseris, leges opus tersum,
molle, iucundum, et plane in Propertii domo scri-
ptum. Nuper ad lyrica deflexit, in quibus ita Hora-
tium, ut in illis illum alterum, effingit. Putes, si quid
in studiis cognatio valet, et huius propinquum. Ma-
gna varietas, magna mobilitas. Amat, ut qui verissi-
me; dolet, ut qui impatientissime; laudat, ut qui be-
nignissime; ludit, ut qui facetissime: omnia deni-
que tanquam singula absolvit. Pro hoc ego amico,
pro hoc ingenio, non minus aeger animo, quam cor-
pore ille, tandem illum, tandem me recepi.

XXVI.

Veterum exemplo probat, oratorem sublimia interdum et fere praecipitia decere.

C. PLINIUS LUPERCO SVO S.

Dixi de quodam oratore seculi nostri, recto quidem et sano, sed parum grandi et ornato, ut opinor, apte: *Nihil peccat, nisi quod nihil peccat.* Debet enim orator erigi, attolli, interdum etiam effervesce, efferri, ac saepe accedere ad praecepta. Nam plerumque altis et excelsis adiacent abrupta: tutius per plana, sed humiliter et depressius iter: frequentior currentibus, quam reptantibus, lapsus: sed his non labentibus nulla, illis non nulla laus, etiamsi labantur. Nam ut quaedam artes, ita eloquentiam nihili magis, quam aucipitia commendant. Vides, qui per funem in summa nituntur, quantos soleant excitare clamores, quum iam iamque casuri videntur. Sunt enim maxime mirabilia, quae maxime insperata, maxime periculosa, utque Graeci magis exprimunt, *παράβολα*. Ideo nequaquam par gubernatoris est virtus, quum placido et quum turbato mari vehitur: tunc admirante nullo illaudatus, inglorius subit portum; at quum stridunt funes, curvatur arbor, gubernacula gemunt, tunc ille clarns et diis maris proximimus. Cur haec? Quia visus es mihi in scriptis meis adnotasse quaedam ut tumida, quae ego sublimia; ut improba, quae ego audientia; ut nimia, quae ego plena arbitrabar. Plurimum autem refert, reprehendenda adnotes, an insignia. Omnis enim advertit, quod eminet et exstat; sed acri intentione diiudicandum est, immodicum sit an grande, altum an enorme. Atque ut Homerum potissimum attingam, quem tandem alterutram in partem potest fingere

— — βράχε δ' εὐρεῖα χθών,
 Ἀμφὶ δὲ σάλπιγγεν μέγας αὐρανός.

et

— ἥρην δ' ἔγχος ἐπέκλυτο — —

et totum illud,

Ἦς δ' ὅτε χεῖμαρδοὶ ποταμοὶ κατ' ὄρεσιν ῥέ-
 οντες,

Ἐς μισγῶγκυαν συμβάλλετον ὄμβριμον ὕδωρ.

Sed opus est examine et libra, incredibilia sint haec et immanis, an magnifica et caelestia. Nec nunc ego me his similia aut dixisse aut posse dicere putō. Non ita insanio: sed hoc intelligi volo, laxandos esse eloquentiae frenos, nec angustissimo gyro ingeniorum impetus refringendos. At enim alia conditio oratorum, alia poetarum. Quasi vero M. Tullius minus audeat. Quamquam hunc omitto: neque enim ambigi puto. Sed Demosthenes ipse, ille norma oratoris et regula, num se cohibet et comprimit, quum dicit illa notissima?

Ἀνθρωπομιμεροὶ καὶ κόλακες καὶ ἀλάστορες. Et rursus: Οὐ γὰρ λίθοις ἐτείχεσα τὴν πόλιν, οὐδὲ πλὴνθοῖς ἐγώ.

Et statim: Οὐκ ἐκ μὲν θα' ἀτιγῆς τὴν Εὐβοίαν προὔβαλόμην ἐγὼ πρὸ τῆς Ἀττικῆς; (ὅσον ἦν ἀνθρωπίνῳ λογισμῷ δυνατόν.) Et alibi: Ἐγὼ δὲ οἶμαι μὲν, ὡ ἄνδρες Ἀθηναῖοι, νῆ τοὺς θεοὺς, ἐκείνον μεθύειν τῷ μεγέθει τῶν πεπραγμένων. Iam quid audentius illo pulcherrimo ac longissimo excessu? Νόσημα γάρ.

Quid haec, breviora superioribus, sed audacia paria? Τότε ἐγὼ μὲν τῷ Πύθωνι θρασυνομένῳ καὶ πολλῷ ῥέοντι καθ' ὑμῶν. Ex eadem nota: Ὅταν δὲ ἐκ πλεονεξίας καὶ ποτηρίας τις, ὥσπερ οὗτος, ἰσχύσῃ, ἡ πρώτη πρόφασις καὶ μικρὸν παιῖσμα ἅπαντα ἀνεχαίτιστα καὶ διέλυσαι. Si-

mile his: Ἀπεσχοινισμένος ἅπασιν τοῖς ἐν τῇ πόλει θε-καλοῖς, γνῶσειςι τριῶν δικαστηρίων. Et ibidem: Σὺ τὸν εἰς ταῦτα ἤλειον προὔδωνας, Ἀριζόγειτον, μᾶλλον δὲ ἀνῆρηκας ὅλως. μὴ δὲ, πρὸς οὓς αὐτὸς ἰάλεσκας ἰατρ-τας, καὶ προσβολῶν ἐνέπληκας, πρὸς τοὺς τοῦτον δαμάσκειν.

Et dixerat: Δίδωμαι, μὴ δόξητέ τιαι τὸν αὐτὸν βασιλέα.

νον εἶναι πονηρὸν τῶν ἐν τῇ πόλει παιδοσφριβεῖν. ἀσθε-
νὴς μὲν γὰρ ἐστὶ πῦς ὁ πονηρὸς καθ' ἑαυτόν. Et dein-
ceps: Τούτῳ δ' οὐδένα δρωτῶν τύπων τούτων βύσιμον
ὄντα, ἀλλὰ πάντα ἀπόκρηνα, φάραγγας, βάραθρα
Nec satis: Οὐδὲ γὰρ τοὺς προγονοὺς ὑπολαμβάνω τὰ
δικαστήρια πάντα οἰκοδομῆσαι, ἵνα τοὺς ποιούτους ἐν
αὐτοῖς μοσχεύητε, ἀλλὰ τούναντιον, ἵν' ἀνέλγητε, καὶ
κολάζητε, καὶ μηθεὶς ζηλοῖ, μηδ' ἐπιθυμῇ κακίας. Ad-
huc: Εἰ δὲ κάπηλός ἐστι πονηρίας, καὶ παλιγκάπηλος,
καὶ μεταβολεύς. Et mille talia; ut prasteream quae ab
Aeschine θάύματα, non ῥήματα, vocantur. In contra-
rium incidi. Dices, hunc quoque ob ista culpari. Sed
vide, quanto maior sit, qui reprehenditur, ipso repre-
hendente; et maior ob haec quoque. In aliis enim
vis, in his granditas eins elucet. Num autem Aeschi-
nes ipse iis, quae ab Demosthene carpebat, abstinuit?
Χρὴ γὰρ, ὡς ἄνδρες Ἀθηναῖοι, τὸ αὐτὸ φθέγγεσθαι
τὸν ῥήτορα καὶ τὸν νόμον ὅταν δ' ἑτέραν μὲν φωνὴν
ἀφῇ ὁ νόμος, ἑτέραν δὲ ὁ ῥήτωρ, τῷ τοῦ νόμου δι-
καίῳ χρὴ διδόναι τὴν ψήφον, οὐ τῇ τοῦ λέγοντος
ἀναισχυντίᾳ. Alio loco: Ἐπειτα ἀναφαίνεται περὶ
πάντων ἐν τῷ ψηφίσματι πρὸς τῷ κλέμματι γρα-
ψας, τὰ πάντα τάλαντα τοὺς πρέσβεις ἀξιῶν τοὺς
ἰσθίτας μὴ ἡμῖν, ἀλλὰ Καλλίᾳ διδόναι. ὅτι δὲ ἀλη-
θεῖ λέγω, ἀφελὼν τὸν κόμπον, καὶ τὰς τριήρεις, καὶ
τὴν ἀλαζονείαν ἐκ τοῦ ψηφίσματος, ἀνάγνωθι. Ite-
rum alio: Καὶ μὴ ἔατε αὐτὸν εἰς τοὺς τοῦ παρανό-
μου λόγους περιττῶσθαι. Quod adeo probavit, ut
repetat: Ἀλλὰ ἐγκαθήμενοι καὶ ἐνεδρευοντες ἐν τῇ
ἐκκλησίᾳ εἰσελαίνετε αὐτὸν εἰς τοὺς τοῦ παρανόμου
λόγους, καὶ τὰς ἐκτροπὰς αὐτοῦ τῶν λόγων ἐπιτη-
ροῦτε. An illa custoditius pressiusque? Σὺ δὲ ἐλ-
κοποιεῖς, καὶ μᾶλλον σοι μέλει τῶν αὐθημέρων λόγων,
ἢ τῆς σωτηρίας τῆς πόλεως. Altius illa: Οὐκ ἀπο-
κίμψεσθαι τὸν ἄνθρωπον ὡς κοινὴν τῶν Ἑλλήνων συμ-
φορὰν, ἢ συλλαβόντες ὡς λησὴν τῶν πραγμάτων διὰ
τῆς πολιτείας πλείοντα τιμωρήσεσθε; εἰ αἷα, Ἐκ

specto, ut quaedam ex hac epistola, ut illud, *gubernacula gemunt, et diis maris proximus*, iisdem notis, quibus ea, de quibus scribo, confodias. Intelligo enim me, dum veniam prioribus peto, in illa ipsa, quae adnotaveras, incidisse. Sed confodias licet, dummodo iam nunc destines diem, quo et de illis et de his coram exigere possimus. Aut enim tu me timidum, aut ego te temerarium faciam. Vale.

XXVII:

Historiae reverentiam haberi, exemplo monstrat.

C. PLINIVS LATERANO SVO S.

Quanta potestas, quanta dignitas, quanta maiestas, quantum denique nomen sit historiae, cum frequenter alias, tum proxime sensi. Recitaverat quidam verissimum librum, partemque eius in alium diem reservaverat: ecce amici cuiusdam orantes obsecrantesque, ne reliqua recitaret. Tantus audiendi quae fecerint, pudor, quibus nullus faciendi, quae audire erubescunt. Et ille quidem praestitit, quod rogabatur: sinebat fides. Liber tamen, ut factum ipsum, manet, manebit, legeturque semper, tanto magis, quia non statim. Incitantur enim homines ad agnoscenda, quae differuntur. Vale.

XXVIII.

Tribus epistolis respondet: quartam, curiosius scriptam, accepisse se negat.

C. PLINIVS ROMANO SVO S.

Post longum tempus epistolas tuas, sed tres pariter recepi, omnes elegantissimas, amantissimas, et quales a te venire, praesertim desideratas, oportebat: quarum una iniungis mihi iucundissimum ministerium, ut ad Plotinam, sanctissimam feminam, literae tuae perferantur: perferentur. Eadem comperimus Popilium Artemisium: statim praestiti, quod tu Indicas etiam, modicas te vindemias colligere.

munis haec mihi tecum, quamquam in diversissima parte terrarum, querela est. Altera epistola nuntias, multa te nunc dictare, nunc scribere, quibus nos tibi repraesentantes. Gratias ago: agerem magis, si me illa ipsa, quae scribis aut dictas, legere veluisses. Et erat æquum, ut te mea, ita me tua scripta cognoscere, etiamsi ad aliam, quam ad me pertinerent. Polliceris in fine, quum certius de vitae nostrae ordinatione aliquid audieris, futurum te fugitivum rei familiaris, statimque ad nos evolaturum, quum iam tibi compedes necitimus, quas perfringere nullo modo possis. Tertia epistola continebat, esse tibi redditam orationem pro Clario, eamque visam uberiores, quam dicente me, audiente te, fuerit. Est uberior: multa enim postea inserui. Adiicia, alias te literas curiosius scriptas misisse: an acceperim, quaeris: non accepi, et accipere gestio. Proinde prima quaque occasione mitte, appositis quidem usuris, quas ego (num parcius possum?) centesimas computabo. Vale.

XXIX.

Diffusus perfectioni in uno scribendi genere, se vario, merendae veniae causa, exercet.

C. PLINIVS RVSTICO SVO S.

Vt satius, unum aliquid insigniter, quam facere plurima mediocriter; ita plurima mediocriter, si non possis unum aliquid insigniter. Quod intuens ego, variis me studiorum generibus, nulli satis confusus, experior. Proinde quum hoc vel illud leges, ita singulis veniam, ut non singulis, dabis. An ceteris artibus excusatio in numero, literis durior lex, in quibus difficilior effectus est? Quid autem ego de venia quasi ingratus? Nam si ea facilitate haec proxima acceperis, qua priora, laus potius speranda, quam venia obsecranda est. Mihi tamen venia sufficit. Vale.

XXX.

Quae vera liberalitas sit, docet.

C. PLINIVS GEMINIO SVO S.

Laudas mihi, et frequenter praesens, et nunc per epistolas, Nonium tuum, quod sit liberalis in quosdam: et ipse laudo, si tamen non in hos solos. Volo enim eum, qui sit vere liberalis, tribuere patriae, propinquis, adfinibus, amicis, sed amicis dico pauperibus: non ut isti, qui iis potissimum donant, qui donare maxime possunt. Hos ego viscatis hamatisque muneribus non sua promere puto, sed aliena corripere. Sunt ingenio simili, qui quod huic donant, auferunt illi, famamque liberalitatis avaritia petunt. Primum est autem, suo esse contentum: deinde, quos praecipue scias indigere, sustentantem foventemque, orbe quodam societatis ambire. Quae cuncta si facit iste, usquequaque laudandus est: si unum aliquod, minus quidem, laudandus tamen. Tam rarum est etiam imperfectae liberalitatis exemplar. Ea invasit homines habendi cupido, ut possideri magis, quam possidere videantur. Vale.

XXXI.

Laudat illius librum, et laudatus in eo ipse, gratias agit.

C. PLINIVS SARDO SVO S.

Postquam a te recessi, non minus tecum, quam quum apud te, fui. Legi enim librum tuum, identidem repetens ea maxime (non enim mentiar) quae de me scripisti. In quibus quidem perecopiosus fuisti. Quam multa, quam varia, quam non eadem de eodem, nec tamen diversas, dixisti? Laudem pariter et gratias agam? Neutrum satis possum, et, si possem, timerem, ne arrogans esset, ob ea laudare, ob quae gratias agerem. Vnum illud addam, amplius mihi tanto laudabiliora visa, quanto iucundiora, et iucundiora, quanto laudabiliora erant. Vale.

XXXII.

Quid agat amicus, quaerit: et delicatum otium suum festive narrat.

C. PLINIVS TITIANO SVO S.

Quid agis? quid acturus es? Ipse vitam iucundissimam, id est otiosissimam, vivo. Quo fit, ut scribere longiores epistolas nolim, velim legere: illud, tanquam delicatus; hoc, tanquam otiosus. Nihil est enim aut pigrius delicatis, aut curiosius otiosis. Vale.

XXXIII.

Mira de Hipponensi delphino narrat.

C. PLINIVS CANINIO SVO. S.

Incidi in materiam veram, sed simillimam fictae, dignamque isto laetissimo, altissimo, planeque poetico ingenio. Incidi autem, dum super coenam varia miracula hinc inde referuntur. Magna auctoris fides: tamen quid poetae cum fide? Is tamen auctor, cui bene vel historiam scripturus credidisses. Est in Africa Hipponensis colonia, mari proxima: adiacet ei navigabile stagnum, ex quo, in modum fluminis, aestuarium emergit, quod vice alterna, prout aestus aut repressit, aut impulit, nunc infertur mari, nunc redditur stagno. Omnis hic aetas piscandi, navigandi, atque etiam natandi studio tenetur: maxime pueri, quos otium ludusque sollicitat. His gloria et virtus altissime provehi: victor ille, qui longissime, ut litus, ita simul nantes, reliquit. Hoc certamine puer quidam, audentior ceteris, in ulteriora tendebat. Delphinus occurrit, et nunc praecedere puerum, nunc sequi, nunc circumire, postremo subire, deponere, iterum subire, trepidantemque perferre primum in altum: mox flectit ad litus, redditque terrae et aequalibus. Serpit per coloniam fama: concurrere omnes, ipsum puerum tantumque miraculum adspicere, interrogare, audire, narrare. Postero die obsident litus, prospectant mare, et quid de mari simile. Natant pueri: inter hos ille,

sed cautius. Delphinus rursus ad tempus, rursus ad puerum venit. Fugit ille cum ceteris. Delphinus, quasi invitet, revocet, exsilit, mergitur, variosque orbes implicitat expeditque. Hoc altero die, hoc tertio, hoc pluribus, donec homines, innutritos mari, subiret timendi pudor. Accedunt, et adfudunt, et appellant: tangunt etiam, pertrectantque praeberentem. Crescit audacia experimento. Maxime puer, qui primus expertus est, adnatat natanti, insilit tergo: fertur refer turque, agnoscit se, amari putat, amat ipse: neuter timet, neuter timetur: huius fiducia, mansuetudo illius augetur. Nec non alii pueri dextra laevaue simul eunt hortantes monentesque. Ibat una (id quoque mirum) delphinus alius, tantum spectator et comes. Nihil enim simile aut faciebat, aut patiebatur: sed alterum illum ducebat, reducebat, ut puerum ceteri pueri. Incredibile (tam verum tamen quam priora) delphinum gestatorem collusoremque puerorum in terram quoque extrahi solitum, arenisque siccatum, ubi incaluisset, in mare revolvi. Constat Octavium Avitum, legatum proconsulis, in litus educto religione prava superfudisse unguentum, cuius illum novitatem odoremque in altum refugisse: nec nisi post multos dies visum languidum et moestum; mox, redditis viribus, priorem lasciviam et solita ministeria repetisse. Confluebant ad spectaculum omnes magistratus, quorum adventu, et mora, modica res publica novis sumptibus atterebatur. Postremo locus ipse quietem suam secretumque perdebat. Placuit occulte interfici, ad quod coibatur. Haec tu qua miseratione, qua copia deslebis, ornabis, attolles! Quamquam non est opus adfingas aliquid aut adstruas: sufficit, ne ea, quae sunt vera, minuantur. Vale.

XXXIV.

Consultit, num versus, quos male legere dicatur, ipse pergat recitare, an liberto legendos tradat.

C. PLINIUS TRANQVILLO SVO S.

Explica aestum meum. Audio, me male legere, dumtaxat versus: orationes enim commodius, sed tanto minus versus. Cogito ergo, recitaturus familiaribus amicis, experiri libertum meum. Hoc quoque familiare, quod elegi, non bene, sed melius lecturum: si tamen non fuerit perturbatus. Est enim tam novus lector, quam ego poeta. Ipse nescio quid illo legente interim faciam, sedeam defixus, et mutus, et similis otioso, an (ut quidam) quae pronuntiabit, murmure, oculis, manu prosequar. Sed puto, me non minus male saltare, quam legere. Iterum dicam, explica aestum meum, vereque rescribe, num sit melius, pessime legere, quam ista vel non facere, vel facere. Vale.

XXXV.

Librum sibi missum, quum vacaverit, lecturum esse promittit: et ne diligentior amicus in retractatione sit, monet.

C. PLINIUS APPIO SVO S.

Librum, quem misisti, recepi, et gratias ago: sum tamen hos tempore occupatissimus. Ideo nondum eum legi, quum alioqui validissime cupiam: sed eam reverentiam cum literis ipsis, tum scriptis tuis debeo, ut sumere illa, nisi vacuo animo, irreligiosum putem. Diligentiam tuam in retractandis operibus valde probō. Est tamen aliquis modus, primum, quod nimia cura deterit magis, quam emendat; deinde, quod nos a recentioribus revocat, simulque nec absolvit priora, et inchoare posteriora non patitur. Vale.

XXXVI.

Quam vitae rationem et studiorum in secessu seu villa teneat, exponit.

(Conf. 3, 5.)

C. PLINIVS FVSCO SVO S.

Quaeris, quemadmodum in Tuscis diem aestate disponam. Evigilo quum libuit, plerumque circa horam primam, saepe ante, tardius raro: clausae fenestrae manent. Mire enim silentio et tenebris animus alitur. Ab iis, quae avocant, abductus, et liber, et mihi relictus, non oculos animo, sed animum oculis sequor, qui eadem, quae mens, vident, quoties, non vident alia. Cogito, si quid in manibus, cogito ad verbum scribenti emendantique similis: nunc pauciora, nunc plura, ut vel difficile vel facile componi tenerive potuerunt. Notarium voco, et, die admissio, quae formaveram dicto: abit, rursusque revocatur, rursusque remittitur. Vbi hora quarta vel quinta (neque enim certum dimensumque tempus) ut dies suasit, in xystum me vel cryptoporticum confero; reliqua meditator et dicto. Vehiculum adscendo. Ibi quoque idem, quod ambulans aut iacens. Durat intentio, mutatione ipsa refecta: paullum redormio, dein ambulo, mox orationem Graecam Latinamve clare et intentè, non tam vocis causa, quam stomachi, lego: pariter tamen et illa firmatur. Iterum ambulo, ungor, exerceor, labor. Coenanti mihi, si cum uxore, vel paucis, liber legitur: post coenam, comoedi aut lyristes: mox cum meis ambulo, quorum in numero sunt eruditi. Ita variis sermonibus vespera extenditur, et, quamquam longissimus, dies cito conditur. Non nunquam ex hoc ordine aliqua mutantur. Nam si diu tacui, vel ambulavi, post somnum demum lectionemque, non vultus, sed (quod brevius, quia velocius) equo gestor. Veniunt amici ex proximis oppidis, partemque ad se trahunt, interdumque lassato mihi opus est.

PLIN. EP.

R

XXXIV.

Consulit, num versus, quos male legere dicatur, ipse pergat recitare, an liberto legendos tradat.

C. PLINIVS TRANQVILLO SVO S.

Explica aestum meum. Audio, me male legere, dumtaxat versus: orationes enim commodius, sed tanto minus versus. Cogito ergo, recitaturus familiaribus amicis, experiri libertum meum. Hoc quoque familiare, quod elegi, non bene, sed melius lecturum: si tamen non fuerit perturbatus. Est enim tam novus lector, quam ego poeta. Ipse nescio quid illo legente interim faciam, sedeam defixus, et mutus, et similis otioso, an (ut quidam) quae pronuntiabit, murmure, oculis, manu prosequar. Sed puto, me non minus male saltare, quam legere. Iterum dicam, explica aestum meum, vereque rescribe, num sit melius, pessime legere, quam ista vel non facere, vel facere. Vale.

XXXV.

Librum sibi missum, quum vacaverit, lecturum esse promittit: et ne diligentior amicus in retractatione sit, monet.

C. PLINIVS APPIO SVO S.

Librum, quem misisti, recepi, et gratias ago: sum tamen hoc tempore occupatissimus. Ideo nondum eum legi, quum alioqui validissime cupiam: sed eam reverentiam cum literis ipsis, tum scriptis tuis debeo, ut sumere illa, nisi vacuo animo, irreligiosum putem. Diligentiam tuam in retractandis operibus valde probabo. Est tamen aliquis modus, primum, quod nimis cura deterit magis, quam emendat; deinde, quod nos a recentioribus revocat, simulque nec absolvit priora, et inchinare posteriora non patitur. Vale.

XXXVI.

Quam vitae rationem et studiorum in secessu seu villa teneat, exponit.

(*Conf. 3, 5.*)

C. PLINIVS PVSCO SVO S.

Quaeris, quemadmodum in Tuscis diem aestate disponam. Evigilo quum libuit, plerumque circa horam primam, saepe ante, tardius raro: clausae fenestrae manent. Mire enim silentio et tenebris animus alitur. Ab iis, quae avocant, abductus, et liber, et mihi relictus, non oculos animo, sed animum oculis sequor, quae eadem, quae mens, vident, quoties, non vident alia. Cogito, si quid in manibus, cogito ad verbum scribenti emendantque similis: nunc pauciora, nunc plura, ut vel difficile vel facile componi tenerive potuerunt. Notarium voco, et, die admissio, quae formaveram dicto: abit, rursusque revocatur, rursusque remittitur. Vbi hora quarta vel quinta (neque enim certum dimensumque tempus) ut dies suasit, in xystrum me vel cryptoporticum confero; reliqua meditator et dicto. Vehiculum adscendo. Ibi quoque idem, quod ambulans aut iacens. Durat intentio, mutatione ipsa refecta: paulum redormio, dein ambulo, mox orationem Graecam Latinamve clare et intente, non tam vocis causa, quam stomachi, lego: pariter tamen et illa firmatur. Iterum ambulo, ungor, exerceor, labor. Coenanti mihi, si cum uxore, vel paucis, liber legitur: post coenam, comoedi aut lyristes: mox cum meis ambulo, quorum in numero sunt eruditi. Ita variis sermonibus vespera extenditur, et, quamquam longissimus, dies cito conditur. Non nunquam ex hoc ordine aliqua mutantur. Nam si diu tacui, vel ambulavi, post somnum demum lectionemque, non videro, sed (quod brevius, quia velocius) equo gestor. Interveniunt amici ex proximis oppidis, partemque cum ad se trahunt, interdumque lassato mihi opus est.

PLIN. EP.

R

interpellatione subveniunt. Venor aliquando non sine pugillaribus, ut, quamvis nihil ceperim nihil referam. Datur et colonis, ut videtur ipsi satis temporis, quorum mihi agrestes querelae nostras et isthaec urbana opera commendant. ¶

XXXVII.

*Excusat se, quod propter praediorum locat
Calepdis Ianuariis Paullino, consulatum
ro, non possit adesse.*

C. PLINIVS PAVLLINO SVO S

Nec tuae naturae est, translaticia haec et publica-officia a familiaribus amicis contra ipse commodum exigere: et ego te constantius amo, ut verear, ne aliter ac velim accipias, nisi te Cui statim consulem videro: praesertim quum me sitas locandorum praediorum plures annos ordi detineat; in qua mihi nova consilia sumenda. Nam priore lustro, quamquam post magnas res res, reliqua creverunt: inde plerisque nulla iam minuendi aeris alieni, quod desperant posse perapiunt etiam, consumuntque, quod natum est, iam putent se non sibi parcere. Occurrendum augescentibus vitiiis, et medendum est. Medent ratio, si non nummo, sed partibus locem, ac c ex meis aliquos exactores operi, custodes fructibus nam: et alioqui nullum iustius genus redditus, quod terra, caelum, annus refert. Ad hoc, maxime fidem, acres oculos, numerosas manus poscit: eriendum tamen, et, quasi in veteri morbo, quae mutationis auxilia tentanda sunt. Vides, quam delicata me causa obire primum consulatus tui non aseat: quem tamen hic ut praesens votis, gratulatione celebrabo. Vale.

XXXVIII.

*Rufum laudat, non tam precibus alienis, quam ipsius
meritis inductus.*

C. PLINIUS SATVRNINO SVO S.

Ego vero Rufum nostrum laudo: non quia tu, ut ita facerem, petiisti, sed quia est ille dignissimus. Legi enim librum omnibus numeris absolutum, cui multum apud me gratiae amor ipsius adiecit. Iudicavi tamen. Neque enim soli iudicant, qui maligue legunt. Vale.

XXXIX.

*Aedem Cereris refecturus, marmora et signum sibi
emi rogat.*

C. PLINIUS MVSTIO SVO S.

Aruspicum monitu reficienda est mihi aedes Cereris in praediis in melius et in maius. Vetus sane et angusta, quum sit alioqui stato die frequentissima. Nam Idibus Septembribus magnus e regione tota coet populus, multae res aguntur, multa vota suscipiuntur, multa redduntur, sed nullum in proximo suffugium aut imbris aut solis. Videor ergo munifice simul religioseque facturus, si aedem quam pulcherrimam extruxero, addidero porticus: illam ad usum deae, has ad hominum. Velim ergo emas quatuor marmoreas columnas, cuius tibi videbitur generis: emas marmora, quibus solum, quibus parietes excolantur. Erit etiam vel faciendum vel emendandum ipsius deae signum: quia antiquum illud e ligno quibusdam sui partibus vetustate truncatum est. Quantum ad porticus, nihil interim occurrit, quod videatur istincesse repetendum: nisi tamen, ut formam secundum rationem loci scribas: neque enim possunt circumdari templum: nam solum templi hinc flumine et abruptissimis rupibus via cingitur. Est ultra viam latissimum praedium, in quo satis apte contra templum ipsum porticus templi-

cabuntur: nisi quid tu melius inveneris, qui soles locorum difficultates arte superare. Vale.

XL.

Cui vitae studiorumque rationem aestivam, quam in recessu teneat, epist. XXXVI. perscripserat; eidem rogatus exponit etiam hibernam.

C. PLINIVS FVSCO SVO S.

Scribis, pergratas tibi fuisse literas meas, quibus cognovisti, quemadmodum in Tuscis otium aestatis exigerem: requiris, quid ex hoc in Laurentino hieme permutem. Nihil, nisi quod meridianus somnus eximitur, multumque de nocte vel ante vel post diem sumitur: et, si agendi necessitas instat, quae frequens hieme, non iam comoedo vel lyristae post coenam locus; sed illa, quae dictavi, identidem retractantur, ac simul memoriae frequenti emendatione proficitur. Habes aestate, hieme consuetudinem; addas huc, licet, auctumnus, quaeque inter hiemem aestatemque media, ut nihil de die perdunt, ita de nocte parvulum adquirunt. Vale.

LIBER DECIMVS.

In quo Epistolae Plinii ad Traianum Imperatorem, et Traiani ad Plinium.

I.

Imperium Traiana morte Nervae consequuto gratulatur.

C. PLINIVS TRAIANO.

Tua quidem pietas, Imperator sanctissime, optaverat, ut quam tardissime succederes patri: sed dii immortales festinaverunt virtutes tuas ad gubernacula reipublicae, quam succeperas, admovere. Pre-

cor ergo, ut tibi, et per te generi humano, prospera omnia, id est, digna seculo tuo, contingant. Porrem te et hilarem, Imperator optime, et privatim et publice opto.

II.

Iure trium liberorum donatus, gratias agit.

C. PLINIVS TRAIANO.

Exprimere, Domine, verbis non possum, quantum mihi gaudium attuleris, quod me dignum putasti iure trium liberorum. Quamvis enim Iulii Serviani, optimi viri, tuique amantissimi, precibus indulseris: tamen etiam ex rescripto intelligo, libentius hoc ei te praestitisse, quia pro me rogabat. Videor ergo summam voti mei consequutus, quum inter initia felicissimi principatus tui probaveris, me ad peculiarem indulgentiam tuam pertinere: eoque magis liberos concupisco; quos habere etiam illo tristissimo seculo volui, sicut potes duobus matrimoniis meis credere. Sed dii melius, qui omnia integra bonitati tuae reservarunt. Malui hoc potius tempore me patrem fieri, quo futurus essem et securus et felix.

III. (V)

Petit, ut Voconium in senatorium ordinem promoveat.

C. PLINIVS TRAIANO.

Indulgentia tua, Imperator optime, quam plenissimam exoptor, hortatur me, ut audeam tibi etiam pro amicis obligari; inter quos sibi vel praecipuum locum vindicat Voconius Romanus, ab incunato meo condiscipulus et contubernalis meus. Quibus ex causis et a divo patre tuo petieram, ut illum in amplissimum ordinem promoveret: sed hoc votum meum bonitati tuae reservatum est, quia per Romanam liberalitatem sestertii quadringentia, quae transferre se filio cordicillis ad patrem tuum, non potest.

ciendi tenacissima, preces nostras inherere: quia tamen in hoc quoque saepe indulsisti, admoneo simul et impense rogo, ut Accium Suram praetura exornare digneris, cum locus vacet. Ad quam spem alioqui quietissimum hortatur et natalium splendor, et summa integritas in paupertate, et ante omnia, felicitas temporum, quae bonam conscientiam civium tuorum ad usum indulgentiae tuae provocat et attollit.

VIII. (XIV.)¹

Sacerdotium sibi petit.

C. PLINIVS TRAIANO.

Quum sciam, Domine, ad testimonium laudemque morum meorum pertinere, tam boni principis iudicio exornari: rogo, dignitati, ad quam me provexit indulgentia tua, vel augurata, vel septemvirsatum, quia vacant, adicere digneris, ut iure sacerdotii precari deos pro te publice possim, quos nunc precor pietate privata.

IX. (XV.)

Victoriam Traiano gratulatur.

C. PLINIVS TRAIANO.

Victoriae tuae, optime Imperator, maximae, pulcherrimae, antiquissimae, et tuo nomine et reipublicae gratulor, deosque immortales precor, ut omnes cogitationes tuas tam laetus sequatur eventus; ut virtutibus tantis gloria imperii et lovetur et augeatur.

X. (XXVI.)

Servilii adventum nunciat.

C. PLINIVS TRAIANO.

Servilius Pudens legatus, Domine, VIII Calend, Decembr, Nicomediam venit, meque longae expectationis sollicitudine liberavit.

XI. (XXVII.)

Rosianum commendat.

C. PLINIVS TRAIANO.

Rosianum Geminum, Domine, arcetissimo vinculo mecum tua in me beneficia iunxerunt. Habui enim illum quaestorem in consulatu, mei summe observatissimum expertus. Tantam mihi post consulatum reverentiam praestat, ut publicae necessitudinis pigora privatis cumulet officiis. Rogo ergo, ut ipse apud te pro dignitate eius precibus meis faveas: cui et, si quid mihi credis, indulgentiam tuam dabis. Dabit ipse operam, ut in his, quae ei mandaveris, maiora mereatur. Parciores me in laudando facit, quod spero, tibi et integritatem eius, et probitatem, et industriam non solum ex eius honoribus, quos in urbe sub oculis tuis gessit, verum etiam ex commilitio, esse notissimam. Illud unum, quod propter caritatem eius nondum mihi videor satis plene fecisse, etiam atque etiam facio; teque, Domine, rogo, gaudere me exornata quaestoris mei dignitate, id est, per illum mea, quam maturissime velis.

XII.

Gratias agit, quod Coelum ex consulatu in Bithyniam missurus sit.

C. PLINIVS TRAIANO.

Difficile est, Domine, exprimere verbis, quantam perceperim laetitiam, quod et mihi et socrui meae praestitisti, ut ad finem consulatus Coelum Clementem in hanc provinciam transferres. Ex illo enim mensuram beneficii tui penitus intelligo, quum tam plenam indulgentiam cum tota domo mea experiar: cui referre gratiam parem ne audeo quidem, quamvis maxime debeam. Itaque ad vota confugio, deosque precor, ut iis, quae in me assidue confero, non indignus existimer.

XIII. (LXIV.)

Tabellarium regis Sauromatae ad Traianum mittit.

C. PLINIVS TRAIANO.

Scriptis mihi, Domine, Lycormas, libertus tuus, ut, si qua legatio a Bosporo venisset, urbem petitura, usque in adventum suum retineretur. Et legatio quidem, dumtaxat in eam civitatem, in qua ipse sum, nulla adhuc venit; sed venit tabellarius Sauromata, quem ego, usus opportunitate, quam mihi casus obtulerat, cum tabellario, qui Lycormam ex itinere praecessit, mittendum putavi, ut possis ex Lycormae et ex regis * epistolis pariter cognoscere, quae fortasse pariter scire deberes.

XIV. (LXV)

Diplomate esse tabellarium Sauromatae iuvisse significat.

C. PLINIVS TRAIANO.

Rex Sauromates scripsit mihi, esse quaedam, quae deberes quam maturissime scire: qua ex causa festinationem tabellarii, quem ad te cum epistolis misit, diplomate adiuvi.

XV. (LXVIII)

Excusat, quod legatum regis Sauromatae non retinuerit.

C. PLINIVS TRAIANO.

Legato Sauromatae regis, quum sua sponte Nicaeae, ubi me invenerat, biduo substitisset, longiorem moram faciendam, Domine, non putavi: primum quod incertum adhuc erat, quando libertus tuus Lycormas venturus esset; deinde quod ipse proficiscerbar in diversam provinciae partem, ita officii necessitate exigente. Haec in notitiam tuam perferenda existimaui, quia proxime scripseram, petiisse Lycormam, ut legationem, si qua venisset a Bosporo, usque in ad

ventum suum retinerem. Quod diutius faciendi nulla mihi probabilis ratio occurrit; praesertim quum epistolae Lycormae, quas detinere, ut ante praedixi, nolui, aliquot diebus hunc legatum antecessurae viderentur.

XVI. (LXXV)

*Callidromum, multorum variante fortuna servum,
Traiano mittit.*

C. PLINIUS TRAIANO.

Apuleius, Domine, miles, qui est in statione Nicomedensi, scripsit mihi, quendam nomine Callidromum, quum detineretur a Maximo et Dionysio pisto-ribus, quibus operas suas locaverat, confugisse ad tuam statuum, perductumque ad magistratus indicasse, servisse aliquando Laberio Maximo, captumque a Susago in Moesia, et a Decebalo muneri missum Pacoro, Parthiae regi, pluribusque annis in ministerio eius fuisse; deinde fugisse, atque ita in Nicomediam pervenisse. Quem ego perductum ad me, quum eadem narrasset, mittendum ad te putavi. Quod paullo tardius feci, dum requiro gemmam, quam sibi, habentem imaginem Pacori, et quibus insignibus ornatus fuisset, subtractam indicabat. Volui enim hanc quoque, si inveniri potuisset, simul mittere, sicut glebulam misi, quam se ex Parthico metallo attulisse dicebat. Signata est annulo meo, cuius aposphragisma quadriga.

XVII. (LXXXVI)

Procuratorem Caesaris testimonio prosequitur.

C. PLINIUS TRAIANO.

Maximum, libertum et procuratorem tuum, Domine, per omne tempus, quo fuimus una, probum, et industrium, et diligentem, ac, sicut rei tuae amantissimum, ita disciplinae tenacissimum expertus, libenter apud te testimonio prosequor ea fide, quam tibi debeo.

XVIII. (LXXXVII)

Gabium Bassum laudat apud Traianum.

C. PLINIVS TRAIANO.

Gabium Bassum, Domine, praefectum orae Ponticae, integrum, probum, industrium, atque inter ista reverentissimum mei expertus, voto pariter et suffragio prosequor, ea fide, quam tibi debeo: quem abunde consexi instructum commilitio tuo, cuius disciplinae debet, quod indulgentia tua dignus est. Apud me et milites et pagani, a quibus iustitia eius et humanitas penitus inspecta est, certatim ei, qua privatim, qua publice, testimonium retribuerunt. Quod in notitiam tuam perfero ea fide, quam tibi debeo.

XIX. (LXXXVIII)

Filium commilitonis sui, et ipsum acrem militem, commendat.

C. PLINIVS TRAIANO.

Nymphidium Lupum, Domine, primipilarem, commilitonem habui, quum ipse tribunus essem, ille praefectus: inde familiariter diligere coepi. Crevit postea caritas ipsa mutuae vetustate amicitiae. Itaque et quieti eius inieci manum, et exegi, ut me in Bithynia consilio instrueret. Quod ille amicissime, et otii et senectutis ratione postposita, et iam fecit, et facturus est. Quibus ex causis necessitudines eius inter meas numero, et filium in primis, Nymphidium Lupum, iuvenem probum, industrium, et egregio patre dignissimum, suffecturum indulgentiae tuae: sicut primis eius experimentis cognoscere potes, quum praefectus cohortis plenissimum testimonium meruerit Iulii Ferocis et Fusci Salinatoris, clarissimorum virorum. Meum gaudium, Domine, meam gratulationem filii honores continent.

PLINII ET TRAIANI EPISTOLAE
MVTVAE.

XX. (III)

*Excusat se, quod praefectus aerario patrocini-
um Afris negaverit, et rursus iubente senatu prae-
stiterit.*

C. PLINIVS TRAIANO IMP. S.

Vt primum me, Domine, indulgentia vestra pro-
movit ad praefecturam aerarii Saturni, omnibus ad-
vocationibus, quibus alioqui nunquam eram promi-
sue functus, renuntiavi, ut toto animo, delegato mihi
officio vacarem. Qua ex causa, quum patronum me
provinciales optassent contra Marium Priscum, et pe-
titi veniam huius muneris, et impetravi: sed cum post-
ea consul designatus censuisset, agendum nobiscum,
quorum erat excusatio recepta, ut essemus in senatus
potestate, pateremurque nomina nostra in urnam con-
iici, convenientissimum esse tranquillitati seculi puta-
vi, praesertim tam moderatae voluntati amplissimi or-
dinis non repugnare. Cui obsequio meo, opto, ut exi-
stimes constare rationem, quum omnia facta dictaque
mea probare sanctissimis moribus tuis cupiam.

XXI. (IV)

TRAIANVS PLINIO S.

*Et civis et senatoris boni partibus functus es,
obsequium amplissimi ordinis, quod iustissime exi-
gebat, praestando. Quas partes impleturum te se-
cundum susceptam fidem confido.*

XXII. (VII)

*Gratias agit pro impetratis, quae rogaverat, et
Alexandrinam quoque civitatem iatraliptae
suo petit.*

(Conf. ep. 4 et 5.)

C. PLINIVS TRAIANO.

Ago gratias, Domine, quod et ius Quiritium libe-

tis necessariae mihi feminae, et civitatem Romanam Harpocrati, iatraliptae meo, sine mora indulxisti. Sed quum annos eius et censum, sicut praeceperas, ederem, admonitus sum a peritioribus, debuisse me ante ei Alexandrinam civitatem impetrare, deinde Romanam, quoniam esset Aegyptius. Ego autem, quia inter Aegyptios ceterosque peregrinos nihil interesse credebam, contentus fueram hoc solum scribere tibi, eum scilicet a peregrina manumissum, patronamque eius iam pridem decessisse. De qua ignorantia mea non queror, per quam stetit, ut tibi pro eodem homine saepius obligarer. Rogo itaque, ut beneficio tuo legitime frui possim, tribuas ei et Alexandrinam civitatem, et Romanam. Annos eius et censum (ne quid rursus indulgentiam tuam moraretur) libertis tuis, quibus iusseras, misi.

XXIII. (VIII)

TRAIANVS PLINIO S.

Civitatem Alexandrinam secundum institutionem principum non temere dare proposui: sed cum Harpocrati, iatraliptae tuo, iam civitatem Romanam impetraveris, huic quoque petitioni tuae negare non sustineo. Tu ex quo nomo sit, notum mihi facere debebis, ut epistolam tibi ad Pompeium Plantam, praefectum Aegypti, amicum meum, mittam.

XXIV. (IX)

Commeatum in agro excurrendi petit, tum rerum suarum causa, tum ut templum exstruat.

C. PLINIUS TRAIANO IMP. S.

Quum divus pater tuus, Domine, et oratione pulcherrima, et honestissimo exemplo, omnes cives ad munificentiam esset cohortatus; petii ab eo, ut statuas principum, quas in longinquis agris per plures successiones traditas mihi, quales acceperam, custodiebam, permitteret in municipium transferre, adiecta sua sta-

tua. Quodque ille mihi cum plenissimo testimonio indulserat, ego statim decurionibus scripseram, ut assignarent solum, in quo templum pecunia mea extruerem: illi in honorem operis ipsius electionem loci mihi obtulerunt. Sed primum mea, deinde patris tui valetudine, postea curis delegati a vobis officii retentus, nunc videor commodissime posse in rem praesentem excurrere. Nam et menstruum meum Calend. Septembris finitur, et sequens mensis complures dies feriatis habet. Rogo ergo, ante omnia permittas mihi, opus quod inchoaturus sum, exornare et tua statua: deinde, ut hoc facere quam maturissime possim, indulgeas commeatum. Non est autem simplicitatis meae dissimulare apud bonitatem tuam, obiter te plurimum collaturam utilitatibus rei familiaris meae. Agrorum enim, quos in eadem regione possideo, locatio quum alioqui CCCC excedat, adeo non potest differri, ut proximam putationem novus colonus facere debeat. Praeterea continuae sterilitates cogunt me de remissionibus cogitare: quarum rationem, nisi praesens, inire non possum. Debebo ergo, Domine, indulgentiae tuae et pietatis meae celeritatem, et status ordinationem, si mihi ob utraque haec dederis commeatum XXX dierum. Neque enim angustius tempus praefinire possum, quum et municipium et agri, de quibus loquor, sint ultra centesimum et quinquagesimum lapidem.

XXV.

TRAIANVS PLINIO S.

Et privatas multas et omnes publicas causas petendi commeatus reddidisti: mihi autem vel sola voluntas tua suffecisset. Neque enim dubito te, ut primum potueris, ad tam districtum officium reversurum. Statuam poni mihi a te eo, quo desideras loco, quamquam eiusmodi honorum parcissimus, tamen patior, ne impedisse cursum erga me pietatis tuae videar.

XXVI. (XVI)

Suum ad Bithyniam accessum nuntiat.

C. PLINIUS TRAIANO IMP. S.

Quia confido, Domine, ad curam tuam pertinere, nuntio tibi, me Ephesum cum omnibus meis *unde Miletum* navigasse. Quamvis contrariis ventis retentus, nunc destino partim orariis navibus, partim vehiculis, provinciam petere. Nam sicut itineri graves aestus, ita continuæ navigationi etesiae reluctantur.

XXVII. (XVII)

TRAIANUS PLINIO S.

Recte renuntiasti mihi, Secunde carissime. Pertinet enim ad animum meum, quali itinere in provinciam pervenias. Prudenter autem constituis interim navibus, interim vehiculis uti, prout loca suaserint.

XXVIII. (XVIII)

Nuntiat se tandem in provinciam venisse, et rationes excutere, propter quas mensorem ex urbe petit.

C. PLINIUS TRAIANO IMP. S.

Sicut saluberrimam navigationem, Domine, namque Ephesum expertus, ita inde, postquam vehiculis iter facere coepi, gravissimis aestibus, atque etiam febriculis vexatus, Pergami substiti. Rursus, quum transissem in orarias naviculas, contrariis ventis retentus, aliquanto tardius, quam speraveram, id est XV. Calend. Octobres, Bithyniam intravi. Non possum tamen de mora queri, quum mihi contigerit, quod erat auspiciatissimum, natalem tuum in provincia celebrare. Nunc rei publicæ Prusensium impendia, reditus, debitores excutio: quod ex ipso tractu magis ac magis necessarium intelligo. Multae enim pecuniae variis ex *caussis* a privatis detinentur: praeterea quaedam *minime legitimis* sumptibus erogantur. Haec tibi, Domine,

in ipso ingressu meo scripsi. Quinto decimo Calend. Octobres, Domine, provinciam intravi, quam in eo obsequio, in ea erga te fide, quam de genere humano mereris, inveni. Dispice, Domine, an necessarium putes, mittere huc mensorem. Videntur enim non mediocres pecuniae posse revocari a curatoribus operum, si mensurae fideliter aguntur. Ita certe prospicio ex ratione Prusensium, quam cum Maximo traeto.

XXIX.

TRAIANVS PLINIO S.

Cuperem sine querela corpusculi tui, et tuorum, pervenire in Bithyniam potuisses, ac simile tibi iter ab Epheso ei navigationi fuisset, quam expertus usque illo eras. Quo autem die pervenisses in Bithyniam, cognovi, Secunde carissime, literis tuis. Provinciales, credo, prospectum sibi a me, intelligent. Nam et tu dubis operam, ut manifestum sit illis, electum te esse, qui ad eodem mei loco mittereris. Rationes autem in primis tibi rerum publicarum excutiendae sunt. Nam et esse eas vexatas satis constat. Mensores vix etiam iis operibus, quae aut Romae, aut in proximo, fiunt, sufficientes habeo: sed in omni provincia inveniuntur, quibus credi possit, et ideo non deerunt tibi, modo velis diligenter excutere.

XXX.

Consultit, custodiae per publicos servos adservandae sint, an per milites.

C. PLINIVS TRAIANO IMP. S.

Rogo, Domine, consilio me reges haesitantem, utrum per publicos civitatum servos (quod usque adhuc factum) an per milites, adservare custodias debeam. Vereor enim, ne et per servos publicos parum fideliter custodiantur, et non exiguum militum numerum haec cura distringat. Interim publicis servis par-

PLIN. EP.

S

os milites addidi. Video tamen periculum esse, ne id ipsum utriusque negligentiae causa sit; dum communem culpam hi in illos, illi in hos regere posse confidunt.

XXXI. (XXI)

TRAIANVS PLINIO S.

Nihil opus est, mi Secunde carissime, ad continendas custodias, plures commilitones converti. Perseveremus in ea consuetudine, quae isti provinciae est, ut per publicos servos custodiantur. Et enim, ut fideliter hoc faciant, in tua severitate ac diligentia positum est. In primis enim, sicut scribis, verendum est, ne, si permisceantur servis publicis milites, mutua inter se fiducia negligentiores sint: sed et illud haereat nobis, quam paucissimos milites a signis avocandos esse.

XXXII. (XXII)

Gur nondum a Basso supernumerarios milites revocaverit, significat.

C. PLINIUS TRAIANO IMP. S.

Gabius Bassus, praefectus orae Ponticae, et reverentissime et officiosissime, Domine, venit ad me, et compluribus diebus fuit mecum. Quantum perspicere potui, vir egregius, et indulgentia tua dignus: cui ego notum feci, praecepisse te, ut ex cohortibus, quibus me praeesse voluisti, contentus esset beneficiariis decem, equitibus duobus, centurione uno. Respondit, non sufficere sibi hunc numerum, idque te scripturum tibi. Hoc in causa fuit, quo minus statim revocandos putarem, quos habet supra numerum.

XXXIII. (XXIII)

TRAIANVS PLINIO S.

Et mihi scribit Gabius Bassus, non sufficere sibi eum militum numerum, qui ut daretur illi, mandata

meis complexus sum. Quod quaeris, scripsisse me, ut notum haberes, his literis subiici iussi. Multum interest, res poscat, an homines imperare latius velint. Nobis autem utilitas demum spectanda est: et quantum fieri potest, curandum, ne milites a signis absint.

XXXIV. (XXIV)

Prusensium nomine balineum rogat extrui.

C. PLINIVS TRAIANO IMP. S.

Prusenses, Domine, balineum habent et sordidum et vetus. Id itaque, indulgentia tua, restituere desiderant: ego tamen aestimans novum fieri debere, videris mihi desiderio eorum indulgere posse. Erit enim pecunia, ex qua fiat: primum ea, quam revocare a privatis et exigere iam coepi: deinde, quam ipsi erogare in oleum soliti, parati sunt in opus balinei conferre. Quod alioqui et dignitas civitatis, et seculi tui nitor postulat.

XXXV. (XXV)

TRAIANVS PLINIO S.

Si instructio novi balinei oneratura vires Prusensium non est, possumus desiderio eorum indulgere: modo ne quid ideo aut intribuant, aut minus illis in posterum fiat ad necessarias erogationes.

XXXVI. (XXVI)

De militibus, liberto Caesaris relinquendis, consulit.

C. PLINIVS TRAIANO IMP. S.

Maximus, libertus et procurator tuus, Domine, praeter decem beneficiarios, quos adsignari a me Gemellino, optimo viro, iussisti, sibi quoque confirmat necessarios esse milites. Ex his interim, sicut inveneram, in ministerio eius relinquendos existimaui: praesertim quum ad frumentum comparandum iret in Paphlagoniam. Quin etiam tutelae causa, quia desi-

derabat, addidi duos equites. In futurum quid servari velis, rogo rescribas.

XXXVII. (XXIX)

TRAIANVS PLINIO S.

Nunc quidem proficiscentem, ad comparationem frumentorum, Maximum, libertum meum, recte militibus instruxisti. Fungebatur enim et ipse extraordinario munere. Quum ad pristinum actum reversus fuerit, sufficient illi duo a te dati milites, et totidem a Virbio Gemellino, procuratore meo, quem adiuvat.

XXXVIII. (XXX)

Consulit de poena servorum inter tirones reperorum.

C. PLINIVS TRAIANO IMP. S.

Sempronius Caelianus, egregius iuvenis, repertos inter tirones, duos servos misit ad me: quorum ego supplicium distuli, ut te, conditorem disciplinae militaris firmatoremque, consulerem de modo poenae. Ipse enim dubito ob haec maxime, quod, ut iam dixerant, sacramento militari nondum distributi in numeros erant. Quid ergo debeam sequi, rogo, Domine, scribas, praesertim quum pertineat ad exemplum.

XXXIX. (XXXI)

TRAIANVS PLINIO S.

Secundum mandata mea fecit Sempronius Caelianus, mittendo ad te eos, de quibus cognosci oportebat, an capitale supplicium meruisse videantur. Refert autem, voluntarii se obtulerint, an lecti sint, vel etiam vicarii dati. Lecti si sunt, inquisitor peccavit: si vicarii dati, penes eos culpa est, qui dederunt: si ipsi, quum haberent conditionis suae conscientiam, venerunt, animadvertendum in illos erit. Neque enim multum interest, quod nondum

per numeros distributi sunt. Ille enim dies, quo primum probati sunt, veritatem ab his originis suae exigit.

XL (XXXII)

Quaerit, quid faciendum de damnatis sit, qui ministeriis publicis se immiscuerunt.

C. PLINIVS TRAIANO IMP. S.

Salva magnitudine tua, Domine, descendas oportet ad meas curas, quum ius mihi delectis referendi ad te, de quibus dubito. In plerisque civitatibus, maxime Nicomediae et Niceae, quidam vel in opus damnati, vel in ludum, similiaque his genera poenarum. publicorum servorum officio ministerioque funguntur, atque etiam, ut publici servi, annua accipiunt. Quod ego quum audissem, diu multumque haesitavi, quid facere deberem. Nam et reddere poenae post longum tempus plerosque iam senes, et, quantum adfirmatur, frugaliter modesteque viventes, nimis severum arbitrabar; et in publicis officiis retinere damnatos, non satis honestum putabam; eosdem rursus a republica pasci otiosos, inutile; non pasci, etiam periculosum existimabam. Necessario ergo rem totam, dum te consularem, in suspensio reliqui. Quaeres fortasse, quemadmodum evenit, ut poenis, in quas damnati erant, exsolverentur: et ego quaesivi, sed nihil comperi, quod adfirmare tibi possum. Ut decreta, quibus damnati erant, proferebantur; ita nulla monimenta, quibus liberati probarentur. Erant tamen, qui dicerent deprecantes, iussu proconsulum legatorumve dimissos. Addebat fidem, quod credibile erat, neminem hoc ausum sine auctore.

XLI. (XXXIII)

TRAIANVS PLINIO S.

Memineris, idcirco te in istam provinciam missum, quoniam multa in ea emendanda apparuerint.

Erit autem vel hoc maxime corrigendum, quod qui damnati ad poenam erant, non modo ea sine auctore, ut scribis, liberati sunt, sed etiam in conditionem proborum ministrorum retrahuntur. Qui igitur intra hos proximos decem annos damnati, nec ullo idoneo auctore liberati sunt, hos oportebit poenae suae reddi: si qui vetustiores invenientur, et senes, ante annos decem damnati, distribuamus illos in ea ministeria, quae non longe a poena sint. Solent enim eiusmodi, ad balineum, ad purgationes cloacarum, item munitiones viarum et vicorum, dari.

XLII. (XXXIV)

Nicomedense incendium narrat, et institutionem collegii fabrū commendat.

C. PLINIVS TRAIANO IMP. S.

Quum diversam partem provinciae circumirem, Nicomediae vastissimum incendium multas privatorum domos, et duo publica opera, quamquam via interiacente, Gerasiā et Isson, absumsit. Est autem latius sparsum: primum violentia venti, deinde inertia hominum, quod satis constat otiosos et immobiles tanti mali spectatores perstitisse: et alioqui nullus usquam in publico siphō, nulla hama, nullum denique instrumentum ad incendia compescenda. Et haec quidem, ut iam praecepi, parabuntur. Tu, Domine, dispice, an instituendam putes collegium fabrorum, dumtaxat hominum GL; ego attendam, ne quis, nisi faber, recipiatur, neve iure concesso in aliud utatur. Nec erit difficile custodire tam paucos.

XLIIL (XXXV)

TRAIANVS PLINIO S.

Tibi quidem secundum exempla complurium in mentem venit, posse collegium fabrorum apud Nicomedenses constitui. Sed meminerimus, provinciam

istam, et praecipue eas civitates, ab eiusmodi factionibus esse vexatas. Quodcunque nomen ex quacunque causa dederimus iis, qui in idem contracti fuerint, hetaeriae, quamvis breves, fient. Satius itaque est comparari ea, quae ad coercendas ignes auxilio esse possint, admonerique dominos praediorum, ut se ipsi inhibeant; ac, si res poposcerit, accursu populi ad hoc uti.

XLIV. (XXXVI)

Vota pro principis salute suscepta et soluta nuntiat.

C. PLINIUS TRAIANO IMP. S.

Solennia vota pro incolumitate tua, qua, publica salus continetur, et suscipimus, Domine, pariter et solvimus, precati deos, ut velint ea semper solvi, semperque signari.

XLV. (XXXVII)

TRAIANVS PLINIO S.

Et solvisse vos cum provincialibus, diis immortalibus vota pro mea salute et incolumitate, et nuncupasse, libenter, mi Secunde carissime, cognovi ex literis tuis.

XLVI. (XXXVIII)

Aquaeductum, Nicomediae frustra inceptum, perfici posse, si ex urbe aquilex mittatur.

C. PLINIUS TRAIANO IMP. S.

In aquaeductum, Domine, Nicomedenses impenderunt HS XXX. CCC. XXVIII, qui imperfectus adhuc relictus, ac etiam destructus est: rursus in alium ductum erogata sunt CC. Hoc quoque relicto, novo impendio est opus, ut aquam habeant, qui tantam pecuniam male perdiderunt. Ipse perveni ad fontem purissimum, ex quo videtur aqua debere perducī, sicut initio tentatum erat, arcuato opere, ne tantum ad plana civitatis et humilia perveniat. Manent

adhuc paucissimi arcus: possunt et erigi quidam lapide quadrato, qui ex superiore opere detractus est: aliqua pars, ut mihi videtur, testaceo opere agenda erit. Id enim et facilius et vilius. Et in primis necessarium est, mitti a te vel aquilegem vel architectum, ne rursus eveniat, quod accidit. Ego illud unum adfirmo, et utilitatem operis et pulchritudinem seculo tuo esse dignissimam.

XLVII. (XXXIX)

TRAIANVS PLINIO S.

Curandum est, ut aqua in Nicomedensem civitatem perducatur. Vere credo, te ea, qua debebis, diligentia hoc opus adgressurum. Sed, me Deus fidius, ad eandem diligentiam tuam pertinet, inquire, quorum vitio ad hoc opus tantam pecuniam Nicomedenses perdiderint, ne, quum inter se gratificentur, et inchoaverint aquaeductus, et reliquerint. Quid itaque compereris, perfer in notitiam meam.

XLVIII.

De Nicensium et Claudiopolitanorum aedificationibus consulit.

C. PLINIVS TRAIANO IMP. S.

Theatrum, Domine, Niceae maxima iam parte constructum, imperfectum tamen, sestertium, ut audio, (neque enim ratio plus excussa est) amplius centies hansit: vereor ne frustra. Ingentibus enim ruinis descendit et hiat, sive in caussa solum humidum et molle, sive lapis ipse gracilis et pntis: dignum est certe deliberatione, sitne faciendum, an sit relinquendum, an etiã destruendum. Nam fulturae ac substructiones, quibus subinde suscipitur, non tam firmæ mihi quam sumtuosae videntur. Hinc theatro ex privatorum pollicitationibus multa debentur, ut basilicæ circa, ut porticus supra caveam: quæ nunc

omnia differuntur cessante eo, quod ante peragendum est. Idem Nicenses gymnasium, inexcusabile amissum, ante adventum meum restituere coeperunt longe numerosius laxiusque, quam fuerat. Etiam aliquantum erogaverunt: periculum est, ne parum utiliter. Incompositum enim et sparsum est. Praeterea architectus, sane aemulus eius, a quo opus inchoatum est, adfirmat, parietes (quamquam viginti et duos pedes latos) imposita onera sustinere non posse, quia sine caemento medio farti, nec testaceo opere praecincti. Claudiopolitani quoque in depresso loco, imminente etiam monte, ingens balineum defodiunt magis, quam aedificant, et quidem ex ea pecunia, quam bulentae reddunt beneficio tuo, aut iam obtulerunt ob introitum, aut nobis exigentibus conferent. Ergo quum timeam, ne illic publica pecunia, hic, quod est onni pecunia pretiosius, munus tuum male collocetur; cogor petere a te, non solum ob theatrum, verum etiam ob haec balinea, mittas architectum, dispecturum, utrum sit utilius post sumtum, qui factus est, quoquo modo consummare opera, ut inchoata sunt: an, quae videntur emendanda, corrigere; quae transferenda, transferre; ne, dum servare volumus, quod impensum est, male impendamus, quod addendum est.

XLIX. (XLI)

TRAIANVS PLINIO S:

Quid oporteat fieri circa theatrum, quod inchoatum apud Nicenses est, in re praesenti optime deliberabis et constitues. Mihi sufficit indicari, cui sententiae adcesseris. Tunc autem a privatis exigere opera tibi curae sit, quum theatrum (propter quod illa promissa sunt) factum erit. Gymnasiis indulgent Graeculi: ideo forsitan Nicenses maiore animo constructionem eius adgressi sunt: sed oportet illos eo contentos esse, quod possit illis sufficere. Quod Claudiopolitanis circa balineum, quod per-

rum (ut scribis) idoneo loco inchoaverunt, suadendum sit, tu constitues. Architecti tibi deesse non possunt. Nulla provincia est, quae non peritos et ingeniosos homines habeat: modo ne existimes, brevius esse, ab urbe mitti, quam ex Graecia etiam ad nos venire soliti sunt.

L. (XLII)

Suadet, ut lacus Nicomedensis cum mari fossa coniungatur.

C. PLINIVS TRAIANO IMP. S.

Intuenti mihi et fortunae tuae et animi magnitudinem, convenientissimum videtur, demonstrare opera non minus aeternitate tua, quam gloria digna, quantumque pulchritudinis, tantum utilitatis habitura. Est in Nicomedensium finibus amplissimus lacus: per hunc marmora, fructus, ligna, materiae, et sumtu modico et labore usque ad viam navibus, inde, magno labore, maiore impendio, vehiculis ad mare devehuntur. Sed hoc opus multas manus poscit. At haec pro re non desunt. Nam et in agris magna copia est hominum, et maxima in civitate: certa quoque spes, omnes libentissime adgressuros opus omnibus fructuosum. Superest, ut tu libratores vel architectum, ai tibi videbitur, mittas, qui diligenter exploret, sitne lacus altior mari, quem artifices regionis huius quadraginta cubitis altiore esse contendunt. Ego per eadem loca invenio fossam a rege percussam: sed incertum, utrum ad colligendum humorem circumiacentium agrorum, an ad committendum flumini lacum; est enim imperfecta: hoc quoque dubium, intercepto rege mortalitate, an desperato operis effectu. Sed hoc ipso (feres enim me ambitiosum) pro tua gloria incitor et accendor, ut cupiam peragi a te, quae tantum coeperant reges.

LI. (XLIII)

TRAIANVS PLINIO S.

Potest nos sollicitare lacus iste, ut committere illum mari velimus : sed plane explorandum est diligenter, ne, si immissus in mare fuerit, totus effluat; certe, quantum aquarum, et unde accipiat. Poteris a Calpurnio Macro petere librato-rem, et ego hinc aliquem tibi, peritum eiusmodi operum, mittam.

LII. (XLIV)

De sumtu Byzantium, in legationem ad principem quotannis facto, consulit.

C. PLINIVS TRAIANO IMP. S.

Requiriti mihi Byzantium reipublicae impendia, quae maxima fecit, indicatum est, Domine, legatum ad te salutandum annis omnibus cum psephis-
mate mitti, eique dari nummorum duodena millia. Memor ergo propositi tui, legatum quidem retinen-
dum, psephisma autem mittendum putavi, ut simul et sumtus levaretur, et impleretur publicum officium. Eidem civitati imputata sunt terna millia, quae via-
tici nomine annua dabantur legato eunti ad eum, qui Moesiae praest, publice salutandum. Haec ego in
posterum circumcidenda existinavi. Te, Domine, rogo, ut, quid sentias, rescribendo, aut consilium
meum confirmare, aut errorem emendare digneris.

LIII. (XLV)

TRAIANVS PLINIO S.

*Optime fecisti, Secunde carissime, duodena ista Byzantiis, quae ad salutandum me in legatum im-
pendebantur, remittendo. Fungetur his partibus,
etsi solum eorum psephisma per te missum fuerit.
Ignoscet illis et Moestae praeses, si minus illum
sumtuose coluerint,*

LIV. (XLVI)

Diplomata quamdiu valeant, deceri cupit.

C. PLINIVS TRAIANO IMP. S.

Diplomata, Domine, quorum dies praeterita, an omnino observari, et quamdiu velis, rogo scribas, meque haesitatione liberes. Vereor enim, ne in alterutram partem ignorantia lapsus, aut illicita confirmem, aut necessaria impediam.

LV. (XLVII)

TRAIANVS PLINIO S.

Diplomata, quorum praeteritus est dies, in usu esse non debent. Ideo inter prima injungo mihi, ut per omnes provincias ante mittam nova diplomata, quam desiderari possint.

LVL (XLVIII)

An Apameorum rationes, quod putabant contra privilegia esse, inspiciendae sint, consulit.

C. PLINIVS TRAIANO IMP. S.

Quum vellem Apameae, Domine, cognoscere publicos debitores, et redditum, et impendia; responsum est mihi, cupere quidem universos, ut a me rationes coloniae legerentur; nunquam tamen esse lectas ab ullo proconsulum; habuisse privilegium et vetustissimum morem, arbitrio suo rempublicam administrare. Exegi, ut, quae dicebant, quaeque recitabant, libello complecterentur: quem tibi, qualem acceperam, misi, quamvis intelligerem, pleraque ex illo ad id, de quo quaeritur, non pertinere. Te rogo, ut mihi praecipere digneris, quid me putes observare debere. Vereor enim, ne aut excessisse, aut non impleuisse officii mei partes videar.

LVII. (XLIX)

TRAIANVS PLINIO S:

Libellus Apameorum, quem epistolae tuae iunxeras, remisit mihi necessitatem perpendendi, quae

lia essent, propter quae videri volunt eos, qui pro consulibus hanc provinciam obtinuerunt, abstinuisse inspectione rationum suarum, quum ipsum te, ut eas inspiceres, non recusaverint. Remuneranda est igitur probitas eorum: ut iam nunc sciant, hoc, quod inspecturus es, ex mea voluntate, salvis, quae habent, privilegiis, esse facturum.

LVIII. (L)

Consulit, an aedes Matris Magnae transferri possit.

C. PLINIUS TRAIANO IMP. S.

Ante adventum meum, Domine, Nicomedenses priori foro novum adiacere coeperunt, cuius in angulo est aedes vetustissima Matris Magnae, aut reficienda, aut transferenda: ob hoc praecipue, quod est multo depressior opere eo, quod nunc maxime surgit. Ego, quum quaererem, num esset aliqua lex dicta templo, cognovi alium hic, alium apud nos esse morem dedicationis. Dispice ergo, Domine, an putes aedem, cui nulla lex dicta est, salva religione posse transferri: alioqui commodissimum est, si religio non impedit.

LIX. (LI)

TRAIANVS PLINIO S.

Potes, mi Secunde carissime, sine solitudine religionis, si loci positio videtur hoc desiderare, aedem Matris Deum transferre in eam, quae est accommodatior: nec te moveat, quod lex dedicationis nulla reperitur, quum solum peregrinae civitatis capax non sit dedicationis, quae fit nostro iure.

LX. (LII)

Diem imperti solemniter celebratum esse nuntiat.

C. PLINIUS TRAIANO IMP. S.

Diem, Domine, quo servasti imperium, dum suscipis, quanta mereris laetitia, celebravimus, precamur

deos, ut te generi humano, cuius tutela et securitas salutis tuae innisa est, incolumem florentemque praestarent. Praeimus, et commilitonibus ius iurandum more solemni praestantibus, et provincialibus, qui eadem certant pietate, iurantibus.

LXI. (LIV.)

TRAIANVS PLINIO S.

Quanta religione ac laetitia commilitones cum provincialibus, te praeunte, diem imperii tui celebraverint, libenter, mi Secunde carissime, cognovi ex literis tuis.

LXII. (LV.)

De usu publicae pecuniae consult.

C. PLINIVS TRAIANO IMP. S.

Pecuniae publicae, Domine, providentia tua et ministerio nostro etiam exactae sunt et exiguntur: quae vereor ne otiosae iaceant. Nam et praediorum comparandorum aut nulla aut rarissima occasio est: nec inveniuntur, qui velint debere, reipublicae praesertim, [duodenis] assibus, quanti a privatis mutuantur. Dispice ergo, Domine; numquid minuendam usuram, ac per hoc idoneos debitores invitandos, putes; et, si ne sic quidem reperiuntur, distribuendum inter decuriones pecuniam, ita ut recte reipublicae caveant: quod, quamquam invitis et recusantibus, minus acerbum erit, levioze usura constituta.

LXIII. (LVI.)

TRAIANVS PLINIO S.

Et ipse non aliud remedium dispicio, mi Secunde carissime, quam ut quantitas usurarum minuat, quo facilius pecuniae publicae collocentur. Modum eius ex copia eorum, qui mutuabuntur, tu constitues. Invitos ad accipiendum compellere, quod fortassis ipsis otiosum futurum sit, non est ex iustitia nostrorum temporum.

LXIV. (LVII)

De relegatis Imperatorem consult.

C. PLINIVS TRAIANO IMP. S.

Summas, Domine, gratias ago, quod inter maximas occupationes iis, de quibus te consului, me quoque regere dignatus es: quod nunc quoque facias rogo. Adiit enim me quidam, indicavitque, adversarios suos a Servilio Calvo, clarissimo viro, in triennium relegatos, in provincia morari: illi contra, ab eodem se restitutos adfirmaverunt, edictumque recitaverunt: qua causa necessarium credidi, rem integram ad te referre. Nam sicut mandatis tuis cantum est, ne restituam ab alio aut a me relegatos; ita de iis, quos alius relegaverit, et restituerit, nihil comprehensum est. Ideo tu, Domine, consulendus fuisti, quid observare me velles, tam, Hercule, de his, quam de illis, qui in perpetuum relegati, nec restituti, in provincia deprehenduntur. Nam haec quoque species insidit in cognitionem meam. Est enim adductus ad me in perpetuum relegatus a Iulio Basso proconsule. Ego, quia sciebam acta Bassi rescissa, datumque a senatu omnibus, de quibus ille aliquid constituisset, ex integro agendi dumtaxat per biennium, interrogavi tunc, quem relegaverat, an adiisset, docuissetque proconsulem: negavit. Per quod effectum est, ut te consularem, reddendum eum poenae suae, an gravius aliquid, et quid potissimum constituendum putares et in hunc, et in eos, si qui forte in simili conditione inrenirentur. Decretum Calvi et edictum, item decretum Bassi his literis subieci.

LXV. (LVIII)

TRAIANVS PLINIO S.

Quid in personam eorum statuendum sit, qui a Publio Servilio Calvo proconsule in triennium relegati, et mox eiusdem edicto restituti in provin-

cia remanserunt, proxime tibi rescribam, quum causas huius facti a Calvo requisiero. Qui a Iulio Basso in perpetuum relegatus est, quum per biennium agendi facultatem habuerit, si existimabat se iniuria relegatum, neque id fecerit, atque in provincia morari perseveraverit, vinctus mitti ad praefectos praetorii mei debet. Neque enim sufficit, eum poenae suae restitui, quam contumacia elusit.

LXVI.

De Archippo philosopho, in metallum damnato, consulit.

C. PLINIVS TRAIANO IMP. S.

Quum citarem iudices, Domine, conventum inchoaturus, Flavius Archippus vacationem petere coepit, ut philosophus. Fuerunt qui dicerent, non modo liberandum eum iudicandi necessitate, sed omnino tollendum de iudicum numero, reddendumque poenae, quam fractis vinculis evasisset. Recitata est sententia Velii Pauli proconsulis, qua probatur Archippus crimine falsi damnatus in metallum: ille nihil proferebat, quo restitutum se doceret. Allegabat tamen pro restitutione et libellum a se Domitiano datum, et epistolas eius ad honorem suum pertinentes, et decretum Prusensium. Addebat his et literas tuas scriptas sibi: addebat et patris tui edictum, et epistolam, quibus confirmasset beneficia a Domitiano data. Itaque, quamvis eidem talia crimina applicarentur, nihil decernendum putavi, donec te consulerem de eo, quod mihi constitutione tua dignum videbatur. Ea, quae sunt utrimque recitata, his literis subieci.

EPISTOLA DOMITIANI AD TERTIVM MAXIMVM.

Flavius Archippus philosophus impetravit a me, ut agrum ei DC circa Prusidem, patriam suam,

ami iuberem, cuius reditu suos alere posset. Quod ei praestari volo: summam expensam liberalitati meae feres.

EIVSDEM AD L. APPIVM MAXIMUM.

Archippum philosophum, bonum virum, et professioni suae, etiam maioribus respondentem, commendatum habeas velim, mi Maxime, et plenam ei humanitatem tuam praestes in iis, quae verecunde a te desideraverit.

EDICTVM DIVI NERVAE.

QUAEDAM SINE DVBIO, QVIRITES, IPSA FELICITAS TEMPORVM EDICIT, NEC SPECTANDVS EST IN IIS BONVS PRINCEPS, QVIBVS ILLVM INTELLIGI SATIS EST, QVVM HOC SIBI QVISQVE CIVIVM MEORVM SPONDERE POSSIT, ME SECVKITATEM OMNIVM QVIRTI MEAE PRAETVLISSE, VT ET LIBENTER NOVA BENEFICIA CONFERREM; ET ANTE ME CONCESSA SERVAREM. NE TAMEN ALIQVAM CAVDIS PVBLICIS ADFERAT HESITATIONEM VEL EORVM QVI IMPETRAVERVNT DIFFIDENTIA, VEL EIVS MEMORIA QVI PRAESTITIT, NECESSARIVM PARITER CREDIDI AC LAETVM, ORVIAM DVBITANTIIVS INDVLGENTIAM MEAM MITTERE. NOLO EXISTIMET QVISQVAM, QVAE ALIO PRINCIPE VEL PRIVATIM VEL PVBLICE CONSEQVVTVS, IDEO SALTEM A ME RESCINDI, VT POTIVS MIHI DEBEAT, SI ILLA RATA ET CERTA [FECERO]: NEC GRATVLATIO VLLIVS INSTAVRATIS EGRET PRECIIVS, [ET QVI NON HABENT, ME,] QVEM FORTVNA IMPERII VULTV MELIORE RESPEXIT. ME NOVIS BENEFICIIS VACARE PATIANTVR: ET EA DEMVM SCIANT ROGANDA ESSE, QVAE NON HABENT.

EPISTOLA EIVSDEM AD T
LIVM IVSTVM.

*Quum rerum omnium ordinatio, quae prio
temporibus inchoatae consummatae sunt, o
vanda sit, tum epistolis etiam Domitiani stat
est.*

LXVII. (LX)

Archippi et accusatricis libellos mittit princ

C. PLIN VS TRAIANO IMP S

Flavius Archippus per salutem tuam aeter
temque petit a me, ut libellum, quem mihi dedit,
terem tibi. Quod ego sic roganti praestandum p
ita tamen, ut missurum me, notum accusatrici
facerem, a qua et ipsa acceptum libellum his epi
iunxi, quo facilius, velut audita utraque parte, d
ceres, quid statuendum putares.

LXVIII. (LXI)

TRAIANVS PLINIO S.

*Potuit quidem ignorasse Domitianus, in
statu esset Archippus, quum tam multa ad
rem eius pertinentia scriberet; sed meae na
accommodatius est credere, etiam statui eius
ventum interventu principis: praesertim
etiam statuarum ei honor toties decretus sit a
qui ignorabant, quid de illo Paullus proconsul
nuntiasset. Quae tamen, mi Secunde caris
non eo pertinent, ut, si quid illi novi criminis
ciatur, minus de eo audiendum putes. Libellos
riae Primae accusatricis, item ipsius Arch
quos alteri epistolae tuae iunxeras, legi.*

LXIX.

*Rursus de lacu Nicomedensium cum mari com
tendo scribit, seu respondet ad epist. LI.*

C. PLINIVS TRAIANO IMP. S

Tu quidem, Domine, providentissime veteri

commissus flumini, atque ita mari, lacus effluat, sed ego in re praesenti invenisse videor, quemadmodum huic periculo occurrerem. Potest enim lacus fossa usque ad flumen adduci, nec tamen in flumen emitti, sed relicto quasi margine contineri pariter et dirimi: sic consequemur, ut nec vicino videatur flumini missus, et sit perinde ac si misceatur. Erit enim facile per illam brevissimam terram, quae interiacebit, advecta fossa onera transponere in flumen. Quod ita fiet, si necessitas coget; et, spero, non coget. Est enim et lacus ipse satis altus, et nunc in contrariam partem flumen emittit; quod interclusum inde, et quo volumus aversum, sine ullo detrimento, lacui tantum aquae, quantum nunc portat, adfundet. Praeterea per id spatium, per quod fossa facienda est, incidunt rivi: qui si diligenter colligantur, augebunt illud, quod lacus dederit. Enimvero si placeat fossam longius ducere, et arctius pressam mari aequare, nec in flumen, sed in ipsum mare emitte, repercussus maris servabit et reprimet quidquid e lacu veniet. Quorum si nihil nobis loci natura praestaret, expeditum tamen erat, cataractis aquae cursum temperare. Verum et haec et alia multo sagacius conquiret explorabitque librator, quem plane, Domine, debes mittere, ut polliceris. Est enim res digna et magnitudine tua et cura. Ego interim Calpurnio Macro, clarissimo viro, auctore te, scripsi, ut libratores quam maxime idoneum mitteret.

LXX. (LXIII)

TRAIANVS PLINIO S.

Manifestum est, mi Secunde carissime, nec prudentiam nec diligentiam tibi defuisse circa istum lacum, quum tam multa provisae habeas, per quas nec periclitetur exhauriri, et magis in usus nobis futurus sit. Elige igitur id, quod praecipue res ipsa suaserit. Calpurnium Macro credo facturum.

ut libratore instruat: neque enim provinciae istae his artificibus carent.

LXXI. (LXVI)

De libere natis, expositis, et in servitute educatis, quaerit.

C. PLINIVS TRAIANO IMP. S.

Magna, Domine, et ad totam provinciam perti-
nens quaestio est de conditione et alimentis eorum,
quos vocant *ᾠπετρούς*. In qua ego, auditis consti-
tutionibus principum, quia nihil inveniebam aut pro-
prium, aut universale, quod ad Bithynos ferretur,
consulendum te existimavi, quid observari velles.
Neque enim putavi, posse me in eo, quod auctorita-
tem tuam posceret, exemplis esse contentum. Reci-
tabatur autem apud me edictum, quod dicebatur divi
Augusti, ad Anniam pertinens: recitatae et epistolae
divi Vespasiani ad Lacedaemonios et divi Titi ad eos-
dem, dein ad Achaeos: et Domitiani ad Avidium Ni-
grinum et Armenium Brocchum, proconsules, item
ad Lacedaemonios: quae ideo tibi non misi, quia et
parum emendata, et quaedam non certae fidei vide-
bantur, et quia vera et emendata in scriniis tuis esse
credebam.

LXXII. (LXVII)

TRAIANVS PLINIO S.

*Quaestio ista, quae pertinet ad eos, qui liberi
nati, expositi, deinde sublati a quibusdam, et in
servitute educati sunt, saepe tractata est: nec
quidquam invenitur in commentariis eorum princi-
pum, qui ante me fuerunt, quod ad omnes provin-
cias sit constitutum. Epistolae sane sunt Domi-
tiani ad Avidium Nigrinum et Armenium Broc-
chum, quae fortasse debeant observari: sed inter
eas provincias, de quibus rescripsit, non est Bithy-
nia: et ideo nec adsertionem denegandam vis, qui*

ex eiusmodi caussa in libertatem vindicabuntur, puto, neque ipsam libertatem redimendam pretio alimentorum.

LXXIII. (LXIX)

An reliquias mortuorum transferre liceat, Traianum, tanquam P. M. consulit.

C. PLINIUS TRAIANO IMP. S.

Potentibus quibusdam, ut sibi reliquias suorum, aut propter iniuriam vetustatis, aut propter fluminis iucursum, aliaque his similia quaecunque, secundum exemplum proconsulum, transferre permitterem, quia sciebam in urbe nostra ex eiusmodi caussis collegium pontificum adiri solere, te, Domine, maximum pontificem, consulendum putavi, quid observare me velia.

LXXIV. (LXX)

TRAIANVS PLINIO S.

Durum est iniungere necessitatem provincialibus pontificum adeundorum, si reliquias suorum propter aliquas iustas caussas transferre ex loco in alium locum velint. Sequenda ergo potius tibi exempla sunt eorum, qui isti provinciae praefuerunt, et ex caussa cuique ita aut permittendum, aut negandum.

LXXV. (LXXI)

Locum idoneum ostendit, ubi balineum, ab Imperatore Prusensibus concessum, possit exstrui.

C. PLINIUS TRAIANO IMP. S.

Quaerenti mihi, Domine, Prusae ubi posset balineum, quod indulisti, fieri, placuit locus, in quo fuit aliquando domus, ut audio, pulchra, nunc deformis ruinis. Per hoc enim consequemur, ut foedissima facies civitatis ornetur, atque etiam, ut ipsa civitas amplietur, nec ulla aedificia tollantur, sed quae sunt ve-

tustate sublapsa, reparentur in melius. Est autem huius domus conditio talis. Legaverat eam Claudius Polyaeus Claudio Caesari, iusseratque in peristylis templum ei fieri, reliqua ex domo locari, ex quo reditum aliquamdiu civitas percepit: deinde paulatim partim spoliata, partim neglecta, cum peristylis domus tota collapsa est: ac iam paene nihil ex ea, nisi solum superest: quod tu, Domine, sive donaveris civitati, sive venire iusseris, propter opportunitatem loci pro summo munere accipiet. Ego, si permiseris, cogito in area vacua balineum collocare; cum autem locum, in quo aedificia fuerunt, exhedra et porticibus amplecti, atque tibi consecrare, cuius beneficio elegans opus dignumque nomine tuo fiet. Exemplar testamenti, quamquam mendosum, misi tibi; ex quo cognosces, multa Polyaeum in eiusdem domus ornatum reliquisse, quae, ut domus ipsa, perierunt, a me tamen, in quantum potuerit, requirentur.

LXXVI. (LXXII)

TRAIANVS PLINIO S.

Possumus apud Prusenses area ista cum domo collapsa, quam vacare scribis, ad exstructionem balinei uti. Illud tamen parum expressisti, an aedes in peristylis Claudio facta esset. Nam si facta aedes esset, licet collapsa sit, religio eius occupavit solum.

LXXVII. (LXXIII)

Consulit de liberis agnoscendis et natalibus restituendis.

C. PLINIVS TRAIANO IMP. S.

Postulantibus quibusdam, ut de agnoscendis liberis restituendisque natalibus et secundum epistolam Domitiani scriptam Minucio Rufu, et secundum exempla proconsulum, ipse cognoscerem, respexi ad SC. pertinens ad eadem genera causarum, quod de his

antum provinciis loquitur, quibus proconsules praesunt: ideoque rem integram distuli, dum tu, Domine, praeceperis, quid observare me velis.

LXXVIII. (LXXIV)

TRAIANVS PLINIO S.

Si mihi SC. miseris, quod haesitationem tibi fecit, aestimabo, an debeas cognoscere de agnoscendis liberis, et natalibus suis restituendis.

LXXIX. (LXXVI)

Ex Largi hereditate utrum opera sibi fieri, an ludos institui Traianus malit, rogatur.

C. PLINIVS TRAIANO IMP. S.

Iulius, Domine, Largus, ex Ponto, nondum mihi risus, ac ne auditus quidem, sed indicio tuo credens, dispensationem quandam mihi erga te pietatis suae ministeriumque mandavit. Rogavit enim testamento, ut hereditatem suam adirem, cerneremque: ac deinde, perceptis quinquaginta millibus nummum, reliquum omne Heracleotarum et Tianorum civitatibus redderem, ita ut esset arbitrii mei, utrum opera facienda, quae honori tuo consecrarentur, putarem, an instituendos quinquennales agonas, qui Traiani appellentur. Quod in notitiam tuam perferendum existinavi, ob hoc maxime, ut dispiceres, quid eligere lebeam.

LXXX. (LXXVII)

TRAIANVS PLINIO S.

Iulius Largus fidem tuam, quasi te bene nosset, legit. Quid ergo potissimum ad perpetuitatem memoriae eius faciat, secundum cuiusque loci conditionem ipse dispice, et quod optimum existimaveris, acquere.

LXXXI. (LXXVIII)

Iuliopolitanis centurionem legionarium mitti cupi

C. PLINIVS TRAIANO IMP. S.

Providentissime, Domine, fecisti, quod praecepi-
sti Calpurnio Macro, clarissimo viro, ut legionarius
centurionem Byzantium mitteret. Dispice, an etiam
Iuliopolitanis simili ratione consulendum putes: quo-
rum civitas, cum sit perexigua, onera maxima susti-
net, tantoque graviore iniurias, quanto est infirmior
patitur. Quidquid autem Iuliopolitanis praestiterit
id etiam toti provinciae proderit. Sunt enim in ca-
pite Bithyniae, plurimisque per eam commeantibus
transitum praebent.

LXXXII. (LXXIX)

TRAIANVS PLINIO S.

Ha conditio est civitatis Byzantium, conflu-
ente undique in eam commeantium turba, ut, secun-
dum consuetudinem praecedentium temporum, ho-
noribus eius praesidio centurionis legionarii con-
sulendum habuerimus: si Iuliopolitanis succurren-
dum eodem modo putaverimus, onerabimus no-
exemplo. Plures enim tanto magis eadem requirent
quanto infirmiores erunt. Tibi eam fiduciam dili-
gentiae habeo, ut credam, te omni ratione id acti-
rum, ne sint obnoxii iniuriis. Si qui autem se con-
tra disciplinam meam gesserint, statim coërcean-
tur: aut, si plus admiserint, quam ut in re prae-
senti satis puniantur: si milites erunt, legatis eo-
rum, quae deprehenderis, notum facies: aut, si in
urbem versus venturi erunt, mihi scribes.

LXXXIII. (LXXX)

De annali Bithynis data lege disquirat.

C. PLINIVS TRAIANO IMP. S.

Cantum est, Domine, Pompeia lege, quae Bithy-
nis data est, ne quis capiat magistratum, neve sit in

senatu minor annorum XXX; eadem lege comprehensum est, ut, qui ceperint magistratum, sint in senatu. Sequuntum est dein edictum divi Augusti, quo permisit minores magistratus ab annis duobus et viginti capere. Quaeritur ergo, an qui minor XXX annorum gessit magistratus, possit a censoribus in senatum legi: et, si potest, an ii quoque, qui non gesserint, possint per eandem interpretationem ab ea aetate senatores legi, a qua illis magistratum gerere permissum est. Quod alioqui facitatum adhuc, et esse necessarium dicitur, quia sit aliquanto melius, honestorum hominum liberos, quam e plebe in curiam admitti. Ego a destinatis censoribus, quid sentirem, interrogatus, eos quidem, qui minores XXX annis gessissent magistratum, putabam posse in senatum et secundum edictum Augusti, et secundum legem Pompeiam, legi; quoniam Augustus gerere magistratus minoribus annis XXX permisisset; lex senatorem esse voluisset, qui gessisset magistratum: de his autem, qui non gessissent, quamvis essent aetatis eiusdem, cuius illi, quibus gerere permissum est, haesitabam. Per quod effectum est, ut te, Domine, consulerem, quid observari velles. Capita legis, tum edictum Augusti, literis subieci.

LXXXIV. (LXXXI)

TRAIANVS PLINIO S.

Interpretationi tuae, mi Secunde carissime, idem existimo: hactenus edicto Divi Augusti novatam esse legem Pompeiam, ut magistratum quidem capere possint ii, qui non minores duorum et viginti annorum essent; et qui accepissent, in senatum cuiusque civitatis pervenirent. Ceterum, non capto magistratu, eos, qui minores XXX annorum sint, quia magistratum capere possint, in curiam etiam loci cuiusque non existimo legi posse.

Libellum supplicem Dionis, cui controversia cum Archippo de opere publico erat, imperatori mittit.

C. PLINIVS TRAIANO IMP. S.

Quam Prusae ad Olympon, Domine, publicis negotiis intra hospitium, eodem die exiturus, vacarem, Asclepiades magistratus indicavit, appellatum me a Claudio Eumolpo, quum Cocceianus Dion in hule adsignari civitati opus, cuius curam egerat, vellet: tum Eumolpus adsistens Flavio Archippo dixit, exigendam esse a Dione rationem operis, antequam reipublicae traderetur, quod aliter fecisset ac debuisset. Adiecit etiam, esse in eodem opere positam tuam statuum, et corpora sepulorum, uxoris Dionis, et filii postulavitque, ut cognoscerem pro tribunali. Quod quum ego me protinus facturum dilaturumque professionem dixissem; ut longiorem diem ad instruendam causam darem, utque in alia civitate cognoscerem, petiit. Ego me auditurum Niceae, respondi: ubi quum sedissem cogniturus, idem Eumolpus, tanquam adhuc parum instructus, dilationem petere coepit: contra Dion, ut audiretur, exigere. Dicta sunt utrimque multa, etiam de causa. Ego quum dandam dilationem et consulendum existimarem in re ad exemplum pertinenti, dixi utrique parti, ut postulationum suarum libellos darent. Volebam enim te ipsorum potissimum verbis ea, quae erant proposita, cognoscere. Et Dion quidem se daturum dixit: et Eumolpus respondit, complexurum se libello, quae reipublicae peteret. Ceterum, quod ad sepultos pertinet, non accusatorem se, sed advocatum Flavii Archippi, cuius mandata pertulisset. Archippus, cui Eumolpus, sicut Prusae, adsistebat, dixit se libellum daturum. Ita nec Eumolpus, nec Archippus, quam plurimis diebus exspectati, adhuc mihi libellos dederunt: Dion

dedit, quem huic epistolae iunxi. Ipse in re praesenti fui, et vidi tuam quoque statuam in bibliotheca positam : id autem, in quo dicuntur sepulti filius et uxor Dionis, in area collocatum, quae porticibus includitur. Te, Domine, rogo, ut me in hoc praecipue genere cognitionis regere digneris, quum alioqui magna sit exspectatio; ut necesse sit, in ea re, quae et in confessum venit, et exemplis defenditur, deliberare.

LXXXVI. (LXXXIII)

TRAIANVS PLINIO S.

Potuisti non haerere, mi Secunde, carissime, circa id, de quo me consulendum existimasti, quum propositum meum optime nosses, non ex metu nec terrore hominum, aut criminibus maiestatis, reverentiam nomini meo adquiri. Omissa ergo ea quaestione, quam non admitterem, etiamsi exemplis adiuuaretur, ratio totius operis effecti sub cura tua Cocceiano Dioni excutiat, cum et utilitas civitatis exigit, nec aut recuset Dion, aut debeat recusare.

LXXXVII. (LXXXIV)

Nicensium libellum supplicem mittit.

C. PLINIVS TRAIANO IMP. S.

Rogatus, Domine, a Nicensibus publice per ea, quae mihi et sunt et debent esse sanctissima, id est, per aeternitatem tuam salutemque, ut preces suas ad te perferrem, fas non putavi negare: acceptumque ab his libellum, huic epistolae iunxi.

LXXXVIII.

TRAIANVS PLINIO S.

Nicensibus, qui intestatorum civium suorum concessam vindicationem bonorum a divo Augusto affirmant, debes vacare, contractis omnibus perecuniis ad idem negotium pertinentibus, adhibitis Vir-

dio Gemellino, et Epimacho, liberto meo, procuratoribus, ut, aestimatis etiam iis, quae contra dicuntur, quod optimum credideritis, statuatis.

LXXXIX.

Traiano natalem diem gratulatur.

C. PLINIVS TRAIANO IMP. S.

Opto, Domine, et hunc natalem, et plurimos alios, quam felicissimos agas: aeternaque laude florentem virtutis tuae gloriam, incolumis et fortis, aliis super alia operibus augeas.



XC.

TRAIANVS PLINIO S.

Agnosco vota tua, mi Secunde carissime, quibus precaris, ut plurimos et felicissimos natales florente statu reipublicae nostrae agam.

XCI.

De aqua in Sinopensem coloniam perducenda consulit.

C. PLINIVS TRAIANO IMP. S.

Sinopenses, Domine, aqua deficiuntur; quae videtur et bona et copiosa ab sextodecimo milliario posse perducere. Est tamen statim ab capite paullo amplius mille passibus locus suspectus et mollis; quem ego interim explorari modico impendio iussi, an recipere et sustinere opus possit. Pecunia, curantibus nobis, contracta non deerit, si tu, Domine, hoc genus operis et salubritati et amoenitati valde sitientis coloniae induleris.

XCII.

TRAIANVS PLINIO S.

Vt coepisti, Secunde carissime, explora diligenter, an locus ille, quem suspectum habes, sustinere opus aquae ductus possit. Neque enim dubitandum

puto, quin aqua perducenda sit in coloniam Sinopensem, si modo et viribus suis ipsa id adsequi potest, quum plurimum ea res et salubritati et voluptati eius collatura sit.

XCHII.

Libellum Amisenorum mittit Traiano.

C. PLINIVS TRAIANO IMP. S.

Amisenorum civitas et libera et foederata beneficio indulgentiae tuae legibus suis utitur. In hac datum mihi publice libellum, ad eranos pertinentem, his litteris subieci, ut tu, Domine, dispiceres, quid et quatenus aut permittendum aut prohibendum putares.

XCIV.

TRAIANVS PLINIO S.

Amisenos, quorum libellum epistolae tuae iunxeras, si legibus istorum, quibus de officio foederis utuntur, concessum est eranos habere, possumus, quo minus habeant, non impedire, eo facilius, si tali collatione, non ad turbas et illicitos coetus, [sed] ad sustinendam tenuiorum inopiam utuntur. In ceteris civitatibus, quae nostro iure obstrictae sunt, res huiusmodi prohibenda est.

XCV.

Suetonio ius trium liberorum a principe petit.

C. PLINIVS TRAIANO IMP. S.

Suetonium Tranquillum, probissimum, honestissimum, eruditissimum virum, et mores eius sequutus et studia, iam pridem, Domine, in contubernium adsumsi, tantoque magis diligere coepi, quanto hunc propius inspexi. Huic ius trium liberorum necessarium faciunt duae causae. Nam et iudicia amicorum promeretur, et parum felix matrimonium expertus est: impetrandumque a bonitate tua per nos habet, quod illi fortunae malignitas denegavit. Scio, Domine, quantum beneficium petam. Sed peto a te, cuius la

omnibus desideriis meis plenissimam indulgentiam experior. Potes autem colligere, quantopere cupiam, quod non rogarem absens, si mediocriter euperem.

XCVI.

TRAIANVS PLINIO S.

Quam parce haec beneficia tribuam, utique, mi Secunde carissime, haeret tibi, quum etiam in senatu adfirmare soleam, non excessisse me numerum, quum apud amplissimum ordinem suffecturum mihi professus sum: tuo tamen desiderio subscripsi; et [ut scias] dedisse me ius trium liberorum Suetonio Tranquillo ea conditione, qua adsuevi, referri in commentarios meos iussi.

XCVII.

De Christianorum rebus accurate perscribit.

C. PLINIUS TRAIANO IMP. S.

Solemne est mihi, Domine, omnia, de quibus dubito, ad te referre. Quis enim potest melius vel curationem meam regere, vel ignorantiam instruere? Cognitionibus de Christianis interfui nunquam: ideo nescio, quid et quatenus aut puniri soleat, aut quaeri. Nec mediocriter haesitavi, sitne aliquod discrimen actutum, an quamlibet teneri nihil a robustioribus differant; deturne poenitentiae venia, an ei, qui omnino Christianus fuit, desisse non prosit; nomen ipsum, etiamsi flagitiis careat, an flagitia cohaerentia nominis, puniantur. Interim in iis, qui ad me tanquam Christiani deferebantur, hunc sum sequutus modum. Interrogavi ipsos, an essent Christiani: confitentes iterum ac tertio interrogavi, supplicium minatus: perseverantes duci iussi. Neque enim dubitabam, qualecunque esset, quod faterentur, pervicaciam certe, et inflexibilem obstinationem debere puniri. Fuerunt alii similis amentiae: quos, quia cives Romani erant, adnotavi in urbem remittendos. Maximo tractatus,

eri solet, diffundente se crimine, plures species in-
runt. Propositus est libellus sine auctore, multo-
nomina continens, qui negarent se esse Christia-
aut fuisse, quum, praeunte me, deos appellarent,
nagini tuae, quam propter hoc iusseram cum si-
acris numinum adferri, thure ac vino supplicarent,
terea maledicerent Christo: quorum nihil cogi
e dicuntur, qui sunt revera Christiani. Ergo di-
endos putavi. Alii ab indice nominati, esse se
istianos dixerunt, et mox negaverunt: fuisse qui-
, sed desisse; quidam ante triennium, quidam an-
lures annos, non nemo etiam ante viginti quoque.
nes et imaginem tuam, deorumque simulacra ve-
ti sunt: ii et Christo maledixerunt. Adfirmabant
m, hanc fuisse summam vel culpae suae, vel erro-
quod essent soliti stato die ante lucem convenire:
neque Christo, quasi Deo, dicere secum invicem:
ne sacramento non in scelus aliquod obstringere,
ne furta, ne latrocinia, ne adulteria committerent,
fidem fallerent, ne depositum appellati abnega-
: quibus peractis morem sibi discedendi fuisse,
usque coeundi ad capiendum cibum, promiscuum
en, et innexium: quod ipsum facere desisse post
tum meum, quo secundum mandata tua hetaerias
vetueram. Quo magis necessarium credidi, ex
bus ancillis, quae ministrae dicebantur, quid esset
, et per tormenta quaerere. Sed nihil aliud inve-
quam superstitionem pravam et immodicam, ideo-
, dilata cognitione, ad consulendum te decurri.
est enim mihi res digna consultatione, maxime
ster periclitantium numerum. Multi enim omnis
tis, omnis ordinis, utriusque sexus etiam, vocan-
n periculum, et vocabuntur. Neque enim civita-
antum, sed vicos etiam atque agros superstitionis
s contagio pervagata est: quae videtur sisti et
igi posse. Certe satis constat, prope iam desolata
pla coepisse celebrari, et sacra solemnia diu inter-

missa repeti, passimque venire victimas, quarum adhuc rarissimus emtor inveniebatur. Ex quo facile est opinari, quae turba hominum emendari possit, si fiat poenitentiae locus.

XCVIII.

TRAIANVS PLINIO S.

Actum, quem debuisti, mi Secunde, in excutionis caussis eorum, qui Christiani ad te delati fuerant, sequutus es. Neque enim in universum aliquid, quod quasi certam formam habeat, constitui potest. Conquirendi non sunt: si deferantur et arguantur, puniendi sunt: ita tamen, ut, qui negaverit se Christianum esse, idque re ipsa manifestum fecerit, id est, supplicando diis nostris, quamvis suspectus in praeteritum fuerit, veniam ex poenitentia impetret. Si ne auctore vero propositi libelli, nullo crimine locum habere debent. Nam et pessimi exempli, nec nostri seculi est.

XCIX.

Quaerit de contegenda Amastrianorum pestifera aqua.

C. PLINIUS TRAIANO IMP. S.

Amastrianorum civitas, Domine, et elegans et ornata, habet inter praecipua opera pulcherrimam, eandemque longissimam, plateam: cuius a latere per spatium omne porrigitur nomine quidem flumen, re vero cloaca foedissima: quae sicut turpis et immundissima adspectu, ita pestilens est odore teterrima. Quibus ex caussis, non minus salubritatis quam decoris interest, eam contegi: quod fiet, si permiseris, curantibus nobis, ne desit quoque pecunia operi tam magno, quam necessario.

C.

TRAIANVS PLINIO S.

Rationis est, mi Secunde carissime, contegi

aquam istam, quae per civitatem Amastrianorum fluit, si intacta salubritati obest. Pecunia ne huic operi desit, oraturum te secundum diligentiam tuam, certum habeo.

CI.

Vota pro salute Traiani et soluta et nova nuncupata esse nuntiat.

C. PLINIVS TRAIANO IMP. S.

Vota, Domine, priorum annorum nuncupata a laetis laetique persolvimus, novaque rursus, curante commilitonum et provincialium pietate, suscepimus: precati deos, ut te remque publicam florentem et incolumem ea benignitate servarent, quam super magnas plurimasque virtutes, praecipue sanctitate consequi, deorum honore meruisti.

CII.

TRAIANVS PLINIO S.

Solvisse vota diis immortalibus, te praesente, pro mea incolumitate, commilitones cum provincialibus laetissimo consensu, in futurumque nuncupasse, libenter, mi Secunde carissime, cognovi literis tuis.

CIII.

Diem imperii suscepti anniversario ritu celebratum esse annuntiat.

C. PLINIVS TRAIANO IMP. S.

Diem, in quem tutela generis humani felicissima successione translata est, debita religione celebravimus, commendantes diis, imperii tui auctoribus, et vota publica et gaudia.

CIV.

TRAIANVS PLINIO S.

Diem imperii mei debita laetitia et religione
PLIN. Ep.

commilitonibus et provincialibus, praesente te, celebratum, libenter, mi. Secunda carissime, cognovi literis tuis.

CV.

Ius Quiritium pro tribus libertis petit.

C. PLINIVS TRAIANO IMP. S.

Valerius, Domine, Paullinus, excepto uno, ius Latinorum suorum mihi reliquit: ex quibus rogo tribus interim ius Quiritium des. Vereor enim, ne sit iamodiū, pro omnibus pariter invocare indulgentiam tuam; qua debeo tanto modestius uti, quanto pleniorē experior. Sunt autem, pro quibus peto, C. Valerius Aestiaeus, C. Valerius Dionysius, C. Valerius Aper.

CVI.

TRAIANVS PLINIO S.

Quum honestissime iis, qui apud fidem tuam a Valerio Paullino depositi sunt, consuktum velis mature per me; iis interim, quibus nunc petisti, ut scias dedisse me ius Quiritium, referri in commentarios meos iussi, idem facturus in ceteris, pro quibus petieris.

CVII.

Centurionis, filiae civitatem petentis, libellum mittit.

C. PLINIVS TRAIANO IMP. S.

Rogatus, Domine, a P. Accio Aquila, centurione cohortis sextae equestris, ut mitterem tibi libellum, per quem indulgentiam pro statu filiae suae implorat, durum putavi negare, quum scirem, quantam soleres militum precibus patientiam humanitatemque praestare.

CVIII.

TRAIANVS PLINIO S.

Libellum P. Accii Aquilae, centurionis cohortis sextae equestris, quem mihi missum, legi: cuius precibus motus dedi filiae eius civitatem Romanam. Libellum rescripti, quem illi redderes, misi tibi.

CIX.

De protopraxia civitatum consulit.

C. PLINIVS TRAIANO IMP. S.

Quid habere iuris velis et Bithynas et Ponticas civitates in exigendis pecuniis, quae illis vel ex locationibus, vel ex venditionibus aliisve causis debeantur, rogo, Domine, rescribas. Ego inveni, a plerisque pro consulibus concessam eis protopraxiam, eamque pro lege valuisse. Existimo tamen tua providentia constituendum aliquid et sanciendum, per quod utilitatibus eorum in perpetuum consulatur. Nam quae sunt ab aliis instituta, sint licet sapienter indulta, brevia tamen et infirma sunt, nisi illis tua contingat auctoritas.

CX.

TRAIANVS PLINIO S.

Quo iure uti debeant Bithynae vel Ponticae ciuitates in iis pecuniis, quae ex quaque causa reipublicae debebuntur, ex lege cuiusque animadversum est: Nam siue habent privilegium, quo creditoribus anteponantur, custodiendum est; non habent, in iniuriam privatorum id dari non oportebit.

CXI.

Amisenis, pecuniam Pisoni olim donatam retinentibus, Traianum consulit.

PLINIVS TRAIANO IMP. S.

licus, Domine, Amisendorum civitatis petebat

apud me ab Iulio Pisone denariorum circiter XL n
donata ei publice ante XX annos et bule et ec
consentiente: nitebaturque mandatis tuis, quibus
modi donatioes vetantur. Piso contra, plurima
rempublicam contulisse, ac prope totas facultates
gasse, dicebat. Addebat etiam temporis spatium
stulabatque, ne id, quod pro multis et olim accep
cum eversione reliquae dignitatis reddere coger
Quibus ex causis integram cognitionem differere
existimavi, ut te, Domine, consulerem, quid seq
dum putares.

CXII.

TRAIANVS PLINIO S.

*Sicut largitiones ex publico fieri mandata
libent, ita, ne multorum securitas subruatur
ctas ante aliquantum temporis retractari utq
irritum vindicari non oportet. Quidquid erg
hac causa actum ante viginti annos erit, om
mus. Non minus enim hominibus cuiusque
quam pecuniae publicae consultum volo.*

CXIII.

*An in senatum lecti pro introitu aliquid inferre
beant, quaerit.*

C. PLINIVS TRAIANO IMP. S

Lex Pompeia, Domine, qua Bithyni et Po
ntuntur, eos, qui in bulen a censoribus leguntur,
re pecuniam non inbet: sed ii, quos indulgentia
quibusdam civitatibus super legitimum nume
adiocere permisit, et singula millia denariorum ei
na intulerunt. Anicius deinde Maximus proco
eos etiam, qui a censoribus legerentur, dumtaxa
paucissimis civitatibus, aliud aliis, iussit inferre.
perest ergo, ut ipse dispicias, an in omnibus civit
bus certum aliquid omnes, qui deinde bulehtae leg
tur, debeant pro introitu dare. Nam quod in per

tuum mansurum est, a te constitui decet, cuius factis
dictisque debetur aeternitas.

CXIV.

TRAIANVS PLINIO S.

*Honorarium decurionatus omnes, qui in quaque
civitate Bithyniae decuriones fiunt, inferre debe-
ant necne, in universum ad me non potest statui.
Id ergo quod semper tutissimum est, sequendam
cuiusque civitatis legem, puto, scilicet adversus
eos, qui inviti fiunt decuriones. Existimo id actu-
ros, ut erogatio ceteris praeferatur.*

CXV.

*Decuriones alienae civitatis an eiici senatu possint,
quaerit.*

C. PLINIVS TRAIANO IMP. S.

Rege, Domine, Pompeia permissum Bithynicis ci-
vitatibus adscribere sibi, quos vellent cives, dum ci-
vitatibus non sint alienae; sed suarum quisque civitatum,
quae sunt in Bithynia. Eadem lege sancitur, quibus
de causis senatu a censoribus eiiciantur: inter quas
nihil de cive alieno cavetur. Inde me quidam ex cen-
soribus consulendum putaverunt, an eiicere deberent
eum, qui esset alterius civitatis. Ego, quia lex, sicut
adscribi civem alienum vetabat, ita eiici e senatu
ob hanc causam non inebat: praeterea quia ab
aliquibus adfirmabatur mihi, in omni civitate plurimos
esse bulentas ex aliis civitatibus, futurumque, ut mul-
ti homines multaeque civitates concuterentur ea parte
legis, quae iam pridem consensu quodam exolevisset;
necessarium existimaui consulere te, quid servandum
putares. Capita legis his literis subieci.

CXVI.

TRAIANVS PLINIO S.

*Merito haesisti, Secunde carissime, quid a te
rescribi oporteret censoribus consulentibus, an lege*

rent in senatum aliarum civitatum, eiusdemque provinciae, cives. Nam et legis auctoritas, et longa consuetudo usurpata contra legem, in discedere te potuit. Mihi hoc temperamentum placuit, ut ex praeterito nihil novaremus, sed tenerent, quamvis contra legem, adsciti quarumque civitatum cives, in futurum autem lex Pompeia observaretur: cuius vim si retro quoque servamus custodire, multa necesse est perturbari.

CXVII

Veretur, ne ex invitatione ad solemne officium actiones oriantur.

C. PLINIVS TRAIANO IMP. S.

Qui virilem togam sumunt, vel nuptias faciunt vel ineunt magistratum, vel opus publicum dedicant solent totam huius, atque etiam e plebe non exiguum numerum vocare, binosque denarios vel singulos dare: quod an celebrandum, et quatenus, putes, rescribas. Ipse enim, sicut arbitror, [non imprudenter praesertim ex solennibus causis concedendum] in invitationes; ita vereor, ne ii, qui mille homines, interdum etiam plures, vocant, modum excedere, et speciem dianomes incidere videantur.

CXVIII.

TRAIANVS PLINIO S.

Merito vereris, ne in speciem dianomes incidas invitatio, quae et in numero modum excedit, quasi per corpora, non viritum singulos ex notis ad solemnes sportulas contrahit. Sed ego in prudentiam tuam elegi, ut formandis istius provinciae moribus ipse moderareris, et ea constituere quae ad perpetuam eius provinciae quietem esse profutura.

CXIX.

Desideri desiderat, a quo die incipiant iselastica praemia viceribus dari.

C. PLINIVS TRAIANQ. IMP. S.

Athletae, Domine, ea, quae pro iselasticis certaminibus constituisti, deberi sibi petunt statim ex eo die, quo sunt coronati. Nihil enim ferre, quando sint patriam inveci, sed quando certamine vicerint, ex quo invehi possint. Ego contra (scribo) iselastici nomine (itaque eorum) vehementer addubitem, an sit potius id tempus, quo *εἰς ἡλασαν*, intuendum. Iidem obsonia petunt pro eo agone, qui a te iselasticus factus est, quamvis vicerint ante, quam fieret. Aiunt enim congruens esse, sicut non datur sibi pro his certaminibus, quae esse iselastica, postquam vicerunt, desierunt, ita pro iis dari, quae esse coeperunt. Hic quoque non mediocriter haereo, ne cuiusquam retro habeatur ratio, dandumque, quod tunc, quum vincerent, non debebatur. Rogo ergo, ut dubitationem meam regere, id est, beneficia tua interpretari ipse digneris.

CXX.

TRAIANVS PLINIO S.

Iselasticum tunc primum mihi videtur incipere deberi, quum quis in civitatem suam ipse εἰς ἡλασαν. Obsonia eorum certaminum, quae iselastica esse placuit mihi, (si) ante iselastica non fuerunt, retro non debentur. Nec proficere pro desiderio athletarum potest, tam eorum, quae postea iselastica lege constitui, quam, quum vincerent, esse desierunt. Mutata enim conditione certaminum, nihilominus, quae ante perceperant, non revocantur.

CXCI.

Excusat se, quod uxorem diplomate adiuverit.

C. PLINIVS TRAIANO IMP. S.

Vsque in hoc tempus, Domine, neque cuiquam

diplomata commodavi, neque in rem ullam; nisi tuam, nisi: quam perpetuam servationem quaedam necessitas rupit. Vxori enim mere, dita morte avi, volenti ad amitam suam excurrere, usum eorum augere durum putavi, quum talis officii gratia in celeritate consisteret, sciremque, te rationem itineris probaturum, cuius causa erat pietas. Haec scripsi, quia mihi parum gratus tibi fore videbar, si dissimulassem inter alia beneficia hoc unum, quod me debere sciebam indulgentiae tuae, quod fiducia eius, quasi consulto te, non dubitavi facere; quem si consultissem, sero fecissem.

CXXII.

TRAIANVS PLINIO S.

Merito habuisti, Secunde carissime, fiduciam animi mei. Nec dubitandum fuisset, si expectasses, donec me consuleres, an iter uxoris tuae diplomatibus, quae officio tuo dedi, adiuvandum esset, usum eorum intentioni non profuisse, quum apud amitam etiam uxor tua deberet etiam celeritate gratiam aduentus sui augere.

C. PLINII SECVNDI
P A N E G Y R I C V S.

Bene ac sapienter, Patres Conscripti, maiores in-
uerunt, ut rerum agendarum, ita dicendi initium a
orationibus capere: quod nihil rite, nihilque pro-
leenter homines, sine deorum immortalium ope,
ausilio, honore, auspicarentur. Qui mos cui potius,
am consuli? aut quando magis usurpandus colen-
sque est, quam quam imperio senatus, auctoritate
publicae, ad agendas Optimo Principi gr̃atias exci-
tur? Quod enim praestabilius est, aut pulchrius
minus deorum, quam castus et sanctus, et diis simil-
is princeps? Ac si adhuc dubium fuisset, forte ca-
que rectores terris, an aliquo numine darentur: Prin-
cem tamen nostrum liqueret divinitus constitutum.
n enim occulta potestate fatorum, sed ab Iove ipso
am ac palam repertus est, electus quippe inter aras
altaria, eodemque loci, quem deus ille tam manife-
stus ac praesens, quam caelum ac sidera insedit. Quo
gis aptum piumque est, te, Iupiter optime maxime,
ea conditorem, nunc conservatorem imperii nostri,
cari, ut mihi digna consule, digna senatu, digna
accipe contingat oratio: utque omnibus, quae di-
tur a me, libertas, fides, veritas constet: tantum-
a specie adulationis absit gratiarum actio mea,
ntum abest a necessitate.

II. Equidem non Consuli modo, sed omnibus civibus enitendum reor, ne quid de Principe ita dicant, ut idem illud de alio dici potuisse videatur. Quare abeant ac recedant voces illae, quas motus ex- primebat: *Null*, quale ante, dicamus; nihil enim, quale antea, patimur: nec eadem de principe palam, quae prius, praedicamus; neque enim eadem secreto loquimur, quae prius. Discernatur orationum agendi diversitas temporum, et ex ipso genere gratiarum agentium intelligatur, cui, quando sint actae. Nusquam ut deo, nusquam ut numini blandiamur: non enim de tyranno, sed de cive; non de homino, sed de parente loquimur. Vnum ille se ex nobis, et hoc magis excellit atque eminet, quod unum ex nobis putat; nec minus hominem se, quam hominibus praesse meminit. Intelligamus ergo bona nostra, dignosque nos illis usu probemus, atque identidem cogitemus, quam sit indignum, si maius principibus praestemus obsequium, qui servitute civium, quam qui libertate laetantur. Et populus quidem Romanus dilectum Principum servat, quantoque pauli ante concentu formosum alium, hunc fortissimum personat; quibusque aliquando clamoribus gestu alterius et vocem, huius pietatem, abstinentiam, maiusque laudem. Quid nos ipsi? divinitatem Principis nostri, an humanitatem, temperantiam, facilitatem, ut amor et gaudium tulit, celebrare universi lemus? Iam quid tam civile, tam senatorium, quod illud additum a nobis ortum cognomen? quod proprium huius et proprium arrogantia priorum principum fecit. Enim vero quam commune, quam ex aequo quod felices nos, FELICEM ILLVM praedicamus? aequisque votis, HAEC FACIAT, HAEC AUDIAT, quas dicturi, nisi fecerit, comprecamur? Ad quas illi lacrymis etiam ac multo pudore suffunditur. A scit enim sentitque, sibi, non principi, dici.

III. Igitur quod temperamentum omnes subito pietatis calore servavimus, hoc singuli o-

meditative teneamus; sciamusque, nullum esse neque sincerius, neque acceptius genus gratiarum, quam quod illas acclamationes aemuletur, quae fingendi non habent tempus. Quantum ad me pertinet, laborabo, ut orationem meam modestiam Principis moderationemque submittam, nec minus considerabo, quid aures eius pati possint, quam quid virtutibus debeat. Magna et inusitata Principis gloria, cui gratias acturus, non tam vereor, ne me in laudibus suis parcum, quam ne nimium putet. Haec me cura, haec difficultas sola circumstat: nam merenti gratias agere, facile est, Patres Conscripti. Non enim periculum est, ne, quum loquar de humanitate, exprorari sibi superbiam credat; quum de frugalitate, luxuriam; quum de clementia, crudelitatem; quum de liberalitate, avaritiam; quum de benignitate, livorem; quum de continentia, libidinem; quum de labore, inertiam; quum de fortitudine, timorem. Ac ne illud quidem vereor, ne gratus ingratusve videar, prout satis aut parum dixerō. Animadverto enim, etiam deos ipsos, non tam accuratis adorantium precibus, quam innocentia et sanctitate laetari; gratioremque existimari, qui delubris eorum puram castamque mentem, quam qui meditatum carmen intulerit.

IV. Sed parendum est Senatusconsulto, quo ex utilitate publica placuit, ut Consulis voce, sub titulo gratiarum agendarum, boni principes, quae facerent, recognoscerent; mali, quae facere deberent. Id nunc eo magis solenne ac necessarium est, quod parens noster privatas gratiarum actiones cohibet et comprimit: intercessurus etiam publicis, si permetteret sibi vetare, quod Senatus iuberet. Vtrumque, Caesar Auguste, moderate, et quod alibi tibi gratias agi non sinis, et quod hic sinis. Non enim a te ipso tibi honor iste, sed agentibus habetur. Cedis affectibus nostris, nec nobis munera tua praedicare, sed audire tibi necesse est.

Saepe ego mecum, P. C. tacitus agitavi, qualem

quantumque esse oporteret, cuius ditione nuntique maria terrae, pax bella, regerentur: quum istas fingenti formantique mihi principem, quem aequum diis immortalibus potestas deceret, nunquam voto saltem concipere succurrissimilem huic, quem videmus. Euituit aliquis in bello, sed obsolevit in pace: alium toga, sed non et arma honestarunt: reverentiam ille terrore, alius amorem humilitate captavit: ille quaesitam domi gloriam in publico, hic in publico partam domi perdidit. Postremo adhuc nemo exstitit, cuius virtutes nullo vitiorum confusio laederentur. At Principi nostro quanta concordia, quantusque concentus omnium laudum, omnisque gloriae contigit! Ut nihil severitati eius hilaritate, nihil gravitati simplicitate, nihil maiestati humanitate detrahitur! Iam firmitas, iam proceritas corporis, iam honor capitis, et dignitas oris, ad hoc aetatis inflexa maturitas, nec sine quodam munere deum festinatis senectutis insignibus ad augendam maiestatem ornata caesarica, nonne longe lateque principem ostendant?

V. Talem esse oportuit; quem non bella civilis nec armis oppressa respublica, sed pax, et adeptio, tandem exorata terris numina, dedissent. An fas est nihil differre inter imperatorem, quem homines, quem dii fecissent? quorum quidem in te, Caesar Auguste, iudicium et favor, tunc statim, quum ad exitum profisceris, et quidem inusitato iudicio enit. Nam ceteros principes aut largus cruor hostiarum, sinister volatus avium consulentibus nuntiavit: ascendenti de more Capitolium, quamquam non agentium civium clamor, ut iam principi, ober. Siquidem omnis turba, quae limen insederat, ad gressum tuum foribus reclusis, illa quidem, ut arbitrabatur, deum; ceterum, ut docuit eventus consalutavit imperatorem. Nec aliter a cunctis acceptum est. Nam ipse intelligere volebas: *res enim imperare; recusabas, quod bene erat*:

raturi. Igitur cogendus fuisti. Cogi porro non poteras, nisi periculo patriae, et nutatione reipublicae. Obstatum enim tibi non suscipere imperium, nisi servandum fuisset. Quare ego illum ipsum fuggem motumque castrensem reor existisse, quia magna vi magnoque terrore modestia tua vincenda erat. Ac sicut maris coelique temperiem turbines tempestatesque commendant; ita ad augendam pacis tuae gratiam illum tumultum praecessisse crediderim. Habet has vices conditio mortalium, ut adversa ex secundis, ex adversis secunda nascantur. Occultat utrorumque semina dens, et plerumque bonorum malorumque causae sub diversa specie latent.

VI. Magnum quidem illud seculo dedecus, magnum reipublicae vulnus impressum est. Imperator, et parens generis humani, obsessus, captus, inclusus: ablata mitissimo seni servandorum hominum potestas; ereptumque principi illud in principatu beatissimum, quod nihil cogitur. Si tamen haec sola erat ratio, quae te publicae salutis gubernaculis admoveret; prope est ut exclamem, tanti fuisse. Corrupta est disciplina castrorum, ut tu corrector emendatorque contingeres: inductum pessimum exemplum, ut optimum opponeretur: postremo coactus princeps, quos nollet, occidere, ut daret principem, qui cogi non posset. Olim tu quidem adoptari merebare; sed nescissemus, quantum tibi deberet imperium, si ante adoptatus esses. Expectatum est tempus, in quo liqueret, non tam accepisse te beneficium, quam dedisse. Confugit in sinum tuum concussa respublica, ruensque imperium super imperatorem imperatoris tibi voce delatum est. Imploratus adoptione, et accitus es, ut olim duces magni a peregrinis externisque bellis ad opem patriae ferendam revocari solebant. Ita filius ac parens uno eodemque momento rem maximam invicem praestitistis: ille tibi imperium dedit, tu illi reddidisti. Solus ergo ad hoc aevi pro munere tanto paria accipiundo fecisti,

immo ultro dantem obligasti: communicato enim imperio, sollicitior tu, ille securior factus est.

VII. O novum atque inauditum: ad principem iter! Non te propria cupiditas, proprius metus; aliena utilitas, alienus timor principem fecit. Videris licet quod est amplissimum consequutus inter homines; felicius tamen erat illud, quod reliquisti: sub bono principe privatus esse desiisti. Assumptus es in laborum curarumque consortium, nec te laeta et prospera stationis istius, sed aspera et dura ad capeendam eam compulerunt: Suscepisti imperium, postquam alium suscepti poenitebat. Nulla adoptati cum eo, qui adoptabat, cognatio, nulla necessitudo; nisi quod uterque optimus erat, dignusque alter eligi, alter eligere. Itaque adoptatus es, non, ut prius alius atque alius, in gratiam uxoris. Adacivit enim te filium, non vitricus, sed princeps, eodemque animo divus Nerva pater tuus factus est, quo erat omnium. Nec docet aliter filium assumi, si assumatur a principe. An Senatum Populumque Romanum, exercitus, provincias, socios, transmissurus uni, successorem e sinu uxoris accipias? summaeque potestatis heredem tantum intra domum tuam quaeras? non per totam civitatem circumferas oculos? et hunc tibi proximum, hunc coniunctissimum existimes, quem optimum, quem diis simillimum inveneris? Imperaturus omnibus, eligi debet ex omnibus. Non enim servulis tuis dominum; ut possis esse contentus quasi necessario herede, sed principem civibus daturus es imperator. Superbum istud et regium, nisi adoptes eum, quem constet imperaturum fuisse, etiamsi non adoptasses. Fecit hoc Nerva, nihil interesse arbitratus, genueris an elegeris, si perinde sine iudicio adoptentur liberi, ac nascuntur: nisi tamen quod aequiore animo ferunt homines, quem princeps parum feliciter genuit, quam quem male elegit.

VIII. Sedulo ergo vitavit hunc casum, nec iudi-

ia hominum, sed deorum etiam in consilium assumit. Itaque non tua in cubiculò, sed in templo; nec ante genialem torum, sed ante pulvinar Iovis optimi maximi, adoptio peracta est: qua tandem non servius nostra, sed libertas, et salus, et securitas fundatur. Sibi enim dii gloriam illam vindicaverunt: eorum opus, horum illud imperium; Nerva tantum minister fuit. Utique qui adoptaret tam paruit, quam tu, qui adoptaberis. Allata erat ex Pannonia laurea, et agentibus diis, ut invicti imperatoris exortum victoriae insigne decoraret. Hanc Imperator Nerva in remio Iovis collocarat: quum repente solito maior et augustior, advocata hominum concione deorumque, et filium sibi, hoc est, unicum auxilium fessis rebus assumeret. Inde quasi deposito imperio, quae securitate, quae gloria laetus (nam quantulum refert, deponas, an partiaris imperium? nisi quod difficilius hoc est) non secus ac praesenti tibi innixus, tuis humeris et patriamque sustentans, tua inventa, tuo robore innavit! Statim consedit omnis tumultus. Non adoptionis opus istud fuit; sed adoptati: atque adeo tenere fecerat Nerva; si adoptasset alium. Oblitine umus, ut nuper post adoptionem non desierit seditio, sed coeperit? Irritamentum istud irarum, et fax tumultus fuisset; nisi incidisset in te. An dubium est, ut dare posset imperium imperator; qui reverentiam amiserat; auctoritate eius effectum esse, cui daretur? Simul filius, simul Caesar, mox Imperator, et consors Tribuniciae potestatis, et omnia pariter, et statim factus es: quae proxime parens verus tantum a alterum filium contulit.

IX. Magnum hoc tuae moderationis indicium, quod non solum successor imperii, sed particeps tuam sociusque placuisti. Nam successor, etiam si solus, habendus est: non est habendus socius, nisi veris. Credentne posteris, Patricio et Consulari, ex triumphali patre genitum, quum fortissimum, am-

perbos potius, quam illos veteres et antiquos ris? qui hoc ipsum imperium peperere, quos hostes invaserant contemserantque; cuius putique non aliud maius habebatur indicium, triumpharetur. Ergo sustulerant animos, excusserant: nec iam nobiscum de sua libertate nostra servitute, certabant: ac ne inducias nisi aequis conditionibus inibant, legesque uerent, dabant.

XII. At nunc rediit omnibus terror et nunc votum imperata faciendi. Vident enim Ruducem, unum ex illis veteribus et priscis imperatorum nomen addebant contedibus campi et infecta victoriis maria. Adobsides ergo, non emimus: nec ingentibus immensisque muneribus paciscimur, ut viRogant, supplicant; largimur, negamus, ullex imperii maiestate: agunt gratias, qui imrunt; non audent queri, quibus negatum est, deant, qui sciant, te adsedisse ferocissimis peipso tempore, quod amicissimum illis, diffenobis: quum Danubius ripas gelu iungit, dque glacie ingentia tergo bella transportat: qrae gentes non telis magis, quam suo caelo, suarmantur? Sed ubi in proximo tu, non semutatae temporum vices essent, illi quidem suis clausi tenebantur; nostra agmina percuspas, et aliena occasione, si permitteres, uti, ihiemem suam barbaris inferre, gauderant.

XIII. Haec tibi apud hostes, veneratio, apud milites? quam admirationem, quemadcomparasti? quum tecum inediam, tecum fetum; quum in illa meditatione campestri militum imperatorum pulverem sudoremque res, nihil a ceteris, nisi robore ac praestantia diquum libero Marte, nunc cominus tela vibrare vibrata susciperes, alacer virtute militum et

quoties aut cassidi tuae, aut clypeo gravior ictus incideret; (laudabas quippe ferientes, hortabarisque, ut auderent: et audebant iam:) quum spectator moderatorque ineunantium certamina virorum, arma componeres, tela tentares, ac si quod durius accipienti videretur, ipse vibrares. Quid quum solatium fessis, aegris opem ferres? Non tibi moris tua inire tentoria, nisi commilitonum ante instrasses; nec requiem corpori, nisi post omnes, dare. Hac mihi admiratione dignus imperator non videretur, si inter Fabricios, et Scipiones, et Camillos talis esset. Tunc enim illum imitationis ardor, semperque melior aliquis accenderet. Postquam vero studium armorum a manibus ad oculos, ad voluptatem a labore translatum est; postquam exercitationibus nostris non veteranorum aliquis, cui decus muralis aut civica, sed Graeculus magister assistit: quam magnum est, unum ex omnibus patrio more, patria virtute laetari, et sine aemulo, ac sine exemplo secum certare, secum contendere, ac sicut imperat solus, solum ita esse, qui debeat imperare!

XIV. Nonne incunabula haec tibi, Caesar, et rumimenta, quum puer admodum Parthica lauro gloriam patris augeres, nomenque Germanici iam tum mererere, quum ferociam superbiamque barbarorum ex primo auditus magno terrore coliberes, Rhenumque et Euphratem admirationis tuae societate coniungeres? quum orbem terrarum non pedibus agis, quam laudibus peragrare? apud eos semper ior et clarior, quibus postea contigisses. Et nec n imperator, nec dum dei filius eras. Germaniam lem cum plurimas gentes, ac prope infinita vastiteriacentis soll, tum Pyrenaeus, Alpes, immente alii montes, nisi his comparentur, muniunt diritque. Per hoc omne spatium quum legiones du, seu potius (tanta velocitas erat) raperes: non veum unquam, non equum respexisti. Levis hic, ibsidium itineris, sed decus, et cum ceteris sub-

equebatur: ut cuius nullus tibi usus, nisi quum dio-
statorum proximum campum alacritate, discursu,
pulvere attollereres. Initium laboris mirer, an finem?
Multum est, quod perseverasti; plus tamen, quod non
timuisti, ne perseverare non posses. Nec dubito, quin
ille, qui te inter illa Germaniae bella ab Hispania us-
que, ut validissimum praesidium, exciverat, iners ipse
alienisque virtutibus tunc quoque invidus imperator,
quum ope earum indigeret, tantam admirationem tui
non sine quodam timore conceperit, quantam ille ge-
nitus Iove post saevos labores duraque imperia regi
suo indomitus semper indefessusque referebat; quum
aliis super alias expeditionibus munere alio dignus in-
venireris.

XV. Tribunus vero disiunctissimas terras, teneris
adhuc annis, viri firmitate lustrasti: iam tunc praemo-
nente Fortuna, ut diu penitus perdisceres, quae
mox praecipere deberes. Neque enim prospexisse ca-
stra, brevemque militiam quasi transisse conten-
tus, ita egisti tribunum, ut esse statim dux posses, ni-
hilque discendum haberes tempore docendi. Cagno-
visti per stipendia decem mores gentium, regionum
situs, opportunitates locorum; et diversam aquarum
coelique temperiem, ut patrios fontes patriumque si-
dus, ferre consuevisti. Quoties equos, quoties emer-
ita arma mutasti! Veniet ergo tempus, quo posteri vi-
sere, visendum tradere minoribus suis gestient, quis su-
dores tuos hauserit campus, quae refectiones tuas ar-
bores, quae somnum saxa praetexerint, quod deniq;
tectum magnus hospes impleveris: ut tunc ipsi tui
ingentium ducum sacra vestigia, iisdem in locis, me-
strabantur. Verum haec olim: in praesentia quid
quisquis paullo vetustior miles, hic te commilit
censetur. Quotus enim quisque, cuius tu non
commilito, quam imperator? Inde est, quod p
omnes nomine appellas; quod singulorum fortia
cominemoras: nec habent adnumeranda tibi pr

ublica vulnera, quibus statim laudator et testis con-
gisti.

XVI. Sed magis praedicanda moderatio tua, quod nutritus bellicis laudibus pacem amas: nec quia el pater tibi triumphalis, vel adoptionis tuae die dicata apitolino Iovi laurus, idcirco ex occasione omni quae-
s triumphos. Non times bella, nec provoeas. Ma-
num est, Imperator Auguste, magnum est stare in
anubii ripa, si transeas, certum triumphii; nec de-
ertare cupere cum recusantibus: quorum alterum
rtitudine, alterum moderatione efficitur. Nam ut
se nolis pugnare, moderatio; fortitudo tua praestat,
t neque hostes tui velint. Accipiet ergo aliquando
apitolium non mimicos currus, nec falsae simulacra
ictoriae; sed imperatorem veram ac solidam gloriam
oportantem, pacem, tranquillitatem, et tam confessa
ostium obsequia, ut vincendus nemo fuerit. Pulchris
hoc omnibus triumphis. Neque enim unquam,
isi ex contemptu imperii nostri factum est, ut vince-
emus. Quod si quis barbarus rex eo insolentiae furo-
isque processerit, ut iram tuam indignationemque
ereatur: nae ille, sive interfuso mari, seu fluminibus
nmensis, seu praecipiti monte defenditur, omnia haec
um prona, tamque cedentia virtutibus tuis sentiet, ut
absediasse montes, flumina exaruisse, interseptum ma-
e, illatasque sibi non esse classes nostras, sed terras
sas arbitretur.

XVII. Videor iam cernere non spoliis provinci-
um, et extorto sociis auro, sed hostilibus armis, ca-
torumque regum catenis triumphum gravem. Videor
agentia ducum nomina, nec indecora nominibus cor-
ora noscitare. Videor intueri immanibus ausis bar-
arorum onusta ferocia, et sua quemque facta vinotis
anibus sequentem: mox ipsum te sublimem, instan-
emque currudomitarum gentium tergo; ante currum
utem clypeos, quos ipse perfoderis. Nec tibi optima
efuerint, si quis regum venire in manus audeat, nec

non modo telorum tuorum, sed etiam oculorum minarumque coniectum toto campo, totoque exercitu opposito, perhorrescat. Meruisti proxima moderatione, ut, quandocunque te vel inferre, vel propulsare bellum coëgerit imperii dignitas, non ideo vicisse videaris, ut triumphares, sed triumphare, quia viceris.

XVIII. Aliud ex alio mihi occurrit. Quam speciosum est enim, quod disciplinam castrorum lapsam extinctamque refovisti, depulso prioris seculi malo, inertia et contumacia et dedignatione parendi? Tutum est reverentiam, tutum caritatem mereri: nec ducum quisquam, aut non amari a militibus, aut amari timet: et inde offensae gratiaeque pariter securi, instant operibus, adsunt exercitationibus, arma, moenia, viros aptant. Quippe non is princeps, qui sibi imminere, sibi intendi putet, quod in hostes paretur: quae persuasio fuit illorum, qui hostilia quum facerent, timebant. Idem ergo torpere militaria studia, nec animos modo, sed et corpora ipsa languescere, gladios etiam incuria hebetari retundique gaudebant. Duces porro nostri, non tam regum exterorum, quam suorum principum insidias, ne tam hostium, quam commilitonum manus ferrumque metuebant.

XIX. Est haec natura sideribus, ut parva et exilia validiorum exortus obscuret: similiter Imperatoris adventu Legatorum dignitas inumbratur. Tu tamen maior omnibus quidem eras, sed sine ullius diminutione maior: eandem auctoritatem praesente te quisque, quam absente, retinebat: quin etiam plerisque ex eo reverentia accesserat, quod tu quoque illos reverebare. Itaque perinde summis atque infimis carus, sic imperatorem commilitonemque miscueras, ut studium omnium laboremque, et tanquam exactor intenderes, et tanquam particeps sociusque relevares. Felices illos, quorum fides et industria non per intervuntios et interpretes, sed ab ipso te, nec auribus tuis, sed oculis pro-

babantur! Consecuti sunt, ut absens quoque de absentibus nemini magis, quam tibi crederes.

XX. Iam te civium desideria revocabant, amoremque castrorum superabat caritas patriae. Iter inde placidum ac modestum, ut plane a pace redeuntis. Nec vero ego in laudibus tuis ponam, quod adventum tuum non pater quisquam, non maritus expavit. Affectata aliis castitas, tibi ingenita et innata, interque ea, quae imputare non possis. Nullus in exigendis vehiculis tumultus, nullum circa hospitia fastidium; annona, quae ceteris; ad hoc, comitatus accinctus, et parens: diceres magnum aliquem ducem, ac te potissimum, ad exercitus ire: adeo nihil, aut certe parum intererat inter Imperatorem factum, et brevi futurum. Quam dissimilis nuper alterius principis transitus? si tamen transitus ille, non populatio fuit, cum abactus hospitum exerceret, omniaque dextra laevaue perusta et attrita, ut si vis aliqua, vel ipsi illi barbari, quos fugiebat, inciderent. Persuadendum provinciis erat, illud iter Domitiani fuisse, non principis. Itaque non tam pro tua gloria, quam pro utilitate communi, edicto subiecisti, quid in utrumque vestrum esset impensum. Assuescat imperator cum imperio calculum ponere: sic exeat, sic redeat, tanquam rationem redditurus; edicat, quid absumserit. Ita fiet; ut non absumat, quod pudeat dicere. Praeterea futuri principes, velint nolint, sciant: tanti tuum constat: propositisque duobus exemplis meminerint, perinde coniecturam de moribus suis homines esse facturos, prout hoc vel illud elegerint.

XXI. Nonne his tot tantisque meritis novos aliquos honores, novos titulos merebare? At tu etiam nomen patris patriae recusabas. Quam longa nobis cum modestia tua pugna? quam tarde vicimus? Nomen illud, quod alii primo statim principatus die, ut Imperatoris et Caesaris, receperunt, tu usque eo distulisti, donec tu quoque, beneficiorum tuorum parcissimus aestimator,

iam te mereri fateris. Itaque soli omnium contemni tibi, ut pater patriae esses, ante quam fieres; enim in animis, in iudiciis nostris: nec publicae potatis intererat, quid vocarere; nisi quod ingratus videbatur, si te Imperatorem potius vocaret et Caesarem, quum patrem experiretur. Quod quidem iudicium qua benignitate, qua indulgentia exerces! cum civibus tuis, quasi cum liberis parens, vivis! reversus Imperator, qui privatus exieras, agnosce agnosceris! Eosdem nos, eundem te putas: par omnibus, et hoc tantum ceteris maior, quo melior.

XXII. Ac primum, qui dies ille, quo expectatus desideratusque urbem ingressus es! Iam hoc ipsum quod ingressus es, quam mirum laetumque! Non priores invehi et importari solebant: non dico quod driugo curru, et albibus equis, sed humeris honorum, quod arrogantius erat. Tu sola corporis proritate elatior aliis et excoisior, non de patientia nos quendam triumphum, sed de superbia principum estis. Ergo non aetas quemquam, non valetudo, non sexus retardavit, quo minus oculos insolito spectaculo impleret. Te parvuli noscere, ostentare venes, mirari senes; aegri quoque, neglecto dentium imperio, ad conspectum tui, quasi ad salutem sanitatemque prorepere. Inde alii, se satis visisse te viso, te recepto; alii, nunc magis esse vividum, praedicabant. Feminas etiam tunc foccundit suae maxime voluptas subiit, quum cernerent, principi cives, cui imperatori milites peperissent. Videres referta tecta ac laborantia, ac ne eum quidem vacantem locum, qui non nisi suspensum et instabile vestigium caperet; oppletas undique vias, angustas que tramitem relictum tibi; alacrem hinc atque in populum, ubique par gaudium paremque clamore. Tam aequalis ab omnibus ex adventu tuo laetitia percepta est, quam omnibus venisti: quae tamen ipsa ci-

ressu tuo crevit, ac prope in singulos gradus adauctus est.

XXIII. Gratum erat cunctis, quod senatum osculiciperes, ut diuissus oscule fueras; gratum, quod tetricis ordinis decora honore nominum sine monitis signares; gratum, quod tantum non ultro clientis salutatis quasdam familiaritatis notas adderes. Atius tamen, quod sensim et placide, et quantum pectantium turba pateretur, incederes; quod occurrentium populus te quoque, te immo maxime, adiret; quod primo statim die latus tuum crederes nibus. Neque enim stipatus satellitum manu, sed cumfusus undique nunc senatus, nunc equestris ordis flore, prout alterutrum frequentiae genus invaderet, silentes quietosque lictores tuos subsequen-
nam milites nihil a plebe habitu, tranquillitate, destia, differebant. Vbi vero coepisti Capitolium cendere, quam laeta omnibus adoptionis tuae redatio! quam peculiare gaudium eorum, qui te prius eodem loco salutaverant Imperatorem! Quin etiam iam ipsum tunc praecipuam voluptatem operis sui ceptisse crediderim. Vt quidem iisdem vestigiis inisset, quibus parens tuus ingens illud deorum prolans arcanum, quae circumstantium gaudia! quam ens clamor! quam similis illi dies, qui hunc genuit matrem! ut plena altaribus, augusta victimis cuncta! ut amius salutem collata omnium vota! quum sibi se liberis suis intelligerent precari, quae pro te precatur. Inde tu in Palatium quidem, sed eo vultu, ea moderatione, ut si privatam domum peteres: prius ad penates suos quisque, iteraturus gaudii fidem, nulla necessitas gaudendi est.

XXIV. Onerasset alium eiusmodi introitus; tunc studiis admirabilior et melior, talis denique, quales principes futuros se tantum pollicentur. Solum pro te commendat augetque temporis spatium. Iunxit enim ac miscuisti res diversissimas, securitatem

olim imperantis, et incipientis pudorem.
 vium amplexus ad pedes tuos deprimis, nec o-
 manu reddis. Manet Imperatori, quae prior o-
 manitas, dexteræ verecundia. Incedebas pe-
 incedis: laetabaris labore; laetaris. Eadem, quae
 illa circa te, nihil in ipso te Fortuna mutavit. Li-
 est, ingrediente per publicum principe, sub
 occurrere, comitari, praeterire: ambulas int-
 non quasi contingas; et copiam tui, non ut in-
 facis. Haeret lateri tuo, quisquis accessit, fin-
 sermoni suus cuique pudor, non tua superbia.
 Regimur quidem a te, et subiecti tibi, sed quon-
 dum legibus, sumus. Nam et illae cupiditates
 libidinesque moderantur, nobiscum tamen et in-
 versantur. Emines, excellis, ut honor, ut p-
 quae super homines quidem, hominum sunt.
 Ante te principes, fastidio nostri, et quodam
 litatis metu, usum pedum amiserant. Illos c-
 meri cervicesque servorum super ora nostra;
 te gloria, te civium pietas, te libertas super ip-
 cipes vehunt; te ad sidera tollit humus ita c-
 et confusa principis vestigia.

XXV. Nec vereor, P. C., ne longior vidi-
 sit maxime optandum, ut ea, pro quibus agu-
 rationis gratiae, multa sint: quae quidem reve-
 rationis et cogitationibus vest

tae curae tibi fuit, ne quis *expers* liberalitatis tuae fieret! Datum est his, qui post edictum tuum in locum erasorum subditi fuerant: aequatique sunt ceteris illi etiam, quibus non erat promissum. Negotiis aliquis, valetudine alius, hic mari, ille fluminibus distinebatur: expectatum est provisumque, ne quis aeger, ne quis occupatus, ne quis denique longe fuisset: veniret quisque, quum vellet: veniret quisque, quum posset. Magnificum, Caesar, et tuum, disiunctissimas terras munificentiae ingenio velut admove, immensaque spatia liberalitate contrahere: intercedere casibus, occurrere fortunae, atque omni ope adniti, ne quis e plebe Romana, dante congiarium te, hominem magis sentiret se fuisse, quam civem.

XXVI. Adventante congiarii die, observare principis egressum in publicum, insidere vias examina infantium, futurusque populus solebat. Labor parentibus erat, ostentare parvulos, impositosque cervicibus adulantia verba blandasque voces edocere: reddebant illi, quae monebantur. Ac plerique irritis precibus surdas principis aures adstrepebant; ignarique quid rogassent, quid non impetrassent, donec plane scirent, differebantur. Tu ne rogari quidem sustinui-
sti, et quamquam laetissimum oculis tuis esset, conspectu Romanae sobolis impleri, omnes tamen, antequam te viderent adirentve, recipi, incidi iussisti: ut iam inde ab infantia parentem publicum munere educationis experirentur; crescerent de tuo, qui crescerent tibi, alimentisque tuis ad stipendia tua pervenirent, tantumque omnes uni tibi, quantum parentibus suis quisque, deberent. Recte, Caesar, quod spem Romani nominis sumtibus tuis suscipis. Nullum est enim magno principe, immortalitatemque merituro, impendii genus dignius, quam quod erogatur in posteros. Locupletes ad tollendos liberos ingentia praemia, et pares poenae, cohortantur; pauperibus educandis una ratio est, bonus princeps. Hic fiducia sui procrea-

tos animi impetum fovet, auget, ampliuscitur, totumque imperii, totiusque rei publicae necessest, frustraque perceres, plebemque gloriari, ut defectum corpore caput utatque instabili pondere, tectur. Facile, et coniectare; quod percipere gaudium, quum te parvum, liberorum, senum, infantium, puerorum gloriari enciperet. Haec prima parvulorum civium vox, ac tuas imbuat, quibus tu daturus alimenta, hoc munus praestitisti, ne rogarent. Super omnia est tamen, quod talia es, ut sub te liberos tollere libent, et expediat.

XXVII. Nemo iam parcas filio, nisi fragilitatis humanae vices horrat; nec inter insanabiles morbos principis ira numeratur. Magnum quidem est educandi incitamentum, tollere liberos, in spem alimentorum, in spem congiuriorum; maius tamen, in spem libertatis, in spem securitatis. Atque adeo nihil largiatur princeps, dum nihil auferat; non alat, dum non occidat: nec deorunt, qui filios concupiscant. Contra, largiatur et auferat; alat et occidat: nec ille iam brevi tempore effecerit, ut omnes non posterorum modo, sed sui parentumque poeniteat. Quocirca nihil magis in tua tota liberalitate laudaverim, quam quod congiurium das de tuo, alimenta de tuo: neque a te liberi civium, ut ferarum catuli, sanguine et caedibus nutriuntur: quodque gratissimum est accipientibus, sciunt dari sibi, quod nemini est ereptum: locupletatisque tam multis, pauperiosum esse factum principem tantum: quamquam nec hunc quidem. Nam quis est; quidquid est omnium, tantum ipse, quantum omnes, habet.

XXVIII. Alio me vocat numerosa gloria tua: alio autem? quasi vero iam satis veneratus miratusque sim, quod tantam pecuniam profudisti, non ut flagitii tibi conscius ab insectatione eius averteres famam; nec ut tristes hominum moestosque sermones laetiore materia detineres. Nullam congiurio culpam, nullam ob-

antis crudelitatem redemisti, nec tibi bene faciendi t caussa, ut, quae male feceras, impune fecisses. nor impendio isto, non venia quaesita est; populusque Romanus obligatus a tribunali tuo, non exodus recessit. Obtulisti enim congiarium-gaudenti- s gaudens, securusque securis; quodque antea prin- ces ad odium sui leniendum tumentibus plebis ani- s obiectabant, id tu tam innocens populo dedisti, am populus accepit. Paullo minus, P. C., quinque illia ingenuorum fuerunt, quae liberalitas principis stri conquisivit, invenit, adscivit. Hi subsidium bel- um, ornamentum pacis, publicis sumtibus aluntur, riamque non ut patriam tantum, verum ut altricem are condiscunt. Ex his castra, ex his tribus reple- atur; ex his quandoque nascentur, quibus alimen- opus non sit. Dent tibi, Caesar, aetatem dii, quam reris, serventque animum, quem dederunt: et into maiorem infantium turbam iterum atque ite- n videbis incidi! Augetur enim quotidie et cre- : non quia cariores parentibus liberi; sed quia ncipi cives. Dabis congiaria, si voles; praestabis menta, si voles: illi tamen propter te nascuntur.

XXIX. Instar-ego perpetui congiarii reor affluen- m annonae. Huius aliquando cura Pompeio non nus addidit gloriae, quam pulsus ambitus campo, ctus hostis mari, oriens triumphis occidensque lu- atus. Nec-vero ille civilis, quam parens noster, storitate, consilio, fide reclusit vias, portus patefecit, era terris, litoribus mare, litora mari reddidit, di- sasque gentes ita commercio miscuit, ut, quod ge- um esset nequam, id apud omnes natum esse vide- ur. Nonne cernere datur, ut sine ullius iniuria omnis bus nostris annus exuberet? Quippe non, ut ex ho- to raptae periturae que in horreis messes, nequid- am quiritantibus sociis auferuntur. Devehunt ipsi, ad terra genuit, quod sidus aluit, quod annus tulit: : novis indictionibus pressi ad vetera tributa def-

ciunt. Emit fiscus, quidquid videtur emere. Inde copiae, inde annona, de qua inter licentem vendentemque conveniat: inde hic satietas, nec fames usquam.

XXX. Aegyptus alendis augendisque seminibus ita gloriata est, ut nihil imbribus caeloque deberet: siquidem proprio semper amne perfusa, nec alio genere aquarum solita pinguescere, quam quas ipse devexerat, tantis segetibus induebatur, ut cum feracissimis terris, quasi nunquam cessura, certaret. Haec isopina siccitate usque ad iniuriam sterilitatis, exaruit: quia piger Nilus cunctanter alveo sese ac languide extulerat, ingentibus quidem tunc quoque ille, fluminibus tamen, conferendus. Hinc pars magna terrarum mergi repararique palanti amne consueta, alto pulvere incanduit. Frustra tunc Aegyptus nubila optavit, caelumque respexit, quum ipse foecunditatis parens contractior et exilior, iisdem ubertatem eius anni angustis, quibus abundantiam suam, cohibuisset. Neque enim solum vagus ille, cum expanditur, amnis intra usurpata semper collium substiterat atque haeserat; sed supino etiam ac detinenti solo, non placido se mollique lapsu refugum abstulerat, et nec dum satis humentes terras addiderat arentibus. Igitur inundatione, id est, ubertate, regio fraudata, sic opem Caesaris invocavit, ut solet amnem suum: nec longius, illi adversorum fuit spatium, quam dum nuntia. Tam velox, Caesar, potentia tua est, tamque in omnia pariter intenta bonitas et accincta, ut tristius aliquid seculo tuo passis, ad remedium salutemque sufficiat, ut scias.

XXXI. Omnibus equidem gentibus fertiles annos gratasque terras precor: crediderim tamen per hunc Aegypti statum tuas Fortunam vires experiri, tuamque vigilantiam spectari voluisse. Nam quum omnia ubique secunda merearis: nonne manifestum est, si quid adversi cadat, tuis laudibus, tuisque virtutibus materiem campumque prosterni, quum secunda felices, adversa magnos probent? Percrebuerat antiqui-

tus, urbem nostram nisi opibus Aegypti ali sustentari-
que non posse. Superbiebat ventosa et insolens natio,
quod victorem quidem populum, pasceret tamen;
quodque in suo flumine, in suis navibus vel abundan-
tia nostra, vel fames esset. Refudimus Nilo suas copi-
as: recepit frumenta, quae miserat, deportatasque mes-
ses revexit. Discat igitur Aegyptus, credatque expe-
rimento, non alimenta se nobis, sed tributa praestare:
sciat, se non esse P. R. necessariam, et tamen serviat.
Post haec, si volet, Nilus amet alveum suum, et flumi-
nis modum servet: nihil hoc ad urbem, ac ne ad Ae-
gyptum quidem, nisi ut inde navigia inania et vacua
et similia redeuntibus, hinc plena et onusta et qualia
solent venire, mittantur; conversoque munere maria,
hinc potius venti ferentes et brevis cursus optentur.
Mirum, Caesar, videretur, si desidem Aegyptum ces-
santemque Nilum non sensisset urbis annona: quae
tuis opibus, tua cura usque illuc redundavit, ut simul
probaretur, et nos Aegypto posse, et nobis Aegyptum
carere non posse. Actum erat de foecundissima gen-
te, si libera fuisset: pudebat sterilitatis insolitae, nec
minus erubescere fame, quam torquebatur; quum
pariter a te necessitatibus eius pudorque subventum
est. Stupebant agricolae plena horrea, quae non ipsi
refersissent, quibusque de campis illa subvecta mes-
sis, quae in Aegypti parte alijs annis. Ita beneficio
tuo, nec maligna tellus, et obsequens Nilus. Aegypto qui-
dem saepe, sed gloriae nostrae nunquam largior fluxit.

XXXII. Quam nunc iuvat provincias omnes in fi-
dem nostram ditionemque venisse, postquam contigit
princeps, qui terrarum foecunditatem nunc huc, nunc
illuc, ut tempus et necessitas posceret, transferret re-
ferretque! qui diremtam mari gentem, ut partem ali-
quam populi plebisque Romanae, aleret ac tueretur!
Et caelo quidem nunquam benignitas tanta, ut omnes
simul terras ubertet foveatque: hic omnibus pariter,

si non fecunditatem, at bona fecunditatis importat: hic alternis com meatibus orientem occidentemque connectit, ut, quae ubique feruntur, quaeque expetuntur, omnes gentes invicem capiant, et discant, quanto libertati discordi servientibus sit utilis, unum esse, cui serviant. Quippe discretis quidem bonis omnium, sua cuiusque ad singulos mala; sociatis autem atque permixtis, singulorum mala ad neminem, ad omnes omnium bona pertinent. Sed sive terris divinitas quaedam, sive aliquis amnis genius; et solum illud et flumen ipsum precor, ut hac principis benignitate contentum, molli gremio semina recondat, multiplicata restituat. Non equidem reposcimus foenus: putet tamen esse solvendum, fallacemque unius anni fidem, omnibus annis, omnibusque postea seculis tanto magis, quia non exigimus, excuset.

XXXIII. Satisfactum qua civium, qua sociorum utilitatibus. Visum est spectaculum inde non enerve, nec fluxum, nec quod animos virorum molliret et frangeret, sed quod ad pulchra vulnera contemptumque mortis accenderet: quum in servorum etiam noxiarumque corporibus amor laudis et cupido victoriae cerneretur. Quam deinde in edendo liberalitatem, quam iustitiam exhibuit, omni affectione aut intactus, aut maior! Impetratum est, quod postulabatur: oblatum, quod non postulabatur. Instittit ultro, et, ut concupisceremus, admonuit: ac sic quoque plura inopinata, plura subita. Iam quam libera spectantium studia, quam securus favor! Nemini impietas, ut solebat, obiecta, quod odisset gladiatorem: nemo e spectatore spectaculum factus, miseras voluptates unco et ignibus expiavit. Demens ille, verique honoris ignarus, qui crimina maiestatis in arena colligebat, ac se despici et contemni, nisi etiam gladiatores eius veneraremur, sibi maledici in illis, suam divinitatem, suum numen violari, interpretabatur; quum se idem quod deos, idem gladiatores quod se putabat.

XXXIV. At tu, Caesar, quam pulchrum spectaculum pro illo nobis execrabili reddidisti! Vidimus delatorum iudicium, quasi grassatorum, quasi latronum. Non solitudinem illi, non iter, sed templum, sed forum insederant: nulla iam testamenta secura, nullius status certus: non orbitas, non liberi proderant. Auxerat hoc malum principum avaritia. Advertisti oculos, atque ut ante castris, ita postea pacem foro reddidisti: excidisti intestinum malum: et provida severitate cavisti, ne fundata legibus civitas eversa legibus videretur. Licet ergo cum fortuna, tum liberalitas tua visenda nobis praeberit, ut praebuilt, nunc ingentia robora virorum, et pares animos; nunc immanitatem ferarum, nunc inausuetudinem incognitam; nunc secreta illas et arcanas, ac sub te primum communes opes: nihil tamen gratius, nihil seculo dignius, quam quod contigit desuper intueri delatorum supina ora, retortasque cervices. Agnoscebamus et fruebamur, quum velut piaculares publicae solitudinis victimae, supra sanguinem noxiorum, ad lenta supplicia gravioresque poenas ducerentur. Congesti sunt in navigia raptim conquisita, ac tempestatibus dediti. Abirent, fugerentque vastatas delationibus terras: ac, si quem fluctus ac procellae scopulis reservassent, hic vnda saxa et inhospitale litus incoleret: ageret duram et anxiam vitam, relictaque post tergum totius generis humani securitate, moereret.

XXXV. Memoranda facies, delatorum classis permissa omnibus ventis, coactaque vela tempestatibus pandere, iratosque fluctus sequi, quoscunque in scopulos detulissent. Iuvabat, prospectare statim a portu sparsa navigia, et apud illud ipsum mare agere principi gratias, qui, clementia sua salva, ultionem hominum terrarumque diis maris commendasset. Quantum diversitas temporum posset, tum maxime cognitum est, quum iisdem, quibus antea cautibus innocentissimus quisque, tunc nocentissimus affigeretur;

quumque insulas omnes, quas modo senatorum, iam delatorum turba compleret, quos quidem non in praesens tantum, sed in aeternum repressisti, in illa poenarum indagine inclusos. Ereptum alienas pecunias eunt? perdant, quas habent: expellere penatibus gestiunt? suis exturbentur: neque, ut antea, exsanguem illam et ferream frontem necquidquam convulnerandam praebeant punctis, et notas suas rideant; sed expectent paria praemio damna, nec maiores spes, quam metus habeant, timeantque, quantum timebantur. Ingenti quidem animo divus Titus securitati nostrae actionique prospexerat, ideoque numinibus aequatus est: sed quanto tu quandoque dignior caelo, qui tot res illis adiecisti, propter quas illum deum fecimus! Id hoc magis arduum fuit, quod Imperator Nerva, te filio, te successore dignissimus, postquam magna quaedam edicto Titi adstruxerat, nihil reliquisse tibi videbatur, qui tam multa excogitasti, ut si ante te nihil esset inventum. Quae singula quantum tibi gratiae dispensata adiecissent! At tu simul omnia profudisti; ut sol et dies non parte aliqua, sed statim totus, nec uni aut alteri, sed omnibus in commune, profertur.

XXXVI. Quam iuvat cernere aerarium silens et quietum, et quale ante delatores erat! Nunc templum illud, nunc vere aedes, non spoliarium civium, cruentarumque praedarum saevum receptaculum, ac toto in orbe terrarum adhuc locus unus, in quo, optimo principe, boni malis impares essent. Manet tamen honor legum, nihilque ex publica utilitate convulsum: nec poena cuiquam remissa, sed addita est ultio, solumque mutatum, quod iam non delatores, sed leges timentur. At fortasse non eadem severitate fiscum, qua aerarium, colibes. Immo tanto maiore, quanto plus tibi licere de tuo, quam de publico credis. Dicitur actori, atque etiam procuratori tuo: *In ius veni; sequere ad tribunal*. Nam tribunal quoque excogitatum principatui est, par ceteris, nisi illud litigatoris ampli-

e metiariis. Sors et urna fisco iudicem assignat: eiicere, licet exclamare: *Hunc nolo, timidus t bona seculi parum intelligit: illum volo, quia rem fortiter amat.* Eodem foro utuntur prius et libertas. Quae praecipua tua gloria est, saecincitur fiscus; cuius mala causa nunquam est, ab bono principe. Ingens hoc meritum: mains quod eos procuratores habes, ut plerumque ci-i non alios iudices malint. Liberam est autem tanti dicere: *Nolo eum eligere.* Neque enim necessitatem muneribus tuis addis, ut qui scias, esse beneficiorum principalium summam gra-si illis et non uti licet.

XXVII. Onera imperii pleraque vectigalis insti-t: pro utilitate communi, ita singulorum iniuriis runt. His Vicesima reperta est, tributum tolera-t: facile heredibus dumtaxat extraneis, domesti-re. Itaque illis irrogatum est, his remissionem. cet, quod manifestum erat, quanto cum dolore, sen potius non laturi homines essent, destringi d et abradi bonis, quae sanguine, gentilitate, nm denique societate, meruissent, quaeque nun-ut aliena et speranda, sed ut sua semperque sa, ac deinceps proximo cuique transmittenda ent. Haec mansuetudo legis veteribus civibus iatur: novi, seu per Latinum in civitatem, seu be-principis venissent, nisi simul cognationis iura rassent, alienissimi habebantur, quibus coniun-ii fuerant. Ita maximum beneficium verteba-gravissimam iniuriam, civitasque Romana in-at odii, et discordiae, et orbitatis, quum carissi-gnora, salva ipsorum pietate, distraheret. Inve-itur tamen, quibus tantus amor nominis nostri t, ut Romanam civitatem non Vicesimae modo, etiam affinitatum damno bene compensari pu-; sed his maxime debebat gratuita contingere, us tam maguo aestimabatur. Igitur pater tuus

sanxit, ut, quod ex matris ad liberos, ex liberorum bonis pervenisset ad matrem, etiamsi cognationum iam non recepissent, quin civitatem adipiscerentur, eius Vicesimam ne darent. Eandem immunitatem in paternis bonis filio tribuit, si modo reductus esset in patris potestatem: ratus, improbe et insolenter ac paene impie his nominibus inseri publicanum, nec sine piculo quodam sanctissimas necessitudines velut intercedente Vicesima scindi; nullum esse tanti vectigal, quod liberos ac parentes faceret extraneos.

XXXVIII. Hactenus ille: parcius fortasse, quam decuit optimum principem, sed non parcius, quam optimum patrem, qui Optimum adeptaturus, hoc quoque parentis indulgentissimi fecit, quod delibasse quaedam, seu potius demonstrasse contentus, largam ac prope intactam benefaciendi materiam filio reservavit. Statim ergo muneri eius liberalitas tua adstruxit, ut, quemadmodum in patris filius, sic in hereditate filii pater esset immunis, nec eodem momento, quo pater esse desisset, hoc quoque amitteret, quod fuisset. Egregie, Caesar, quod lacrymas parentum vectigales esse non pateris. Bona filii pater sine deminutione possideat, nec socium hereditatis accipiat, qui non habet luctus: nemo recentem et attonitam orbitatem ad computationem vocet, cogatque patrem, quid reliquerit filius, scire. Augeo P. C. principis munus, quum ostendo, liberalitati eius inesse rationem. Ambitio enim et iactantia, et effusio, et quidvis potius, quam liberalitas existimanda est, cui ratio non constat. Dignum ergo, Imperator, mansuetudine tua, minuere orbitatis iniurias, nec pati quemquam, filio amisso, insuper affici alio dolore. Sic quoque abunde misera res est, pater filio solus heres: quid si coheredem non a filio accipiat? Adde, quod, quum divus Nervae sanxisset, ut in paternis bonis liberi necessitate Vicesimae solverentur, congruens erat, eandem immunitatem parentes in liberorum bonis obtinere. Cur enim

PANEGYR. CAP. XXXVIII. XXXIX. XL. 341

posteris amplior honor, quam maioribus haberetur? curve non retro quoque recurreret aequitas eadem? Tu quidem, Caesar, illam exceptionem removisti, *si modo filius in potestate patris fuisset*: intuitus, opinor, vim legemque naturae, quae semper in ditione parentum esse liberos iussit, nec, uti inter pecudes, sic inter homines potestatem et imperium valentioribus dedit.

XXXIX. Nec vero contentus primum cognationis gradum abstulisse Vicesimae, secundum quoque exemit, cavitque, ut in sororis benis frater, et contra, in fratris soror, utque avus, avia, in neptis nepotisque, et invicem illi, servarentur immunes. His quoque, quibus per Latium civitas Romana patuisset, idem indulsit, omnibusque inter se cognationum iura commisit, simul et pariter, et more naturae; quae priores principes a singulis rogari gestiebant, non tam praestandi animo, quam negandi. Ex quo intelligi potest, quantae benignitatis, quanti spiritus fuerit, sparsas, atque, ut ita dicam, laceras gentilitates colligere atque connectere, et quasi renasci inbere; deferre, quod negabatur, atque id praestare cunctis, quod saepe singuli non impetrassent; postremo, ipsum sibi eripere tot beneficiorum occasiones, tam numerosam obligandi imputandique materiam. Indignum credo ei visum, ab homine peti, quod dii dedissent. Sorores estis et frater, avus et nepotes; quid est ergo, cur rogetis, ut sitis? vobis estis. Quid? pro cetera sua moderatione non minus invidiosum putat dare hereditatem, quam auferre. Laeti ergo adite honores, capessite civitatem, neminem hoc necessitudinis abruptum, velut truncum, amputatumque destituet: iisdem omnes quibus ante pignoribus, sed honestiores perfruentur. Ac ne remotus quidem, iamque deficientis affinitatis gradus, a qualibet quantitate Vicesimam inferre eogetur. Statuit enim communis omnium parens summam, quae publicanum pati possit.

ditas: et si ita gratus heres volet, tota sepulchro, tot funeri serviet. Nemo observator, nemo castigatores ad sistet. Cuicunque modica pecunia ex hereditate aliquis obvenerit, securus habeat quietusque possident. Ea lex Vicesimae dicta est, ut ad periculum eius perveniri, nisi opibus, non possit. Conversa est iniquitas in gratulationem; iniuria in votum: optat heres, ut Vicesimam debeat. Additum est, ut, qui eiusmodi ex causis in diem edicti Vicesimam deberent, nondum tamen intulissent, non inferrent. At in praeteritum subvenire ne dii quidem possunt: tu tamen subvenisti, cavistique, ut desineret quisque debere, quod non esset postea debiturus. Idem effecisti, ne malos principes habuissemus; quo ingenio, si natura pateretur, quam libenter tot spoliatis, tot trucidatis sanguinem et bona refudisses! Vetiisti exigi, quod deberi non tunc seculo coeperat. Alius ut contumacibus irascere, tarditatemque solvendi dupli vel et quadrupli irrogatione mulcicaret: tu nihil referre iniquitatis existimas, exiges quod deberi non oportuerit, aut constituas, ut debeat.

XLI. Ferēs, Caesar, curam et sollicitudinem consulem. Nam mihi cogitanti, eundem te collationem remisisse, donativum reddidisse, congiarium obtulis delatores abegisse, vectigalia temperasse, interrogatus videris, satisne computaveris imperii redditus, tantas vires habeat frugalitas principis, ut tot impendiis, tot erogationibus sola sufficiat. Nam quid caussae, cur aliis quidem, quum omnia raperent rapta retinerent, ut si nihil rapuissent, nihil detissent, defuerint omnia? tibi, quum tam multa laris, et nihil auferas, omnia supersint? Nunquam cipibus defuerunt, qui fronte gravi et tristi sup utilitatibus fisci contumaciter adessent; et erant principes ipsi sua sponte avidi et rapaces, et qui non egerent: plura tamen semper a nobis condidicerunt. Sed ad tuas aures cum ceteris otum vel maxime avaris adulationibus obstr

aditus. Silent ergo et quiescunt, et postquam non est, cui suadeatur, qui suadeant, non sunt. Quo evenit, ut tibi ~~cum~~ plurimum pro tuis, plus tamen pro nostris moribus debeamus.

XLII. Locupletabant et fiscum et aerarium non tam Voconiae et Iuliae leges, quam maiestatis singulare et unicum crimen eorum, qui crimine vacarent. Huius tu metum penitus sustulisti, contentus magnitudine, qua nulli magis caruerunt, quam qui sibi maiestatem vindicabant. Reddita est amicis fides; liberis pietas, obsequium servis: verentur, et parent, et dominos habent. Non enim iam servi nostri principis amici, sed nos sumus: nec pater patriae alienis se mancipiis cariorem, quam civibus suis credit. Omnes accusatore domestico liberasti, unoque salutis publicae signo illud, ut sic dixerim, servile bellum sustulisti, in quo non minus servis, quam dominis praestitisti. Hos enim securos, illos bonos fecisti. Non vis interea laudari; nec fortasse laudanda sint: grata sunt tamen recordantibus principem illum in capita dominorum servos subornantem, monstrantemque crimina, quae tanquam delata posuisset: magnum et inevitabile, ac toties cuique experiendum malum, quoties quisque similes principi servos haberet.

XLIII. In eodem genere ponendum est, quod testamenta nostra ~~secula sunt~~: nec unus omnium, nunc quia scriptus, nunc quia non scriptus, heres es. Non tu falsis, non tu iniquis tabulis advocaris. Nullius ad te iracundia, nullius impietas, nullius furor confugit: nec quia offendit alius, nunc paris, sed quia ipse meruisti. Scriberis ab amicis, ab ignotis praeteris: nihilque inter privatum et principem interest, nisi quod nunc a pluribus amaris: nam et plures amat. Tene, Caesar, hunc cursum, et probabitur experimento, sitne feracius et uberius, non ad laudem modo, sed ad pecuniam, principi, si herede illo mori homines velint, quam si cogantur. Donavit pater tuus multa, et ~~regis~~

donasti. Cesserit parum gratus: manebat, qui bonis eius fruuntur, nihilque ex illis ad tua redit. Nam liberalitatem in cunctiora tua, clariorem ingratus facit. Sed quis autem istam pecuniae praetulit? quotusquisque ne id quidem in patrimoniis nostris suum daret de suo? Nonne ut regum, ita Caesarum illitos cibis hamos, opertos praeda laqueos, bantur? quum privatis facultatibus velut implicata, retro secum, quidquid attigerant,

XLIV. Quam utile est, ad usum secundum adversa venisse! Vixisti nobiscum, periclitatus es, quantopere detestentur malos principes, qui malos faciunt. Meministi, quae optare quae sis queri solitus. Nam privato iudicio pergis, meliorem imperio te praestas, quam tibi subire. Itaque sic imbuti sumus, ut, quae summa votorum melior pessimo princeps, possimus nisi optimum ferre. Nemo est ergo tam ignarus sui, ut locum istum post te cedere facilius est, ut esse aliquis successor tuus possit ut velit. Quis enim curae tuae molem sponte quis comparari tibi non reformidet? Expertus es, quam sit onerosum succedere bono praeferebas excusationem adeptanti. Quae prona sunt ad senectutem, quod nemo incolumitatem rependit? Salva est omnibus vita, intacta vitae: nec iam consideratus ac sapiens, qui in tenebris agit. Eadem quippe sub principibus praemia, quae in libertate: nec bene facti ex conscientia merces. Amas constantiam civis otiosque ac vividos animos non, ut alii, contemnis, sed foves et attollis. Prodest hoc quum sit satis abundeque, si non nocet: his sacerdotia, his provincias offers: hi amici hi iudices florent. Accunantur isto integritate

striae pretio similes, dissimiles alliciuntur: nam praemia bonorum malorumque bonos ac malos faciunt. Pauci adeo ingenio valent, ut non turpe honestumque, prout bene ac secus cessit, expetant fugiantve; ceteri, ubi laboris inertiae, vigilantiae somno, frugalitatis luxuriae merces datur, eadem ista, quibus alios artibus assequutos vident, consecantur: qualesque sunt illi, tales esse et videri volunt; et dum volunt, fiunt.

XLV. Et priores quidem principes, excepto patre tuo, praeterea uno aut altero, (et nimis dixi,) vitiis potentius civium, quam virtutibus laetabantur: primum, quod in alio sua quemque natura delectat; deinde, quod patientiores servitutis arbitrabantur, quos non deceret esse nisi servos. Horum in sinum omnia congeriebant: bonos autem otio aut situ abstrusos, et quasi sepultos, non nisi delationibus et periculis in lucem ac diem proferebant. Tu amicos ex optimis legis, et hercule aequum est, esse eos carissimos bono principi, qui invisi malo fuerint. Scis, ut sunt diversa natura dominatio et principatus, ita non aliis esse principem gratiorem, quam qui maxime dominum graventur. Hos ergo provehis, et ostentas quasi specimen et exemplar, quae tibi secta vitae, quod hominum genus placeat: et ideo non censuram adhuc, non praefecturam morum recepisti, quia tibi beneficiis potius, quam remediis ingenia nostra experiri placet. Et alioquin nescio, an plus moribus conferat princeps, qui bonos esse patitur, quam qui cogit. Flexibiles quaecunque in partem ducimur a principe, atque, ut ita dicam, sequaces sumus. Huic enim cari, huic probati esse cupimus; quod frustra speraverint dissimiles: eoque obsequii continuatione pervenimus, ut prope omnes homines unius moribus vivamus. Porro, non tam sinistre constitutum est, ut, qui malum principem possumus, bonum non possimus imitari. Perge modo, Caesar, et vim effectumque censurae, tuum propositum, tui actus obtinebunt. Nam vita principia cen-

sura est, eaque perpetua: ad hanc dirigimur, ad hanc convertimur: nec tam imperio nobis opus est, quam exemplo. Quippe infidelis recti magister est metus. Melius homines exemplis docentur, quae in primis hos in se boni habent, quod approbant, quae praecipiant, fieri posse.

XLVI. Et quis terror valuisset efficere, quod reverentia tui effecit? Obtinuit aliquis, ut spectaculum pantomimorum populus Romanus tolli pateretur; sed non obtinuit, ut vellet. Rogatus es tu, quod cogebat alius, coepitque esse beneficium, quod necessitas fuerat. Neque enim a te minore concentu, ut tolleres pantomimos, quam a patre tuo, ut restitueret, exactum est. Vtrumque recte: nam et restitui oportebat, quos sustulerat malus princeps; et tolli restitutos. In his enim, quae a malis bene fiunt, hic tenendus modus, ut appareat, auctorem displicuisse, non factum. Idem ergo populus ille aliquando scenici imperatoris spectator et applausor, nunc in pantomimis quoque aversatur et damnat effeminatas artes, et indecora seculo studia. Ex quo manifestum est, principum disciplinam capere etiam vulgus: quum rem, si ab uno fiat, severissimam, fecerint omnes. Macte hac gravitatis gloria, Caesar, qua consequutus es, ut, quod antea vis et imperium, nunc mores vocarentur. Castigaverunt vitia sua ipsi, qui castigari merebantur: iidemque emendatores, qui emendandi fuerunt. Itaque nemo de severitate tua queritur, et liberum est queri. Sed quum ita comparatum sit, ut de nullo minus principe querantur homines, quam de quo maxime licet; tuo in seculo nihil est, quo non omne hominum genus laetetur et gaudeat. Boni provehuntur; mali, qui tranquillissimus status civitatis, nec timent, nec timeantur. Mederis erroribus, sed implorantibus: omnibusque, quos bonos facis, hanc adstruis laudem, ne corrigisse videaris.

XLVII. Quid vitam? quid mores iuventutis?

quam principaliter formas! Quem honorem dicendi magistris, quam dignationem sapientiae doctoribus habes! Ut sub te spiritum et sanguinem et patriam receperunt studia! quae priorum temporum immanitas exsiliis puniebat, quum sibi vitiorum omnium conscius princeps inimicas vitis artes non odio magis, quam reverentia, relegaret. At tu easdem artes in complexu, oculis, auribus habes. Praestas enim, quaecunque praecipunt, tantumque eas diligis, quantum ab illis probaris. An quisquam studia humanitatis professus, non cum omnia tua, tum vel in primis laudibus ferat admissionum tuarum facilitatem? Magno quidem animo parens tuus hanc ante vos principes arcem PVELTCARVM AEDIVM nomine inscripserat; frustra tamen, nisi adoptasset, qui habitare, ut in publicis, posset. Quam bene cum titulo isto moribus tuis convenit! quamque omnia sic facis, tanquam non alius inscripserit! Quod enim forum, quae templa tam reserata? Non Capitolium, ipsaque illa adoptionis tuae sedes magis publica, magis omnium. Nullae obices, nulli contumeliarum gradus: superatisque iam mille liminibus, ultra semper aliqua dura et obstantia. Magna ante te, magna post te, iuxta tamen maxima quies: tantum ubique silentium, tam altus pudor, ut ad parvos penates et larem angustum ex domo principis, modestiae et tranquillitatis exempla referantur.

XLVIII. Ipse autem ut excipis omnes! ut expectas! ut magnam partem dierum inter tot imperii curas quasi per otium transigis! Itaque non ut alias attoniti, nec ut periculum capitis adituri tarditate, sed securi et hilares, quum commodum est, convenimus. Et admittente principe, interdum est aliquid, quod nos domi quasi magis necessarium teneat: excusati semper tibi, nec unquam excusandi sumus. Scis enim sibi quemque praestare, quod te videat, quod te frequentet: ac tanto liberalius ac diutius voluptatis huius copiam praebes. Nec salutem tuam fuga et vacillan-

sequitur. Remoramur, resistimus, ut in communi demo, quam nuper illa immanissima bellus plurimo terrore munierat: quum velut quorſam specu inclusa, nunc propinquorum sanguinem lamberet, nunc se ad clarissimorum civium strages caedesque proferret. Obversabantur soribus horror et minae, et par metus admissis et exclusis. Ad haec ipse occurſu quoque visuque terribilis: superbia in fronte, ira in oculis, femineus pallor in corpore, in ore impudentia multo rubore suffusa. Non adire quisquam, non alloqui audebat, tenebras semper secretumque captantem, nec unquam ex solitudine sua prodeuntem, nisi ut solitudinem faceret.

XLIX. Ille tamen, quibus sibi parietibus et muris salutem suam tueri videbatur, dolum secum et insidias, et ultorem scelerum deum inclusit. Dimovit perfregitque custodias Poena, angustosque per aditus et obstructos, non secus ac per apertas fores et invitantia limina irrupit: longeque tunc illi divinitas sua, longe arcana illa cubilia saevique secessus, in quos timore, et superbia, et odio hominum agebatur. Quanto nunc tutior, quanto securior eadem domus; postquam non crudelitatis, sed amoris excubiis, non altitudine et claustris, sed civium celebritate defenditur! Ecquid ergo discimus experimento, fidelissimam esse custodiam principis ipsius innocentiam? Haec arx inaccessa, hoc inexpugnabile munimentum, munimento non egere. Frustra se terrore succinxerit, qui septus caritate non fuerit: armis enim arma irritantur. Num autem serias tantum partes diernum in oculis nostris coetuque consumis? Num remissionibus tuis eadem frequentia, eademque illa socialitas interest? Non tibi semper in medio cibus, semperque mensa communis? Non ex convictu nostro mutua voluptas? Non provocas reddisque sermones? Non ipsum tempus epularum tuarum, quum frugalitas contrahat, extendit humanitas? Non enim ante medium diem dis-

tentus solitaria coena spectator adnotatorque convivis tuis immines: nec ieiunis et inanibus plenus ipse et ructans, non tam apponis, quam obiicis cibos, quos dedigneris attingere, aegreque perpessus superbam illam convictus simulationem, rursus te ad clandestinam ganeam occultumque luxum refers. Ergo non aurum, nec argentum, nec exquisita ingenia coenarum, sed suavitatem tuam iucunditatemque miramur: quibus nulla satietas adest, quando siacera omnia, et vera, et ornata gravitate. Neque enim aut peregrinae superstitionis mysteria, aut obscena petulantia, mensis principis oberrat: sed benigna invitatio, et liberales ioci, et studiorum honor. Inde tibi parvus et brevis somnus, nullumque amore nostri angustius tempus, quam quod sine nobis agis.

L. Sed quum rebus tuis ut participes perficiamur: quae habemus ipsi, quam propria, quam nostra sunt! Non enim exturbatis prioribus dominis, omne stagnum, omnem lacum, omnem etiam saltum, immensa possessione circumvenis: nec unius oculis flumina, fontes, maria deserviunt. Est, quod Caesar non suum videat; tandemque imperium principis, quam patrimonium, maius est. Multa enim ex patrimonio refert in imperium, quae priores principes occupabant, non ut ipsi fruerentur, sed ne quis alius. Ergo in vestigia sedesque nobilium immigrant pares domini, nec iam clarissimorum virorum receptacula habitatore servo teruntur aut foeda vastitate procumbunt. Datur intueri pulcherrimas aedes, deteraso situ auctas ac vigentes. Magnum hoc tuum non erga homines modo, sed erga tecta ipsa meritum, sistere ruinas, solitudinem pellere, ingentia opera eodem quo exstructa sunt animo ab interitu vindicare. Muta quidem illa et anima carentia; sentire tamen et lactari videntur, quod niteant, quod frequententur, quod aliquando coeperint esse domini scientia. Circumspectus sub nomine Caesaris

admissis et excusis. Ad nunc ipse occursum
atque terribilis: superbia in fronte, ira in oc-
mineus pallor in corpore, in ore impuden-
rubore suffusa. Non adire quisquam, non al-
debat, tenebras semper secretumque captan-
tinquam ex solitudine sua prodeuntem, nisi
clinem faceret.

XLIX. Ille tamen, quibus sibi parietibus
salutem suam tueri videbatur, dolum secun-
dias, et ultorem scelera deum inclusit.
perfregitque custodias Poena, angustosque
et obstructos, non secus ac per apertas fores e-
tia limina irrupit: longeque tunc illi divi-
longe arcana illa cubilia saevique secessus, in
more, et superbia, et odio hominum agebatu-
to nunc tutior, quanto securior eadem dom-
quam non crudelitatis, sed amoris excubiis,
tudine et claustris, sed civium celebritate de-
Ecquid ergo discimus experimento, fidissimam
custodiam principis ipsius innocentiam?
inaccessa, hoc inexpugnabile munimentum, et
non esse. Frustra se terrore succinxerit

tus solitaria coena spectator adnotatorque convivis
 immines: nec ieiunis et inanibus plenus ipse et
 tans, non tam apponis, quam obiicis cibos, quos de-
 neris attingere, aegreque perpessus superbam illam
 victus simulationem, rursus te ad clandestinam
 team occultumque luxum refers. Ergo non aurum,
 argentum, nec exquisita ingenia coenarum, sed su-
 atem tuam incanditatenique miramur: quibus nul-
 atietas adest, quando sincera omnia, et vera, et or-
 a gravitate. Neque enim aut peregrinae superati-
 nis mysteria, aut obscena petulantia, mensis princi-
 oberrat: sed benigna invitatio, et liberales ioci, et
 diorum honor. Inde tibi parvus et brevis somnus,
 illumque amore nostri angustius tempus, quam quod
 e nobis agis.

L. Sed quum rebus tuis ut participes perfruamur:
 ac habemus ipsi, quam propria, quam nostra sunt!
 on enim exturbatis prioribus dominis, omne sta-
 um, omnem lacum, omnem etiam saltum, immen-
 possessione circumvenis: nec unius oculis flumina,
 ites, maria deserviunt. Est, quod Caesar non suum
 leat; tandemque imperium principis, quam patri-
 onium, maius est. Multa enim ex patrimonio refert
 imperium, quae priores principes occupabant, non
 ipsi fruerentur, sed ne quis alius. Ergo in vestigia
 lesque nobilium immigrant pares domini, nec iam
 rissimorum virorum receptacula habitatore servo
 untur aut foeda vastitate procumbunt. Datur in-
 eri pulcherrimas aedes, deterso situ auctas ac vigen-
 t. Magnum hoc tuum non erga homines modo, sed
 ga tecta ipsa meritum, sistere ruinas, solitudinem
 llere, ingentia opera eodem quo exstructa sunt an-
 o ab interitu vindicare. Muta quidem illa et anima
 rentia; sentire tamen et lactari videntur, quod nite-
 t, quod frequententur, quod aliquando coeperint et
 domini scientia. Circumsertur sub nomine Caesaris

tabula ingens rerum venalium; quo sit detestanda avaritia illius, qui tam multa concupiscebat, quum haberet supervacua tam multa. Tunc exitialis erat apud principem, huic laxior domus, illi amoenior villa. Nunc princeps in haec eadem dominos quaerit, ipse inducit: ipsos illos magni aliquando imperatoris hortos, illud nunquam nisi Caesaris suburbanum, licemur, emimus, implemus. Tanta benignitas principis, tanta securitas temporum est, ut ille nos principalibus rebus existimet dignos, nos non timeamus, quod digni esse videmur. Nec vero emendi tantum civibus tuis copiam praebes, sed amoenissima quaeque largiris et donas: ita, inquam, donas, in quae electus, in quae adoptatus es: transfers, quod iudicio acceperisti, ac nihil magis tuum credis, quam quod per amicos habes.

LI. Idem tam parcus in aedificando, quam diligens in tuendo. Itaque non, ut ante, immanium transvectione saxorum urbis tecta quatiuntur; stant securae domus, nec iam templa nitantia. Satis est tibi, nimiumque, quum successeris frugalissimo principi; majoris recidere aliquid et amputare ex his, quae princeps tanquam necessaria reliquit. Praeterea pater tuus visibus suis detrahebat, quae fortuna imperii dederat: tu tuis, quod pater. At quam magnificus in publicum es? Hinc porticus, inde delubra occulta celeritate properantur, ut non consuminata, sed tantum commutata videantur. Hic immensum latus Circi templorum pulchritudinem provocat, digna populo victore gentium sedes, nec minus ipsa visenda, quam quae ex illa spectabuntur: visenda autem cum cetera specie, tum quod aequatus plebis ac principis locus. Siquidem per omne spatium una facies, omnia continua et paria, nec magis proprius spectandi Caesaris suggestus, quam propria, quae spectet. Licebit ergo civibus tuis invicem contueri: dabitur, non cubiculum principis, sed ipsum principem cernere, in publico, in populo sedentem: populo, cui locorum quinque millia adie-

cisti. Auxeras enim numerum eius congiarii facilitate, maioremque in posterum suscipi liberalitatis tuae fide iusseras.

LII. Horum unum si praestitisset alius, illi iam dudum radiatum caput, et media inter deos sedes auro staret aut ebore, angustioribusque aris et grandioribus victimis invocaretur. Tu delubra non nisi adoraturus intras, tibi maximus honor excubare pro templis, postibusque praetexi. Sic fit, ut dei summum inter homines fastigium servant, quum deorum ipse non adpetas. Itaque tuam statuam in vestibulo Iovis Optimi Maximi unam alteramve, et hanc aeream, cernimus. At paullo ante aditus omnes, omnes gradus, totaque area hinc auro, hinc argento relucebat, seu potius polleebatur: quum incesti principis statuis permixta deorum simulacra sorderent. Ergo istae quidem aereae et paucae manent, manebuntque, quam diu templum ipsum: illae autem aureae et innumerabiles strage et ruina publico gaudio litaverunt. Iuvabat illidere solo superbissimos vultus, instare ferro, saevire securibus, et si singulos ictus sanguis dolorque sequeretur. Nemo tam temperans gaudii aeraeque laetitiae, quin in ar ultionis videretur, cernere laceros artus, truncataembra; postremo truces horrendasque imagines iectas, excortasque flammis: ut ex illo terrore et minis in usum hominum ac voluptates ignibus mutarentur. Simili reverentia, Caesar, non apud Genium un bonitati tuae gratias agi, sed apud numen Iovis Optimi Maximi pateris: illi debere, quidquid nos timeamus, illius, quod bene facias, muneris esse, te dedit. Ante quidem ingentes hostiarum greges Capitolinum iter, magna sui parte velut intercepti, ertere via cgebantur: quum saevissimi domini iussu effigies tanto victimarum cruore coleretur, tum ipso humani sanguinis profundeabat.

LII. Omnia, P. C., quae de aliis principibus a te dicuntur, aut dicta sunt, eo pertinent, ut ostend-

dam, quam longa consuetudine corruptos, que mores principatus parens noster reformat, rigat. Et alioquin nihil non parum grate ratione laudatur. Praeterea hoc primum erga Imperatorem piorum civium officium est, similes. Neque enim satis amarint bono qui malos satis non oderint. Adhuc, quod nostri non aliud amplius ac diffusius inquam quod insectari malos principes tutum excidit dolori nostro modo vindicatus Neronem teret, credo, famam vitamque eius carpi, et ulciscatur: nec ut in se dicta interpretari de simillimo dicerentur. Quare ego, Caesaribus tuis omnibus comparo, multis anteponecet nobis et in praeteritum de malis Imperatorum quotidie vindicari, et futuros sub exemplo, nullum locum, nullum esse tempus, quorum principum manes a posterorum exsequiis conquiescant. Quo constantius, P. C., et tristitia et gaudia proferamus: laetemur his, fruimur; ingemiscamus illis, quae patiemur; mul utrumque faciendum est sub bono prius secreta nostra, hoc sermone, haec ipsae gratiae agant; meminerintque, sic maxime laudem Imperatorem, si priores secus meriti dantur. Nam quum de malo principe possumus manifestum est, eadem facere praesentem.

LIV. Et quis iam locus miserae adulationis

tui theatra ipsa consurgent, quanto magis de te scenae silebunt. Sed quid ego istud admiror, quum eos quoque honores, qui tibi a nobis offeruntur, aut delibare parcissime, aut omnino soleas recusare? Nihil ante tam vulgare, tam parvum in senatu agebatur, ut non laudibus principum immorarentur, quibuscunque censendi necessitas accidisset. De ampliando numero gladiatorum, aut de instituendo collegio fabrorum consulebamus: et quasi prolatis imperii sinibus nunc ingentes arcus, excessurosque templorum fastigium titulos, nunc menses etiam, nec hos singulos, nomini Caesarum dicabamus. Patiebantur illi, et, quasi meruissent, laetabantur. At nunc quis nostrum, tanquam oblitus eius, de quo refertur, censendi officium principis honore consumit? Tuae moderationis laus haec constantia nostra: tibi obsequimur, quod in curiam, non ad certamen adulationum, sed ad usum munusque iustitiae convenimus, hanc simplicitati tuae veritatisque gratiam relaturi, ut te, quae vis, velle, quae non vis, nolle credamus. Incipimus inde, desinimus ibi, a quo incipi, in quo desini sub alio principe non posset. Nam plerosque ex decretis honoribus et alii non receperunt; nemo ante tantus fuit, ut crederetur soluisse decerni. Quod ego titulis omnibus speciosius eor, quando non trabibus aut saxis nomen tuum, sed monumentis aeternae laudis inciditur.

LIV. Ibit in secula, fuisse principem, cui florenti et columi, nunquam nisi modici honores, saepius nullo decernerentur. Et sane, si velimus cum priorum temporum necessitate certare, vincemur: ingeniosior enim ad excoGITandum simulatio veritate, servitus veritate, metus amore. Simul quum iampridem novus omnis adulatione consumpta sit, non alius erga te tuus honor superest, quam si aliquando de te tacere camus. Age, si quando pietas nostra silentium ruet verecundiam tuam vicit, quae qualiaque decernus nos, tu non recusas: ut appareat, non superbia

IN. PAN. Z

et fastidio te amplissimos honores repudiare, qui minores non dedigneris. Pulchrius hoc, Caesar, quam si recusares omnes: nam recusare omnes, ambitionis; moderationis est, eligere parcissimos. Quo temperamento et nobis et aerario consulis: nobis quidem, quod omni liberas suspicione; aerario autem, quod sumtibus eius adhibes modum, ut qui exhaustum non sis innocentium bonis repleturus. Stant igitur effigies tuae, quales olim ob egregia in rempublicam merita privatis dicabantur. Visuntur eadem e materia Caesaris statuæ, qua Brutorum, qua Camillorum. Nec discrepat causa. Illi enim reges hostemque victorem moenibus depulerunt: hic regnum ipsum, quæque alia captivitas gignit, arcet ac submovet; ædemque obtinet principis, ne sit domino locus. Ac mihi, intuenti sapientiam tuam, minus mirum videtur, quod mortales istos caducosque titulos, aut deprecæris, aut temperes. Scis enim, ubi vera principis, ubi sempiterna sit gloria: ubi sint honores, in quos nihil flammis, nihil senectuti, nihil successoribus liceat. Arcus enim et statuæ, aras etiam templaque demolitur et obscurat oblivio, negligit carpitque posteritas: contra, contemptor ambitionis, et infinitæ potestatis domitor ac frenator animus ipsa vetustate florescit, nec ab ullis magis laudatur, quam quibus minime necesse est. Præterea, ut quisquis factus est princeps, extemplo fama eius, incertum bona an mala, ceterum æterna est. Non ergo perpetua principi fama quæ invitum manet, sed bona concupiscenda est: ea porro non imaginibus et statuæ, sed virtute ac meritis prorogatur. Quin etiam leviora hæc, formam principis figuramque, non aurum melius, vel argentum, quam favor hominum exprimat teneatque. Quod quidem prolixè tibi cumulateque contingit, cuius lætissima facies et amabilis vultus in omnium civium ore, oculis, animo sedet.

LVI. Annotasse vos credo, Patres Conscripti, iam dudum me non eligere, quæ referam, propositam

est enim mihi, Principem laudare, non Principis facta. Nam laudabilia multa etiam mali faciunt; ipsa laudari, nisi optimus, non potest. Quare non alia maior, Imperator Auguste, gloria tua, quam quod agentibus tibi gratias nihil velandum est, nihil omittendum est. Quid est enim in principatu tuo, quod cuiusquam praedicatio vel transsilire, vel praetervehi debeat? Quod momentum, quod immo temporis punctum, aut beneficio sterile, aut vacuum laude? Nonne omnia eiusmodi, ut is optime te laudasse videatur, qui narraverit fidelissime? Quo fit, ut prope in immensum diffundatur oratio mea: et necdum de biennio loquor. Quam multa dixi de moderatione, et quanto plura adhuc restant! ut illud, quod secundum consulatum recepisti, quia princeps et pater deferbat. At postquam ad te imperii summam, et cum omnium rerum, tum etiam tui potestatem dii transtulerunt; tertium consulatum recusasti, quum agere tam bonum consulem posses. Magnum est, differre honorem; gloriam, maius. Getum consulatum mirer, an non receptum? gestum on in hoc urbis otio, et intimo sinu pacis; sed iuxta irbaras gentes: ut illi solebant, quibus erat moris ludamento mutare praetextam, ignotasque terras storia sequi. Pulchrum imperio, gloriosum tibi, um te socii atque amici, sua in patria, suis in sedibus adierunt. Decora facies consulis: multa post se a tribunal viridi cespite exstructum, nec fascium um, sed pilorum signorumque honore circumdant. Augebant maiestatem praesidentis, diversi pontium habitus, ac dissonae voces, raraque sine inete oratio. Magnificum est civibus iura; quid bus reddere? speciosum certam fori partem; immanes campos sella curuli victorisque vestiemere? imminere minacibus ripis tutum quiete; quid spernere barbaros fremitus, hostilem rortorem, non armorum magis, quam togarum tione compeccere? Itaque non te apud ima-

gines sed ipsum praesentem audientemque consulabant Imperatorem: nomenque, quod alii dormitis hostibus, tu contemtis merebare.

LVII. Haec laus acti consulatus; illa dilati, quod adhuc initio principatus, ut iam excusatus honoribus et expletus, consulatum recusasti: quem novi Imperatores destinatum aliis, in se transferebant. Fuit etiam, qui in principatus sui fine consulatum, quem dederat ipse, magna ex parte iam gestum, extorqueret et raperet. Hoc ergo honore, quem et incipientes principes et desinentes adeo concupiscunt, ut auferant, tu, otioso ac vacante, privatis cessisti. Invidiosumne erat aut tibi tertius consulatus, aut principi primus? Nam secundum Imperator quidem, sub Imperatore tamen, iniati: nihilque imputari in eo vel honori potest, vel exemplo, nisi obsequium. Ita vero, quae civitas quinques, atque etiam sexies, consules vidit, non illos, qui exspirante iam libertate per vim ac tumultum creabantur, sed quibus sepositis et absentibus, in rura sua consulatus ferebantur: in hac civitate tertium consulatum princeps generis humani, ut praegravem, recusasti? Tantone Papyriis etiam et Quinctiis moderatior, Augustus, et Caesar, et Pater patriae? At illos respublica ciebat. Quid? te non eadem respublica? non senatus? non consulatus ipse? qui sibi tuis humeris attolli et augescere videtur?

LVIII. Non te ad exemplar eius voco, qui continuis consulatibus fecerat longum quandam et sine discrimine annum: his te confero, quos certum est, quoties consules fuerunt, non sibi praestitisse. Erat in senatu ter consul, quum tu tertium consulatum recusabas. Onerosum nescio quid verecundiae tuae consensus noster indixerat, ut princeps toties consul esses, quoties senator tuus: nimia modestia istud, etiam privatus, recusasses. An consularis viri triumphalisque filius, quum tertio consul creatur, adscendit? non debitum hoc illi? non vel sola generis claritas pro-

meritum? Contigit ergo privatis aperire annum, fastosque reserare: et hoc quoque redditae libertatis indicium fuit, quod consul alius, quam Caesar, esset. Sic exactis regibus coepit liber annus: sic olim servitus pulsa, privata fastis nomina induxit. Miseros ambitionis, qui ita consules semper, ut semper principes erant! Quamquam non ambitio magis, quam livor et malignitas videri potest, omnes annos possidere, summumque illud purpurae decus non nisi praecertum praefloratumque transmittere. Tuam vero maguanimitatem, an modestiam, an benignitatem prius mirer? Maguanimitas fuit, expetito semper honore abstinere; modestia, cedere; benignitas, per alios frui.

LIX. Sed iam tempus est, te ipsi consulatui praestare, ut maiorem eum suscipiendo gerendoque augustiorem facias. Nam saepius recusare, ambiguum ac potius illam interpretationem habet, tanquam minorem putes. Tu quidem ut maximum recusasti; sed hoc persuadere nemini poteris, nisi aliquando et non recusaveris. Quum arcus, quum tropaea, quum statuas deprecari; tribuenda est verecundiae tuae venia; illa enim sane tibi dicantur: nunc vero postulamus, ut futuros principes doceas inertiae renuntiare, paulisper delicias differre, paullisper et saltem ad brevissimum tempus, ex illo felicitatis somno velut excitatos, induere praetextam, quam quum dare possent, occuparint; adscendere curulem, quam detineant; esse lenique, quod concupierunt, nec ideo tantum velle consules fieri, ut fuerint. Gessisti alterum consulatum, pro: illum exercitiis, illum provinciis, illum etiam teris gentibus poteris imputare, non potes nobis. Idivimus quidem, te omne munus consulis obisse; laudivimus. Diceris iustissimus, humanissimus, clementissimus fuisse; sed diceris. Aequum est aliando nos iudicio nostro, nostris oculis, non famae per et rumoribus credere. Quosque absentes gaudente gaudebimus? Liceat experiri, an aliquid eorum

perbiae tibi ille ipse secundus consulatus attulerit. Multum in commutandis moribus hominum medius annus valet, in principum plus. Didicimus quidem, cui virtus aliqua contingat, omnes inesse: cupimus tamen experiri, an nunc quoque una eademque res sit, bonus consul, et bonus princeps. Nam praeter id, quod est arduum, duas easque summas simul capere potestates, tum inest utrique nonnulla diversitas, quum principem quam simillimum esse privato, consulem quam dissimillimum, deceat.

LX. Atque ego video, proximo anno consulatus recusandi hanc praecipuam fuisse rationem, quod cum absens gerere non poteras: sed iam urbi votisque publicis redditus, quid est, in quo magis sis approbaturus, quae quantaque fuerint, quae desiderabamus? Parum est, ut in curiam venias, nisi et convocas; ut intersis senatui, nisi et praesides; ut censes audias, nisi et perrogas. Vis illud augustissimum consulum aliquando tribunal maiestati suae reddere? adscende. Vis constare reverentiam magistratibus, legibus auctoritatem, modestiam postulantibus? adi. Quod enim interesset reipublicae, si privatus esses, consulem te haberet tantum, an et senatorem; hoc nunc scito interesse, principem te habeat tantum, an et consulem. His tot tantisque rationibus, quamquam multum reluctata verecundia Principis nostri, tandem tamen cessit. At quemadmodum cessit? Non se ut privatis, sed ut privatos pares sibi faceret. Recepit enim tertium consulatum, ut daret. Noverat moderationem hominum, noverat pudorem, qui non sustinerent tertio consules esse, nisi cum ter consule. Bellorum istud sociis olim, periculorum consortibus, parce tamen tribuebatur; quod tu singularibus viris, ac de te quidem bene ac fortiter meritis praestitisti, sed in toga meritis. Vtriusque cura, ntriusque vigilantia obstrictus es, *Caesar*. Sed in principe rarum, ac prope insolitum est, ut se putet obligatum, aut, si putet, amari. Debes er-

go, Caesar, et solvis. Sed quum ter consules facis, non tibi magnus princeps, sed non ingratus amicus videris. Quin etiam perquam modica quaedam civium merita fortunae tuae viribus in maius extollis. Efficis enim, ut tantum tibi quisque praestitisse videatur, quantum a te recepit. Quid isti benignitati precer? nisi ut semper obligeris, incertumque facias, utrum magis expediat civibus tuis debere tibi, an praestitisse.

LXI. Equidem illum antiquum senatum contueri videbar, quum ter consule assidente, tertio consulem designatum rogari sententiam cernerem. Quanti tunc illi, quantusque tu! Accidit quidem, ut corpora quamlibet ardua et excelsa, procerioribus admota, decrescant; item, ut altissimae civium dignitates collatione fastigii tui quasi deprimantur, quantoque propius ad magnitudinem tuam adscenderint, tantum etiam a sua descendisse videantur. Illos tamen tu, quamquam non potuisti tibi aequare, quum velles, adeo in edito collocasti, ut tantum super ceteros, quantum infra te cernerentur. Si unius tertium consulatum eundem in annum, in quem tuum, contulisses: ingentis animi specimen haberetur. Vt enim felicitatis est, quantum velis, posse: sic magnitudinis, velle, quantum possis. Laudandus quidem et ille, qui tertium consulatum meruit; sed magis, sub quo meruit: magnus memorandusque, qui tantum praemium cepit; sed maior, qui capienti dedit. Quid? quod duos pariter tertio consulatu collegas tui sanctitate decorasti? ut sit nemini dubium, hanc tibi praecipuam causam fuisse extendendi consulatus tui, ut duorum consulatus amplecteretur, et collegam te non uni daret. Vterque nupex consulatum alterum gesserat a patre tuo, id est, quanto minus quam a te? datum: utriusque adhuc oculis paullo ante dimissi fasces oberrabant: utriusque solemnus ille lictorum et praenuntius clamor auribus insederat; quum rursus curulis, rursusque purpura: ut olim, qui in proximo, et in ante-

num discrimen adducta respublica, experturibus virum posceret, non consulatus hominidem, sed iidem homines consulatibus reddo. Tanta tibi benefaciendi vis, ut indulgentia tuisitatus aemuletur. Modo praetextas exuerant mant: modo lictores abire iusserant; revoceo gratulantes amici recesserant; revertantur minisne istud ingenium est? hominis potest novare gaudia, redintegrare laetitiam, nullam gratulationibus dare, neque alia repetendis cobus intervalla permittere, nisi dum finiuntur ista semper, nec unquam in hoc opere aut animi aut fortuna lassetur. Des quam plurimis tertulatus, et, quum plurimis tertios consulatus semper tamen plures, quibus debeas dare, su

LXII. Omnium quidem beneficiorum, quarentibus tribuuntur, non ad ipsos gaudium quam ad similes redundat: praecipue tamen ex consulatu, non ad partem aliquam senatus, setum senatum tanta laetitia pervenit, ut eundem rem omnes sibi et dedisse et acceperisse videanturpe enim hi sunt, quos senatus, quum publicisbus minuendis optimum quemque praeficeret, et quidem primos. Hoc est igitur, hoc est, quodtus illos animo Caesaris insinuavit. An parum experti sumus, hanc esse rerum conditionem, natus favor apud principem aut prosit, aut Nonne paullo ante nihil magis exitiale erat, quila principis cogitatio? *Hunc senatus probat, natui carus est.* Oderat, quos nos amaremus; nos, quos ille. Nunc inter principem senatum gnissimi cuiusque caritate certatur. Demons invicem, credimus invicem, quodque maximus ris mutui signum est, eosdem amamus. Proinde favete aperte, diligite constanter. Non iam diligendus est amor, ne noceat; non premendum ne prosit. Eadem Caesar, quae senatus, probat

batque. Vos ille praesentes, vos etiam absentes in consilio habet. Tertio consules fecit, quos vos elegeratis: et fecit hoc ordine, quo electi a vobis erant. Magnus uterque honor vester, sive eosdem maxime diligit, quos scit vobis esse carissimos; sive illis neminem praefert, quamvis aliquem magis amet. Proposita sunt senioribus praemia, invenibus exempla: adeant, frequentent securas tandem ac patentes domos: quisquis probatos senatui viros suspicit, hic maxime principem promeretur. Sibi enim accrescere putat, quod cuique adstruatur: nullamque in eo gloriam ponit, quod sit omnibus maior, nisi maximi superint, quibus maior est. Persta, Caesar, in ista ratione propositi, talesque nos crede, qualis fama cuiusque est. Huic aures, huic oculos intende: ne respexeris clandestinas existimationes, nullisque magis quam audientibus insidiantes susurros. Melius omnibus, quam singulis creditur: singuli enim decipere et decipi possunt: nemo omnes, neminem omnes fefellerunt.

LXIII. Revertor iam ad consulatum tuum: etsi sunt quaedam ad consulatum quidem pertinentia, ante consulatum tamen. In primis quod comitiis tuis interfuisti, candidatus, non consulatus tantum, sed immortalitatis, et gloriae, et exempli, quod sequerentur boni principes, mali mirarentur. Vidit te populus Romanus in illa vetere potestatis suae sede: perpessus es longum illud carmen comitorum, nec iam irridendam moram: consulque es, ut unus ex nobis, quos facis consules. Quotusquisque principum antecedentium honorem istum aut consulatui habuit, aut populo? Non alii marcidis somno hesternaque coena redundantes, comitorum suorum nuntios operiebantur? Alii sane pervigiles et insomnes, sed intra cubilia sua illis ipsis consiliis, a quibus consules renuntiabantur, exilia et eadem machinabantur. O prava et inscia verae maiestatis ambitio, concupiscere honorem, quem dedigneris, dignari, quem concupieris: quumque ex proxima hor-

tis campum et comitia prospectes, sic ab illis abesse, tanquam Danubio Rhenoque dirimare! Averseris tu honori tuo sperata suffragia, renuntiarique te consulem iussisse contentus, liberae civitatis ne simulationem quidem serves? Abstineas denique comitiis, abstrusus atque abditus, quasi illic tibi non consulatus datur, sed abrogetur imperium? Haec persuasio superbissimis dominis erat, ut sibi viderentur principes esse desinere, si quid facerent tanquam senatores. Plerique tamen non tam superbia, quam metu quodam submovebantur. An stuprorum sibi incestarumque noctium conscii, auspicia polluere, sacratumque campum nefario auderent contaminare vestigio? Non adeo deos hominesque contemserant, ut in illa spatiosissima sede hominum deorumque coniectos in se oculos ferre ac perpeti possent. Tibi contra et moderatio tua suavit, et sanctitas, ut te et religioni deorum et iudiciis hominum exhiberes.

LXIV. Alii consulatum ante quam acciperent, tu et dum accipis, meruisti. Peracta erant solennia comitiorum, si principem cogitares, iamque se omnis turba commoverat, quum tu, mirantibus cunctis, accedis ad consulis sellam: adigendum te praebes in verba principibus ignota, nisi quum iurare cogeres alios. Vides, quam necessarium fuerit consulatum non recusare? Non putassemus istud facturum te fuisse si recusasses. Stupeo, P. C., nec dum satis aut oculis meis aut auribus credo: atque identidem me, an audierim, an viderim, interrogo. Imperator ergo, Caesar, et Augustus, Pontifex maximus, stetit in gremium consulis? seditque consul principe ante stante? et sedit inturbatus, interritus, et tanquam fieri soleret? Quin etiam sedens stanti praecivit iterandum, et ille intravit, expressit, explanavitque haec, quibus caput suum, domum suam, si sciens lisset, deorum irae consecraret. Ingens, Caesar, par gloria tua, sive fecerint istud postea principe

e non fecerint. Vllane satis praedicatio digna est, lem tertio consulem fecisse, quod primo? idem principem, quod privatum? idem Imperatorem, quod ubi Imperatore? Nescio iam, nescio, pulchriusne sit istud, quod praecunte nullo, an hoc, quod alio praecunte iurasti.

LXV. In rostris quoque simili religione ipse te legibus subiecisti: legibus, Caesar, quas nemo principi cripsit. Sed tu nihil amplius vis tibi licere, quam nois: sic fit, ut nos tibi plus velimus. Quod ergo nunc rimum audio, nunc primum disco, non est princeps upra leges, sed leges supra principem: idem Caesari onsului, quod ceteris, non licet. Iurat in legem attentibus diis; nam cui magis quam Caesari attendant? urat observantibus his, quibus idem iurandum est: on ignarus alioqui, nemini religiosius, quod iuravet, custodiendum, quam cuius maxime interest, non eierari. Itaque et abiturus consulatu iurasti, te nihil ontra leges fecisse. Magnum hoc erat, quum promitteres; maius, postquam praestitisti. Iam toties procedere in rostra, inadscensumque illum superbiae principum locum terere, hic suscipere, hic ponere magistratus, quam dignum te, quamque diversum consuetudine illorum, qui pauculis diebus gestum consulatum, immo non gestum, abiiciebant per edictum! Hoc ro concione, pro rostris, pro iure iurando: scilicet t primis extrema congruerent; utque hoc solo intelligerentur ipsi consules fuisse, quod alii non fuissent.

LXVI. Non traussilivi, Patres Conscripti, Principis ostri consulatum; sed eundem in locum contuli, uidquid de iure iurando dicendum erat. Neque enim, t in sterili iciunae materia, eandem speciem laudis iducere ac spargere, atque identidem tractare debemus. Illuxerat primus consulatus tui dies, quo tu curam ingressus, nunc singulos, nunc universos adhortaris es resumere libertatem, capesserè quasi communis operii curas, invigilare publicis utilitatibus et inaur-

gere. Omnes ante te eadem ista dixerunt, i
men ante te creditum est. Erant sub oculis
multorum, quos insidiosa tranquillitate pro
provisus turbo perculerat. Quod enim tar
mare, quam blanditiae principum illorum, q
ta levitas, tanta fraus, ut facilius esset irat
propitios habere? Te vero securi et alacres,
sequimur. Iubes esse liberos; erimus. It
sentimus, premere in medium; proferemu
enim adhuc ignavia quadam et insito torpor
mus: terror, et metus, et misera illa ex pe
cta prudentia monebat, ut a republica (e
omnino nulla respublica) oculos, aures, ani
teremus. At nunc tua dextera tuisque pro
et innixi, obsepta diutina servitute ora i
frenatamque tot malis linguam resolvimus.
tales esse nos, quales iubes, nihilque exhor
tuis fucatum, nihil subdolum denique, que
tem fallere paret, non sine periculo fallent
enim unquam deceptus est princeps, nisi
ipse decepit.

LXVII. Equidem hunc parentis public
cum ex oratione eius, tum pronuntiatione
spexisse videor. Quae enim illa gravitassent
quam in affectata veritas verborum! quae a
in voce! quae assertio in vultu! quanta
habitu, gestu, toto denique corpore fides
ergo semper, quod suaserit: scietque nos
libertatem, quam dedit, experiemur, si
Nec verendum est, ne incautos putet, si fidel
porum constanter utamur, quos meminit
principe aliter vixisse. Nuncupare vota et pr
tate imperii, et pro salute civium? immo i
principum, ac propter illos pro aeternitate il
lehamus. Haec pro imperio nostro, in quae
suscepta, operae pretium est annotare: **RES
PUBLICAM ET EX UTILITATE OMNIUM REVER**

vota, quae semper suscipiantur, semperque solvantur. Egit cum diis, ipso te auctore, Caesar, respublica, ut te sospitem incolumemque praestarent, si tu ceteros praestitisses: si contra, illi quoque a custodia tui capitis oculos dimoverent, teque relinquerent votis, quae non palam susciperentur. Alii se superstites reipublicae optabant, faciebantque: tibi salus tua invisa est, si non sit cum reipublicae salute coniuncta. Nihil pro te pateris optari, nisi expediat optantibus: omnibusque annis in consilium de te deos mittis; exigisque, ut sententiam suam mutent, si talis esse desieris, qualis electus es. Sed ingenti conscientia, Caesar, pacisceris cum diis, ut te, si mereberis, servant: quum scias, an merearis, neminem magis, quam deos scire. Nonne vobis, P. C., haec diebus ac noctibus agitare secum videtur? Ego quidem in me, si omnium utilitas ita posceret, etiam Praefecti manum arnavi: sed ne deorum quidem aut iram, aut negligentiam deprecor: quaeso immo et obtestor, ne unquam pro me vota respublica invita suscipiat; aut, si susceperit invita, ne debeat.

LXVIII. Capis ergo, Caesar, salutis tuae gloriosissimum fructum ex consensu deorum. Nam quum excipias, ut ITA DEVM TE DII SERVENT, SI BENE REMPUBLICAM ET EX UTILITATE OMNIUM REXERIS: certus es, te bene rempublicam gerere, quum servant. Itaque securus tibi et laetus dies exit, qui principes alios cura et metu distinebat: quum suspensi et attoniti, parumque confisi patientia nostra, hinc atque inde publicae servitutis nuntios expectarent. Ac si forte aliquos flumina, nives, venti praepedissent, statim hoc illud esse credebant, quod merebantur; nec erat discrimen ullum pavoris: propterea quod, quum a malo principe tanquam successor timentur, quum est dignior, quum sit nemo non dignior, timentur. Tuam securitatem non mora nuntiorum, non litera-

ipse iuraveris omnibus. Nemo hoc sibi non praestat. Amamus quidem te, in quantum mereris; istud tamen non tui facimus amore, sed nostri: nec unquam illucescat dies, quo pro te nuncupet vota non utilitas nostra, sed fides, Caesar. Turpis tutela principis, cui potest imputari. Queri libet, quod in secreta nostra non inquirant principes, nisi quos odimus. Nam si eadem cura bonis, quae malis esset, quam ubique admirationem tui, quod gaudium exultationemque deprehenderes! quos omnium cum coniugibus ac liberis, quos etiam cum domesticis aris, fociisque sermones! Scires mollissimis illis auribus parci. Et alioqui, quum sint odium amorque contraria, hoc perquam simile habent, quod ibi intemperantius amamus bonos principes, ubi liberius malos odimus.

LXIX. Cepisti tamen et affectus nostri et iudicii experimentum, quantum maximum praesens capere potuisti, illo die, quo sollicitudini pudorique candidatorum ita consulisti, ne ullius gaudium alterius tristitia turbaret. Alii cum laetitia, alii cum spe recesserunt: multis gratulandum, nemo consolandus fuit. Nec ideo segnius iuvenes nostros exhortatus es, senatum circumirent, senatui supplicarent, atque ita a principe sperarent honores, si a senatu petissent. Quo quidem in loco, si quibus opus exemplo, adiecisti, ut te imitarentur. Arduum, Caesar, exemplum, et quod imitari non magis quisque candidatorum, quam principum possit. Quis enim vel uno die reverentior senatus candidatus, quam tu, cum omni vita, tum illo ipso tempore, quo iudicas de candidatis? An aliud a te, quam senatus reverentia obtinuit, ut iuvenibus clarissimae gentis debitum generi honorem, sed antequam deberetur, offerres? Tandem ergo nobilitas non obscuratur, sed illustratur a principe: tandem illos ingentium virorum nepotes, illos posteros libertatis, nec terret Caesar, nec pavet: quia immo festinatis honoribus amplificat atque auget, et maioribus viis reddit.

Si quid uaguam stirpis antiquae, si quid residuae claritatis; hoc amplexatur, et refovet, et in usum reipublicae promit. Sunt in honore hominum, et in honore famae magna nomina ex tenebris oblivionis, indulgentia Caesaris, cuius est, ut nobiles et conservet, et efficiat.

LXX. Praefuerat provinciae quaestor unus ex candidatis, inque ea civitatis amplissimae redditus egregia constitutione fundaverat. Hoc senatui allegandum putasti. Cnr enim te principe, qui generis tui claritatem virtute superasti, deterior esset conditio eorum, qui posteros habere nobiles mererentur, quame eorum, qui parentes habuissent? O te dignum, qui de magistratibus nostris semper haec nunties, nec poenis malorum, sed bonorum praemiis bonos facias! Accensa est inventus, erexitque animos ad aemulandum, quod laudari videbat: nec fuit quisquam, quem non haec cogitatio subiret, quum sciret, quidquid a quoque in provinciis bene fieret, omnia te scire. Vtile est, Caesar, et salutare praesidibus provinciarum, hanc habere fiduciam: paratum esse sanctitati, industriae suae maximum praemium, iudicium principis, suffragium principis. Adhuc autem quamlibet sincera rectaque ingenia, etsi non detorquebat, hebetabat tamen misera, sed vera reputatio. Vides enim: si quid bene fecero, nesciet Caesar; aut si scierit, testimonium non reddet. Ita eadem illa seu negligentia, seu malignitas principum, quum male consultis impunitatem, recte factis nullum praemium polliceretur, nec illos a crimine, et hos deterrebat a laude. At nunc, si bene aliquis provinciam rexit, huic quaesita virtute dignitas offertur. Patet enim omnibus honoris et gloriae campus: ex hoc quisque, quod cupit, patat, et assecutus, sibi debeat. Provinciis quoque in posterum, et iniuriarum metum, et accusandi necessitatem remisisti. Nam si profuerint, quibus gratias egerint, de nullo queri cogentur. Et alioqui liquet, nihil magis prodes-

se candidato ad sequentes honores, quam peractos. Optime magistratus magistratu, honore honor petitur. Volo ego, qui provinciam rexerit, non tantum codicillos amicorum, nec urbana coniuratione eblanditis preces, sed decreta coloniarum, decreta civitatum alleget. Bene suffragiis consularium virorum urbes, populi, gentes inseruntur. Efficacissimum pro candidato genus est rogandi, gratias agere.

LXXI. Iam quo assensu senatus, quo gaudio exceptum est, quum candidatis, ut quemque nominaveras, osculo occurreres! devexus quidem in planum, et quasi unus ex gratulantibus. Te mirer magis, an improbem illos, qui effecerunt, ut istud magnum videretur? quum velut affixi curulibus suis manum tantum, et hanc cunctanter et pigre, et imputantibus similes, promerent. Contigit ergo oculis nostris insolita facies, principis aequati candidatis et simul stantis: contigit intueri parem accipientibus, honorem qui daret. Quod factum tuum a cuncto senatu quam vera acclamatione celebratum est, TANTO MAIOR, TANTO AVGVSTIOR! Nam cui nihil ad augendum fastigium superest, hic uno modo crescere potest, si se ipse submittat, securus magnitudinis suae. Neque enim ab ullo periculo fortuna principum longius abest, quam ab humilitatis. Mihi quidem non tam humanitas tua, quam intentio eius admirabilis videbatur. Quippe quum orationi oculos, vocem, manum commodares: ut si alii eadem ista mandasses, omnes comitatus numeros obibas. Atque etiam, quum suffragatorum nomina honore, quo solent, exciperentur: tu quoque inter excipientes eras, et ex ore principis ille senatorius assensus audiebatur: quodque apud principem perhibere testimonium, merentibus gaudebamus, perhibebatur a principe. Faciebas ergo, quum diceres, OPTIMOS: nec ipsorum modo vita a te, sed iudicium senatus comprobabatur, ornarique se non illos magis, quos laudabas, laetabatur.

LXXII. Nam quod precatus es, ut illa ipsa ordinatio comitiorum bene ac feliciter eveniret nobis, REI PVBLICAE, TIBI; nonne tale est, ut nos hunc ordinem votorum convertere debeamus? deos denique obsecrare, ut omnia, quae facis, quaeque facies prospere cedant TIBI, REI PVBLICAE, NOBIS? vel, si brevius sit optandum, ut VNI TIBI? in quo et res publica et nos sumus. Fuit tempus, ac nimium diu fuit, quo alia adversa, alia secunda, principi et nobis: nunc communia tibi nobiscum tam laeta, quam tristia: nec magis sine te nos esse felices, quam tu sine nobis potes. An, si posses, in fine votorum adiecisses, VT ITA PRECIUS TVIS DIX'ANNVERENT, SI IVDICIUM NOSTRVM MERERI PERSERVERASSES? Adco nihil tibi amore civium antiquius, ut ante a nobis, deinde a diis, atque ita ab illis amari velis, si a nobis ameris. Et sane priorum principum exitus docuit, ne a diis quidem amari, nisi quos homines ament. Arduum erat, has preces tuas audibus adaequare: adaequavimus tamen. Qui amoris ardor, qui stimuli, quae faces illas nobis acclamationes subiecerunt! Non nostri, Caesar, ingenii, sed tuae virtutis tuorumque meritorum voces fuerunt: quas nulla unquam adlatio invenit, nullus cuiusquam terror expressit. Quem sic timuimus, ut haec fingere-mus? quem sic amavimus, ut haec fateremur? Nosti necessitatem servitutis: quando simile aliquid audisti, et quando dixisti? Multa quidem excogitat metus, sed quae appareat quaesita ab invitis; aliud sollicitudinis, aliud securitatis ingenium est; alia tristium inventio, alia gaudientium; neutrum simulationes expresse-rint. Habent sua verba miseri, sua verba felices: utque maxime eadem ab utrisque dicantur, aliter dicuntur.

LXXIII. Testis ipse es, quae in omnium ore laetitia. Non amictus cuiquam, non habitus, quem modo extulerat. Inde resultantia vocibus tecta, nihilque tantis clamoribus satis clausum. Quis tunc non e vestigio suo exsultat? quis exsiluisse sensit? Multa

fecimus sponte, plura instinctu quodam et imperio. Nam gaudium quoque cogendi vis inest. Num ergo modum ei tua saltem modestia imposuit? Nam quanto magis a te reprimebatur, exarsimus, non contumacia, Caesar. Sed ut in tua potestate est, an gaudeamus; ita in quantum, nec in nostra. Comprobasti et ipse acclamationum nostrarum fidem lacrymarum tuarum veritate. Vidimus humescentes oculos tuos, demissumque gaudio vultum, tantumque sanguinis in ore, quantum in animo pudoris. Atque hoc magis incensui sumus, ut precaremur, ne quando tibi non eadem causa lacrymarum, utque nunquam frontem tuam abstergeres. Hoc ipsum templum, has sedes nobis quasi responsuras interrogamus, viderintne usquam principis lacrymas: at senatus saepe viderunt. Onerasti futuros principes: sed et posteros nostros. Nam et hi a principibus suis exigent, ut eadem audire mereantur: et illi, quod non audiant, indignabuntur.

LXXIV. Nihil magis possum proprie dicere, quam quod dictum est a cuncto senatu: O TE FELICEM! Quod quum diceremus, non opes tuas, sed animum mirabamur. Est enim demum vera felicitas, felicitatis dignum videri. Sed cum multa illo die dicta sunt sapienter et graviter, tum vel imprimis hoc, CREDE NOBIS, CREDE TIBI. Magna hoc fiducia nostri, maiore tamen tui diximus. Alius enim fortasse alium, ipsum se nemo deceperit. Introspectiat modo vitam, sequere, quid mereatur, interroget. Proinde dabat vocibus nostris fidem apud optimum principem, quod apud malos detrahebat. Quamvis enim faceremus, quae amantes solent: illi tamen, non amari se, credebant sibi. Super haec precati sumus, ut sic TE AMARENT DII, QVEMADMODVM TV NOS. Quis hoc aut de se, aut principi diceret mediocriter amanti? Pro nobis ipsis quidem haec fuit summa votorum: ut nos sic AMARENT DII, QVOMODO TV. Estne verum, quod inter ista clamavimus, O NOS FELICES! Quid enim felicius

nobis, quibus non iam illud optandum est, ut nos dil-
ligat princeps, sed dii, quemadmodum princeps? Ci-
vitas religionibus dedita, semperque deorum indulgentiam pietate merita, nihil felicitati suae putat adstrui posse, nisi ut dii Caesarem imitentur.

LXXV. Sed quid singula consector et colligo? quasi vero aut oratione complecti, aut memoria consequi possim, quae vos, P.C., ne qua interciperet oblivio, et in publica acta mittenda, et incidenda in aere censuistis. Ante, orationes principum tantum eiusmodi genere monumentorum mandari aeternitati solebant: acclamationes quidem nostrae parietibus curiae claudebantur. Erant enim, quibus nec senatus gloriari, nec princeps possent. Has vero et in vulgus exire, et posteris prodi, cum ex utilitate, tum ex dignitate publica fuit. Primum, ut orbis terrarum pietatis nostrae adhiberetur testis et conscius: deinde, ut manifestum esset, audere nos de bonis malisque principibus, non tantum post ipsos iudicare: postremo, ut experimento cognosceretur, et ante nos gratos, sed miseros fuisse; quibus esse nos gratos probare antea non licuit. At qua contentione, quo nisu, quibus clamoribus expostulatum est, ne affectus nostros, ne tua merita supprimeres! denique, ut in posterum exemplo provideres! Discant et principes acclamationes veras falsasque discernere, habeantque munus tui, quod iam decipi non poterunt. Non instruendum illis iter ad bonam famam, sed non deserendum: non submovenda adulatio, sed non reducenda est. Certum est, et quae facere, et quae debeant audire, si faciant. Quid nunc ego super ea, quae sum cum toto sensu praecatus, pro senatu procer, nisi ut haerens animo tuo gaudium, quod tunc oculis protulisti? ~~Ante illum diem,~~ et tamen vincas: nova merces, nova audas: eadem enim dici, nisi ob eadem facta, non possunt.

LXXVI. Iam quam antiquam, quam consulare, quod triduum totum senatus sub ~~vestigio~~ tui sedis.

quum interea nihil praeter consulem ageres! Interrogavit quisque, quod placuit. dissentire, discedere, et copiam iudicii sui reipublicae facere, tutum fuit: consulti omnes, atque etiam dinumerati sumus: vicitque sententia non prima, sed melior. At quis antea loqui, quis hiscere audebat, praeter miseros illos, qui primi interrogabantur? Ceteri quidem defixi et attoniti ipsam illam mutam ac sedentariam assentiendi necessitatem, quo cum dolore animi, quo cum totius corporis horrore perpetiebantur! Vnus aolusque censebat, quod sequerentur omnes, et omnes improberent, in primis ipse, qui censuerat. Adeo nulla magis omnibus displicent, quam quae sic fiunt, tanquam omnibus placeant. Fortasse Imperator in senatu ad reverentiam eius componebatur: ceterum egressus, statim se recipiebat in principem, omniaque consularia officia abigere, negligere, contemnere solebat. Ille vero ita consul, ut si tantum consul foret: nihil infra se putabat, nisi quod infra consulem esset. Ac primum, ita domo progrediebatur, ut illum nullus apparatus arrogantiae principalis, nullus praecursorum tumultus detineret. Vna erat in limine mora, consultare ayes, revererique numinum monitus. Nemo proturbabatur, nemo submovebatur: tanta viatoribus quies, tantus pudor fascibus, ut plerumque aliena turba subsistere et consulem et principem cogere. Ipsius quidem officium tam modicum, tam temperatum, ut antiquis aliquis magnusque consul sub bono principe incedere videretur. Iter illi saepius in forum, frequenter tamen et in campum.

LXXVII. Nam comitia consulum obibat ipse; tantum ex renuntiatione eorum voluptatis, quantum prius ex destinatione capiebat. Stabant candidati ante curulem principis, ut ipse ante consulis steterat: adigebanturque in verba, in quae paullo ante ipse iuraverat princeps; qui tantum putat esse in iure iurando, ut *Hud et ab aliis exigat.* Reliqua pars diei tribunali de-

batur: Ibi vero quanta religio aequitatis! quanta legum reverentia! Adibat aliquis ut principem: respondabat, se consulem esse. Nullius ab eo magistratus ius, nullius auctoritas imminuta est: aucta etiam. Siquidem pleraque ad praetores remittebat: atque ita, ut collegas vocaret. Non quia popolare gratumque audientibus, sed quia ita sentiebat. Tantum dignationis in ipso honore ponebat, ut non amplius esse censeret, quod aliquis collega appellaretur a principe, quam quod praetor esset. Ad haec tam assiduus in tribunali, ut labore refici ac reparari videretur. Quis nostrum idem curae, idem sudoris sumit? quis adeo expetitis honoribus aut deservit, aut sufficit? Et sane aequum est, tantum ceteris praestare consulibus ipsum, qui consules facit: quippe etiam Fortunae videbatur indignum, si posset honores dare, qui gerere non posset. Facturus consules doceat, accepturusque amplissimum honorem persuadeat, scire se, quid sit, quod daturus sit: sic fit, ut illi quoque sciant, quid acceperint.

LXXVIII. Quo iustius senatus, ut susciperes quantum consulatum, et rogavit, et iussit. Imperii hoc verbum, non adulationis esse, obsequio tuo crede: quod non alia in re magis aut senatus exigere a te, aut tu praestare senatui debes. Vt enim ceterorum hominum, ita principum, illorum etiam, qui dii sibi videntur, aevum omne et breve et fragile est. Itaque optimum quemque niti et contendere decet, ut post se quoque reipublicae prosit, moderationis scilicet iustitiaeque monumentis, quae plurima statuere consul potest. Haec nempe intentio tua, ut libertatem revoces ac reducas. Quem ergo honorem magis amare, quod nomen usurpare saepius debes, quam quod primum invenit recuperata libertas? Non est minus civile, et principem esse pariter, et consulem, quam tantum consulem. Habe etiam rationem verecundiae collegarum tuorum; collegarum inquam: ita enim et ipse

loqueris, et nos loqui vis. Onerosa erit morum tertii consulatus sui recordatio, donec lem videant. Neque enim potest non nimium vatis, quod principi satis est. Annuas, Caesaribus, quibusque apud deos adesse consuesti potens es ipse, votorum compotes facias.

LXXIX. Fortasse sufficiat tibi tertius ex sed nobis tanto minus sufficit. Ille nos insti duxit, ut te iterum iterumque consulem h piamus. Remissius iatud contenderemus, si a sciremus, qualis esses futurus. Tolerabilius perimentum tui nobis, quam usum negari. ne rursus videre consulem illum? Audiet quas proxime, voces? praestabitque gaudium ipse percipiet? Praesidebit laetitiae pul etor eius et caussa? tentabitque affectus nostro cohibere, nec poterit? Erit pietati senatus c stia principis felix speciosumque certamen, victa, seu vicerit? Equidem incognitam proximaque maiorem praesumo laetitiam. est tam imbecilli ingenio, qui non tanto melic sulem speret, quanto saepius fuerit? Alius non continuo se desidiae ac voluptati ded tamen et quiete recreasset: hic consularibus solutus, principales resumsit; tam diligens menti, ut nec consulis officium princeps, ne pis consul appeteret. Videmus, ut provinci sideriis, ut singularum etiam civitatum pre currat. Nulla in audiendo difficultas, nulla idendo mora: adeunt statim, dimittuntur stat demque principis fores exclusae legationum t obsidet.

LXXX. Quid? in omnibus cognitionib mitis severitas, quam non dissoluta clement locupletando fisco sedes, nec aliud tibi senten pretium, quam bene iudicasse. Stant ante tores, non de fortunis suis, sed de tua exis

soliciti; nec tam verentur, quid de causa sua, quam quid de moribus sentias. O vere principis, atque etiam consulis, reconciliare aemulas civitates, tumentesque populos non imperio magis, quam ratione compescere: intercedere iniquitatibus magistratuum, infectumque reddere, quidquid fieri non oportuerit: postremo, velocissimi sideris more, omnia invisere, omnia audire, et undecunque invocatum statim, velut numen, adesse et adsistere! Talia esse crediderim, quae ipse mundi parens temperat nutu, si quando oculos demisit in terras et facta mortalium inter divina opera numerare dignatus est: qua nunc parte curarum liber solutusque, caelo tantum vacat, postquam te dedit, qui erga omne hominum genus vice sua fungeris. Fungaris enim, sufficisque mandanti, quum tibi dies omnis summa cum utilitate nostra, cum tua laude, condatur.

LXXXI. Quod si quando cum influentibus negotiis paria fecisti, instar refectionis existimas mutationem laboris. Quae enim remissio tibi, nisi lustrare saltus, excutere cubilibus feras, superare immensa montium iuga, et horrentibus scopulis gradum inferre, nullius manu, nullius vestigio adiutum; atque inter haec pia mente adire lucos, et occurrare numinibus? Olim haec experientia inventutis, haec voluptas erat, his artibus futuri duces imbuebantur: certare cum fugacibus feris cursu, cum andacibus robore, cum calidis astu: nec mediocre pacis decus habebatur, submoti campis irruptio ferarum, et obsidione quadam liberatus agrestium labor. Vsurpabant gloriam istam illi quoque principes, qui obire non poterant: usurpabant autem, ut domitas fractasque claustris feras, ac deinde in ipsorum quidem ludibrium emissas, mentita sagacitate colligerent. Nunc per sapiendi quaerendique sudor, summusque et idem gratissimus labor, invenire. Enimvero, si quando placuit idem corporis robur in maria proferre, non illa fluitantia vela,

aut oculis sequitur, aut manibus: sed nunc gulis assidet, nunc cum valentissimo quoque accertat frangere fluctus, domitare ventos remansisque transire obstantia freta.

LXXXII. Quantum dissimilis illi, qui non ni lacus otium, Baianique torporem et silentium non pulsum saltem fragoremque remorum perperat, quin ad singulos ictus turpi formidine acceret. Itaque procul ab omni sono inconcussus et immotus, religato revinctoque navigio, non ac piaculum aliquod, trahebatur. Foeda facies P. R. Imperator alienum cursum, alienumque rem, velut capta nave, sequeretur. Nec defossa saltem flumina carebant atque amnes. Diac Rhenus tantum illud nostri dedecoris vehelebant, non minore cum pudore imperii, quo Romanae aquilae, Romana signa, Romana denique quod hostium prospectarent: hostium, moris est, eadem illa nunc rigentia gelu fluminis campis superflua, nunc liquida ac deferentia, in navigiis, uandoque superare. Nec vero laudem per se magnopere duritiem corporis ac lacerationem si his validior toto corpore animus imperitet non fortunae indulgentiae molliant, non copiam ciliales ad segnitiam luxumque detorqueant; tu seu montibus, seu mari exerceatur, et lactum opus, et crescentia laboribus membra miraborum. enim iam inde antiquitus maritos dearum, ac dilectos, nec dignitate nuptiarum magis quam habebus inclarnisse. Simul cogito, quum sint ista laborum avocamentum huius, quae quantaque sint illae et intentae, et a quibus se in tale otium recipit, potestates. Sunt enim voluptates, quibus optime de qua gravitate, sanctitate, temperantia creditur. quis adeo dissolutus, cuius non occupationibus species severitatis incidat? Otio prodimur. Alii plerique principes hoc idem tempus in aleam,

luxum conferebant? quum seriarum laxamenta curarum, vitiorum contentione supplerent.

LXXXIII. Habet hoc primum magna fortuna, quod nihil tectum, nihil occultum esse patitur: principum vero non modo domos, sed cubicula ipsa intimosque secessus recludit, omniaque arcana noscenda famae proponit atque explicat. Sed tibi, Caesar, nihil accommodatius fuerit ad gloriam, quam penitus inspicere. Sunt quidem praeclara, quae in publicum proferas; sed non minora ea, quae limine tenes. Est inangustum, quod te ab omni contagione vitiorum reprimis ac revocas, sed magnificentius, quod tuos. Quanto enim magis arduum est, alios praestare, quam se: tanto laudabilius, quod, quum ipse sis optimus, omnes circa te similes tui effecisti. Multis illustribus dedecori fuit, aut inconsultius uxor assumpta, aut retenta patientius: ita foris claros domestica destruebat infamia: et ne maximi cives haberentur, hoc efficiebat, quod mariti minores erant. Tibi uxor in decus et gloriam cedit. Quid enim illa sanctius? quid antiquius? Nonne, si Pontifici Maximo deligenda sit coniux, aut hanc, aut similem (ubi est autem similis?) elegerit? Quam illa nihil sibi ex fortuna tua, nisi gaudium vindicat! Quam constanter, non potentiam tuam, sed ipsum te reveretur! Idem estis invicem, quod fuistis: probatis ex aequo: nihilque vobis felicitas addidit, nisi quod scire coepistis, quam bene uterque vestrum felicitatem ferat. Eadem quam modica cultu! quam parca comitatu! quam civilis incassu! Mariti hoc opus, qui ita imbuunt, ita instituit: nam uxori sufficit obsequii gloria. An, quum videat, quam te nullus terror, nulla comitetur ambitio, non et ipsa cum silentio incedat? ingredientemque pedibus maritum, in quantum patitur sexus, imitetur? Decuerit hoc illam, etiam si diversa tu facias. Sub hac vero modestia viri, quantam debet verecundiam uxor marito! semina sibi!

LXXXIV. Soror autem tua, ut se sororem esse

meminit! ut in illa tua simplicitas? tua veritas, tuus candor agnoscitur! ut, si quis eam uxori tuae conferat, dubitare cogatur, utrum sit efficacius ad recte vivendum, bene institui, aut feliciter nasci. Nihil est tam primum ad similitudines, quam aemulatio, in feminis praesertim: ea porro maxime nascitur ex coniunctione, alitur aequalitate, exardescit invidia, cuius finis est odium. Quo quidem admirabilius existimandum est, quod mulieribus duabus in una domo, parique fortuna, nullum certamen, nulla contentio est. Suspiciunt invicem, invicem cedunt: quumque te utraque effusissime diligit, nihil sua putant interesse, utram tu magis ames. Idem utrique propositum, idem tenor vitae, nihilque, ex quo sentias duas esse. Te enim imitari, te subsequi student. Ideo utraque mores eosdem, quia utraque tuos, habet: inde moderatio, inde etiam perpetua securitas. Neque enim unquam periclitabuntur esse privatae, quae non desierint. Obtulit illis senatus cognomen Augustarum, quod certatim deprecatae sunt, quam diu appellationem patris patriae tu recusasses: seu quod plus esse in eo indicabant, si uxor et soror tua, quam si Augustae dicerentur. Sed quaecunque illis ratio tantam modestiam suasit; hoc magis dignae sunt, quae in animis nostris et sint et habeantur augustae, quia non vocantur. Quid enim laudabilius feminis, quam si verum honorem non in splendore titulorum, sed in iudiciis hominum reponant, magnisque nominibus pares se faciant, etiam dum recusant?

LXXXV. Iam etiam et in privatorum animis exoleverat primum mortalium bonum, amicitia, cuius in locum migraverant assentationes, blanditiae, et peior odio amoris simulatio. Etenim in principum domo nomen tantum amicitiae, inane scilicet irrisumque, manebat. Nam quae poterat esse inter eos amicitia, quorum sibi alii domini, alii servi videbantur? Tu hanc pulsam et errantem reduxisti: habes amicos, quia

amicus ipse es. Neque enim, ut alia subiectis, ita amor imperatur: neque est ullus affectus tam erectus, et liber, et dominationis impatiens, nec qui magis vices exigit. Potest fortasse princeps inique, potest tamen odio esse nonnullis, etiamsi ipse non oderit: amari, nisi ipse amet, non potest. Diligis ergo, quum diligaris, et in eo, quod utrinque honestissimum est, tota gloria tua est; qui superior factus, descendis in omnia familiaritatis officia, et in amicum ex imperatore submitte-
ris: immo tunc maxime imperator, quum amicum ex imperatore agis. Etenim quum plurimis amicitiiis fortuna principum indigeat, praecipuum est principis opus, amicos parare. Placeat tibi semper haec secta, et cum alias virtutes tuas, tum hanc constantissime, teneas: nec unquam persuadeatur, humile esse principi, nisi odisse. Iucundissimum est in rebus humanis amari, sed non minus amare: quorum utroque ita frueris, ut, quum ipse ardentissime diligas, adhuc tamen ardentius diligaris. Primum, quia facilius est, unum amare, quam multos: deinde, quia tibi amicos tuos obligandi adest facultas tanta, ut nemo possit te, nisi ingratus, non magis amare.

LXXXVI. Operae pretium est referre, quod tormentum tibi iniunxeris, ne quid amico negares. Dimisisti optimum virum, tibi carissimum, invitus et tristis, et quasi retinere non posses. Quantum amares eum, desiderio expertus es: distractus separatusque, dum cedis et vinceris. Ita, quod fando inauditum, quum princeps et principis amicus diversa velletis, id potius factum est, quod amicus volebat. O rem memoriae literisque mandandam! Praefectum praetorii non ex ingredientibus, sed ex subtrahentibus legere: eundemque otio, quod pertinaciter amet, reddere: quumque sis ipse distentus imperii curis, non quietis gloriam cuiquam invidere. Intelligimus, Caesar, quantum tibi pro laboriosa ista statione et exercita debeamus, quum otium a te, tanquam res optima,

C. PLINII SECVNDI

etatur, et detur. Quam ego audio confusionem
 am fuisse, quum digredientem prosequeris! Prose-
 ntus enim nec temperasti tibi, quo minus exenti
 a litore amplexus osculum maria, celeremque
 a amicitiae specula, precatusque maria, celeremque
 si tamen ipse voluisset) recursum, nec sustinuit rece-
 dentem non etiam atque etiam votis, lacrymis, sequi.
 Nam de liberalitate taceo. Quibus enim muneribus
 aequari haec cura principis, haec patientia potest, qua
 mernisti, ut ille sibi nimium fortis, ac prope durus vi-
 deretur? Nec dubito, quin agitaverit secum, an guber-
 nacula retorqueret: et fecisset, nisi quod paene ipso
 contubernio principis felicius iucundiusque est, desi-
 derare principem desiderantem. Et ille quidem, ut
 maximo fructu suscepti, ita maiore depositi officii glo-
 ria fruatur: tu autem facilitate ista consequutus es, ne
 quem retinere videaris invitum.

LXXXVII. Civile hoc erat, et parenti publico con-
 venientissimum, nihil cogere, semperque meminisse,
 nullam tantam potestatem cuiquam dari posse, ut non
 sit gratior potestate libertas. Dignus es, Caesar, qui
 officia mandes deponere optantibus; qui petentibus
 vacationem invitus quidem, sed tamen tribuas; qui
 amicis orantibus requiem non te relinqui putes; qui
 semper invenias, et quos ex otio revoces, et quos o-
 reddas. Vos quoque, quos parens noster familiari
 inspicere dignatur, fovete sancte iudicium eius, qui
 de vobis habet: hic vester labor est. Princeps ei
 quum in uno probavit amare se scire, vacat culp-
 alios minus amat. Ipsum quidem quis mediocriter
 ligat, quum leges amandi non det, sed accipiat
 praesens, ille mavult absens praesentia, nemo
 ut mavult; nemo in taedium praesentia, nemo
 vionem absentia veniat. Tenet quisque locum
 semel mernit: faciliusque est, ut oculis eir-
 absentis, quam ut animo caritas excidat.

LXXXVIII. Plerique principes, quam

vium domini, libertorum erant servi: horum consiliis, horum nutu regebantur: per hos audiebant, per hos loquebantur: per hos praeturae etiam, et sacerdotia et consulatus, immo et ab his petebantur. Tu libertis tuis summum quidem honorem, sed tamquam libertis habes; abundeque sufficere his credis, si prohi et frugi existimentur. Scis enim, praecipuum esse indicium non magni principis magnos libertos. Ac primum neminem in usu habes, nisi aut tibi, aut patri tuo, aut optime cuique dilectum; statimque hos ipsos quotidie deinde ita formas, ut se non tua fortuna, sed sua metiantur: et tanto magis digni, quibus honor omnis praestetur a nobis, quia non est necesse. Iustissime de caussis S. P. Q. R. OPTIMI tibi cognomen adiecit? Paratum id quidem, et in medio positum, novum tamen. Scias neminem ante meruisse, quod non erat excogitandum, si quis meruisset. An satius fuit, FELICEM vocare? quod non moribus, sed fortunae datum est: satius, MAGNUM? cui plus invidiae, quam pulchritudinis inest. Adoptavit te optimus princeps in suum, senatus in OPTIMI nomen. Hoc tibi tam proprium, quam paternum; nec magis definite distincteque designat, qui TRAIANVM, quam qui OPTIMVM appellat: ut olim frugalitate Pisones, sapientia Laelii, pietate Metelli monstrabantur. Quae simul omnia uno isto nomine continentur. Nec videri potest optimus, nisi qui est omnibus [optimis] in sua cuiusque laude praestantior. Merito tibi ergo post ceteras appellationes haec est addita, ut maior. Minus est enim Imperatorem, et Caesarem, et Augustum, quam omnibus Imperatoribus, et Caesaribus, et Augustis esse meliorem. Ideoque ille parens hominum deorumque OPTIMI prius, deinde MAXIMI nomine colitur. Quo praeclarior laus tua, quem non minus constat optimum esse, quam maximum. Adsequutus es nomen, quod ad alium transire non possit, nisi ut appareat in bono principe alienum, in malo falsum: quod licet omnes

que in-
n boni contulit
triumphalia, caelum alter
en vestra laus, quod ista per filium, 2
ruissetis.
Scio, P. C., cum ceteros cives; tum prae-
nsules, oportere sic affici, ut se publice ma-
am privatim obligatos putent. Ut enim ma-
cipes rectius pulchriusque est ex communibus
odisse, quam propriis: ita boni speciosius
ar ob ea, quae generi humano, quam quae
sibus praestant. Quia tamen in consuetudinem
ut consules, publica gratiarum actione per-
suo quoque nomine, me non pro me magis
profiteantur: concedite, quam pro collega meo, Cornuto Ter-
pere isto, quam pro collega meo, Cornuto Ter-
C. V., fungi. Cur enim non pro illo quoque
quo non minus debeo? praesertim
perator in concordia ve-

stra ea praestiterit ambobus, quae si tantum in alterum contulisset, ambos tamen aequaliter obligasset. Utrumque nostrum ille optimi cuiusque spoliator et carnifex stragibus amicorum, et in proximum iacto fulmine afflaverat. Iisdem enim amicis gloriabamur, eosdem amissos lugebamus: ac sicut nunc spes gaudiumque, ita tunc communis nobis dolor et metus erat. Habuerat hunc honorem periculis nostris divus Nerva, ut nos, etsi minus notos, ut bonos tamen, promovere vellet: quia mutati seculi signum et hoc esset, quod florerent, quorum praecipuum votum ante fuerat, ut memoriae principis elaberentur.

XCI. Nondum biennium compleveramus in officio laboriosissimo et maximo, quum tu nobis, optime principum, fortissime Imperatorum, consulatum obtulisti, ut ad summum honorem gloria celeritatis accederet. Tantum inter te et illos principes interest, qui beneficiis suis commendationem ex difficultate captabant, gratioresque accipientibus honores arbitrabantur, si prius illos desperatio, et taedium, et similis repulsae mora, in notam quandam pudoremque vertissent. Obstat verecundia, quo minus perceseamus, quo utrumque nostrum testimonio ornaris: ut amore recti, amore reipublicae, priscis illis consulibus acquaveris. Merito nec ne, neutram in partem decernere audeamus; quia nec fas est, affirmationi tuae derogare, et onerosum confiteri, vera esse, quae de nobis, praesertim tam magnifica, dixisti. Tu tamen dignus es, qui eos consules facias, de quibus possis ista praedicare. Tribuas veniam, quod inter haec beneficia tua gratissimum est nobis, quod nos rursus collegas esse voluisti. Ita caritas mutua, ita congruens tenor vitae, ita una eademque ratio propositi postulabat: cuius ea vis, ut morum similitudo concordiae nostrae gloriam minuat, ac perinde sit mirum, si alter nostrum a collega, ac si a seipso dissentiat. Non ergo temporarium et subd-

tum est, quod uterque collegae consulatu, tamquam iterum suo gaudet; nisi quod tamen, qui rursus consules fiunt, bis quidem, sed temporibus diversis obligantur: nos duos consulatus accipimus simul, simul gerimus, alterque in altero consules, sed iterum et pariter sumus.

XCII. Illud vero quam insigne, quod nobis praefectis aerario consulatum ante, quam successorem dedisti! Aucta est dignitas dignitate: neque continuatus tantum, sed geminatus est honor, finemque potestatis alterius, tamquam parum esset excipere, praevenit. Tanta tibi integritatis nostrae fiducia fuit, ut non dubitares, te salva diligentiae tuae ratione esse facturum, si nos post maximum officium privatos esse non sineres. Quid, quod eundem in annum consulatum nostrum contulisti? Ergo non alia nos pagina, quam quae te consulem accipiet, et nostra quoque nomina addentur fastis, quibus ipse praescriberis. Tu comitiis nostris praesidere, tu nobis sanctissimum illud carmen praefere dignatus es, tuo iudicio consules facti, tua voce renuntiati sumus: ut idem honoribus nostris suffragator in curia, in campo declarator existeres. Nam quod eum potissimum mensem attribuisti, quem tuus natalis exornat, quam pulchrum nobis! quibus edicto, quibus spectaculo celebrare continget diem illum, triplici gaudio laetum: qui principem abstulit pessimum, dedit optimum, meliorem optimo genuit. Nos sub oculis tuis augustior solito curru accipiet: nos inter secunda omnia, et vota certantia, quae praesenti tibi conferentur, vehemur alacres, et incerti, ex utra parte maior auribus nostris accidat clamor.

XCIII. Super omnia tamen praedicandum videtur, quod pateris consules esse, quos fecisti: quippe nullum periculum, nullus ex principe metus consulares animos debilitat et frangit: nihil inuitis audiendum, nihil coactis decernendum erit. Manet man-

honoris veneratio sua, nec securitatem auctoritatem. Ac si quid forte ex consulatus fastigio diminutum, nostra haec erit culpa, non seculi. nim, quantum ad principem, licet tales consules quales ante principes erant. Vllamue tibi prociis referre gratiam parem possumus? nisi tantam, ut semper nos meminerimus consules fuisse consules tuos; ea sentiamus, ea censeamus, consularibus digna sunt; ita versemur in reputamus esse rempublicam. Non consilium, non operam subtrahamus, nec disiunctos nos si dimissos consulatu, sed quasi adstrictos et deis putemus; eandemque locum laboris et curae, reverentiae dignitatisque, teneamus.

XIV. In fine orationis praesides custodesque impleos, ego consul pro rebus humanis, ac te praecapitoline Iupiter, precor, ut beneficiis tuis tantisque muneribus addas perpetuitatem. Auctuas malo principi precabamur; exaudi, quae lassimillimo optamus. Non te distringimus. Non enim pacem, non concordiam, non seitem, non opes oramus, non honores: simplexque ista complexum unum omnium votum est, PRINCIPIS. Nec vero nova tibi iniungimus. Tu iam tunc illum in tutelam recepisti, quum praevaidissimi faucibus eripuisti. Neque enim sine tuo, quum altissima quaeque quaterentur, hic, anibus excelsior, inconcussus stetit. Praeteritus essimo principe, qui praeteriri ab optimo non. Tu clara iudicii tui signa misisti, quum prouti ad exercitum tuo nomine, tuo honore cessi- u voce Imperatoris quid sentiret locutus, filium bis parentem, tibi Pontificem Maximum elegio maiore fiducia iisdem illis votis, quae ipse procupari iubet, oro et obtestor, si bene rempubli- i ex utilitate omnium regit, primum, ut illum bus nostris ac pronepotibus serves; deinde, ut

v. PAN. Bb

quandoque successorem ei tribuas, quem formaverit, similemque feceris si hoc fato negatur, in consilio sis et que aliquem, quem adoptari in Capi

XCV. Vobis, Patres Conscripti, publicis etiam monumentis continetur tribunatu quietis, in praetura modestis officiis etiam, quae et studiis nostris cunctis iniunxeratis, cuncti constantiae et testimonium perhibuistis. Vos proximi consulatus mei his acclamationibus intelligam, etiam atque etiam enim hunc consensum vestrum complecti in dies angeam. Etenim memini, tunc cari, meruerit quis honorem, nec non est. Vos modo favete huic proposito, suum quodam proventus ab illo insidioso antequam profiteretur odium bonorum fessus est, substiti; quum viderem, compendia paterent, longius iter maioribus inter moestos et paventes, bene gaudentesque numeror; si denique optimum principem, in quantum fui. Ego reverentiae vestrae sic non ut me consulem, et mox consul didatum consulatus putem.









